

W. L. L. L.

VANINI NEAPOLITANI

Theologi, Philosophi, & Ju-
ris vtriusque Doctoris

D E

*Admirandis Naturæ Reginae Deaeque
Mortalium Arcanis.*

LIBRI QVATVO



LVTETIÆ.

Apud ADRIANVM PERIER, viâ Jacoba.

M. D C. X V I

CVM PRIVILEGE



ILLVSTRISSIMO

VIRO, D. DOMINO
BASSOMPETRÆO, LIBERO
Sacri Romani Imperij Baroni,
Christianissimi Regis Consi-
storij Consiliario, & vniuersæ
Germanicæ eius militiæ Ma-
gistro.

PLANTAE in saxoso & ie-
iuno solo consitæ, si radices
vndiq; diffundere nequeunt,
sed obice impeditæ retorquentur, at-
que incurvescunt, repulsaque resi-
liunt, ilicò gracilescent, exangues
flosculos, pallidulas frondes, insua-
ues, eosque perpaucos, ac perpusillos
ā ij

fructus proferunt. Eadem (VIR IL-
LUSTRISSIME) agro aperto, ac
irriguo commissa, proceriores excres-
cunt, longè, latèq; ramos propagant,
& rutilanti diversicolorum florum
ambitu viridique foliorum orbicula-
ta congerie, spectantium oculos oble-
tant, aures odore demulcent, ambro-
sioque fructuum succo palatum titil-
lant, spiritusque reficiunt: ita ingenij
mei arbutula in angusta, & siticulosa
quorundā Præceptorū tellure enutri-
ta elanguit, squalida, adspectu tristi,
atque inameno, infrugifera olim exti-
tit. Modò protuberante, turgenteq;
semine, veterum Philosophorum me-
tas transiliens, & recentiorum obsta-
cula superans, tanquam in amplissi-
mo, mollissimoque terræ gremio con-
stituta, herbescentem quotidie elicit
viriditatem, & in progignendis stir-
pibus, propagandisq; plantarijs lasci-

uiens, ameniori vultu, magisque ad-
blandiente forma variegata, ac ver-
sicolor frondium, florumque politie
& elegantia speciosius, nitidiusque
adolefcit: & iam in fructus extu-
mescebat, sed immaturos auida scho-
larium manus (me in scio) intempe-
stiuè decerpserunt: quare ne elan-
guefcant, aut computrescant, atque
ita ab insita vi ac generositate descii-
scant, Excellentia tuæ tanquam Solis
radijs expono, ut ab eius almo ca-
lore maturitatem iuxta & dulcedi-
nem nanciscantur. Enimvero cùm
admirabiles corporis, animique do-
tes, quibus à Deo affatim excultus
es, accumulatè exornatus, ac magni-
ficè insignitus, altiori repeto cogita-
tione, in terris cui te comparem, ne-
minem adinuenio: sed fulgidissimum
duntaxat Cæli speculum tuarum vir-
tutum simulachrum agnosco. Histo-

vicorum monumenta dum perlego, in
Illustrissima tui generis Proſapia,
peruicta Heroum altrice, tan-
quam in Cæleſti corpore innumera
maiorum tuorum omnibus Regiis do-
ribus micantia ſydera inſpicio, nec ſolâ
Galliam, ſed Uniuerſum orbem ſpecta-
torem, atque veneratorem habent.
At inter illa Sydereæ lumina Ex-
cellentia Veſtra veluti Sol refulget,
nec ullis temporis, fortunaque ſor-
dibus obſoleſcit. Tam elegantem for-
moſi corporis ſpeciem quid memo-
rem? Quando non modo mille He-
lenis venuſtiores Heroïnas ad ſui
amorem pertrahit, ſed Atheorum
contumaciam perstringit, petulan-
tiam comprimit, nefariosque conatus
reprimit: nam ſpecioſiſſimæ faciei tuæ
ſplendorem, maiestatemque intuentes,
diuinitatis veſtigium homini ineſſe
fateri non exhorreſcunt. Fortunati

nimis sæculi nostri Pictores, qui pulchritudinis ideam omnibus numeris absolutam posteris relinquere exoptantes, non (ut veteres) è mille formosis eximias, decorasque portiunculas effingere coguntur, sed solam tui corporis umbram (si fas est mortali diuina metiri) delineare satis, superque erit. Alexandri Macedonum Regis carnes à genuino caloris natiui effluuio, eo erant odore perfusæ, ut adstantes quodammodo recrearent: At tua species imperio dignissima, non modò proximos consolatur, sed absentes etiam in admirationem, & beneuolentiam rapit. Ego sane qui tot oberrans regiones, infinitas propemodum pulchritudinis viuas depictasque imagines conspexi, cum in quibusdam Pictorum adibus tuam aspexi effigiem (meam fatebor infidelitatem) Pictoris, dixi, hoc opus

est, non Naturæ. Quum verò Illustrissimus Arturus Espinaeus Sanlucius Rhedonum Abbas, omnilaude sublimior, ac Dominus meus multis nominibus colendissimus, in Excellentia tuæ præsentiam me introduxit, tam spectabili opificio obstupefactus, hausto tacito quodam divinitatis afflatu, immutatus videbar ita, ut alia ex causa mendacij pictiores redarguerim, ut pote quia nec minimas tuæ pulcritudinis partes adumbrarunt. Nobilissimum hoc formosissimumque corporis templum, diuturnum Animæ Numen inhabitat, omnibus virtutibus, genere præstantissimis, specie pulcherrimis, magnitudine præclarissimis, excellentia ipsa admirandis circumseptum, & communitum. Si Platonis essem alumnus tanquam mundi Animam te colerem, atque deoscularer: Quia tamen Ari-

stotelis sum soboles, *Microcosmum* te
nuncupabo: omnes etenim in omni-
bus omnium Nationum, omniumque
seculorum Principibus consperse do-
tes, in te uno accumulatae resident.
De Pietate, & Religione quid di-
cam? Sæpenumero aduersus hæreticos
te differentem excipiens, suspicabar
an ab ipso Deo consultò donatum
fuerit cognomentum, Bassompè-
træus, Petri S. Ecclesiæ basis. De
ingenij acumine quid eloquar? ea
polles in dicendo facundia, ut ipsas
æquoreas Deas ad tui amorem pelli-
cere valeas: in Mathematicis scien-
tiis tantos fecisti progressus, ut Præ-
ceptores tui inter primarios princi-
pem locum obtinentes, liberè fateren-
tur, quotidianis tuis inuentis, & iu-
dicijs permagnam illorum studiis fa-
ctam esse accessionem. Bellipotentem
agnouit te inuictissimum *Martis*

fulmen Henricus Magnus, qui Pedemontani Equitatus Tribunum te adhuc adolescentulum delegit, & Sere-
nissima Regina aeterni nominis Ma-
ria Medicæa ad regni gubernacula
sedente sapientissima moderatrice, in
omnes Gallicorum exercituum Ger-
manos milites Præfecturam admira-
bili cum laude es consecutus: in his
verò postremis bellicis tumultibus
strenuè, & fideliter pro gloriosissimo
Rege Ludouico XIII. ita te gessisti, ut
omnium Procerum iudicio ad sum-
mos honores prouehendus meritò
censearis. Piaculum existimarem tuam
subticere munificentiam, quam ipse-
met Henricus Rex munificentissimus
cognoscens, publicè acclamauit, Bas-
sompetræus in largiendo Regias
vices gerit, imò longis superat pa-
rasangiis. Quot Philosophi, quot
Aulici paupertatis tenebris antea nu-

bili, nunc beneficentiae tuae radiis illustrati, coruscant, atque splendent: Non mirum igitur si aureo Soli omnes te comparent, ego praeferam: Auriferos ille radios semper ubique vibrans, me nunquam auro locupletavit: at si Excellentiae tuae semel benignis me aspiciet oculis, statim aurescam. Quod superest (Heros inuictissime) humillimè deprecor, ut si quando Reipublicae regendae occupationibus per aliquot horas defungi Excellentiam tuam contigerit, atque aliquid ei laxamenti imperare visum sit, his meis philosophicis colloquijs, quae tui Nominis aeternitati consecraui, animum grauioribus rebus defessum recrees, atque reficias.

Excellentiae vestrae
obsequentissimus

IUL. CAES. VANINVS



AD EVNDEM ILLVSTRISSIMVM
Dominum, necnon ad Operis authorem
eminentissimum ac toto orbe clarissimum.

CARMEN CONGRATVLATORIVM

H Aud puduit Docti diuino carmine magnum
Virgilij Augustum celebrari, grataque quondam
Mecenas habuit moderata poemata Flacci.
Tu genus heroum forti de stripe potentum
Quis didit illustres ortus Lotaringia clare
Bassompetre satui, quem tam prestantia forme
Quam gratie decorant gallegue facundia lingue,
Munificus Iouis instar ades cum munere cunctos
Palladios Generose viros humaniter equas,
Sic bonos Armorum, Nam gens exercita bello
Helueta prefectum copijs quas Gallia nutrit
Agnoscit probatque Duccem gaudetque valere,
Interea iam sume lubens Et fronte serena
Suscipias librum, tibi quem nunc Iullus offert
Vaninus vir Mente potens Sophiaque Magister
Maximus, Italica decus Et noua gloria gentis.
Quam longè lateque sue prorumpit acumen
Mentis Et ingenium? preclara arcana neboti
Ne lateant seros ventura in secul'a rerum
Omnia victuris mandat miracula chartis:
Hic ctenim mundi que sit natura requirens,
Illius in gremio quæcunque fuere sepulta
Atque Heracliti nigrolatuere sub antra
Parturit in mediam lucem. Sed qualis in astris
Ipse laboranti defecta luce sorori
Succurrit Titan, Et stellas lumine pascit
Largus opes proprias diffundens solus in omnes,
Sic hoc scriptorum veterum monumenta volumen
Illustrat splendore suo noctemque recentum

*Avte noua, pulsa penitus caligine nudat,
Magnus Aristotelis, doctas: veterumque sophorum
Iulius interpres, nebula tenebrisque remotis,
Illorum splendore facit decreta, librosque
Explicat, atque suo data gloria tota labori.
In re igitur vixit a omni quoque parentis: ero
Bassompetre iuvenum nomenque deusque manebis
Inscriptum libris Vanini, quos neque tempus
Auferet, ac omnis populi memoraberis ore*

*Gregorius Certain Parisiensis
Doctor Medicus.*

**AD CLARISSIMUM ET
Doctissimum Virum D. Iulium Caesarem
Vaninum Theologiae Iurisprudentiae
& Philosophiae Doctorem
Celeberrimum.**

EPIGRAMMATA.

ΟΥκέτ' Αεισοτίη μίγαν, ἔδ' Πλατῶνα γεραίον
Ελλας; ἀρ' αἶψον ἔχει τ' σοφὸν Ἰταλίαν.
Ἡγίδε γὰρ φύσεως θησαυρὸν κλειτὸς ὀπάζει
Καῖσαρ Οὐρανίης; παῖτα κομίζεμενος
Αἶψα, κινήσεις, χυμώσεις, καὶ μύεα τάλλα
Τῶν ὀντων, Κοσμός τ' ἀγλαόμορφος ἔχει.
Τένεκ' αὖ ἔστ' ἡ κλέη γε τέσου θησαυροῦ ὀγασί,
Ὡς ἐνδύνει μάθη πᾶς φύσιν ἀρχέγονον.

**Pontius Priuatus Tharasconensis
Medicinae Doctor.**

rem fecimus , vt quod maxime quærebamus
ad exhibendum in nos ille agere posset. Spes e-
nim indubia erat artem non improbandam,
qua vti sumus, visum iri, & autorem ipsum co-
gi debere, vt quæ reuocare non poterat, com-
probaret. Comprobauit itaque nostram
in bene agendo præposteram fiduciam , &
lumen sibi inscio datum admisit , atque lu-
bens Soli maximo dedicauit. Tuum est , bene-
uole Lector, laudare admirandam sapientissimi
Philosophi in componendo hoc opere scien-
tiam, & nostram in publicando solertiam. Va-
le & donis à me tanquam à Prometheo furti-
uis, bonisque vtere cœlestibus.



TYPOGRAPHVS

Lectori.



Vlla re magis itur consultum generi humano, quam cognitione rerū, quas Deus fecit occultas, vt tantanquam lapilli in obscuro, secretius emicare possent. Pauci vero sunt quos ardentis virtutis afflatus in hoc studium excitauit: & sentimus vix fieri, vt singulæ ætates singulos ferant. Vnicus ætate nostra verus Philosophorum Princeps, & Aristotelis rediuuius ab omnibus doctis noscitur. I. C. Vaninus, qui omnes scientiarum Deos intulit Latio, & æternitati iam antelitaui. Vnde nos publicæ utilitatis solliciti, alia eius monumenta, quæ aurius retinebat, per idoneos exscriptores nancisci curauimus. Itaque eius Dialogi LX. totius Philosophiæ arcana continentes ad manus nostras peruenere, quos duobus integerrimis, doctissimisque Viris tradidimus, vt ad maiorem tuam (candide Lector) facilitatem quatuor in libros diuiderent, & cuique libro apponerent titulum: quod libenter illi præstauerunt, & libentius nos in lucem damus, sine expresso illius consensu, non tamen sine cōcessu. Nam cum hic labor noster ad finem accederet, illum furti istius nec manifesti certig-

Extraict du Priuilege du Roy.

LE Roy a permis & permet à Adrian Perier Marchād Libraire à Paris, d'imprimer ou faire imprimer vn liure intitulé, *Iulij Caesaris Vani- ninj Neapolitani, Theologi, Philosophi & Iuris viri usq; Doctoris. De admirādi natura Regina, Deaq; Mortaliū Arcanis*: Auec deffenses à toutes persōnes de quelque qualité & condition qu'ils soient, de n'imprimer ny faire imprimer, vendre ne debiter ledict liure durant le temps & terme de fix ans, sans le consentement dudit Perier, a compter du iour que le liure aura esté acheué d'imprimer, sur peine de confiscation desdits liures, & de tous despens dommages & inter-ests. Et voulons qu'a chacun desdits liures estant mis vn Extraict de nosdictes Lettres, elles soient tenues pour suffisamment signi- fices, comme plus amplement est declaré esdi- tes Lettres de priuilege: Acheué d'Imprimer le premier iour de Septembre, Mil six cens seize. Et de nostre règne le septiesme.

Par le Roy en son Conseil,

Signé, DE VERNAISON,



IVLII

CÆSARIS

VANINI DOCTORIS

ACVTISSIMI

Liber Primus

De Cælo Et Aere.

DIALOGVS I.

INTERLOCVTORES.

ALEXANDER. IVLIVS CÆSAR.

ALEX.



Aluus sis Iuli Cæsar. I. C. Tu quoque
salue, quid istuc mi Alexander dile-
ctissime? Quid quæso rei huc te tam
matutinum egit? an est aliquid, in
quo mea opera opus sit tibi? ALEX. Maxime.
I. C. Age, fare, siquid habes, ad omnia tibi
præsto sum. ALEX. Non dubito id quidem. I. C.
Imo dic vno verbo, dic quid est quod me velis.
ALEX. Ita faciam, quando quidem ita me bene-
uolè ad id inuitas. Hoc igitur ipsum est, quod

A

etiamſi multos annos in Sorbonicis Scholis
ſim philoſophatus, ita tamen arduis & abſtruſis
quibuſdam difficultatibus, tanquam Chryſi-
peis retijs irretitus detineor, vt ſi me ab ijs ex-
plicueris, non reuſo quin Philoſophorum
Deus in poſterum vociteris. I. C. Arduum eſt
quod petis, & per exiguis ingenioli mei viribus
ſanè impar. ALEX. Hem quid audio? etiam Phi-
loſophi hyppocriticis maculis animi cādorem
conſcedare audent? I. C. Abſit vt à ſapientiſſi-
mo, optimoque Poſteritatis Senatu tanti crimi-
nis reus Iulius Cæſar expoſtuletur: nec enim
futuræ laudis voces auidis captat auribus, nec
auræ popularis fauori temerario inhiat, ſibi que
ipſe conſcius eſt, ea quæ ſcimus eſſe minimam
partem eorum quæ ignoramus. ALEX. Eia, Vir
abſque controuerſia de quacumque ſcientia
optimè merite, ſolitudinis moleſtiam iucundiſ-
ſimis litterarijs colloquijs deleamus I. C. Excus-
ſatum me habeas quæſo. ALEX. Cur ita? I. C.
Quia non in promptu mihi eſt, qualem tu deſi-
deras, rotūda, neruoſa, & circunſpecta ſatis ora-
tio. ALEX. Imo tibi eſt omnium aſſenſione le-
pidiſſima & elegantiſſima. I. C. Si me non irri-
des, habeo gratias. ALEX. Nec te irrideo, abſit,
nec te mihi agere gratias æquum eſt, ſed nun-
quam mihi gratius feceris, quàm vt hic diſpu-
tationi dictus ſit dies. I. C. Id quidem tua cauſa
maxime lubens facerem, ſed inuitus ne faciām
iſtud me mouet exemplum. ALEX. Quate illud
eſt? I. C. ſit læſio repentina illata luce ijs, qui diū
in tenebris commorati ſunt. ALEX. Cur id acci-

dit? I. C. quia inassuetis nouæ sunt species, omne autem nouū valde immutat sensum. ALEX. Scitè quidem, sed quid istud ad tuam excusationem? I. C. Plurimum ni fallor, meliorem enim ætatem in peregrinationibus, & in aulis Principum cum temerè, frustra & misere prodegerim, parum idoneum me agnosco huiusmodi perplexissimis philosophicis disputationibus explicādis: at quæ maximè præclara sunt, diligentissima indigent enucleatione. ALEX. Id quidem verum est, sed tibi lectissimæ non desunt obseruationes infinitæ penè lectionis quas adhuc adolescentulus selegisti, adest ingenij vigor insignis, acerrimumq; iudicium, quod sapientiæ animam vocare soleo. I. C. Non hos amabo indebitæ mihi laudis stimulos addas, ad acuendum animum nostrum longo marcidum otio. ALEX. Illi igitur nihil prætermittendum est quod ad pleniorē sese offerat contemplationem. I. C. Non aspernabor tam bellam addiscendi occasionem. Tua igitur frater humanitate, acuratissima succulentissimaque oratione tuæ studiosæ voluntati morem gerere enitar, dummodo, si quid errauero, foras te non elaturum, per sacros Aristotelis manes iureiurando mihi pollicearis. ALEX. Itane Seculi nostri Iuuentuti inuides, vt ne guttam quidem ex tuis opulētissimis secretioris philosophiæ fontibus degustandam concedas? I. C. Non es nescius me in disputando à popularibus opinionibus abhorrere, itaque quæ à me dicentur, quò à vulgo erunt remotiora, eò propinquiora

calumniæ. ALEX. Obtrectatorum fastidia tuis virtutibus multò minora esse iam eruditi viri intelligunt: quid quæris, quid exoptas amplius? Plus es apud Sapientum iudicia consecutus laudis, quàm vt ne tantillum quidem bonæ famæ per Aristarchorum detractionem, & semidoctorum Censorum maleuolam inuidentiam amittere tibi sit periculum: habes quod perpau- cis bonis viris contigit, clarum nomen apud Galliæ Proceres: passus es, quod sæpe sapientis- simi viri, obtrectationem: à te id remotum est quod ignauissimi complures obtinuerunt, argen- ti nēpe copia, verum Philosophantium animo- rum præcipitium. I. C. Noli (te deprecor) va- næ gloriolæ fucō deceptum in ea me loca indu- cere, vnde pedem referre non liceat: Sapientiæ quidem studium me impellit, at rei magnitudo me reuocat. ALEX. Est aliquid amicorum & phi- losophiæ gratia audendum. I. C. Si te mihi igitur Ducem præbueris, Sacrosancta Sophiæ pene- tralia adire non amplius tergiuer fabor. ALEX. Ego quidem præibo libens abditissimas propo- nendo quæstiones & difficultates, Tu respon- dendo me sequere. I. C. Lubenter quoad pote- ro faciam. ALEX. Sic opto: I. C. Rem igitur ip- sam auspicare. ALEX. Non excidit tibi memoria mellitus ille Vatis Itali versiculus.

Non si comincia ben, senon dal Cielo.

A Cælo igitur occipiamus. I. C. Perplacet me- herculè, sic enim & ipsi Cælicolæ nostris aspira- bunt captis.

DIALOGVS; II.

De Cæli Materia.

ALEXANDER. IVLIIVS CÆSAR.

ALEX.

Vando quidem Lycei Doctor celeberrimus Stagyrta, tria dixit esse omnia, Deū scilicet, Hyle, & Cælum, inuestigemus quæso, quamnam Deus ipse Materiam Cælo attribuerit, imò prius disquiramus, sit ne omnino in Cælo materia? I. C. Auerrois quidem Sectatores pro Cæli sempiternitate dimicantes, materiam è Cælo amouerūt. ALEX. Bone Deus, quamnam illos ad hanc opinionem adduxit ratio? I. C. Audies. Materia (inquit Auerroes) est subiectum contrariorum, igitur & corruptionis: at in cælo corruptio nulla, nec materia igitur.

ALEX. Perdoctè ædepol. I. C. Mihi vero maior argumenti propositio non probatur. Materia enim non est subiectum omnium contrariorum necessario, sed contrarietatis tantum, quæ est secundum vbi. A Natura enim data fuit materia non ob transmutationem ad generationem primò & per se, vt vbicunque sit, ibi etiam sit generatio, & corruptio, quæ ex contrarijs infertur: sed ad subsistendum formæ corporeita-

Auerro. in lib.
de subst. ori.

*forma corporeitatis, cui remouetur
a Maximo philosopho*

A iij

tis in substantia, & recipiendum quantitatem & figuram: quantitatem, propter loci mutationem; figuram, propterea quod omne corpus finitum est: at quantitati, & figuræ nihil est contrarium. Vel vt facilius id explicem, non est materia subiectum corruptionis, nisi cum est sub corruptibilibus formis naturalibus à quibus fluunt accidentia, quæ habent contrarium vel contraria posita sub differentijs item contraria. Materia vero cœlestis non habet accidētia, quæ sint ad contrarietates: eius sanè qualitates, ait Auerr. sunt diuersi generis ab alijs: cōtraria autem sub eodem sunt genere: Cœli vero figura circularis est, cui nihil esse contrarium prodidit Aristoteles: & si quid est in Cœlo contrarium, illud non est contrarium ad corruptionem, sed ad perfectionem quippe motum, vnde, quo. ALEX. Tam abstrusa est hæc ratiocinatio, vt eius conceptum assequi me posse diffiderem, ni eam luculentissimè in tuo Amphitheatro explicatam perlegissem. I. C. Atque idcirco tam difficilis sententiæ demonstrationem breuiter ego perstrinxi, quia eam, vt meministi, extraordinaria opera in exercitatione quinta explanauit. ALEX. Sed quænam fuerit super hac re Platoniorum sententia, scire percuperem. I. C. illi, imbecillia ingenia ambagibus eludentes, ita inquirunt: Quemadmodum est forma quædam materialis, quæ in prima materia est, atque iccirco vix forma dici potest (formam intelligunt corporeitatis) ita est materia quædam quæ vix materia nominari potest: ea

ante oculos ponam, panis est sine farina. ALEX. Quandoquidem in Cœlo materia est, perquiramus quæso, qualis nam ea sit. I. C. Ex aqua & igne cōstat Cœlum secūdum Caldæorum, Hæbreorumque deliria, & deliria quidem, namque si vera esset eorum sententia, continua foret in Cœlestibus corporibus pugna, quinimò ipsum rueret Cœlū. Aqua enim corpus graue cum sit, in altis diu consistere non potest, sed ima petit statim. ALEX. Quæ rudes hos Asinos dementia cœpit? I. C. Decepti sunt illi miseri ex praua Mosaici eloquij interpretatione: Loquitur enim diuinus ille Philosophus sæpenumero de aquis quæ supra Cœlos sunt, & de igne qui de Cœlo descendit: Locatum igitur à loco non discernentes, eò ineptiæ reciderunt, vt nonnulli ex ipsorum Magistris, quos Rabbinos vocant, ex fumo Cœlum compositum asseuerarint. ALEX. Verba sanè spongia & carbone potius digna quàm cordati viri confutatione. Sed quæso dum matutinus auicularum concentus suauissimis susurris recreat animos, diuini Platonis, qui Musicæ nostrum assimilabat intellectum, sententiam in medium proferas. I. C. Is in cœlesti illo Timæo docuit, Cœlum ex terra & igne factum esse. ALEX. Igitur apud Platonem terra prior est Cœlo. I. C. Ita. ALEX. Sed quo rationis stabilimento eas præfulcire ineptias ausus est? I. C. Non conspiceretur, inquit, Cœlum, nisi constaret ex ijs. ALEX. Quid tu ei obijceres? I. C. Aqua igitur, cum conspiciatur (suscipte Platonici manes diuinissimi hoc à me laudis

sacrificium) ex terra & igne constaret, scilicet ex duobus siccissimis, & vno calidissimo, vnum frigidissimum & humidissimo proximū. ALEX. Sed ego, ni fallor, diuersam apud non ignobiles Platonicos perlegi sententiam, cuius, si meministi, mentionem facias rogo. I. C. Illi quidem in tres trientes mundum quasi assem diuisere, vt Primus triens quatuor capiat Elementa: Secundus quatuor priores Orbes, quorum primus cum sit Luna, eam terram ætheream ausi sunt nominare: In tertio triente statuunt pro aqua Saturnum, & primum mobile, scilicet octauum pro terra, in quo Elisia plantant vireta. ALEX. Eæ sunt Platoniconum picturæ quæ tamen inueniunt amasios suos. I. C. Veluti pupæ puerulos. ALEX. At sapientum Pontifex maximus Aristoteles quam ea de re sententiam protulit? I. C. Cælum nūcupauit Quintum Elementum, ALEX. Platonici vocē hanc rigido despicātur supercilio. I. C. At immerito: si enim ipsi perplebei sanè ingenioli homūculi veriti non sunt nec verecundati infinitos propemodum Deunculos Græcæ fidei symbolo addere, cur Philosophorum Deo vnicam voculam in Naturæ censum inuehere non licebit? ALEX. Hæc ex aliorum sententijs pronunciata sufficiant. Tuam modò si placet ex opulentissimis Apothecis opinionē promas. I. C. Ego vero, si id per te liceat, asserere non verebor, materiam Cœli eādem esse cum hac nostrate: indiuidua namq; materia prima est, & rerum principium: ex ea igitur constant Cœli, quemadmodum & nostratia: sunt Cœli partes

*Salvator
illi p[ro]p[ri]a
ap[er]tura
de fane
v[er]um.*

materię primę veluti hæc inferiora: at pars à parte non differt essentia. ALEX. Verū enim uerò, Vir ingeniosissime, vide quid inferas, nam si eadem esset Cœlorum, ac pulicis, seu scarabei materia, vt asseris, Cœli vilescerent. I. C. Nequaquam, humanum siquidem corpus, subiectum cum sit diuinæ substantiæ, quæ dicitur intellectus, non est minus nobile quàm cœleste: hoc non informatur ab intelligentia, illud autem informatur ab intellectu. Hominis tamen materia alia non est à materia stercoreis Asinini: id quod in compositi dissolutione per formæ absentiam conspicitur. Quis enim in sanctorum Innocentum, vel Diui Sulpitij cimiterio à murina & vermiculari materia humanam discernere vere valeat? Nemo prorsus. ALEX. At meritò, ni fallor, obijciam, Cœli materiam nulli esse corruptioni obnoxiam, nostri verò quàm plurimis. I. C. Istud vero pernego, ipsa enim nunquam corrumpitur, sed id quod ex ipsa fit. ALEX. At Cœlestis materies ab ignis qualitatibus non destruitur, cum nihilominus tam propinqua ei sit, nostri vero materia maxime, hæc ergo ab illa diuersa cēsenda est, nam in nono diuinæ Philosophiæ scriptum est, materiā esse passionis principium, & causam propter quam patitur patiēs. Quæ igitur cōmunem habent materiam, communem quoque habere naturam ad mutuam actionem ac passionem, in duodecimo eiusdem, & in primo de Generatione decretum est, ac propterea Cœlum, si eandem cum igne cōtinguo materiam possidet, ab eo consumetur. I. C.

Hic ego non dicam, Cælum ab igne non destrui, quia nullum credo esse prope Cælum, nec alibi Ignis Elementum, vt alias fortasse probabo, sed mitioribus vtens verbis, cōcedo, ignem esse Cælo contiguum, in illud tamen non agere: Nec enim verum est quod ais, quæcunque cōmunem materiā habent, ea inter se agere, aut pati mutuo: sed id euenit ibi tantū, vbi cōtrariæ sunt qualitates: quare in Cælo cum non sit affe-

ctio hys, quæ in igne sunt, affectionibus cōtraria (sunt enim secundum Peripateticos diuersi generis, nam differunt per corruptibile & incorruptibile, contraria autem sub eodem genere sunt) Cæli qualitates ab ignis qualitatibus non destruētur. ALEX. Erudita sanē respōsio. Iā vero per Aristotelis Geniū te deprecor, id mihi explices. Materia Cæli est ne eadē in omnibus Cæli partibus. I.C. Hieronymus Cardanus Subtilitatū Professor & de nobis optimē meritis pernegat.

ALEX. qua vero ratione fretus? I.C. Quia non eundem ad modum cuncta lucēt astra. ALEX. At quomodo diuinum illud animal ex diuersis cōpositum est materijs? sanē duæ si essent materiæ, duæ etiam formæ. Tu vero dic quid sentis? I.C. Non plures esse in Cælo materias, sed plus materiæ in vna Cæli parte quā in alia: quare dēfinitate, & raritate, non materie diuersitate Cæli partes differre mihi credēdum duco.

Aristotelis namque sum alumnus, nec pœnitet. Is me docuit eandē esse Cæli & Stellarum substantiam, & Auerroes negat in Cælo heterogeneitatē: hinc veterū Philosophorū, qui stellā in

Card. l. 3. d.
subt. cap. d.
cælo in initio

Arist. in. 2. d.
Cælo. t. 41.
Auer. in
disput.

Cœlo velut in tabula nodū arbitrabantur, error deprehenditur: Sydus enim est Cœlū suū dēsum & Cœlum est sydus suum rarum: quippe ex partium situ propinquiore tollitur pelluciditas, id quod in tela densiore aut rariore, familiari exēplo obseruari facile potest. ALEX. Bone Deus quantum iacturæ fit ab ijs qui te non audiunt. I.C. Imo vero ab ijs qui me audiunt.

DIALOG. III.

De Figura & Colore Cœli.

ALEXAND. IVL. CÆS.

ALEX.



Ge nunc, Doctor Subtilissime, inquiramus quæso, qua de causâ rotundam Cœlum retineat figuram? I.C. In promptu ratio est, nempe quia Cœlestis illius animalis æternitati, atque diuinitati convenientissima erat æterna, diuinaque figura, qualis est sola Circularis. ALEX. Cur illam æternam nominas? I.C. Multis quidem de causis. Quia dissolui non potest, est enim continua, & vnilinea, neque punctum habet cognitum aut ita designatum vt sit principium dissolutionis, quemadmodum habent aliæ figuræ; qua enim committuntur lineæ angulares, ibi desinit quodammodo trianguli constitutio: Et profecto desinit, quia ad aliam sese transfert lineam, vt quod in ea linearum cōmissura non potest esse, sit in alia linea.

Compositæ igitur figuræ in suas sunt resolu-
 biles portiones, quæ habent commissuras mani-
 festas, id quod in circulo non est, ubique enim
 est principium & finis, utroque tamen ille ca-
 rens. A L. Perbellè quidem. Verumenimvero
 quæ te mouit ratio, ut eam diuinitatis titulo
 adornares? I. C. Quia ad infinitum accedit. Fi-
 nitum enim spatium est quod concluditur, infi-
 nitum quod non terminatur, quare finitur il-
 lud quauis figura. Hoc autem extra figuram per
 lineam quoque versus rectam: Nam circularis
 in se recurret, aut se secabit, aut intra se desinet:
 recta autem non; quamobrem ea quoque figu-
 ra, cuius termini omnes accedent propius ad
 rectam lineam, participabunt aliquo modo na-
 turam illius infiniti. Huiusmodi autem est cir-
 culi extremitas, quia una est, sicut linea recta v-
 na. Angulares verò, non una. A L E X. O me feli-
 cem, qui Philosophorum Principem subtilissi-
 mæ disputantæ excipio. Sed perge Vir omni lau-
 de sublimior, meq; docere ne graueris, An Cœ-
 lum habeat dextrum & sinistrum? I. C. Pithe-
 gorei affirmabant. ALEX. Quam ob causam?
 I. C. Quia alioquin esset animal imperfectum.
 A L E. Imò si careret utroq; , longè perfectius mi-
 hi videretur. I. C. & ita est proculdubio, fini-
 strum enim quid imperfectum est in animalibus,
 dextro namque est imbecillius, & ad opus
 faciendum ineptius, ideo volebat Plato suos
 Ciues esse ambidextros: Itaque Cœlum, si Ani-
 mal est, ut illi asserebant, perfectissimum, sini-
 stro caret, & dextro igitur, sunt enim relativa.

ALEX. At occurrunt ne tibi rationes alia, quibus Pythagoricam hanc possis euertere disciplinam? I. C. Nunquam deficit ratio pro veritatis tutela. Audi. Nulla cum sit Cœlipars in cuius locum altera non succedat, isque motus sit perpetuus, atque partes ipsæ uniformes, non potest alia cœli pars dextera, alia sinistra verè censeri.

Per motum enim quæ dextra modo erat, statim fiet sinistra secundum situm & locum. Præterea, si Cœlum haberet dextrum & sinistrum, non verteretur super Polis æqualiter, tanquam rota super axe, sed alteri innixum atque insistentes Pôlo, ita circumageretur, quemadmodum molæ quædam pistrinariæ, axe ad perpendiculum posito, atque ea esset sphaera recta, non illa quæ statuunt Astrologi: id quod est perridiculum, ne dicam absurdum. Non enim huic potius quam illi inniteretur, æquiformes enim sunt. Memini legisse me apud Philosophum, fieri motum super stabili: sinistrum igitur in primordiis naturalibus motus animalium habet rationem stabilis; Qua propter sinistrum esset in Cœlo axis, non Occidens. ALEX. Putas ne Platonicos Pythagoreæ sententiæ refragari? I. C. Ita equidem. Cum enim ipsorum Princeps in Timeo docuerit, Cœlum esse corpus perfectissimum, atque simplicissimum, quod neque superiorem habet partem, neque inferiorem, nec anteriorem, nec posteriorem, fateri coguntur, Cœlum non esse dextræ vel sinistræ partis ratione à seipso diuersum. ALEX. Quin potius nostri si habeatur ratio, erit ea pars sinistra nobis, quæ à Pythagoricis

*Aris. in lib. de
motu anim.*

dextra censetur, vt manifestissimè, dum Solem intuemur, agnoscimus. I. C. Subtiliter quidem, verum ne sic quidem rectè erit: Etenim ijs, qui trans æquinoctialem habitant lineam, contraria erit dispositio. A L. Rectè & doctè ædepol. Sed nescio quomodo sum oblitus quod te volebam. Ah memini. I. C. Quid istud est? A L E X. Sit ne Cœlū coloratum? I. C. Aristoteles scripsit, Cœlum esse per se sensile, eiusque magnitudinem percipi, coloratum igitur esse censuit, nam sensibilia non nisi coloris ratione videntur. A L E X. Magnitudo & figura sub coloris ratione non sunt, an igitur si non sunt colorata videri poterunt? I. C. Minimè, extēsis namque quantitatis, & eius terminatio, qua figura conformatur, nullam sui speciem visui præbēt, id quod patet in translucidis, cuiusmodi Aer est. Cœlum igitur cum videatur, necesse est vt insit in eo color aliquis. A L E X. Ego quidem existimaui aliquando, Cœlum coloratum videri potius quàm esse. I. C. Probabilis sane sententia, nam & Aer, qui prope nos est, nullum habet colorem, procul tamen à nobis habere videtur. A L E X. Quam reddis huius rei rationem? I. C. Quia densatur non per compositionem partium, sed per dispositionem: distantia namque multas visui representat partes per longitudinem in linea visuali dispositas, vt sit eadem ratio visionis in corpore raro productæ in longitudinem, & eiusdem in corpore condensato, atque in breuitatem coarctato. A L E X. Gaudeo mediufidius me tam sapientem cau-

*Arist. li. de. ca.
la sext. 4.*

sæ meæ Patronum adinuenisse. I. C. Quinimo nec Cælū ipsum videri alibi asseruimus. ALEX. Cui rationi hæc tua innitur assertio? I. C. Ipsum translucidum Cæli corpus trāsmittit radios, qui propter distantiam præbent speciem, corporis condensati ob densitatem in recta linea: eadem enim est ratio siue partes aeris condensentur ad decem millia in corpore semipedalis longitudinis, siue eadem angustatæ in sextulæ crassitudinē, protendātur in linea visuali ad tricenos senos pedes. Sic etiam Summus omniū rerum Opifex aerem ordinauit, qui tamē visibilis non est. Est enim medium ad videndum, nequit igitur esse extremum. ALEX. Mane paulisper in depromendis subtilitarum Thesauris, vt tam occulta contemplatio menti meæ tenacius inhæreat. I. C. Ego te morabor.

DIAL. IIII.

De Cæli Forma & Motore.

ALEX.



Vnc vero, mellitissime Iuli Cæsar, in dubio sum, probes ne eorum sententiam, qui duplicem agnoscunt in Cælo formam, vnā qua Cælum est, alteram qua mouetur, id est Intelligētiam. I. C. Minimè verò, hac enim ratione Cæli forma nihil aliud esset quàm corporis forma, quæ il-

lud

lud mouere nequeat, per hanc enim hypothesin ab Intelligentia mouetur, quare Cœleste corpus esset culice & cimice lōgè deterius & ignobilius, mouētur enim hæc, illud minimè : Entis autem nobilitas à motu potissimum profiscitur, vt pōte quia vitæ est exordium. ALEX. Quid igitur statuēdum est? I. C. Vnicam in Cœlo esse formā, quia vnica in eo motrix facultas. ALEX. Vnde id assumis & præsumis? I. C. in Cœlo materiā esse iam supra probauimus, quæ solā cū non subsistat, necesse est (parcite barbaris vocibus viri elegātissimi) informari ab aliquo, sed nō ab Intelligētiā, ea enim in materia nullo modo est, verū ab anima, quæ Cœlo dat esse vitam & Motum, alioquin si in illa materia esset forma non mouens, nullam supra vermiculos, imo nec supra Crocodilli stercus formulæ dignatione sibi arrogaret cōmendationem: multo minus materiæ nobilitate primas sibi vindicaret, est enim eadem materia in omnibus, vt omittam materiæ essentiam esse (liceat, præcor, mihi barbare loqui & bene sentire) receptiuitatem, quæ passio est, in passione vero nulla cōsistit excellentia. ALEX. Quām maximè mihi arripet hæc contēplatio, sed à te fiscitari in votis mihi est, A Quo moueatur Primus Cœli Orbis? I. C. Eū à Deo moueri videtur innuere Philosophus. ALEX. Id quidem perlegi, si bene memini, in duodecimo primæ Philosophiæ, verum tamen illi non assentior. I. C. Nec ego profecto. Deus enim est simplex, & in actu habet omnia, in potentia nihil, Dominus est tem-

Arist. 12 Met.
thaphi. tet 37.

poris, & infinitæ virtutis ; at in primi mobilis motore est aliquid simile potentiæ, actio namque crastinæ reuolutionis nondum in actu est, in potentia igitur ad illam est: Eius insuper actio est cum tempore , & finita secundum partes.

ALEX. Alexander Aphrodisæus arbitratus est Deum non motoris sed finis habere rationem.

I.C. Ita est, memini. ALEX. Nectarea igitur diuini viri verba in medium adducas quæso.

I.C. Lubenter: Motus Cœli (inquit ille) propterea infinitus est, quia Deus infinitus, mouetur enim Cœlum vt ei sit simile, quod quia nequit infinitum esse, assequitur id quo potest modo, motus scilicet perpetuitate. ALEX. Sed dic mihi quid censes de Periparetici Senatus sententia, inquit enim illi, primum Cœlum ab Intelligentia rotari. I.C. Fabella hæc est etsi magnos habeat authores. ALEX. Cur ita tibi videtur? I. C.

l. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.
 Hac de causa videlicet, quia ad hūc modum esset profecto Intelligentia sicuti iumentū ad iugū molæ trusatilis alligatum. Præterea primum corpus impellens necesse est aliquo modo niti; At Intelligentiam, quis vnquam dicet niti? nec mouere igitur orbem. Ad hæc istud addi potest argumentum , si Intelligentia moueret Cœlū, & ipsa moueretur, Nam ex Aristotele necesse est omne quod mouet moueri : At intelligentia non mouetur , quia corporea non est (nihil autem mouetur præter corpus inquit Auerrois sectatores) ergo nec mouebit. ALEX. Verum enim uerò si obijcerem, quemadmodum anima seipsam mouet mo-

uendo corpus, ita & Intelligentia seipsam mouet mouendo Cælum, quid responderes? I. C. Parum aptam mihi videri istam comparisonem, Nam anima non mouet se, sed corpus, ipsa vero mouetur per accidens, quia à corpore mouetur, motu tamen æquiuioco. Id quod de Intelligentia dici non potest, quia cum non sit in materia, neque per se neque accidens mouetur, sicuti neque lux in aëre moto. Concludam itaque vnico verbo aduersus Intelligentiarum Cælorum motricium inuentores, & fautores, si Deus Opt. Max. omnium rerum causa est immediata, & vbique est, nec otiosus. quid, quæso, opus est Intelligentijs? dicite mihi perbelli Intelligentiarum cupitores, & amasij: Si infinita Dei potentia est ad omnia non modò sufficiens, sed etiam superabundans, si absque Intelligentiarum ministerio Cælos creauit, & omnem eorum ornatum inenarrabili complexus est artificio, cur eos sine Intelligentiarum adminiculo mouere nequibit? ALEX. Dij boni: Ad stipulari mihi videntur hæc argumenta ratiocinationi cuidam, quam per somnium nocte præterita constituebam. I. C. Age sodes, enarra nobis somnium istud. ALEX. Existimabam profecto ei me subscribere opinioni, vnicam scilicet esse duntaxat rerum omnium formam, quanquam nihilominus res ipsæ sint diuersæ, sicuti vnica est corporis nostri forma, cuius alioquin partes admodum sunt differentes, quarundam verò etiam principia contraria, vt pituitæ & bilis flauæ, carnis

& ossis, cordis, & cerebri : eundem ad modum formam illam, quam dixi omnium rerum vnicam, sibi talem materiam, qualem collibuerit, fabricare, ambire omnia, esse in omnibus, & cuncta operari. I. C. Somniū ædepol acutissime cōprobasti, sed abs te scirevelim, si vna forma mūdus informatur, sunt ne aliæ formæ ab illa informatæ? ALEX. Minimè, nec enim formas informari quis dixerit vnquam I. C. Erunt igitur formæ omnes illius formæ partes? ALEX. Maximè. I. C. At quomodo id fieri potest si formæ nō sunt inter se vniuocæ? Quædā enim sunt materiales atque secūdū materiā diuisibiles, veluti elementorū formæ: aliæ non diuibiles, sed cōmunicabiles, vt species, nō enim Equus in plures Equos secari potest; nonnullæ sunt substantia quidē immateriales, cōiunctione verò materiales, vt intellectus humanus: aliæ credūtur penitus expertes materiæ cuiusmodi dicūtur à vobis mentes orbium motrices; quapropter plus quam genere differunt, atque idcirco nequeūt totius cuiuspiā vnius esse partes. ALEX. Quasi Lucifer à meo intellectu caliginē excutis. Sed quid de Cæli Motore tibi videatur, patefacias obtestor te per Pomponatij preceptoris tui Genium. I. C. Si in Christianorum scholis enutritus non essem, asseuerarem, Cælum esse animal quod à propria forma quæ anima est, mouetur. Profecto Aristoteles Cæli motum animalis motū appellauit, asserens esse animal quod semper mouetur à sempiterno mouente. Nec desunt, qui ex Aristotelis institutis ratio-

Ar. in 1. d
motu animal

Ar. in. 2. de
anima.

nalem animam in hoc Cœlesti animali agnoscant, sic enim illam Aristoteles definiuit, actus corporis organici potentia vitam habētis. Hæc autē definitio Cœlesti animali cōpetit, igitur & definitum. ALEX. Tu quid sentis. I. C. In Cœlo materia est. ALEX. Placet. I. C. Et forma igitur. ALEX. Concedo id quidem. I. C. At forma hæc brutalis non est, cuiusmodi Elementis inest. ALEX. Haud inficior. I. C. Neque forma hæc est Intelligentia, illa enim in materia nullo modo est, igitur anima est, ergo mouēs est, non igitur Cœlos mouet Intelligētia, nisi eos absurdē dicamus duos habere motores. ALEX. Hæc cinē mihi tendebas retia? Sed quia nūc pia religio quosdam incessit quominus apponentibus cœlo animam assentirentur, quid libere profiteri possumus? I. C. Istud, ni falsus animi sum, Cœli molem à propria forma gyro agitari quemadmodum Elementa. ALEX. At quomodo Cœli certis statisque legibus mouentur, si diuinæ mentes illæ motrices, primæ participes sapiētiae non adstant? I. C. Quid mirum? nonne in vilissimis horologiorum machinulis, ab ebrio Germano elaboratis, certa stataque motus lex viget? vt silentio præteream tertianæ & quartanæ febris motum, qui certis aduenit & recedit spatijs, vt ne momento quidem lineam transiliat. Mare quoque certis statisque temporibus à sua forma, grauitate nimirū, vt vos peripatetici asseritis, agitur progressionibus & regressionibus. Quinimò cum Cœlum semper eodē feratur motu, à sua pura forma non ab Intel-

ligētia voluntate moueri dixerim. ALEX. Non inficior.

DIALOGVS V.

De Cælorum motu, Centro, & Polis.

ALEX.



O Eorum motus sunt ne intersecō-
trarij I. C. Id Philosophantium ple-
becula affirmat. ALEX. Imò & Phi-
losophorū proceres huic adstipulā-
tur plebeculæ, nec sine rationis ful-
cro. I. C. Eam audire percuperem. ALEX. Ac-
cipies. Contraria sunt quæ maxime distant, id-
circo duo, vbi, vnum in centro, alterum in Cō-
cauo ambiente, cum maxime distent, pro con-
trarijs agnoscuntur: at Cœli partes inter se di-
stant, contrariæ igitur sunt. I. C. Major est fal-
sa, aliquod enim contrarium esset aliquo alio
contrario magis cōtrarium, idque sine medio-
rum mixtione, duæ namque metæ, inter quas
ducentorum passuum intercapedo est, si con-
trariæ sunt, illæ quarū interstitium fuerit quin-
gentorum passuum erunt magis contrariæ,
magis enim distant. Addam amplius, si ponitur
in maiori distātia ratio contrarietatis in motu,
esset in capite relationis cōtrarietas, sicuti mul-

tum & parum. ALEX. Quæso exemplo reddas mihi rem clariorē. I. C. Lubentissimē. Audi igitur: Cum manus ambas ex aduersum cōplodo, illa vbi, in quibus ambæ erant, nemo sapiens dixerit contraria: non enim pars aëris, vnde initium est motus dextræ, contraria est secundum situm, aëris parti, vnde sinistræ motus initium est. Adde quod si ita esset vt partes maximè distantes in extrema circumferentia semicirculi essent contrariæ, eadem profecto Cœli pars sibi ipsi contrarium peteret locum, id est, inquam, sibi ipsi secundū situm contraria esset, id quod est ridiculum: ALEX. Quonam pacto id eueniret? I. C. Exemplo te docebo, si ea loci pars, quæ sub Arietis est capite, ei parti contraria est quæ sub Libræ capite est, quomodo Libræ caput locum illum habere potest, & hunc alterum petere? ALEX. Ego verò non intelligo hæc Astronomica Sophismata. Sed, doce me paucis verbis ijsque lucidissimis, An in Cœlorum motibus adsit contrarietas. I. C. Aristoteles negat.

ALEX. Quā ob causam? I. C. Quia motui circulari nihil est contrarium, quāobrem multo minus sibi ipsi erit contrarius. ALEX. Cum exirem ex Ephæbis iam tum istiusmodi percallebam rationem, sed à te subtiliorem expostulo. I. C. Attende igitur animum. Duo corpora quæ motu contrario mouentur, in eodem termino suorum, vbi, essent naturaliter, quod est perridiculum, id quod manifestum erit, si quis intelligat, Saturni corpus esse sub Arietis capite primi mobilis, ibi est enim communis ter-

Arist. lib 4.
de cœl. c. 4.

minus qui designari potest intellectu duobus
vbi, tam Saturni, quàm capitis Arietis, ALEX.
Ingenuè fateor subtiliora hæc esse dogmata,
quàm vt à me percipi queât. Missa igitur hæc
faciamus, & disquiramus parumper, si tibi ita
sedet in animo, an Cælum opus habeat centro
immobile circa quod voluatur? I. C. Philosopho-
rū vulgus affirmat. Alex. Scio equidem, nā-
que terrā inquit iccirco factā immobilem vt
circū eam Cælū verteretur. I. C. At enimvero
posset ipsa nihilo seciùs in puncto moueri, non
enim eo motu exiret è proprio loco, nihilque
propterea flagitij in Cœli rotationem cōmit-
teretur: Ad hoc, si Cælū egeret corpore super
quo rotari deberet, idē ei ab igne præstaretur,
quod illi à terra præstari scribunt, nunquam
enim de suo loco decederet ignis. præterea Cœ-
lorum rotationes non magis egent terræ sta-
bilitatis vt moueantur, quàm terra ipsa indiga
puncti illius medij quod centrum vocāt, vt non
moveatur, nam etiam tellure a motū nihilo se-
cius giris illis sempiternis Cælum agitaretur
cuius motionis (vt subtilius loquar) causa non
est puncti immobilitas, sed huiusmodi in loco
motionis, si enim esset alibi pūctum, aliubi quo-
que moueretur: quin ne hic quidem ingenij
nostri vigor obtorpet, Punctum illud nihil est,
quomodo ergo erit causa existentis rei? quippe
motus res est, Addam subtiliora, non esse pun-
ctum id principiū vllo modo Cœlestis circina-
tionis, quemadmodum nostrorum circulorū,
sed è contrario effectam puncti speciem in no-

astro intellectu, ex illa circuitione ALEX. Ego vero dicerem, Cœlū circumagi non super centro, sed super polis. Nam quod ad centrum attinget, temere Cœlum vagari posset, at non vagatur, non enim horum potius quàm aliorum circumuolueretur: Quinimo affirmare audeo, etiamsi esset totum in medio vacuum, futurum ut hoc eodem, quo nunc modo vertitur, verteretur, quippe super suis punctis, quos à versatione Græci polos, Latini vertices appellarunt: sed quæ tibi suadet ratio nihil esse polos nisi per imaginationem? I. C. Polus aut est aliquid Cœli, aut extra Cœlū: si extra Cœlum, erit aliquod corpus in se fixum, atque immobile extra punctum, quod centrum terræ vocant. Si est aliquid Cœli, aut est partibile, aut non partibile, si diuidi potest, ergo continui pars mouebitur parte aliâ immobili, id quod est contra continui definitionem traditam à diuino Præceptore. Si est indiuisibile igitur quodcūque ei proximū est, est item indiuisibile, & huic aliud, & alij aliud, quare Cœlum non mouebitur, aut partibilia multa terminabunt vnum impartibile. ALEX. Auerroes quoque scripsit, Cœlum Geometricè quiescere, non verè, quia nulla substantia in orbe est in actu quæ non moueatur. I. C. At ego illi sic obijcerem, per te, ô Auerroes, nullus est polus nisi per imaginationem, quies igitur non reuera sed imaginatione duntaxat, quonam igitur modo verus fiet motus super

*Arist. 4.
Metha 1. 8.*

*Auer. in 2. l.
Cœli t. 14.*

quiete non vera? & motus naturalis super quiete mathematica? Sane motus sine quiete fieri non potest. ALEX. Idem Auerroes alibi tradidit *Auer. in 4. Phys. l. 118.* polorum quietem esse transumptiuam. I. C. Nugæ, nam inter partes illas mobiles esse medium neque mobile neque quantum intelligere necesse est, ad quod, & à quo partes illæ terminentur; adolescētulus cum essem, credidi, ibi nihil esse immobile, sed moueri circa punctum eo modo, quo motus incipit à puncto. Sed quid blatero cum meis istis argutiolis, quando Philosophorum Magister scitissimè id pertractauit. ALEX. O vtinam Magistrum Aristotelem non excepisses, quia non dubito quin fortio-
Arg. in 118. de mot. anim. c. 4. 5. 6. 7 rem sapientiæ arcem exædificasses. I. C. ha ha ha.

DIALOGVS VI.

De Cæli aternitate.

ALEX.



T Vir optime, & sapientissime, hocce verum est quod de te mihi relatum fuit nudiustertius, tibi nempe, solâ religione persuaderi Cælum aliquando finem habiturum, quia corruptio fit à contrario: Cælo autem nihil est contrarium, sanè non ignis, neque enim nunc ille comburit Cælum: atque e-

dem ob causam vniuersam mundi materiam à corruptione, vt audio, vindicas, quia materiæ nihil est contrarium. I. C. Quid hoc ad te? huius rei veritas sit penes præscripta religionis. Philosophemur si placet. ALEX. Nihil mihi optabilius. Sed vis vt verum fatear, nec mihi philosopho arridet sententia tua de Cœli æternitate. I. C. Age dic sodes quam ob causam? ALEX. Si Cœlum esset æternum, aliquod infinitum esset alio infinito maius, consequens est falsum, ergo & antecedens. I. C. Nego tibi seu potius Algazeli, à quo desumpisti, maioris sequelam. ALEX. At ego probo. Solis enim plures sunt quam Saturni reuolutiones, & vtræque sunt infinitæ ex hypothesi, qua constituis Cœlum esse æternum. I. C. At istud non est sic intelligendum, neque enim tibi concedo Solis reuolutionem esse trigesimam reuolutionis Saturni partem, sed est vna intellectione perceptibilis pars suæ infinitatis, quæ tamen est pars tamen est in infinito, propterea quod est continuata supra omnem numerum, neque infinitum aliud alio infinito maius minusue est, sed motus ipsi plures, aut pauciores in partibus ipsis tantum comparati: perpetuitas autem eadem & vna est in omnibus continuata, neque propterea per suas partes communicata. ALEX. Dij immortales homini homo quid prodest. Algazelis argumentationi vt satisfacerem, quot peruolui libros, quot deuoravi molestias, quot exantlaui labores, quot mihi fuerunt noctes insomnes. Tu vero nunc tribus verbis scitissime

absoluisti. Sed adhuc Philoponi duæ aduersus
 Cœli æternitatem rationes me malè premunt.
 I.C. Quæcunque sint, illas hilari proponas ani-
 mo, nam statim resolutas videbis. ALEX. O uti-
 nam. I.C. Fac cito si quid facis. ALEX. Si æterno
 mundo nulla vnquam fuerunt temporis prin-
 cipia, ergo sunt actu indiuidua infinita. I.C.
 Consecutio negatur, non enim benè nec verè
 sequitur, indiuidua sunt infinita, ergo actu sunt
 infinita: sunt enim infinita successionem, non nu-
 merationem præsentis. Finita nunc, infinita verò
propter alia subeuntia. Hoc vero est beneficio
 temporis, tempus autem est infinitum benefi-
cio motus nunquam desituri. ALEX. Nec Apol-
 linis Oraculum veriùs potuisset dare respon-
 sum. Sed quæso alteram Herculeam Philoponi
 columnam euerte si potes. I.C. Quò præcla-
 riora sunt facinora, eò libentius excelsi animi
 attendere solent. ALEX. Omne finitum est cor-
 ruptibile, Cælum est finitum, ergo corrumpet-
 ur. Maior ita probari potest, id quod est fini-
 tum, non est à se, habet igitur principium &
 per consequens finem habebit. Nam omnia
 orta occidunt inquit Hæbreorum Sapiens.
 Item, id quod est finitum, non habet potesta-
 tem nisi finitam, ergo & corruptibile est.

Quòd autè Cælū sit finitū, ideo patet, quia cor-
 pus est, omne autè corpus finitū est: Corporis
 enim superficies, superficiei linea, lineæ pūctum
 terminus est. I.C. Auerroes ita responderet. Quā-
 quam corpus est finitū, tamen in eo potest esse
 priuatio infinita, quia priuatio non pendet à po-

reſtate, ſed actio : ſic terra infinitam quietem
 habet, quia caret forma, quæ inde eam amo-
 ueat. Cum igitur abſentia motricis in ea for-
 mæ ſit infinita, priuatio motus in ea erit infi-
 nita, hæc autē eſt quies, ergo terræ quies eſt in-
 finita ; ita quoque Cælum eſt Æuo infinitum,
 propterea quod in eo eſt priuatio infinita.
 A L E X. Nugæ ſunt hæc omnia. I. C. Imò nu-
 gaciſſimæ nugæ, hæc enim ratione Cælum eſ-
 ſet infinitum per priuationem & cum infinitas
 (iam iam præfatus veniam vocibus vtor in-
 uſitatis) ſit affectus eſſentiam ſequens, Cæli
 eſſentia eſſet priuatio, non autem forma : qui
 error eſt maximus, nam tametſi in generatio-
 ne priuatio antecedit formam, quæ introduci-
 tur, in re tamen generata poſterior eſt natura,
 quàm forma ipſa per quam res eſt. Exempli
 gratia, Iulius Cæſar non eſt Aquila, quia eſt ho-
 mo, in mea igitur materia humanitas anteuertit
 Aquileitatem : quam ob cauſam apud Phi-
 loſophiæ decreta ſcriptum eſt, affirmationem
 priorem eſſe negatione. Cælum ergo ſi habet
 infinitam priuationem corruptionis, neceſſe
 eſt vt habeat infinitum habitum, quo ſit ſem-
 per hoc quod eſt, cui propterea nulla corru-
 ptio euenire poſſit. A L E X. Quemadmodum
 Auerrois reſponſionem ſubtiliſſime confu-
 tas, ita Philoponi argumento vt ſatisfaceres
 exoptarem. I. C. Iam ſatis tibi & argumento
 fiet, ilico voti compos eris. A L E X. O me bea-
 tum. I. C. Vt igitur iſtud argumentum diluam,
 maiorem propoſitionem, quæ affirmat omne

finitum esse corruptibile, falsam esse assero. Quippe intellectus noster est finitus, non corruptibilis tamen: Itaque neque Cœlum quamvis sit finitū: ratio est, quia vterque habet causam infinitam, quæ quidem causa cum facere non posset infinitum potestate æquale sibi, fecit *Æuo* infinitum tibi simile. Cœlum igitur finitum magnitudine ac potestate dicendum est, duratione vero infinitum, propterea quod alium Deum Deus facere nequuit, fecisset autem, si fecisset infinitum potestate, idcirco infinitum *Æuo* fecit, quia sola hæc creatæ rei perfectio euenire poterat. Sed subtilius rem expēdam: Primū principiū non potuit quicquā efficere, quod sui esset aut simile penitus, aut dissimile: Non simile, quia quod sit patitur, quod patitur à potiore, non à simili patitur. Dissimile non potuit, quia actio & agens in ipso non differunt. quamobrem cum Deus sit vnus, mundus fuit vnus & non vnus, cum sit omnia, mundus fuit omnia & non omnia, cum sit æternus, mundus fuit æternus, & non æternus. Quia vnus est, æternus, non enim habet comparem aut cōtrarium: quia non vnus, non æternus, ex contrarijs enim, ac mutua corruptione grassantibus partibus constitutus, eius igitur æternitas in successione, vnitas in continuatione. *ALEX.* Plus homine sapiens.

DIALOGVS VII.

De Sole, Luna & Astris.

ALEX.

Perlegi quidem his Paschalibus ferijs tuos Astronomicos libros Argentorati elegantissimis typis excussos, in quibus admiranda & diuina sanè de Syderibus enarras: honestissimo tamen addiscendi desiderio excitatus, quasdam difficultates, quæ non nisi tua opera mihi extricari & planæ fieri possunt, nunc coram te, qui maximo omnium consensu bonarum litterarum Dictator es iure merito, elucidandas, dijudicandasq; profero. I. C. Per lōgè sum ab his laudib⁹, sed quātō lōgi⁹ & remoti⁹, tanto propi⁹ & ocy⁹ properabo vt tibi inferuiā. ALEX. Meritō te amo mi dulcissime Iuli, nam totus quātus es, benignitas & sapiētia es. I. C. Si quas dicis possiderem dotes, tuis poti⁹ quā meīs ornatus incederem virtutibus conspiciendus. Sed age quæso relictis his laudum ambagibus, descendamus in arenam disputationis, propone istas, quas cupis enodari quæstiones, vt saltem nostra ingenia exercere valeamus. ALEX. Sic faciam profecto. I. C. Quandocumque libuerit. ALEX. imò verò nunc sic incipio, & quæro, An Sol per se calefaciat, an per accidens, per

de
subst. orb. et
in 4. de Caelo.

motus, inquam velocitatem. I. C. Hoc affirmat
Auerroes. ALEX. At & ego etiam. I. C. Ego ve-
rò minimè; Quinimo, Solem ipsum, si non mo-
ueretur, maiorem æstum allaturum, imò in-
cendia concitaturum putauerim. ALEX. Quà
ratione id coniectas? I. C. Ex radiorum videli-
cet fixa mansione in rem stabilē, in eam enim
vehementius agit, quam in rem mobilem, ut
luce ipsa clarius videri potest in concauo spe-
culo, quod quidem si moueatur non concipit
ignem. Imò & ipse Aristoteles inuestigat cur
stantes in Sole plus calefiant quàm si moueren-
tur: nihil autem ad id probandum differt, Sol-
ne, an id quod calefit non moueatur. ALEX.
Tuæ non possum acquiescere sententiæ, quam-
diu hæc stabilis erit propositio, motus est causa
caloris. I. C. Falleris opinione, mi Alexand. nam
nec omninò nec semper est vera hæc tua pro-
positio. ALEX. Quà de re? I. C. In te ipse iudica-
bis. Multa enim non mota, calida sunt nihilo-
minus, ut sulphureæ venæ, & minerales quædā,
quæ Operariorum soleas comminuunt, & pe-
des sæpissimè exurunt. Multa mota è contra-
rio, non calida ut Fluij. ALEX. Verum id qui-
dem est. Sed in Meteor. legi, ignem in
suo loco à Cœli attritione calidum effici. I. C.
Non placet istud. Qualitas enim illa caloris à
propria forma ignis non aliunde proficiscitur.
Adde quod si esset in igne calor non aliunde
quàm à motu Cœli, à Cœli quiete esset in ter-
ra frigus. ALEX. Non dubito nec inficior quin
essentialis in igne calor à forma sit, accidenta-

lem

ar in 36. q.
sect 5.

lem tamen addi à Cœli motū haud est inconueniens. I. C. Imò verò est, Nam calor ignis essentialis summus calor est, quippe affectus proprius primi corporis cuius est, per nullum igitur motum calor vilius accedere potest ad illum calorem, qui per se talis est & primò. ALEX. Doctissime. I. C. Perge igitur, quæ recte sollicitat amplius? ALEX. Hæc scilicet. Quam nam ob causam Sol calefaciat aërem, & non Cælū Lunę quod propius est, quodq; vtpote inter Solē & aërem positū, prius recipit Solis radios quàm aër ipse. I. C. Quilibet affectus, inquit Peripatetici, receptus in quodlibet corpus, ipsum nō afficit, sed illud dūtaxat, quod aptū natū est affici. ALEX. De secūdis atque etiā tertijs qualitatibus, mihi id quidē compertum est, de primis nō ita. I. C. Imò & de primis verū est.

ALEX. Exemplum proferas quæso. I. C. Pyrimachus lapis nihil ab igne patitur, & (si scriptores vera referunt) nē calefit quidem. Salamandra, vt scribit Olimpiodorus, prunis iniecta extinguit eas, non (vt puto) frigiditate, sed lentore suo, id quod ab alijs quoque fit carnibus.

ALEX. Quid propterea concludis? I. C. Cum Aphrodisæo, Lunā acceptis à Sole radijs cōcalfacere, nam & vbi plena est excafactorias habet vires (vt scripsit Philosophus & experimēto didicimus in plenilunijs noctes sub Canicula esse æstuosiores) sed ipsā nihilo magis calefieri. AL. At quomodo excalescit Luna, si ipsa prius non incalescit? I. C. Quid mirum? Nonne legisti,

Olim. in comment. in Arist. lib. de. aff. inist.

Alex. in probl. & escoror.

obstupefieri piscatoris manūper arundinē à Torpedine, ipsam autē arundinē Torpedo nō stupefacit; quia non est apta pati; recipit tamē stuporis vim: sic Luna Solares excipit radios, quib⁹ tamē nō afficitur. ALEX. negas igitur pati Lunā? I. C. Vt Aristoteli obtēperē, cui⁹ Manes si mihi ignoscerēt, Lunam ineclipsi maximē pati dicerē, cōstat enim in Luna fieri aliam prāterquam in loco mutationem; non est autem, fateor, mutatio per qualitātē prādicamētālē, quia lux in prādicamento non est; mutatur quotidie Luna lucis patiens diminutionem: cum autem diminutio sit in eodem genere cum ablatione & priuatione, sicut pars cum toto, necessariō dicendum est, quemadmodum tollitur à parte Lunare lumen, ita eadem ratione à toto auferri posse. Calorem à Sole exceptum reflectit Luna terris, patitur igitur, quis enim nō dicat pati id quod recipit illud quo carebat? de obscuratione quis dubitat? luminis igitur detrimētum patitur, nisi quis negare audeat haud pati id à quo tollitur illud quod habebat. ALEX. At cur diuinum Cœli animal pati asserere non erubescis? I. C. Quinimo & cœlestes quoque animi patiuntur, hi namque cum Deum intelligunt, perficiuntur, & tamen non mutantur quia perpetuāt æquāliter intellectionem, propterea tamen quā aliunde accipiunt vnde dependent, dicuntur ab eo sic affici. Sed quāso dic fodes, cur vos Peripareticos non pudet asserere, rotatrices mentes illas sola sui intellectione gyro agitare orbes suos. ALEX. Quid

inde flagitij cōmittitur? I. C. Plus patiuntur igitur Cœlestes orbes quam gleba cum descendit.

ALEX. Cur ita concludis? I. C. Per vos nullam habent illi in seipsis potestatem, at hæc habet in se suiipsius imperium, quippe si mouetur, etiam mouet hoc quod mouetur.

ALEX. Hæc quidem non displicet rationatio. Sed cur habet Luna maculas? I. C. Peruulgata est hæc quæstio, in quâ nulla iucunda subtilitas. ALEX. At nihilominus quæso quid alij in hac disceptatione censuerint, referas. I. C. Quidam præcisè negarunt in ea esse partium deformitatem ullam, sed in nostra visione concipere varietatē: Solis enim splendor (inquiunt) in umbram illatus, nequaquam potest æqualiter recipi. ALEX. At non eadem utrobique causa est: Nam ex luminis situ, atque distantiae ratione luminis constantia variatur in umbra, in Luna non mutatur. I. C. Alij (ut refert Auerroes) putarunt inter Solem & Lunam, interesse aliquot corpora, quorum obiectu lumen intercipiatur.

ALEX. Plausibilis sanè sententia I. C. Facillimè tamen abolebitur & euanescet. Non enim idem semper esset Lunæ aspectus, at est. ALEX. Perge. I. C. Alij diuersissimas agnouerunt in Lunâ partes, quarum propterea quædam minus luceirēt, quia sunt densiores: alij è contra, illas laxiores arbitrantur, atque idcirco minus lumen reflectere, sed potius transmittere. ALEX. At, non ita se res habet, namque in nouilunio Solis radij transmissi aliqua specie pone viderentur, est enim auersa

*Auer. 2. de
Cel. 49.*

lunæ pars in propria umbra sua. I. C. Illud ego
demiror, quâ fieri potest ut Cœleste corpus,
quod dedita operâ Solaribus radijs excipiēdis,
reddendisque comparatum est à naturâ, sit ab
eâ ad hanc ipsam functionem minus sincerum,
atque aptum institutum? ALEX. Mirum æde
pol, sed proseguere aliorû opiniones. I. C. Di-
xerūt nēnulli, terrestre aliquid Lunæ commix-
tum esse, quod terræ globo capi nequiverit
Tellus enim maior extitisset quàm pro rata par-
te iuris sui, ac propterea cessit in Lunæ partem.

ALEX. Istud quidem fabella est, & impia sanè, non enim materiam Cōditor inuenit, quam ex eius natura distribueret, sed eam creauit, & talem, cui naturam, & iura quantitatis, loci, ordi-

nis, societatis attribuit. I. C. Alij afferūt, in Lunę
globo, tanquam in speculo species montium

receptas repræsentari. A I E X. Arridebat opinio
hæc Serenissimo Rodolpho Cæsari qui Italiæ cū
duab⁹ adiacētib⁹ (vt Vlpiani sermone vtat) In-
sulis effigiē in Lunari disco conspici à se gloria-
batur. I. C. Ita illius Mathematicus Ioannes


Keplerus refert. ALEX. Pace ſaluâ tanti Prin-
cipis opinio hæc inſincunda & falſa mihi vi-
detur , varius enim eſſet ſemper Lunæ af-
pectus ; At non eſt. I.C. Recte quidem , vt
ſuperſedeam à Cardani confutationibus. ALEX.
Legi in libro 3. ni fallor, de Subtilitate. I.C. Ita
eſt in cap. de Cœlo. ALEX. Progrediamur ad cæ-
tera. I.C. Paratus ſum. ALEX. Dic mihi igitur
cur Aſtra non lucēt I. C. Quia Solis radijs ex-
tinguntur dixere & exiſtimauere veteres, inſci-
tiſſimè tamen, extinguerentur enim etiam no-

Et, quandoquidem semper in eius sunt radijs. Ratio est, quia illustratum medium recipit speciem valentiorē, id est, Solis lumen, quod sit efficacius oculorū obiectum: quocirca minor atque debilior species, quæ est siderū lux, non extincta sibi, sed delata per medium non sentitur. ALEX. Perdoctē, sed cur dum oriuntur astra & occidunt, maiora videtur quàm in Cœli medio? I. C. Quia elati vapores speciem diffundunt. ALEX. Quidnam hoc efficit? I. C. Aeris densitas tum propinqua, tum remota, nā ubicūque medium sit inter astra & visum. Species ipsa crassior videtur. ALEX. At cur, in medio crassiore dilatatur species atque grādescit? I. C. Sicuti diffunditur aqua solidi corporis obiectione, ita species exiens, atque in actumeducta per lucem, vbi in aere tenui nihil occurrit, æqualis sibi prodit; vbi quid sese opponit, crassior quasi retūdatur, atque propterea dilatatur, veluti fit in aqua, à cuius deinde superficie pingitur aër eadem quā se in eam intulit quantitate. ALEX. Nihil doctius excipi potest, sed dic, vti eruditissime, cur scintillare videntur astra, non autem Sol neque Luna? I. C. Quia contrarij aeris motus stellarum lumen vti debile quatunt atque dispergunt, id quod etiam in Ventilationibus manifestē conspicitur: Quinimo Lapidēs in imo fontis tremere videntur, ob aquæ motum. Sol autem & Luna ideo scintillas non emittunt, quia robustioribus viribus radios, eiaculātur quam vti aeris motu distrahi possint: quapropter cum stellæ magis scintillantes

apparent , ventorum sunt nuntia , medius
namque aër qui in sublimi est, dum vehemen-
tius agitur, siderum lumē dispergit, ac proin-
de scintillare videntur magis. ALEX. Sed Ari-
stot. scripsit, ideo videri sydera tremere, quia vi-
sus in Cælum fertur. I. C. repugnat hoc suæ ip-
sius Philosophiæ decretis , in quibus omnino
negat visionem fieri per emissionem radiorū ex
oculis. ALEX. Ita esto. Sed quæso, perdocte Iuli
Cæsar, fac per te erudiar , fac vt concipiam id
quod animum meum iam dudum sollicitat &
angit. I. C. Quid istuc est?

DIALOG. VIII.

De Igne.

st.  Nsufurraſti mihi , ſi bene me-
mini , Ignē non eſſe Elementum,
enarres , humillime te depre-
cor , rationes quibus dogma
hoc iam per tot ſæcula à ſa-
pientiſſimis viris ſtabilitum impugnas ? ſi hoc
præſtas, vt præſtare potes, eris mihi ſemper ma-
gnus Apollo. I. C. Non committam vt plus po-
tuiſſe preces videantur, quàm ius & amicitia,
quæ habet omnia cōmunia & literarum neces-
ſitudo, quæ viris ſapientibus eā de cauſa viden-
tū à Deo impertite, vt quod ab eo gratis acce-
perimus, optimo cuique reponamus non inui-

ti. ALEX. Quemadmodum es omnium bonarū
artiū felicissimus alumnus, ita es earum facil-
limus, & liberalissimus administrator. I. C. Mis-
sa faciamus ista. Audesne hunc nostrum
ignem Elementi nomenclatura donare? ALEX.
Minimè, Est enim pauperrimus, pabuli-
que indigus, pro quo comparando euagatur,
quoque deficiente & ipse quoque deficit &
premoritur: Elementū autē est opulentissimū
rerum principiū. Præterea ad generationis co-
mitia Elementa accedunt, à quibus noster ignis
quàm longissimè abest, exterius enim euo-
cat, exsiccat, diuidit, ac qualitates ad sum-
mum deducit, in generatione autem intus om-
nia reuocantur, humido opus est, vt partes in
vnum conglobentur, miscentur qualitates mu-
tuoq; se frāgunt. I. C. Quem igitur statuis ignē
Elementum? ALEX. Qui inter Aerem & Lunæ
Cælum residet. I. C. At cur oculis non se obij-
cit nostris, si desuper est. & corpus lucidu? ALEX.
ob sui raritatem, quā ob causam nec aer ipse
videtur. I. C. Nuge, nā sydera rara sunt, alioquin
solares radios non exiperēt, & ad terram trans-
mitterēt, prospiciūtur tamen licet sint in maiori
distātia. Aer non videtur non ob sui raritatem,
sed quia medium est ad videndum, quare ex-
tremum esse nequit: insuper luce caret & co-
lore, quare nullam visui sui potest præbere
speciem: ignis autem & propter lucē deberet
conspici in nocte, & propter colorem in die.
ALEX. si rarus non esset. I. C. At enim uero
translucidus cū sit ignis debet emitte- re ra-

dios, qui propter distantiam ob densitatem in recta linea præbent speciem corporis condensati, sic aer qui rarus est & minus quam ignis pellucidus, etsi propè nos nullum habeat colorem, procul habere videtur tamen: Ratio est quia densatur non per compositionem partium, sed per dispositionem, distantia namque multas repræsentat visui partes per longitudinem in linea visuali dispositas ut sit eadem ratio visionis in corpore raro productæ in longum, & eiusdem in eodem corpore condensato, atque in brevitatem coarctato A. L. Perge. I. C. si sursum immoratur ignis, cur quo altius ascendit aliquis, cuncta adinuenit frigidiora? Væ nobis si desuper aerem igneum adesset Elementum, toto namque Orbi incendium minitaretur. Namque si facibus, & Cometis ea regio, per quam discurrunt, maximè calefit, quanto magis si vastissimo illo igneo orbe ambiremur? Ad hæc, cur Aerem non accendit? huius sanè humiditas violentissimo, acerrimoque Elemento resistere non posset. Insuper quibus alitur cibus tam vasta moles? forsitan deuorat aeris humidum, ut innuere videtur Hippocrates. Sed nullo sanè pacto id fieri potest, moueret enim se extra locum suum, quinimo vix totus Aer vnicum esset ignis ientaculum. Addam, Naturam nihil frustra operari, vesana autem diceretur, si Elementum aliquod nulli vsui aptum condidisset. ALEX. Mane paulisper, istud vix de ignis elemento enuntiare potes, cõfert enim ad generandum. I. C. repugnant à te ipso adductæ rationes. Addam

*Hip in lib. de
Causis in
vitis.*

insuper ipsum Aristotelem aduersus quem nūc
disputo, non ab igne sed à cœlesti Solis calore
generationē deducere, Sol, enim inquit, & ho-
mo generant hominem. ALEX. At saltem ne-
cessarium fuit ad ignis nostri productionem. Ar. 2. Phi.
I. C. Nequaquam, differunt enim, vt inquit
t. 24.
ipsi Deambulatores, vt corruptibile & incor-
ruptibile, non potest igitur hæc soboles verè il-
lius dici patris. ALEX. Ast, quomodo noster cō-
paratus est ignis? I. C. Quiete, vel motu. ALEX.
Quando quiete? I. C. Si concauum speculum
non moueatur, atque ita Solares radios exci-
piat, cuius rei demonstrationem clarissimam
habemus apud Euclidem. ALEX. Memini. Sed
quomodo per motum ignis producitur? I. C.
Aëre moto eliso atque attenuato fit calor, qui
si vltius procedat, ad ignem trāsīt, idque pro-
pter partium attritionem. Scorpionum ar-
cus frequenti tensione calorem concipiunt:
Campanæ exagitatione atque pulsatione
calefiunt adeo, vt siquid frigidi applicetur,
disrumpantur: in nubibus etiam ignis
producitur, cum ipsarum motu aëris fit elisio,
vnde fulgura, quibus nostri ignis originem
Diodorus Siculus adscripsit. Fit autem ce-
lerius, ac frequentius ignis in corporibus so-
lidis, quàm in fluidis, cuiusmodi nubes sunt,
Nam qui inter illa intercedit aër, atque is e-
tiam fortasse, qui est in eorum superficie, pri-
mo momento ignescit, distētus enim attenua-
tur: id quod euenit etiam in sagittæ traiectione,
cuius cuspis plumbea si fuerit, dum aërem
diuidit, liquefit, idem namque efficitur rectā

Plin lib. 36.

productione vnâ longâ, quod breui frequen-
 tique iterata confricatione. Ex duorum e-
 tiam lapidum collisione scintillas erumpere,
 & emicare non modo Pliniano testimonio, sed
 quotidiano, imò & horario omnibus innotef-
 cit experimento, nec mirum, aër enim elisus &
 attenuat⁹ facillimè ignitur. Est enim, inquit A-
 uerroes, calor à cœlesti calore in aëre diffusus,
 qui motu ad ignis formam deducitur. Ideo la-
 pides sonantes seu tinnientes, quia multū con-
 tinent aëris, aptissimi sunt ad ignis productio-
 nem dummodo non sint fragiles, ita enim es-
 sent ad id operis inhabiles, frustra nāque abeū-
 te, abit obex & obstaculum quo attenuandus
 est aër ad ignescendum. ALEX. Credo equi-
 dem, sed quomodo igitur fluuiatiles silices, cū
 aëris non multum in se contineant, id quod cū
 franguntur apparet ex situ partium minimè
 pustulato, præ cæteris tamen lapidibus copio-
 siorem concipiunt & emittunt ignem. I. C.
 Non defuerunt qui dicerent in silicibus seuari
 ignem, qui motu deinde extruditur hinc, atque
 exploditur. Atque ita sensisse videtur Iux Poe-
 tarum Virgilius cum cecinit, *Abstrusum in ve-*
nis silicis excuderet ignē & c. alibi At primum si-
licis scintillam excudit Achates querit pars semina
flamme Abstrusa in venis silicis. Hinc apud Iapones
 mos inoleuit vt matrimonij fœdera igne ac fili-
 ce auspicarentur, quia ignē authorem vitæ cre-
 dunt, silicem verò eius æternum thesaurum vbi
 nunquam marcescat, nunquam deficiat. ALEX.
 Arridet ne tibi hæc sententia? I. C. Minimè,
 quomodo enim in silice ignis absque alimento

Virg. Georg.
 1.
 Æneid. lib. 6.

vit, cur lapidem non adurit? si igne, inquam, refertus est silex, cur manus tangentis non excalefacit? Cur in prunas iniectus non accenditur? ALEX. Quid igitur concludendum? I.C. à tuo id petas Aphrodisæo, ipse scripsit non è lapidibus ignem excuti, sed generari per elisionem. Nam aër, qui ibi continetur, attritione in ignem conuertitur, non enim aliud est ignis nisi aer accensus, ut in flamma videre est. ALEX. Alexandri opinioni assentiri mihi videtur Auerroes, cum scribit, ignis exitum è lapide non esse in capitulo translationis, sed alterationis, ac transmutationis. Sed cur præcipuè silex ex omnibus lapidibus plures emittit scintillas? I.C. Quia nonnullos habet angulos, in quibus minimū est aëris, quare percussus minimè resistit, itaque facillime fit tenuis & per consequens facillime ignescit.

ALEX. Decreueram profecto, mi Iuli, nobilissimas de igne quæstiones tibi proponere, à quibus, arbitror, nunc mihi esse abstinendum, quandoquidem illum ab Elementorum familia abdicas, nam prouerbiali sermone, & trito vulgarique Adagio dicitur, contra negantes principia non esse disputandum; Causam tamen eorum quæ hesternæ die mihi prope focum acciderunt, à te sciscitari & scire percipio. I.C. Tuus explorare labor quid optes, mihi iussa capeßere fas est. ALEX. Meus puerulus cum salpetræ in ignem proiecisset, illico ignitum crepitauit. I.C. Aliqui censent huius rei causam esse quia terreum salpetræ est: at non

*Auerro in
Cæli, l. 56.*

arridet, nã si propter terrã perstrepit, terra magis obstreperet, nã propter vnũquodque tale, & illud magis, at non instrepit terra, ergo multo minus salpetræ propter terram. Quidam raritati eius hoc adscribunt, sed ijs non assentior. Non enim constrepit fungus, qui rarus est. Nonnulli attribuunt raritati iuncta partium duritiã: sed huic opinioni aduersatur pumicis exemplum qui rarus est, nec tamen strepitans. Aristoteles verò dicit, salem in igne ideo adstrepere, quia humoris plurimũ in se continet, qui ab igne attenuatus spirituosam induit naturam. ALEX. Tuam nunc si placet expecto opinionem. I. C. Audi, & accipias eam. Sal multũ continet aëris, quã de re ignitus aër paruo momento inflatur, & ex minori quantitate maior factus, ijsdem angustijs capi non potest, quare ex aëris complosione fit strepitus vt in tonitru. Id quod etiam in castaneis, laurinis frondibus, atque Iuniperinis euenit, multum enim continent aëris, quare intumescens circumstantem cognatum suum aërem resili-tione atq; impulsione cõfringit. ALEX. Ego vero existimaui semper Iuniperum propter vehementẽ cõcrepare siccitatem. I. C. Errabas toto (vt dicitur) Cœlo, nã quæ siccissima sunt non percrepant, quare puerulus ego multoties animaduerti, exsiccatas Laurinas frondes in igne non crepitare. ALEX. Quam reddis huius rei rationem? I. C. Quia aridorum partes minũs firmiter cohærent, quare nulla vi opus est ad partium disunctionem, propter spatiorum laxita-

tem: permagna verò potestas requiritur ad vi-
rides infringēdas quia abundāt humore, cuius
propriū est vnire & cohibere: strepitus verò

fit in fractione. Sed perge, quidquid tibi am-
plius occurrerit difficultatis, patefacias. ALEX.

Quandoquidem non grauaris me tuæ doctri-
næ cupidissimum instruere, ignosce si minuta
etiam ista, curiosior fortassis quàm æquum est,
abs te inquiram. I. C. Minutula quidem & par-
ui momenti tibi videntur, sed ista sæpissi-
mè doctiores angunt & torquent, & quamuis
per exigua, animum nihilominus ad altio-
rem contemplationem euehunt. dic igitur. ALEX.

Lebetis, in quo feruebat aqua, fundum frigi-
dum sæpius adinueni, vide quò me curiositas
abducat? I. C. Quid mirum? Naturā suā frigi-
dum æs, eam quantum potest retinet frigidita-
tem. ALEX. At quomodo detinet? I. C. Aquæ

frigore adiutus fundus, quæ in ipsos poros sese
inducit. ALEX. Cur ita? I. C. Propterea quod
aquæ pars ea quæ calefit summum petit, frigi-
dior autem flammæ suppositæ vt magis resi-
stat, semper in imo est. Sed perge. ALEX. Auicu-
lam veruculo quodam transfixam sponte ad

ignem conuerti vidimus, atque ita aflatam e-
sitauimus. I. C. Profit, sed huius rei cau-
sa fuit paruitas & desiccatio, illa motum,
hæc motus facilitatem induxit: quæ auer-
sa fuit ab igne pars, adhuc suo succo plena, aut
saltem non exsucta admodum propter graui-
tatem decumberet necesse erat; igni vero ex-
posita exustione facta leuior, in abeuntis subi-

retlocum. ALEX. Oscitum dictum. I.C. Sed quæso ne me inuitum diutius in igneis istis difficultatibus detineas, ne si propius ad ignem accedam, velut alter Phaëton, alarum ingenio-li mei nisu caloris violentiâ effracto cogar in præcipitium corruere ridendus. ALEX. Hoc vnum igitur ioci causa proponam & acquiescam. I.C. Quid istud est? ALEX. Galenistam quendam cum nudius tertius inuitassem ad prandium, porcina carnem toties à suo Principe admirabili decantatam commendatione apposui. I.C. Nihil palato meo iniucundius. ALEX. Forsitan vt Mosaicis viris in suilli cibi vituperatione placeas. I.C. *Pensate vos.* Vetusti Philosophi Hebræorum ceremoniolas irridebant. Atheorum verò responsionem qui ad politicum regimen id referunt, (noxia etenim erat hæbreis, qui Lepra laborabant) detestans, nego Præsijs, Iouem Cretensis in Idæ vallibus pro nutrice suam habuisse. ALEX. An Turcarū laudas superstitionem, qui à porcinae carnis esu abstinent, quòd in Arca Noe ex Elephantis stercore genitâ fuisse suæ blaterant. I.C. Nugæ sunt ista, nihil enim est Elephantis infestius quam suus, eius enim grunitu solo (id quod tela facere nequeunt) in fugam vertitur. ALEX. Sed quam assignas huius rei causam? I.C. Naturalis est quædā antipathia. Sed quo digredimur, quo me protrahis? Quæstionem si vis proponas. ALEX. Ita faciam. Porcelli rostrum d... assabatur calidum erat, posteaquam perassatum fuit, minus calidum euasit, cætero

corpore magis calido. I.C. Ratio non ignota mihi, quia rostrum ex rara admodum cartilagine cum sit, suapte natura non diu seruat calorem, quamobrem, quandiu ex ventre per os exit calor ad oris & capitis extrema, rostellum calet: exit autem calor ille dum assatur, excoquendo humidum, vbi assatione peracta cessauit vaporis ille comeatus, non amplius calefit rostrum, sed porrò facilè ratione ipsa ventilatur. ALEX. Perdocte quidem. I.C. Sed quæso de Foco ad Aerē progrediamur. Imò potius de aëre eliso & attenuato ex quo fit ignis, qui aër accensus est, quia parum disputando incalumus, ad aërem frigidum refrigerationis ergo accedamus. ALEX. Quinimo recreandi animi causa loquamur de Comete, & Iride. I.C. Ut placet.

DIALOGVS IX.

De Comete & Iride.

ALEX.



Vando quidem, ita tibi videtur, naturam & causas caudati istius crinitique spectaculi disquiramus. Et primò quidnam sit Cometes. I.C. Hieronimus Carda-

nus affirmat esse fixum in Cœlo Sydus. ALEX. *Card. l. 4. de subtil. c. d. luc. & lum* non hanc laudo sententiã. I.C. Nec ego, Ratio

est, quia, vt inquit ille, mouetur Cometes motu primi mobilis. Item motu planetarum, tūc etiam Septentrionem versus : at hæc Syderi fixo conuenire nequeunt : Non est igitur sydus fixum Cometes. Quare alibi ita palinodiam canens, obratiocinatur. *Quod si dicas (eius sunt verba) Cometes stella non est ex inerrantibus, haud dubium est non enim tot varijs moribus moueretur.* ALEX. Forsitam vna ex erraticis stellis Cometes est? I.C. Minimè Apparent enim illæ sæpenumero, hic autem perrarò. ALEX. Alibi etiam scripsit Cardanus Syderibus plenum esse Cælum, & si non densis admodū, siccescēte autem aëre Cometē oculis fieri obuiū. I.C. Plebei quidem Philosophi est arbitrari, in Planetarū orbibus alias inesse stellas præter corpus planetarum, quæ diuersis locis (vt fit in ludis vel mimicis vel puerilibus) modo appareāt modo abscondantur. Deinde quā fieri potuit, vt aeris siccitate Cometes sub Euclæi principatu apparuerit, sanè ad Septentriones & bruinæ tempore, sicuti recitat Aristoteles. ALEX. Quid igitur de Comete sentis? I.C. Cometem esse corpus tam densum, vt illustrari, tam rarum vt transmittere queat radios, id quod etiam videmus in globo vitreo. Compactum est autem corpus illud è vaporibus vi alicuius astri in summam aëris regionem attractis, quorum quidem vaporum naturā non sit ardens, sed mixtæ materiæ tanquam fumus, aut fuligo, recipiens Solis radios, atque idcirco visibilis, & transmittens eos, atque

lib 1 de rer.
v. r cap 1.

l. 4 de subst.
c. de luc. *Et*
mm.

que ideo caudata. ALEX. Sed à quo vapor ille per tam longum temporis spatium (veluti sex-pennumero sexaginta dierum) in aere sustinetur? I. C. Ab eodem sanè sydere, à quo attractus est, quemadmodum & à Sole nubes suspenduntur, eadem profecto attrahendi & retinendi potestas est; attractionis namque finis & perfectio ipsa retentio videtur. Nam, vt scriptum reliquit Philosophus, eiusdem facultatis est habitum efficere & intendere. Quid immo-
 ror? si informem materiam ab ima nostrâ regione Sidus attraxit, quare ab se compactam, formatam, libratam, & sibi iam propiorem secum non auheret? ALEX. At si vapor est in aëris supremam regionem attractus, quare terrarum orbi incendia non minitatur? I. C. Quia globus ille igneus non est, sed à Sole tantum illustratus. ALEX. Iam satis diu torfit animos, & oculos afflixit portentosum istud corpus: Videamus & contemplemur, si placet, varios Iridis colores, quibus variæ oculis nostris inducantur recreationes. Et primò. Cur Iridis arcus pars interior punicea est, superior cœrulea, & subobscurior? I. C. Quia, vt Aristoteles scribit, oculi vis maximè valet in aspectu supremi arcus Iridis interioris, & ideo puniceus videtur. Subobscurior autem color in summo superioris Iridis circulo apparet, quia ibi ob maius interuallum oculi vis defessa est. ALEX. Digna tanto viro sententia. Sed quid nares complicas? I. C. Imò falsa quidem, & non solum falsa, sed & ipsius philosophi placitis è dia-

Ar. in 2. Ni-
comach. 1. 3.

Ar. 3. Meteor.

métro pugnans sententia. ALEX. Cur eam falsam arbitraris? I.C. Hæc est mea ratio: si subobscurior color idcirco in summo superioris Iridis circulo conspicitur, quia vis oculi maiori interuallo defatigatur, quomodo in minima distantia quæ est imi circuli, Iride inferiore color idem? minùs enim lassatur ad eam delata potestas oculi, quàm ad eiusdem Iridis supremam, atque etiã minùs quàm ad imum superioris.

ALEX. Recte ædepol. Sed quomodo repugnat Aristotelicæ doctrinæ? I.C. Quia ipsemet nos alibi docuit per emissionem radiorum ab oculo non fieri visionem, non igitur ab oculo firmantur in Iride colores. ALEX. At quid de Iride sensit Cardanus? I.C. Pro lucis scilicet multitudine immutari colorem: idcirco suprema Iridis pars lucida est, quia luci propior, inferior autem pars obscurior, quia remotior.

ALEX. Recte ut mihi videtur. I.C. Vtrumque tamen falsum libèter dixerim. Nec enim propter lucis magnitudinẽ colores mutantur, cum idem sit in rebus color ad Solem & ad lucernam, varia tamen est luminis magnitudo, nec supremus Iridis orbis luci, imus obscuritati est proximior: Nam tametsi Cælum Solis altius est, quàm locus Iridis, cum tamen Sol est sub finitore atque ex aduerso creat Iridem, eius radij ab eius centro ad Iridis centrum delati, æque infimum circulum afficient lumine ac supremum, sub eo enim æque sunt. ALEX. Acutissime. Sed quæ tua est sententia? I.C. Non ab oculo, neque à luce sola, sed à luce pro

materiae varietate varios in Iride colores fieri, quare inferior pars caerulea, & nigrior est, quia terrae non parum habet ima nubis pars: media constat ex leuiore materia, quippe aquea, atque ideo viridis: summa pars vero aeris lucidi est, ac propterea fulgida. ALEX. Nihil doctius audiri potest. Sed, amabo, effare mihi, Cur Iris rotundi arcus retineat figuram? I. C. An quia solares radij cum sint perpendiculares, ex parte rotunda reflectuntur, quare Solis imaginem, quae rotunda est, in caua nebula referunt? An quia nubes ipsa rotunda est, quippe vapor est, partium igitur naturam pristinam retinebit, aer autem & aqua, & terra ad centri rationem diriguntur, itaque terra & aqua accedendo, aer recedendo, semper suas curuabunt superficies: quod si nubes a suprema superficie ad axem usque totum illum semicirculum compleret humore, Solis integram semissem representaret, sed quia nubes caua est, ea in parte desit & lucis & coloris reflectio, in qua deest materia subiecta. ALEX. Subtilissima ratiocinatio. Sed cur Iris matutina portendit pluuias, vespertina innubile Coelum? I. C. An quia matutinus arcus nocturni humoris plenior est, atque ideo vas futurae pluuiæ propter vapores crassiores: vespertinus autem ob diurnam siccitatem, serenitatis indicium erit? ALEX. At cur frequentius post imbres succedit Iris? I. C. An quia nubes aquarum crassitudine exonerata plus habent lucis ad Solis lucem concipien-

DIALOGVS X.

De Fulgure, Nive, & Pluvia.

ALEX.

Postquam varijs Iridis coloribus animos & oculos saltem intellectus recreauimus, nunc addiscendi causâ fulgurum, niuium, & pluuiarum, conruscationes, glacies, & inundationes subibimus, securi tamen ab eorum omnium incommoditatibus. Et primò, inquiram, Cur in Fulgure prius videatur lux, quàm Sonus audiatur? I. C. Propter obiecti celeritatem, Pingit enim aërem continuo lux, quæ confestim videtur. ALEX. Cur ita accidit? I. C. Quia lux educens visibiles species ipsa sese effundit, easque simul per aerem transuectas, in eius extremam superficiem, à qua palpebra contingitur, statuit; aperta palpebra pupillæ species offertur, eique minimo temporis momento coniungitur. At non ita est de sono qui non nisi motu defertur, motus autem omnis in tempore. ALEX. Tam doctè explicas, vt nihil supra. Sed quæso cur fulmen loculo illæso atque dolio, aurum colliquat, atque vinum exugit? I. C. Quia in loculo & dolio propter foraminum laxitatem, ei facilius patet transitus, quapropter illis non inhærescens, non lædit; in aurum vero & vina

penetrat, & in eis, ob maiorem densi corporis
resistentiam, immoratur, eaque propter ca-
liditys acrimoniam eliquat, aut exugit. ALEX,
Sed cur fulmine vapescit vinum coloremque
rufum asciscit, ac genuinus illi sapor aboletur?
I. C. Ab igneo calore ac vi penetrabili vrenti-
que fulminis id accidit: quapropter & æstiuus
caloribus vina acescunt, per magna namque caloris
potestas cognatas igneas particulas attrahit.
ALEX. At quomodo possemus dolia premunire
ut ea à fulminis vi intacta serventur, & violento
motu & cōcussione acore ne vitientur? I. C. Ut
pœnora sint concamerata ac testudini cōstru-
cta: sic enim vagatur ibi fulmen, nec alicui par-
ti adhærescit: Apponatur etiam vasis ferri la-
mina cū sale & silicibus. ALEX. Cur ita? I. C. quia
fulmen cum durissimis conflictatur, in eaque
potissimū vim suam exurit, rara & tenera, inta-
cta relinquit, quod per ea trāsitus pateat, nec il-
lis inhærescat. Hinc marini vituli tegmen
in victum à fulmine Phocam servasse dicitur,
quia contextu raro est minusque solido. ALEX.
Sed Daphnem illam Apollinis amasiā, laurum
intelligo, quā secretioris amoris potestate
Deicolæ curant, ne fulminum impetu conster-
netur? quemadmodum neque columnæ? I. C.
Non vires id operantur amoris, istud enim
fabella est, sed quia laurus ob sui rarita-
tem illi cedit, nec renititur, quare incidens va-
por non inhæret: multò minus in columnis
quæ rotundæ tersæque cum sint, ictus labatur
innoxius necesse est. ALEX. Sed quā de causā,

nunc dicas fulmini nauales antennæ sunt obnoxia, Carinæ vero & spondæ innoxia conspicuntur? I. C. Quia altæ illæ sunt, fulmen autem alta petit, nam vapor est fortis mixtionis, qui in altis gignitur, & extrusus è nube, in latus acquirit imperum: at cum iuxta aquas descendit, à suo cōtrario frangitur atque repellitur: Aer enim aquæ proximus, frigidos vapores ex aqua eleuatos in se continet, quapropter aer iste aquæ contiguus merito fulmen, quod igneæ facultatis est, tanquam suum contrarium reiiciet, ideoque & carinas à fulminis transcurso custodiet illæsas. ALEX. Sed à calore ad frigus transitum faciamus, quâ de causa nix sine fulgure & tonitru descendit? I. C. Quia nix congelatio est vaporis non coacti ob sui tenuitatem, aerisque crassitiem, nec enim nimis in altum vapor ille attrahitur, ob imbecilles solares vires; hinc est quod nebula, quibus nix continetur, densæ non sunt, deest igitur accensus vapor, qui magno impetu eas dilaceret. ALEX. Quare niues, cum sint frigida, fecundant agros? sanè calor author est fecunditatis. I. C. Ob calorem sub terram hyemè re-percussum, niuium enim tegmine operto agro, non exalat calor genitalis; & ob pingue humidum, niuibz enim solutis lutum fit. haud parum sanè terræ admixtum niues obtinent, aeris multum, aquæ plurimum, quibus additus à Sole calor finem cōfici cit omnium lætaminum excellentissimum. Quamobrem vermiculos quoque in ipsis generari niuibz prodidit Ari-

stoteles. Insuper niues enatis segetibus incubantes, tum suborientium herbarum maleficia tollunt, tum frugum luxuriam prohibent, quæ cum in radices introrsum demittatur, effert sese postea ad spicas habitiores iccirco futuras, atque lætiores. ALEX. Sed verum ne est quod in prouerbio iactatur, omnes herbas quæ in niue oriuntur, amaras esse? I. C. Minime id quidem, neque enim nix amara est, neq; quod sit ex ea lutū, & aer, qui cōtinetur in niue multus, debuit intus prædominari, solitus in mixtorum concretionem dulcedinem comparare, si tamen aliquo rationis stabilimento prouerbum illud, seu, vt melius dicam, popularis ille error, fulciri atque muniri potest, hoc esse crediderim: nempe quia validius obsessus sub niue calor, vbi sese in humidum tabescentis niuis insinuarit, creat aliquid quod sit amarum eo quod amabiliore partes recesserint, sicut à mari, quod ideo amarum est, vt alibi diximus. ALEX. Quam vero ob causam, Alpes & Pyreneos montes inhabitantibus guttur sit turgidum ob potum aquæ è niuib. liquefactæ? I. C. Quia hæ multum terrestris & crudi retinēt, crudum igitur cum repugnet resolutioni, & gutturis musculis & glandibus inhæreat terrestris, quod propter aqueum sese insinuaui, necesse est vt ibi concretum dure scat.

ALEX. Cur in niuosiss montibus moriuntur animalia? I. C. Quia afferebam ego in iuuentutis limine quando primoribus labris Philosophiæ cupedias degustauerā, calor introrsum

depulsus à suo contrario, scicliet frigore, cōsumit atque humidū radicale exurit, ipseque simul deperit. Falsum tamē hoc nostrū iudicium esse testantur eadem corpora quæ è niuib. exempta extenduntur, id quod videmus in leporibus: non est igitur omnino absumptum humidum, sed gelatum, & ineptum factum ad

*Fernel l. 4 de
spiritib. & imm.
calido cap. 8.
cyc. fin.*

caloris pabulum. Fernelius autem credidit magnā vi frigoris insitum calorem repente extingui. ALEX. Cur autem ij qui niuem esitāt, ardorem sentiunt in faucibus, imò & sæpius obmoriuntur, dissecti verò inueniūtur habere hepar exustum? I. C. An ideo id euenit, quia natiuus calor frigus perlentens, in recessus interiores aufugit, quare pori obcluduntur, neque fit humorum euaporatio, hinc infirmitas; insuper calor intus coactus, vehementius agit atque demum adurit. sanè frigus cōtractā densatāque cute natiuum calorem erumpentem intro repellit, qui dein intus collectus & coarctatus, multoque pabulo auctus vi maiore excalefacit. ALEX. Cur & quomodo ranis aliquando pluit? vt in agro Mirabelli, quod oppidum est Santonicæ Præturæ, tantum ranarum pluuisse legimus, vt cumulatim totæ viæ tegerentur. I. C. E lacunis nubium haustas atque demissas arbitratur Cardanus. ALEX. Eius

*Card lib. d.
subtilit. cap.
de scient.*

verba, quæ lo, proferas. I. C. Neque mirum pluere ranas, pisciculos, lapides, nam ranæ ac pisces è mōtuum iugis venti impetu transferuntur, transfertur & puluis qui vi ventorum in lapides cogitur. Indicio est non procul à montibus illos cadere, sed vt olim in

Albano monte atque in vallibus è proximis altioribusque montium cacuminibus. Refert Georgius Agricola Chepuntij luteam terram cum aqua pluuisse & in Suenis anno. 1534. Aer inficiebat vestes cruce rubra, id contingit pulvere cum imbris delato: forma vero crucis ob fila qua crucis formam dum texuntur referunt, apparuit. Transferunt & ova parvorum animalium, ut etiam ranarum, & piscium, qua inter turbines ventorum, & imbrium procellas emittunt animalia, quæ pluuere videntur. ALEX. Perdoctè quidem. I. C. At duo sunt tamen quæ mihi nauseam pariunt. ALEX. Quænam sunt ista? I. C. Illud in primis, lapideâ pluuiam effici ex pulvere hausto à nubibus atque in lapides condensato. ALEX. Cur hoc displicet? I. C. Nam ferrum similiter pluuisse in Taurinis testatur auctores fide digni; quâ ex fodinâ illud sustulit nubes? ALEX. Quid est aliud quod tibi non arridebat? I. C. Ranarum ouis in aerem sublatis, ranûculas excludi, quibus pluat. enimvero Mirabelli tantum ranarum pluuisse legimus, ut oppidani neque domo efferre pedem, neque vbi vestigium ponerent haberent, quò si totius Aquitanix ranina oua conuecta essent, vix ille ranarum numerus expleri potuisset. Sed non exemplis quæ sensuum mancipia oblectant, sed rationibus Philosophum convincamus. ALEX. Eas igitur in medium proferas. I. C. Estne adeo imbecillis Natura, ut ei oua substernere opus sit? Quotidiana Cœlestis Genij fœtura, Natura est, cuius potentiam declarant plantæ nullis ortæ seminibus. ALEX.

Sed quænam est tua sententia? I. C. In Aëre ranas illas fuisse genitas. ALEX. Cur ita. I. C. Quemadmodū mus non semper è parentum semine, sed à naualibus quilibet quilibet procedit, sic in aëre genuit Naturā ranas, nō ex ovis, sed ex aqua genitali, cœlesti calore cōdensata, & conformata. idem de Lapideis, ac ferreis imbribus dictum volumus. Quid mirum? nonne sulphur in aëre generatur? quippe fulmine, quod in aëre gignitur, vitiata corpora sulphureum odorem naribus offundūt. ALEX. At cur post huiusmodi portentosos imbres magnæ accidunt sæpenuerò Rebus pub. calamitates? I. C. *Quia*, inquit Cardanus, *Non nisi in magnis ventorum motibus ista contingunt, at venti immodici à caliditate & siccitate graui oriuntur, unde proditioes ostendunt ut etiam in Adagio sit, ventus immodicus, proditio viget. Calida autem & sicca constitutio, quæ imbecilia capita vexat, ea agit in proditioes, seditiones ac cades. Plebs autē plerūque talia habet capita ob paruum experientiā rerum, & intemperantiā. Quocirca contingit illam ad facinora vel illo rum pessimos impelli, sed falli etiā contingit, tuncque valuisse supplicationes dijs factas creditum est.* ALEX. Tu quid sentis? I. C. An potius (inquimus nos) quia ex ranarum putrefactarū odore lues initia sumit & incremēta: an lapidea ferreaque pluuiæ horrore ac stupore percutit oppidanorū animos, qui cum inhorrescunt, magnam in corpore spirituum contētionem patiuntur, & quod inde sequitur, non mediocrem in valetudine mutationem, cum

*Caid ubi su-
pra fol. 796,*

verò obstupeſcunt, ſpiritus intus reuocantur
ad rei admirabilis cauſam inueſtigandam, qua-
re exteriores partes ſpiritibus deſtitutæ, obno-
xiæ ſiunt vel minimis aeris alterationibus, quā-
tò magis vehementiſſimis, prout tunc fuiſſe
veriſimile ducimus ex validiſſimâ vaporum
mixtione, atque condenſatione, quæ ferrum
lapideſq; produxerit. ALEX. At difficultas
mihi exoritur, nec plebeia illa quidem. I.C.
Quænam illa eſt. ALEX. Sub Noruegiano
Cælo pluit ſæpe puſillis animalculis, quæ
Lemmer vocant incolæ, ſunt autem abſimilis
ſpeciei à reliquis animantibus, quare ex imbri-
bus illis nouæ ſpeciei exordia deſumpta viden-
tur. I.C. Quæſtio per antiqua eſt, an nouæ ſpe-
cies quæ nunquam exiſterint, gigni quæant.

ALEX. Quæſo dic in hac quæſtione aliquid.
I.C. Empedocles mundum dicebat imperfe-
ctum, quod in eo noui eſſet quotidie aliquid
generati. Peripatetici verò è contrario aſſerūt,
nihil noui generari quod ſit ſpecies, ſed in ſpe-
cie, quæ iam eſt, indiuiduum. Alij mūdum ſta-
tuebāt æternum hāc eandem ob cauſam, quia
ſcilicet ſemper gignitur, imperfectus eſt, at
nunquam deſinet generatio, ergo nunquam
abſoluetur. ALEX. Nugæ ſunt hæc. I.C. inſcitia
ſoboles atque ſupinitatis. Materia namque
prima nunquam augetur, non enim ſit quic-
quam illius, ſed ſub aliam transfertur for-
mam, ſit materia prima aliud ſed non ſimpli-
citer, nō enim (vt Scolasticorum vtar vocibus)
aliud quid, ſed aliud quale, nempe facit eam


aliud forma , sed non mutat vt fit aliud quid, non enim esset amplius materia, sed vt aliud sub formâ. ALEX. Id solum igitur discutiendum remanet, an noua forma fieri possit, quæ materiæ sese aptet, hoc enim essentia est , & quam speciem appellamus. I. C. Affirmatiuè ego responderem lubenter , nam si in fimeto muris forma non est , & mus generatur ibi, muris ibi formam esse nouam necesse est , ab aliquo igitur constituta est, nempe à Sole: sanè nihil fit à seipso, igitur pari ratione nouæ species in efficientis potestate esse possunt, quæ potestas non nisi cum patiēs ritè affectum fuerit, ad actum reducitur. ALEX. Quam autem ob causam gutta cum cadit in aëre globosa est? I. C. Quia nequit in aere cum aëre vnum fieri, quò fit vt accipiat illam formam, in quâ extrema æquè distet à medio. Vnitas autem procul dubio in homogeneis excellentius seruatur in globo. ALEX. Cur ita? I. C. Quia nihil dissidet, nihil absistit, nulla inæqualitas, qua parti pars vel desit, vel superfit. ALEX. Ego verò ita dicerem, merito & suo iure sub ea figura partes esse, sub qua totū est à natura cōstitutum, à situ intelligo figuram totius , Elementorum namque loca circularia , tum quia circulari corpore, quod est Cælum, tum quia circa centrū continentur. I. C. Laudo equidem , & merito laudo sententiam tuam. ALEX. Sed illud nunc me angit, Cur gutta fit postea oblōga. I. C. An in ima gutta latior est pars ob pondus, summa in acumen angustatur, quia abscinditur, ne va-

cuum detur , non statim separatur à toto;an
 sicut simile libenter it ad simile,tanquam pars
 ad totum , aut tanquam pars ad cognatā par-
 tem, vnionis appetēs, quę entitatis assecla est,
 sic non libenter à toto separatur,iccirco tan-
 quam inuita sensim atque lentè distrahitur.
 An quia fortassis,inferiores guttæ partes plus
 terræ,superiores autem plus aeris habent.

DIALOG. XI.

De Motu & Quiete proie- ctorum in Aëre.

ALEX.

 Pluuia, quæ aer est condensatus,
 nunc ad aeris motum transcenda-
 mus,& disquiramus,an motus sit
 quietis causa, an è cōtra, quies sit
 causa motûs? I. C. An dicemus, ad
 hanc quæstionem resoluendam , motum
 esse quietis effectorem? Sanè lapides in aquæ
 superficiem per obliquum iacti , resiliunt:
 è situlâ aquâ plena circumacta ne gutta qui-
 dem effunditur. Vrceus aquâ repletus, cui
 sit fistula imposita, si inuertatur, aqua in fi-
 stulam non descendet : quiescit ergo aqua
 per motum, motus igitur quietis causa est.
 An vero animi gratia asseremus, quietem ef-
 se motûs causam , vt allata exempla , si
 acutius considerentur , confirmant. ALEX.
 Quomodo id fieri potest? I. C. In lapidis histo-
 riâ duo sunt motus,vnus deorsum,desilit enim

lapis, alter est sursum, quia subfilit, quare & duo erunt motores, iaciens & repellens, iaciens est mea dextera, repellens est aqua: at aqua non mouetur, quemadmodum ne terra quidem cum iacitur pila: idem motus in terra pilæ, qui in aqua lapidi, profilitio & resilitio: at resilitio motus est, prouenit autem à terra vel aqua, quæ conquiescunt, quies igitur erit causa motus: quod & situlæ probat exemplum, nam tametsi rotatione moueatur situla, non tamen mouetur aer ad ingressum, solidum enim & integrum semper inuenit tanquam eundem, quare transitus tempus breuius est, quam tempus quod ad descensionem requiritur, quare nequit tunc aer in tam pusillo momento subire in locum vnde aqua flueret, non oportet igitur aerem moueri, vt situlam sequatur, semper enim inueniet aerem situla quocunque circumrotabitur, anteuertit ergo mutatio loci motum vtriusque cum aeris tum aquæ, quod si absque aeris motu situla mouetur, quies videtur esse causa motus; quod alio exemplo manifestum est, si enim inuersus vrceus super tabulâ æqualis superficiæ, ipse item oris maxime æqualibus, aqua plenus tradatur, nihil exhibit aquæ nisi quantum adhærebit superficiæ, nihilo, inquam, plus exhibit aquæ quam si non moueatur, propterea quod recens semper locus est quasi vnus, quia non differt situ à priori, quod si tunc mouetur vrceus & non aer, non dubito asserere quietem esse motus causam. Consecutio non negabitur à Platonis quæ

ex aere motum fieri existimant, at aer quiescit in vrcei rotatione, ergo aeris quies est causa motus; Nec à Peripateticis, qui à cessione antecedentis aëris motus causam desumunt. ALEX. Aliquid diuinum hæc sapiunt. Sed illud scire percupio. Lapis à manu proiectus à quo tunc mouetur, cum à manu non tangitur? I. C. Ab instantis aeris (inquit Plato) impulsione. ALEX. At ego Platoni non assentior. I. C. Nec ego profecto, aër enim sequitur rem projectam, non potest autem sequi, nisi aër, qui lapidē antecedit, pellatur: simul igitur fit à lapide impulsio aëris antecedentis, & ab aëre subsequente lapidis: sed non potest subsequens aer pellere lapidem, nisi antecedens à lapide pellatur, quare tanta erit antecedentis resistentia, quanta subsequentis instantia, non igitur mouebitur lapis: imò resistentia potior, ac maior erit, quia est naturalis, quàm instantia quæ est non naturalis. Non est enim motus aëris in rectum naturalis. ALEX. Sed qualis est Platonis raticionatio? I. C. Aer, inquit ille, subsequens succedit in lapidis locum ne detur vacuum. ALEX. Id vero concedo. I. C. Ergo mouet. ALEX. Nego, I. C. Recte quidem, satis enim habet si implet ne vacuum detur, hoc autem non mouet, nempe non moueretur aer, in eum subiens locum, nisi moto lapide, quare, semel completo loco, lapis non moueretur, terminatur sanè motus ille complexionis superficie lapidis, non igitur pellit.

Auer. in 4.
Phys.

Intelligit o-
ftauum Phis
s. 82. lib. 2.
de Cælo. s. 35
Et 13. eiusd.
s. 22.

ALEX. Sed quæso quid super hoc Aristoteles cēfuit? I. C. non, vt Plato, à motu sequēris aëris sed à cēffione antecēdētis causā accerfit. Auerroes verò ita scipfit, *Causa in motu lapidis post separationem proyicientis non est successio aëris, sed translatio ipsius. Et est hæc sententia Aristotelis, vt declaratum est in libris cæli, & mundi & in ultimo lib. huius.* ALEX. In quo ergo differt à Platone Aristoteles? I. C. Quia ille per compulsionem instantis aëris, hic per cēffionem impulsu id fieri arbitratus est. ALEX. Quā fretus ratione? I. C. Quia pulsus aër à lapide, eadem pellit impulsione cum qui ante se est, tum ille alterum, atque is quartum, quæ in loca subire lapidem necesse est, ne vacuū datur. ALEX. Arridet ne tibi hæc ratio? I. C. Minime, non enim potest antecēdens aër velocius moueri, quàm moueatur lapis, à quo semel impulsus est aer ille: nam quomodo moueretur magis, quàm mouēs moueret ipsum? sane magna mihi difficultas est, vt intelligam planè quā naturā fultus aër subtrahat sese lapidi, à quo non est per se pulsus. Quod autem nunquam pella- tur aer à lapide, ideo patet, succedit enim, in- quiunt Peripatetici, ne vacuum detur: at si im- pelleret, non solum impleret vacuum, sed etiā impelleret plenum. Nec assentior Auerroi, ex mēte Aristotelis dicenti, aeris naturam esse, vt semel motus deinde seipsum moueat, non e- nim deorsum motus aer, magis deorsum sese mouet, sed reciprocatur & redit. ALEX. Diuer- sam memini me apud Themistium perlegisse

sententiam. I. C. Ea est, manere in lapide proiecto vim à proijciente impressam, quemadmodum & calorem in aqua ALEX. Sane & à me puero excidit olim hoc respōsum, vim impelleris nerui relictā in sagitta. I. C. At quomodo id fiat, nondū à quoquā audire mihi cōtingit, nec exēplum à maximo Philosopho Themistio positum conuenit. ALEX. Quamobrem? I. C. Quia calor accidens est in aquā generabile ab eo accidente, quod agit sub forma ignis. At vis mouens quo pacto exit ex anima mea vt in lapide insidens agat? Neutiquam calor ille quod animæ instrumentum est, generat in lapide calorem, à quo tandiu moueatur, quandiu in eo viget. ALEX. Subtiliora hæc esse fateor quā vt à me percipi queant.

DIALOGVS XII.

De impulsione Bombardæ & Balistæ.

ALEX.



Ed vt impulsio-
num causas proie-
ctorum uelatiùs exquiramus, Vnde fit impulsus in Tubulis æneis anthracotheo salenitro plenis? I. C.

A rarefactione, ignis enim rarefacta materia, cū proxima loca vindicare uult, depellit. ALEX. Nō Card. l. 2. de es nescius Hyeronimū Cardanū magni nominis *subt. c. de eis.* Philosophū, densitati hui⁹ impulsio-
nis causam

adscribere, eâ inductus ratione, *Pulvis ubi factus est ignis, nō potest eo capi spatium quo dū pulvis esset capiebatur, quā ob causam partes eius tum densatur, ergo densationem illam cum partes eius pati nequeant, erumpere.* I. C. At enim uero duæ hic sunt rarefactiones: una quæ causa est illius condensationis, non enim prope globum ferreum cōdēsaretur, nisi cum prius ad foramen ignescit, mox etiam successiue rarefieret. Altera coniuncta est expulsionī, non enim exiret, nisi diffunderetur. Præterea dēsatio illa est ibi non solum causa secundaria, sed etiam per accidens, quippe est priuatio proprii naturalis ignis quod est raritas. Quo nam igitur naturæ consilio, priuatio proprietatis ignis efficiet impulsione? fit enim à formâ appetente locum suum. Ad hæc rarefactio motus est, quo rarefacta promouent conterminos suos, densatio vero motus, quo densata suos contrahunt terminos: Impulsio autem est promotio extremi: non recte igitur Cardanus à condensatione motum illum confinxisse mihi videtur. ALEX. Optimè. Sed nunc videamus unde fit impulsione motus in balistis. I. C. à rarefactione inquit nostrates Philosophi: Scalliger, à condensatione, quandoquidem condensatur arcus in balistis ubi retunditur, breuior enim fit, ergo contractior, ea de causâ frangitur aliquando cum tenditur, quia rarefit. ALEX. At rarefactio causa est propter quam deinde arcus retundatur, atque condensetur. I. C. Sane nullo in genere causæ reponi posse





credidit: non est forma, non materia, quippe accidēs & priuatio dēsitatis, quæ debetur arcui: non finis, finis enim est impulsio: non efficiens nullū enim ens est efficiēs sui cōtrarij, nulla priuatio est efficiēs habitus sui. Raritas autē est priuatio dēsitatis. ALEX. At arcus in parte cōcauā interiore cum flectūtur, dēfantur, cum retundūtur, rarefiūt. I. C. Ille vero non ita inficias, at maior est (inquit) arcūs ambitus exterior, à cuius amplitudine motus illius inire oporteat rationē. Quare & ab impulsione motū illum fieri negat, habet enim præcedentem causam, nempe attractionem, impellit namque sagittam funis, quia trahit, trahit vero quia trahitur. ALEX. Acutissimè quidem. Sed quæso, cur aliquando frangitur arcus? I. C. Quia nimium rarefcit, iccirco viscida non rumpuntur, quia non dissipantur partēs, sed vsque & vsque possunt rarefieri, terrea non item, idēd confringuntur, non inflectuntur. ALEX. Quare franguntur arcus si a motū fibulā, sine clauicula, & sine sagittā referētur? I. C. Quia dum habent quod impellunt, minore impetū contrahuntur, cum nihil obiectum est, momentaneo, propter quam motūs violētiā abrumpuntur, id quod in vegetibus quoque virgulis euenit, sensim enim flexæ constant, & sequuntur, si violento nisu & confertis viribus reflectātur, absistūt partes illicō. ALEX. At cur dirūpitur etiam funis vbi sine sagitta retēditur? I. C. Non id fit eadem quā arcus causā, sa-

nè non rarefactione, sed arcus vi, qui vtrinque distrahit, & vtroque dum nititur redire ad situm suum liberum, non à fune coactum. Vbi verò tenditur arcus, & funis adducitur in fibulam, si rumpatur funis, rarefactioni est adscribendum.

DIALOG. XIII.

De Aëre exsufflato & ventilato.

ALEX.

 Emini legisse, Satyri cuiusdam,
 ex illis quos Deos delira putauit &
 adorauit antiquitas, accutissimum
 dictarium. Cum enim hospitem eū-
 demque Captorem suum aperto
 ore in manus suas insufflantem videret, scitè
 quæsiuit ab eo, cur id efficeret? respondit
 hospes, id quod erat, vt eas scilicet excaleface-
 ret. Obmutuit tunc Satirus: verum enimue-
 ro cum paulo post eundem hospitem suum
 ore restricto in offam sufflantem conspexisset,
 curiosulus alioquin quæsiuit rursus quâ de
 causâ? respondit ille, vt frigidiorē &
 esui aptiorem redderet. Apage, ait statim Syl-
 uanus, eiusmodi animalis consortium, in cuius
 ore latet & frigidum, & calidum, Sed rationem
 tu reddas cur aer ore lato exsufflatus, calidus
 est, angusto, frigidus? I. C. An quia (inquit Ari-
 stoteles) ex ore aperto multū prodita aeris, qui
 calidus cum sit, & præpotens, ab externo aëre

ambiente, qui frigidus est non patitur: ex oris autem angustijs parum exit aeris, multumque peregrini aëris excitat, quamobrem illius calor suam ob exiguitatem ab externo frigore superatur. ALEX. Perpulchra sententia, I. C. At enim uerò mihi non arridet. ALEX. Quare? I. C. Sanè tubulum in os indas per què si efflaueris, digito quàm proximè ad exitum admoto, frigidum percipies aërem prodeuntem, cum tamen illi nihil aëris extimi fuerit admixtum. ALEX. Ita est, sed quid tu censes? I. C. Ego dicerè aërè ore lato exsufflatù adhuc retinere calorè, quem à pulmone obtinuerat: angustis vero labijs vasto impetu elatus, calidos illos vapores, quibus fuerat à pulmone affectus, cogitur à cōstrictis oris angulis vti crassiores relinquere, & ipse solus egredi, qui cum sit respectu nostri frigidus, admotam manum refrigerat. ALEX. Perplacet sanè. Sed quare motus seu ventilatio æstiuum refrigerat aërem? cum tamen nihilominus ab omnibus acclametur, motum esse caloris causam. I. C. Quia calor ille nimius factus per Solis accessionem, quo aër calidior est, quàm suapte natura erat, discutitur atque dissipatur. ALEX. Sed dic fodes, calefit ne an frigit aer motu? I. C. Vtrūque. Nam aer qui erat calidus, cum ventilatione disturbatur, rarefcit, quare ab eo multæ partes calidæ auertuntur, hinc frigescit. Partes vero aliæ partibus illis diffitis circūstantes cōdensantur, quod & in sagittæ fit traiectione, atque concalescunt: propterea quod multæ aeris



partes in vnum coguntur, atque iccirco multus calor, cuius illæ sunt fundamentum.

ALEX. Sed cur celeriter mota manus, atque in alium reducta locum, aerem sentit frigidum, leniter vero mota calidum? cum tamen in utraque motione sit recentis aeris renouatio. I. C. Quia aer sui naturam non est frigidus, sed nostri corporis calori comparatus, iccirco sentitur frigidus ille, qui nos ambiens nostri contactu non sit concalescens, itaque si manus celeriter transferatur, aerem persentiscit frigidum, quia nequit manus in tam pusillo tempore illum calefacere, at leniter mota subsentit calidum, quia leui motu secum hærentem aerem, quem iam suus contactus excalescebat, trahit, neque nouum sine illo medio inuenit cui occurrat.

DIALOG. XIV.

De Aëre Corrupto.

ALEX.

 Cicissimè iocatur Cicero in Epist. ad Trebatium ni hil esse obscenitatis in rebus, multo minus in verbis.  At hic non idem est, nam sæpe aer corrumpitur, verba nunquam, de aeris igitur corruptione securi disputare possumus absque fœtoris maleolentiâ. Quamobrem quæro à te (imi Iuli) corrumpitur aliquando aer, & contagiosus efficitur? I. C. Quia

excalefactus nequit ad suam redire frigiditatē: sanè in angusto carcere conclusi captiui, quibus nulla fenestra est, nullus ianuæ hiatus, moriuntur, quia aer vltro citroque tractus, emissus, commeans à pulmonibus calefit, nec in spatio laxiori est quantum sit satis ad incalescendi vicissitudines, atque ad pristinam redeundi frigiditatem; hinc Scitissimè Hippocrates asserēbat, stipatam supellectilem calefieri atque corrumpi. ALEX. Memini, imò hanc ob causam Armelinas, & Sebellinas pelles, quibus in hybernos vsus togas ornare soleo, externa die Australi aurē ventilendas exposui. I. C. Aquilonari potius debuisses obijcere. ALEX. Cur ita? I. C. Quia frigida, & sicca tempestas asseruandis rebus accommoda, frigore ac siccitate Cœli obdurescunt tegmina, quare pili non desinunt, imò & vermiculos, & tineas, quæ vestimenta depopulantur, & vel corrosione, vel attritu vitiant, exarescere contingit & aboleri in frigida, siccaque aura, quælis est Aquilonaris: secus in humida quemadmodum Australis est. ALEX. Mihi hæc probarentur, nisi compertum esset, & in his brumalibus feriis frigidissimis iuxta & siccissimis pelles illas adhuc concepisse detrimenta. I. C. Forsitam nocturno tempore lecto imponebas. AL. Ita est, sed quid hoc ad vermiculorum generationem, & ad pilorū defluuium? I. C. Calida, & humida progenerādis sordidis animalculis, idonea sunt, quare æstiuus mēsis⁹ auraq; sub tepida cænacula, cellæ prōtuarie, arcæ cimicib⁹, culi-

cib⁹, crabronib⁹, Vespis, scarabeis, corpora publicibus, pediculis, lētibusque scatent, quæ hyberno tempore minus cōspiciuntur. ALEX. Ita est. Sed quid inde inferis? I. C. Sudor, qui ex repente, madidoque per nocturnam quietem corpore emanabat, atque expirabat, in clamydē assumptus est ita vt tepore quodā à corporis exhalatione imbuta, ac perfusa, corruptionis materiam cōceperit, imò & pilorum pompa destituta quodāmodo fuerit, nā à laxata ob calorem cute pilos defluere accidit. ALEX. Subtilissime, sed habeo adhuc quod obijciam. Illustrissimus Don Petrus de Castro de Villaquiran Hispanus Doctor celeberrimus mihi heri retulit, coemisse Lutetiæ complures Armelinas pelles, è quibus in eodem loco optimè seruatis, vna duntaxat pilorum casum passa est. I. C. Hæc fortassis æstiuo sydere animali detracta fuit, quare hians, laxaque ob calorem cutis pilos tenacius non amplexabatur, quapropter cito cōciderunt. ALEX. Fœlix qui potes rerum cognoscere causas. Sed quæso enarra alias causas, quæ aëri corruptelam inferunt. I. C. Inquinatur vaporibus aër, qui ex mixtis putrefactis exhalant, vt è cadauerum fœtore in castris aliquando accidisse legimus; licet enim aëris substantia simplex cum sit, putrescere nequeat, variam tamen primis qualitatibus mutationem subit: multa inquinamēta tanquam sparsa morborum semina aliàs ex inferioribus, aliàs è superioribus excipit. Ex inferioribus quidem velut ex stagnis, paludi-

bus vel lacubus inquinatis ac putridis, ex quibus expirans vapor ambientem permixtione labefactat. Ex terra graui & inquinata, ex antris, specubus, aut baratris graues interdū expirationes in aëra tolluntur nobis plurimum infensæ: Animantium, maximè vero serpentium, & hominum non cremata ex bello cadauera, reſeruata illorum excrementa, euulſæ ſtirpes venenatæ, aliæque ſordes computeſcentes, plerumque aëri graues & exitiales offenſas induxerunt: non aliter quam metallorum, ſulphuris, arſenici, hydrargirij, aut prunarum fumus coarctatus, non paucos iugulauit. ALEX. At quomodo contingit hæc putrefactio? I. C. Ob miſtionis diſſolutionem, quæ fit calido innato atque humido euaporantibus, quia ab humiditate partes molliusculæ redditæ ſunt, & ſublatae ab extraneâ caliditate ſiue ea in aëre ſit, ſiue in circumfuſo humido. ALEX. Optimè quidem ſed planius quaſo. I. C. Res vna quæque putreſcit, cū eius temperie ſenſim diſſolutâ proprius natiuusque calor, qui omnia regit & continet, euincitur ac deficit, ſiue ab ambiente calore diſſipatus, ſiue à frigido aut alienis qualitatibus extinctus: Refrigerato & extincto calore, naturalis & aquæus humor dominatur, vndique redundat & diſſluit, quippe nec iam alicunde coercitus nec ſicco temperatus. ALEX. At vero Galenus partium aut humorum corporis putreſcentium vnā obſtructionem cauſam ſtatuit. I. C. Non differt à nobis: Nam obſtructio ca-

loris transpirationem ventilationemque prohibet, prohibita ventilatione calor refrigerio destitutus hebescit & extinguitur. Calore demum fracto & debilitato humor euagatur ac diffluit, calorisque vi & dominio destitutus computrescit, cui fere comes est fœtor & graueolentia, Putredine magis ac magis inualefcente proprius calor elanguescit, simulque naturalis humor dissipatur, & partes sicciore euadunt, quasi marcore consumptæ, qui omnis putrefactionis finis existit. Omnia enim quæ putrescunt, tandem in fimum ac cinerem extabescunt. ALEX. At non omnis contagio est putrefactio, quandoquidem acetum, vino, cum immiscetur, cōtagione sua illud corrumpit, nullam autem putrefactionem acetum in se continet, quinimo ei resistit. I.C. In aceto putrefactionem inesse, imo & antecedere dixerim, nam lac putrescere cū incipit, acescit. Fœtor autem in aceto non est, nec enim absolute vinum corrumpitur, sed corruptionem illam generatio aceti consequitur. *Fit enim* (inquit Fracastorius) *dulcibus & aereis particulis abeuntibus, relicto multo terreo subtili adusto cum plurimo aqueo, vel emanat* (inquit Fernel.) *acidus sapor tenui siccæque materiâ, cuius calor insitus putredine exspiravit ut in aceto.* ALEX. At saltem illud obtinero, non omnem putrefactionem contagiosam esse. I.C. Hoc verò à me negatur, quandoquidem ex perpusilla vnius cerasi putredine adhærentes fructus corrumpi & marcescere certum est. Fateor tamen non à qua-

*Frac. in l. 1.
de contag.
cap 9.*

*Fernel. lib 4.
de medendi
Methodo c 36*

cunque putrefactione contagionis seminaria
produci, quæ valida sint alibi propagari, sed ab
ea duntaxat putrefactione, quæ acumen &
agendi potentiam, nec non lentorem elabora-
tamque miftionem retinet, quare calidæ & sic-
cæ particulæ ex miftorum putrefactione ex-
halâtes contagionis seminaria effe nequeunt,
nam ob ficcitatem non cohærescunt: Calidæ
vero humidæque partes, non modo ad putre-
dinem generandam sunt aptiffimæ (nam hu-
midum quod tãgit subiectum, emollit, elaxat,
calidû verò sursum tollit & separat, hinc mix-
ti diffolutio consequitur euaporante conna-
turali calido & humido) sed putrefactis va-
poribus commiftæ, contagionem afferunt vt
pomorum exemplum testatur, quia tamen hæc
plurimo aqueo abundant & quod exhalat len-
tum non est, quare non adhæreſcunt partes, ic-
circo putrefcentes fructus afficiunt quidem
proximos, contagionis autem fomitem non
congenerant, id quod abunde præſtat ſordida
concluſaque putrefactio. ALEX. Quid vocas
ſordidam putrefactionem? I. C. Quæ ſuperfi-
cialis non eſt, ſed profunda & totalis. ALEX.
Quid eſt ſuperficialis? I. C. Quæ ſuperficia-
les tantum emittit vapores calidos & ſic-
cos, qui contagioſi non ſunt, ob ſiccita-
tem enim agglutinari nequeunt, cuius-
modi febres ſunt linguam arefacientes, ig-
neum enim eſt quod euaporat. ALEX. Sed
quid appellas profundam putrefactionem?
I. C. Illam quæ penitiſſimas putrefacti cor-

poris partes pertingit. **ALEX.** Quæ sunt huius indicia? **I.C.** Hebetat acrimoniam, obtunditur enim à multo humido quod exhalat: lentorem inducit, quare & pulsus humilior euadit & rarior, non enim audeat natura venas extollere, ne putredini aperiat aditum, quemadmodum in sordidis viculis deambulantes, vix halitum per nares trahimus, ut foetori via occludatur. **ALEX.** Quid conclusam appellas putrefactionem. **I.C.** Equam non abeunt quæ exalant, particulae, sed miscetur, ibique conclusæ seruantur. **ALEX.** Doctissime, sed putas ne aerem effici contagiosum ab Astris? **I.C.** Possunt sanè Astra per se calefacere, calefactionem autem consequitur per magna vaporum exaquis terrisue eleuatio, qui mox varias inferunt corruptiones, præcipue vbi Planetæ plures & præpotentes in vnum coeunt: ut enim alia syderum cõiunctio imbres, alia serenitatem, alia Austrinam, alia Aquiloniam, aliamue tempestatem mouet, ita sanè fatendum est quandam posse contingere coniunctionem quæ aëri pestilentiam immittat. Si enim astra bene constituta omnium vitam tuentur ac conseruant, cur malè constituta vitæ non incommodent, & quodammodo insidientur? **ALEX.** Rectè quidem. Sed illud scire aueo, an luis venereæ originem insolenti syderum constitutioni acceptam referas? **I.C.** Ego quidem existimaui aliquando, à muliebris vuluæ corruptione, veluti à putridâ omnium sordium cloacâ, originem traxisse. **ALEX.** At superest adhuc difficultas, qua-

re & quomodo sese in ipsam vuluam immiscerit? I. C. Ob scortorum impuritatem, & variorum seminum receptionem, quare non maritas, sed meretrices duntaxat morbo hoc laborare aduertimus. A L E X. Ita quidem est. Sed quomodo ex impuritate Lues hæc? I. C. Quia inquinatur ex diuersis ibidem sordidis putrefactis humoribus vulua, & in venereo complexu sibi adhærens inficit membrum, & per contactum producendo in peni vlcusculum & per vapores, qui ex loco putredinis exhalantes, non in poros tunc agitatione apertos se intromittunt (consistit enim hæc lues non in spiritibus, quare nec per inquinati aeris inspiratione contrahitur, sed in humoribus mucosis, qui lentè procedunt, & non nisi per latam & sibi proximam introeunt ianuam) sed in cauum penis latum atque ibi contiguum intro irrepunt, & venæ cauæ sanguinem arteriæque maioris spiritum labefactant, tuncque venenum propellere euitens hepar, bubo prorumpit in inguine, hinc vasis spermaticis renibusque affectis gonorrhea se promit, quia virus turpissime velut eructando eijcitur. Cum autem execrandum malum in iecur & in ventriculum inuasit, mox cum iecore sanguis polluitur, quo cunctæ corporis venæ participes fiunt eoque in artus, in musculos, & in cutem disseminato compressum maleficium atque tacitum erumpit, profiliuntque liuidæ, rubetæque pustulæ, Vlcuscula crustosa: biliosis quidem phagedænica, & exedentia: melancholicis cancro-

sa: pituitosis sordidiora: sanguineis crebriora
 & carbunculi effigie. ALEX. Eruditissimè quidē,
 sed cur venenosam hanc appellas luem? I. C.
 Hanc equidem non facio veneni expertem,
 sed rabidi canis morsui comparo, vt enim ille
 demorsu saliuæ quiddam aut humoris eructat,
 in quo vis est veneni, quod intro subiens, spiri-
 tus, sanguinem, humores, partesque omnes la-
 befactat, ita huius venenum ab ea sede, quæ sit
 contagione labefactata, sensim in omne cor-
 pus proreptat, atque sæuit; qui venereo con-
 plexu iungitur cum inquinata, à pudendis luē
 contrahit: Nutrix à qua pollutus infans lac su-
 git, à mammis: condormiens inquinato sudore
 diffuenti à cute & à summis corporis partibus,
 qui effusiore osculo saliuam exceperit, ab ore:
 infans vitiata nutrice altus nunc ab ore,
 nunc ab interioribus: obstetrix quæ infectæ
 parturienti opem tulisset, à manu, quæ tandem
 excidit. Huius tamen veneni quia vis est hebe-
 tior, non nisi apertam nudamque partem in-
 uadit. ALEX. Perge quæso. I. C. Alij ab orbe A-
 merico tam preciosam mercem Hispanicas na-
 uigationes aduexisse putant, qua de causa His-
 panicum morbum Germani appellant. ALEX.
 Fracastor. tamē vir doctissimus pernegat, quia
 morbus suapte naturā segnis est, neque facile
 propagatur, eodem vero tempore, quo Augu-
 stissima illa Monarchia detecta est, lues hæc
 grassabatur in Gallia, Hispania, Italia Germa-
 nia & tota ferè Scythia. I. C. At his in locis In-
 dicæ merces iam peruenerant, in quibus con-

tagionis seminaria conseruari idem Fracastor. prodidit, exemplum scitissimè adducens vestiū nostrarum, in quibus per multos annos odores seruantur ad spiritus recreandos, ita & foetores seruari ad eosdem labefactandos argumentum ab oppositis suadet. ALEX. Ita quidem, sed an putas ab Astris contraxisse originem? I. C. Fracastor. censuit, è Saturni, Iouis, Martisque cō- *malis* gressu in Cancro anno 1504. luem hanc initiū ducere. Fuerunt quidem potentissima sydera, simulque diu permanserunt ob Saturni morositate, quare ingens vaporum attractio facta est, qui aeri committi, varieque agitati, sordidam effecerunt putrefactionem, à qua morbi seminaria compacta sunt, analogiam habentia ad humores sordidos, quare execrandā lue laborantium flegma, gummositates, & pustulæ sunt ipsissima sordities, hinc fit vt contagēs hæc non facile contrahatur, ob crassitiem in quā seminaria latent quasi coagulata, quocirca cōcalefactione, quæ in coitu maxima est, indigent vt agglutinentur, & actu fiant semina: contracta verò segniter adhuc serpit obfrigiditatem, & materiæ crassitiem; carpit demum etiam solida, ob seminariorum acuitatem in densa materia cum actu seminaria fiunt in putrefactionis dilatatione, quapropter & in caluaria occipiunt pustulæ germinare, quia ea pars ob humoris crassitiem sorditiemque quibus alitur ad sordidam hanc cōtagem analoga est, vt subiceam illud, è sordidā putrefactione multum humoris exa-

lare, exalatio autem omnis sursum fertur **ALEX.** Perdocte quidem. **I. C.** Averitate tamen remotè: non enim huc vsque vigeret, & quamplurimos initio paucis diebus afflisset, cum tamen deprehensa sit ab vno quopiam aut admodum paucis Neapoli originem habuisse.

ALEX. Quid igitur concludendum est? **I. C.** In omnem Europam, Aphricam, Asiam, & extremam Indiam, sensum hanc contagionem irrepisse, ab Indiæ nauigationibus allatam, nec enim ante Americum orbem detectum lues hæc in nostris partibus grassabatur, nec aliàs grassatam authores referunt: Indis autem miseriam illam ab Astris defluxisse peculiarem.

ALEX. At si ab Astris, cum ingenti clade hominum eualesceret. **I. C.** Concedo, nam & quamplurimos & sine manifesta causa affligit Indos populariter, neque alio modo eos inuadit, quàm nos hic variolæ, quæ fuit causa, ut luem istam Galli faceret magnam variolam nominarint.

ALEX. Omnem certè hac de re dubitationem velut caliginem dilucida interpretatione discussisti, velim tamen insuper mihi scrupulum ex animo euellas, quem modo infixisti. **I. C.**

Qualis ille est? **ALEX.** De variolis, quæ exanthemata nuncupantur, mentionem fecisti, illius morbi causam à te audire percipio. **I. C.** Auicenna credidit, reliquias quasdam mēstrui sanguinis, quo foetus in vtero alebatur, in pueris & infantibus etiamnum permanere, quæ feruidiore Cœlo, vel austrina tempestate, vna cum reliquo sanguine efferuescentes naturæ

vi propulsæ, foras profiliant, & efflorescant in cute. ALEX. Fracastorium credebam huius sententiæ authorem. I. C. Fautorem rectiùs dixeris, parum tamen veritati in hac re consentaneum arbitror. ALEX. Cur ita? I. C. Quia ex ea ipsa causa mulieres quibus suppressi menses in omne corpus redundant, eidem variolæ obnoxii iacerent, quod nunquam contigisse vidimus, neque in pueris reliquias menstruorum permanere concederet Galenus, qui non à fœdiore illo sanguine mēstruo, sed è purissima materna portione fœtum in utero alimentum capessere asseuerat. Sed menstrua in fœtus alimentum cedere concedamus, quæ tamen fieri potest, ut post multas febres, post multos morbos superatos tandiu perdurare valeant? Audiuius sanè sexagenarium senem hisce exanthematis grauissimè conflictari. ALEX. Vnde igitur morbum hunc prouenire arbitraris? I. C. Ex communi quadam causa toti aeri conuersa: Id quod luculenter conuincitur ex eo quod non solum calidiore Cælo, sed & hyeme interdum grassantur. ALEX. At si communis ea est, omnes deberet afficere, cum tamen solos pueros affici ut plurimum videamus. I. C. Hoc ideo fortassis euēnit quia firmior ætas, & adultior tantulis malis non lacescit. ALEX. Haud displicet. Sed quæso paucis cardinem illum explices rogo, cur contagionum causa potissima aer est? I. C. Quia eo ad vitam necessariò utimur, ipse autem ob suam raritatem, omnes peregrinas qualitates ad-

mittit, atque ideo ad putrefactionem procliuis, quare non modo humectando, calefaciendo, exsiccando corruptionem minuitur, sed alibi corruptos vapores ad nos transfert, qui ob validam elaboratamque mistionem in lentore constitutam, medio in aëte expositi non rarefiunt nec dissoluntur, & ad nos accedentes internam atque internam efficiunt putrefactionem: internam quidem, dum humoribus immiscetur, & ingratos palato nostro reddunt terræ fructus, quapropter à naturâ respuuntur atque ita computrescunt: à putredine autem aer contaminatur. Internam verò dum è parvulis poris, venulis atque arterijs in nostrum corpus introeunt: citissimè autem penetrant, vel propagatione, quando quidem prima seminaria, quæ proximis humoribus, ad quos habent analogiam, insident, confimilia generant, & hæc alia, donec vniuersa corporis moles inficiatur: vel attractione quæ intus fit cum spiratione per anhelitum, tum venarum dilatatione, simul enim cum aëre qui attrahitur, contagionum semina subintrant, nec inde per expirationem facile regredi valent, nam humoribus membrisque adhærescunt, & non pauca etiam spiritibus, qui contrarij speciem refugientes, ad cor tutissimam vitæ arcem confugiunt, atque ita incauti illi atque miseri hostem ad cor introducunt, & illic mors accersitur; Quare scitissimè Hypocrates curationem in duplicem redegit scopum, loci mutationem & exiguæ inspirationis

vsus. Et ego crebris hoc vsurpo sermonibus aerem contagiosum, ac pestilentē cibo vitioso ac venenato esse nocentiorē : siquidem cibus vomitu excuti potest, nec non caloris naturalis auxilio concoqui: At spiritus, auraque pestifera non facilē domari potest, aut confici, ubi intimos corporis recessus occupauit, nam cor, & vitales spiritus confestim opprimit.

ALEX. Sed cur aeris contagionem prænuntiare creduntur Cometes, igneæq; trabes in aere visæ? I. C. An quia ab vinctuoso lentoque fomite in supremā aeris statione illa omnia fiunt, quod vapores è terra ascendentes consimiles existere præostendit, quare ex putridis exalare credendum est, putrefactionem autem contagies subsequitur. ALEX. Scitissimè. I. C. At enim uero iam inquirendo defessum te, respondendo quoque me defessum arbitror, ne quid igitur putridi ex istis putrefactionū sermonibus nobis in sthomacum irrepat, ad meridiem vsque ieiuni ne persistamus: sumus nos quemadmodum & reliqui ferè Philosophi, colerici, atque idè calido, æstuantique ventriculo: iuuenes: frigidi Cœli accolæ, & disputationibus addicti, quare ne huiusmodi literaria exercitatione vitales spiritus extenuentur, corporisque vires flaccescant ac collabantur, ientaculum sumamus. ALEX. Non recuso. I. C. heus pueri afferte nobis passulas Corinthiacas, nucleos pinos, ligustici citri putamina zaccharo incrustata. Tars. præsto sunt omnia. ALEX. Hæc ventriculum minus fatigant, nec in per-

ficienda concoctione negotium facessunt, fo-
uetur appetitus, alacriorque redditur ad pran-
dium. I. C. Ita sanè est: Cum post aliquot horas
luculentum ignem elixandis, assandisque car-
nibus excitare quis meditatur, prius nonnullo
fomite, aridisque nutrimentis focum instruit,
ne ignis penitus sopiatur, cumque fuerit opor-
tunum, vastum ignē in cocturæ vsum excutit;
sic cum exiguo fomento, ac velut succendicu-
lo ventriculus paulo ante incaluit, in prandio
avidius, ac liberalius cibum appetit, ac dilatatis
venis validius cōcoquit. ALEX. At diutina ine-
dia vitiosi humores digerūtur à nativo calore,
dum non laborat in eduliorum concoctione
iā in somno peracta. I. C. Ita est, sed ad id præ-
standum, non modo à ientaculo, sed à prandio
etiam, nec non à cœna aliquando abstinēdum
est ijs, qui iniectis humoribus affluenter con-
flictantur; alioquin si ientaculi abstinentia sto-
macho è vicinis partibus noxios humores at-
trahere permittit, & paulo post ei prandium
nos exhibemus, proculdubio illud respuet,
citoque satiabitur, vtpote quia attractis vndi-
que pravis humoribus oppletus est. ALEX. Nec
ipse Hippocrates doctius ratiocinaretur. I. C.
Mittamus hæc, & postquam sumpsimus non-
nihil edulij, bibamus. ALEX. Haud sum assue-
tus diluculo vinum bibere, nam vt à peritissi-
mo, optimoque medico contrerraneo, ac fami-
liari tuo Constantino Caluano accepi, animi
vigorem hebetat, mentem obnubilat, ac ner-
uos afficit. I. C. Tanti viri iudicium non redar-

guam. Parcius sanè matutinis horis bibēdum, non tamen vini vsum prorsus interdicendum, nam & cor exhilarat, collapsas vires reficit, & indigesti fortassis cibi concoctioni sæpenumero opitulatur. ALEX. Bibamus igitur. I. C. Profit. ALEX. Regia sanè mensa vinum dignissimum. I. C. Non Regalis copix, sed philosophicæ paupertatis hic noster apparatus te memorem faciet. ALEX. Paucissima natura manè exigit, tantumque foueri pauxillo alimento postulat, ne calor naturalis conflagrescat. Hilaris nunc disceptationem prosequamur. I. C. Libentissime. Heus pueri isthæc intro auferte.

F iij





IVLII

CÆSARIS

VANINI PHILOSO-

PHI INGENIOSISSIMI


Liber Secundus.

De Aqua & Terra.

DIALOGVS XV.

DE AQUAE ELEMENTO

ALEX.

 Vadam mihi occurrunt circa Aquæ & Terræ Elementum dubitationes, quas, si tibi libuerit, proponam. I. C. Nihil mihi iucundius quàm quotidie aliquid addiscētem fieri senem. ALEX. Ab aquâ igitur occipiam. I. C. Tui iuris es in proponendo, sed quia tua voluntas non nisi quæ rationi consentanea sunt eligit, scire maximè cuperem, cur aquæ tractationem terræ elementi disputatio-

nibus anteferre velis? ALEX. Quia potiore gaudet prerogatiuâ. I. C. vnde sumis argumentum? ALEX. A magnitudine. I. C. Non infior totam aquæ faciem, quæ comparet, terræ tractu longè esse fusiozem, etiam si Fluuiorum appendices demantur: At ipsa corpora si inter se conferantur, vix, exempli gratiâ, semuncia est aqua ad totius assem terræ. Sub omni namque aqua terram subesse necesse est, non autem sub omni terra aquam. A quæ profunditas non multa, nempe passus raro excedit octoginta, plurimis locis non accedit ad vicenos, paucissimis ad cētenos. Altitudo vero summæ superfici ei terræ super aquæ superficiē multa. Iam res nō agetur modicis passibus, sed cētesimis, millesimis & leucis, & parasangis, & schoënis: Profectò si soli Caspij montes mittuntur in mare, operibunt quantum vacui patet. Si Carni demittantur in vltimi Adriatici sinum, non solum cōplebunt depressiones, verū etiā in montis faciem extabit curuum aliquid. Cætera pars Adriatici maris eodem fato ab Illiricis agitabitur. ALEX. Non negabis hanc saltem aquæ supra terram commendationem, quia plures producit animantes: Quàm numerosa præter immensos terrarum tractus spatiosissimi Oceani gurgites piscium genera proferunt? I. C. Nihil, fateor, mari fœcudius quod crassioris sit substantiæ ac spiritu calorigifico vndique suffusum, attamē illud est certum, etiā pisces ipsos plus terræ quàm aquæ habere. ALEX. Id pernego, nam piscium recentia cadauera flui-

rant, quod perpusillum in eis terræ inesse demonstrat I. C. Idem etiam terrestrium cadaveribus accidit, in quibus plus terræ quàm aquæ inesse non inficieris. ALEX. Cur igitur fluitant? I. C. Ob aërem qui in illorum vacuis continetur: ea postquam sub aquis computruerunt multo concepto aëre de putredinis calore sursum enatant, hinc tumor ille ventris immensus totaque cutis inflata conspicitur, id quod ostendit flatum inter peritoneum, & omentum genitum esse.

ALEX. At quomodo flatus ille gignitur? I. C. Ex humido cum à calido dissolvitur, calidum autem ex putredine, putredo verò quoniam pingue multum aqueo permistum est. ALEX.

Recte ædepol. Sed non es nescius Thalem Milesium, cæterosque Græciæ Sapientes aquā sciam esse primum omnium rerum principiū decreuisse. I. C. Inuasit opinio hæc apud Græcos non ex ratione aliquā, sed ex nominis etymologia. ALEX. Quid audio? I. C. Cadmus cum in Græciam simul cum litteris non

paucas voces attulisset *ὄλυν* quoque importavit, quod vocabulum aquam priscis Syris significavit, unde *vligo*, & *vlua* etiam apud Latinos: Quare cum idem verbum apud Siros aquam, apud Græcos materiam designaret, nihil mirum si Græcorum Philosophi aquæ naturā cum materiæ natura vnā existimarunt. ALEX.

Cardanus. quid censuit? I. C. Aquam esse Elementum non tamen per se necessarium. ALEX. At in tuis Physicis commentarijs perlegi sen-

tentiam hanc optimè confutatam. I. C. Ita est equidem, esset enim aqua Elementum per accidens necessarium, Ergo non necessarium: Distinguntur namq; essentijs integris contingens & necessarium, sicut per se & per accidens, & ab alio, quæ apud Philosophum sunt primariæ notiones entis: at necessarium est Elementum (inquit Cardanus) non modo ad constituendum, sed etiam ad alendum cōpositum, ergo non est per accidens necessarium, Per se igitur, id quod est contra illius assertionem. ALEX. Qua ratione igitur Cardanus præfulcit sententiam suam? I. C. Hac scilicet, *quia si homines (inquit) sine cibo vivere possent, ut exempli gratiâ, lapides, aqua non esset necessaria.* ALEX. Quinimo esset pernecessaria, non enim aqua solum nutritur homo, sed ea quoque tanquam è materia constat. I. C. Ita quidem & fatalis ipsius Cardani contradictio conuincitur his verbis. *Verum quia non solum vivere sed ali ac generari, crescereque necessarium fuit, aqua creata est.* ALEX. Quid ex hoc inferas aduersus Cardanū? I. C. Per illū, materia generabilibus necessaria est, aqua vero constant generabilia vt ex materia, ergo aqua Elementum est & necessarium. Consecutio probatur. Nam ibidem ita definit Elementum, quo res generabiles constituuntur. Ex qua definitione patet aduersus illius assertionē, aquam esse Elementum etiam lapidibus necessarium, cōstant enim ex ea tanquam è materia, quare è lapidibus distillatis in magna copia aqueus


humor educitur, & si viuunt, vt ille confinxit, etiam aqua indigebunt, ijsdem enim nutritur viuens, quibus constat; Hinc intelligere etiam potes procul à Philosophi dignitate esse Cardanica verba (*alios aqua*) non enim vno nos ali scripsit Philosophorum Dux: ijsdem sane alimur, quibus constamus, & constamus quibus alimur, est enim cibus substantia corporis futura, **ALEX.** Gaudeo te pro aquæ dignitate aduersus Cardanum dimicare, forsitan adstipularis Thaletis opinioni, aquam esse rerum omnium primum Elementum? **I. C.** Minimè, nam vèratiocinationem, quam iuuenis institui, omittam (ea erat, aquam non esse Elementum, quia non est rerum principiū, sed potius aliū Elementi effectus, efficitur enim aqua ab aëris concretionem) dico nunc mitiùs, vnum idemque esse Elementum aërem & aquam.

ALEX. Vnde id probas? **I. C.** Heri cum essem in Balneis, aspexi aërem calidum frigidis balnei parietibus hærentem, in guttas densari, nec inum mutatorē habere poterat lapidis frigus apud quod pristinā deposita forma tam citò aquæ formam indueret, quare sola dēfiterē aër & aqua mihi differre videntur, **ALEX.** Noua profers, sed putasne Aristotelem Thaletis opinioni, qua asserit aquam omnium rerum esse originem, aliquo modo fauisse? **I. C.** Ab ea tantum abfuit vt ne fluminum quidem concesserit haberi principium.

DIALOGVS XVI.

De Fluviorum Generatione.

ALEX.


 V-vero quam putas Fluviorum
 originem ? I. C. Salomon ab
 Hæbreis habitus Sapientiæ Deus
 existimavit flumina è mari trahe-
 re initium. ALEX. Quædam Atheu
 hesternâ die sum allocutus (ad conuértendum
 vt dici solet apud rusticanos Apuliæ incolas)
 qui demirabatur quomodo Salomon sapien-
 tissimus dijudicaretur , cum omnes eius con-
 mentarij nec ratiunculæ vmbra præ se ferât,
 sed populares duntaxat sententiolas, & cupidi-
 neos versiculos omni dicendi lepore destitutos.
 Ego verò illum validissimis conuici rationibus,
 à quibus nunc, ne longius digrediamur, super-
 sedeo. Sed animi gratiâ, tum vt veritas dispu-
 tando elucescat, aduersus Salomonis opinio-
 nem sic obijci posse crederem. In altissimis
 montium verticibus aquæ sunt, at non à ma-
 ri ad tantam altitudinem posse attrahi suadet
 ratio à libella Aquilegorum petita: ea est, non
 posse aquam motu subuehi altiùs quàm sit
 eius superficies, vnde deriuatur ; quam ratio-
 nem te non negaturum spero, qui in tuis A-
 stronomicis scripsisti, Naturam aquæ dedisse

Angulorum
 exripis.

istud priuilegium vt tantum ascendere possit quantum descendere, neque aquæ soli, sed vnicuique graui corpori, modo eius partes queant inter se cedere, & succedere, superior namque pars inferiorem cum vrget sua grauitate reflectitur in superiora motus, id quod manifestè videtur in luto à latere compresso, & in arenæ impresso vestigio, nam ob grauis corporis impositionem ascendunt à latere partes, sicut in medio descendunt. Depressio- nis causa est, quia ponderi partes subsistere, nequeunt: causa reflectionis & ascensionis est, ne corpus in corpus subeat & penetret. I.C. fateor propositionem hanc, qua dicitur, aquam non posse altiore subire locum, quam sit eius superficies vnde procedit, veram esse, vbi plus resistitur ab ea portione quæ sursum pellitur, quàm prematur ab illius vi & pondere, quæ vrget. At vbi instantis vis, pondusque maius est, tū rursus impellitur aqua ad eam superficiem quæ altior est, quam superficies à qua descendit: Hoc in organis manifestū est quorum depressione in puteum sub- filit aqua per tubos: quod igitur facit lapis, facere etiam potest aquæ magna vis, si ad il- lius lapidis pondus accesserit. ALEX. At quæso, rem clarius explices. I.C. In mundi machina plurima aquæ pars extra locū suum est. ALEX. Concedo id quidem. I.C. Terra verò multis est peruia specubus eo in loco qui & aquæ de- bebatur, & à terrâ occupatus est. ALEX. Ita sit,

quid tum postea? I. C. Aqua illa suum appetēs locum, in terræ caua loca sese inducit, quæ cū sint angusta, nec tantam maris molem capere queant, compressa ea aquæ portio ab extrinsecus incumbente mari, suasque iure loci repente sedes, egredi, quaquā viâ possit, quærît: hac impulsione fiūt aquarum exilitiones, quas Græci scatebras vocant, ad montium cacumina. ALEX. Audio quidem verba, sed meum non explent animum. I. C. Aliter Salomonis opinionē ab errore vindicare non possum. ALEX. Sed & alia mihi occurrit obiectio. I. C. Quanam illa est? ALEX. Si à mari flumina deriuarēt, nunquam minuerentur. At minuuntur. I. C. Nego id quidem respectu primariæ illius quantitatis, quæ à mari suppeditatur, concedo verò respectu eius quæ solutarum niuium aut ingruentium imbrium fit accessione. ALEX. At multi penitus deficiunt Torrentes. I. C. Ijs nullus à mari suggeritur commeatus, sed à pluuijs solis generantur, quarum frequentia maxima in Æthiopibus Abyssinis. ALEX. Profecto dicere audeo vix tot fluminibus mare sufficere, nam & maxima aquæ pars calore Solis absumitur. I. C. Si quotidianis absumptionibus maxima pars à Sole aboleretur, iam esset mare cum suis etiam fluminibus absumptum. ALEX. At quomodo sufficit mare fluminibus. I. C. Mutua gratiæ depensione, accipit enim quod dat, quod autem à Solis vi exhauritur ab aere mutato reponitur. ALEX. Addam hoc vnum si placet. I. C. Imò mille si velis. ALEX. Si

à mari fluuijs communicaretur aqua, non ita pura esset ab omni salsedine. I.C. Hoc pernego: Facile enim est aquæ exuere salsedinem, quæ illi accidens est, idque terrestre, Percolatur ergo. ALEX. At quæso absque argumenti cauillationibus dic ingenuè quid sentis. I.C. Sic faciam. detestans in obsequium Christianæ fidei opinionem de mundi æternitate, dicerem sic, si mundus habuit initium, non è mari flumina, sed potius è fluuijs mare genitum: fluuios autem congenitos ex aeris concretionem, ex imbris scilicet & liquefactis niuibz: Imbres autè duobus modis, seu potius duobus locis cōtingunt, sub terra, & supra terram. Qui sub terra est aer transmutatur in aquam vnde fiunt fontes, à fontibus aquæ emanant, atque pro modo magnitudine, alueorūque capacitate & fluuios & lacus efficiunt, tum singulares, tum alios vicissim, vt impetus, leuitas, fors, locus tulit prodeūtes. ALEX. Aere consumpto, seu potius in aquam transformato eueniret vacuum: nam decuplum aiunt ampliorem esse aerem ad aquæ certam magnitudinem conficiendam. I. C. Per terræ foramina ex aere superiori pars quædam eò descendit, & subit in locum alterius iam in imbres transformati. Qui verò supra terram exalant vapores, coguntur in pluuias; vel si ob illorum tenuitatem, & aeris crassitiæ cogi nequeūt, in niues conuertuntur, atque ex his generatur & procedit augmentū fluuiorum, qui vbi vasti sunt, & plures in vnū

coeunt, vastissimū acquirunt imperium, quod mare postea dicitur: Salsescit autem maris aqua, non autem fluuiorum ob rationes quas dicemus. ALEX. Modo de illis te interrogabo. Sed nimis duram sententiā aliquo pacto delinias. I. C. O me beatum si tam facili methodo possem aurum conficere prout opiniones eiusmodi conciliare. ALEX. Etiam Philosophi aurum exoptant? I. C. Aurum est summum ens, à quo cætera dependent entia: sanè pecuniæ respōdent omnia, vt est in Hæbreorum adagijs. Dicamus igitur, maris aquam velut in spongia sub terra vbique exudare, atque ibidē percolari, & iccirco dulcescere: mox à Solis vi ad terræ superficiem eius vapores protrahuntur, atque ibidem ab aere frigido ambiente coguntur in imbres, è quibus riuuli nascuntur, hi opulenter ad humiliora loca deffluētes, fluuios efficiunt: cumque vaporum materia non desit, à mari namque abundè subministratur, & exhalationis causa præsto sit, terræ scilicet humiditas, & Solis calor, nec non concretionis efficiens, frigus, inquam, quod in montium cacumine fere semper adest, hinc fit, vt absque vlla intermissione fluuiorum cursus perpetuetur.

DIALOGVS XVII.

De Nili incremento.

ALEX.



T nonne miraculi vicem obtinet quod annuâ experientia videmus manifestum? Nilo scilicet incrementum cōtingere eo præsertim tempore quo cæteris flu-

uijs imminutio euenire consuevit I.C. Ad nuium dissolutionem, exundationisque causam referunt aliqui. ALEX. Scio. I.C. Inscitissimè tamen, nullæ enim sunt in Æthiopia niues.

ALEX. Quid igitur? an à pluuijs rationem accersamus? I.C. Negant recentiores, cum enim solstitio nostro imbres sub Capricorno incipiāt abundare, ab illis pluuijs deberet tunc temporis capere incrementum, at non capit nisi post Idus Iunias. ALEX. Rectè. I.C. An cū Cardano asseremus aquis à Sole haustis imbres gigni, sustinerique tandiū, quoad ille proueniat ad solstitium, vbi vero abire incipiat, illos quasi è phiala effundat? ALEX. Nugæ. I.C. Ita quidem. Nam quomodo haurit vel absens, vel abiens à Capricorno; quinimò eius presentiā scribit idem Cardanus ibi æstatem fieri, aeremque ficcari, quæ de causa tum imbres nulli fiunt: eius autem verba hæc sunt. *Cum reuersus sit &*

ad æquinoctium autumnale processerit, imbres iterum, & aquas haurit è terra, & fluminibus, sed non demittit ad Nilis fontes, quoniam cò sol vadit aestatemque faciès, & siccans aerem. Quare igitur cum abscedit à Cancro, non suspendit aquas haustas ab Ægypto? quæ per similes pluuias per brumam in eas terras demittantur, quæ enim bruma nobis, solstitium illis est, & eadem situs proportio fontium sub Capricorno & sub Cancro. ALEX. At quomodo fieri potest, ut à Sole sublata aqua statò trium mensium spatio in nubibus suspendantur, quæ postea perpetuis totidem diebus in pluuias demittendæ sint? I. C. Nullo, ut arbitror, sed prosequamur. An asseremus trahi tum plurimum ab ipso Sole, atque ideo multos imbres eo tempore cõcreari, ac proinde Nilum excrecere? ALEX. Istud non arridet. I. C. Nec mihi, haud enim pluit vel Ægypto vel Syenitis, neque tunc, neque aliàs, sed in Trogloditica, circiter decem partibus à Cancri circulo, idque non cõtinenter, nec diu, sed velut apud nos æstatis tempore, cum repentinæ exoriuntur tempestates. Cæterum is humor neutiquam cum Nilo cõmunicatur, neque enim sunt perennes flumines, sed non multum post complectionem ab humo aridâ epotantur, & compertum est nullòs in Nilum subire fluuios: licet enim Ptolemæus duos excipiat, Astapum, qui Æthiopum linguâ aquam tenebrarum significat, & Astaboram quem à Coloâ palude productum nominat, Plinius tamen, Solinus, & Cardanus, Nilum

vnum cum ijs putant. ALEX. Legi equidem, I.C. An cum Alexandro Aphrod. Ethelijs ventis causam huius incrementi adscribemus? eos enim asserit illis regionibus esse pluuios, sicut Austri nobis sunt imbriferi: Quamobrem arbitratus est non ibi colligi nubes, sed eò hinc impelli è quibus imbres fiant. ALEX. Mulierculæ insomnium, non philosophi ratiocinatio mihi videtur. I.C. Ita profecto. Nam incrementum cum incipiat Nilus à die decima quinta Calen. Iulias in Ægypto, necesse est aliquot ante dies in superiori pluuisse regione: At non solum ante eum diem non flant Etesiae, sed ne illo quidem. Aristoteles cum post solstitium spirare prodidisset, diem non designauit., Sed Plinius è grauissimis authoribus præscripsit, quare in libro duodecimo inquit, decimo octauo Calendas Augusti Etesiarum prodromi flatus incipiunt, qui cū quadraginta dies spirent, quinto Calēdas Septembris desinere bene scripsit, & si parum sibi constans mox Etesiarum finem deduxerit ad sextum decimum Calendas Octobris. In secundo libro ait pridie nonas Iulias prodromos incipere, quippe dies octo ante caniculæ exortum, qui dies est quintus decimus ad Calendas Augusti & flare quadraginta dies; Igitur si Etesiarum flatibus conflarentur nubes, atque ex ijs imbres crearentur, toto penè plueret Augusto mense, quo tamen tempore minuitur Nilus. ALEX. Proh dii immortales quot pellegisti authores. I.C. An asseremus quo tempore Sol nobis astra-

tem efficit, in loco vbi, Nilus exoritur, hyemē incipere, vt Strabo demōſtrat, quare ſunt Solis abſentia largiores imbres, atque diuturniores, quemadmodum & in noſtro Cœlo, cum abeſt author ſiccitatis: turgida igitur aquarum tempeſtas cōplet amnis alueum ſuperiorē præſentia Solis antea extenuatum, iſque vbi eas ampliùs capere nequit præter iuſtam copiam affluentes, ſecundo curſu in deuexa Egypti loca dimittit. Statam vero eſſe atque ordinariam inundationem, mirum non eſt, cum certus etiam ſit dies æſtus ſub Canicula, Nimbi ſub Orione, pluuię ſub ſucculis. ALEX. Perpulchrè. I. C. An aſſeremus cum Scaligero, in Atlante & Lybræ montibus eſſe niues, è quarum liquefactione Nilus augetur? ALEX. At quomodo in ipſa hyemis ſumma vi niues ibi colliqueſcunt? I. C. A pluuijs dicere cogimur. Quid ſi alicui Syderi Nili incremētum adſcriberemus? Sane pro monſtro non habebunt ſapientes, qui non ſunt neſcij in Plenilunijs maris aquas mirum in modum intumeſcere.

Gij

DIALOG. XVIII.

De Maris Eternitate.

ALEX.



Erumenimuerò cum Fluiij omnes, atque etiam ipse fluuiorum Rex Eridanus.

In mare deducant fessas erroribus undas.

Vt inquit Sulmonensis Poëta, sequamur eos ad mare vsque & videamus, An Mare sit æternum? I. C. Cardanus affirmat. ALEX. Quam ob causam? I. C. Quamquam (inquit) hoc mare loco quo nunc iacet, æternum non sit, cum tamen è mari mare fiat æternum esse ac fuisse necessarium est continuitate aquarum. ALEX. Perridicula ratiuncula I. C. Etiam perplebeio, non modò subtilissimo, qualem se profitetur, philosopho indigna: Æternum vult esse mare aquarum, non loci continuatione: quomodo fieri potest, vt locatum sit continuum, locus non item. Ego sanè credebam, si aquæ sint continuæ, earum item locum vnum iccirco esse quia illæ aquæ vna sint aqua: neque continuitas facit æternitatem, esset enim omne vnum, & continuum æternum, ergo & lapis: nam quod ait, è mari mare fieri, haud satis est, nam quærendum restat, illud, ex quo fit hoc, à quo fiat? Neque diui-

fio tollet æternitatem : Materia namque pri-
 ma in tot portiunculas dissecta , non ideo
 æternitatem amittit ; Quapropter mare etiam
 si diuisum in partes esset non ideo tamen fieret
 non æternum. ALEX. Habesne aliam Cardani
 rationem? I. C. Maximè. ALEX. Quænam illa
 est? I. C. Si mare (inquit Cardanus) initium ha-
 buit, ab initio dulce, aut salsum erat: non salsum fuit,
 cum tantum salis non potuerit immisceri, ut aquam
 corrumpere. Sincera enim omnia facta esse existiman-
 dum est, nam quæ nascuntur, ut lacus & flumina sa-
 pore carent. Quod si sapore caruit ab initio successu
 vero temporis factum est salsum, (alsugo atates habet,
 at non habet, neq, enim nunc salsius est quàm olim fuit,
 nunquã igitur mare factum est, itaque neque mûdus.
 ALEX. Argumentum hoc sane validissimum
 est. I. C. imò nihil concludit prorsus aduersus
 eû qui dixerit mare fuisse ab initio salsum, im-
 becillis enim est ratio, quã obijcit, omnia sci-
 licet pura facta esse ab initio, nam si extitit fal-
 sitas inter alia entia, alicui enti in fuisse necesse
 est. Si qua terra falsa fuit tunc, quod Cardanus
 non negat, nonne potuit & aqua esse? multo
 minus militat argumentum aduersus nos, qui
 credimus mare fuisse dulce cum fieret, nam
 & dulce nunc etiam in imò est, ut aiunt, à rē-
 pore igitur additam falsedinē propter tenuio-
 rum partium ablationem , & habere etiam
 ætatem (ut eius barbaris voci bus utar)
 falsuginem non inficimur, ergo falsedo in-
 intēditur, cōcedo, aliam enim alijs in locis fal-
 sedinem esse manifestum est, ergo & tempo-

ribus alijs aliã esse par ratio est. Accidēs enim est non à forma, sed ab accidenti mistione.

Lemni. l. 3 de
occulte. nat.
meis. fol. 320

Solia,

ALEX. Legi apud Lemnium, in Zelãdia Oceani aquas sallescere magis in æstate, quod vbiq̃ fieri credo, ex vstione enim fit salitas, eius igitur accessu intendi par est. Quid tu igitur sentis? I. C. Ingenue fateor sola mihi religione persuaderi, mare habiturum esse finem. ALEX.

Cur ita? I. C. Nam à quã tandem vi tanta aquarum moles aboleri poterit? ALEX. à Sole.

I. C. nequaquam, reddit enim quod accipit, quare & si à mari aquas exhauriat, iterum mutua gratiæ dependence eidem restituit. ALEX.

Forſitan ab igne? I. C. Sanè non à noſtrati, hic enim perpuſillus eſt, & non dubito quin omnes foci, qui ſint ſupra terram ab vnus fluij aquis extingui poſſint: neque à fabuloſo ignis Elemento, non enim à ſuo loco, qui ſurſum eſſe dicitur, dimouebitur, aqua igitur quæ ima petit, ab hoſte illo tuta erit. ALEX. At quæſo dilucidius tuam, ſi lubet, explices opinionẽ.





I. C. Libẽtiſſimẽ. An & à quibus mare initium habuerit (ſi mundi inchoationem prædicare fas eſt Philoſopho) libenter reſponderem, à vaſtiſſimis Diluuiorum tẽpeſtatibus, nec non à quotidianis imbrium & fluijorum accelli- bus, quare & congregationes aquarum maria appellauit diuin⁹ Hebræorũ Philoſophus: ſin- ditur terra exhalatione, quare factò terræ motu cõtingit fõtes & fluij os qui ſub⁹ terrã ſunt coniugati ALEX. At quomodo ex pluuijalibus & fluuijalib⁹ aquis mare ſumpſit exordiũ, ſi ex eis

nunc non accipit incrementum. I. C. Hoc à me negatur, semper enim fit incrementum nouæ substantiæ appositione. ALEX. At si noua substantia à fluuijs & ab imbribus quotidie apponitur, cur in infinitum non excrescit, & supra terram exúdat? I. C. Quia per subterraneos commectus reddit fluminibus quod ex ijs accipit, quare grata reciprocatione aquarum fit augmentum & diminutio: quæ verò à pluuijs aquarum copia suggeritur, à Solis vi exauritur, non tamen propterea mare fit pauperius, nam iterum illi à sole restituitur eadem ferè copia, neque ideo ditescit, quio denuò absumitur. In exhalationibus etiam permagnum aqua patitur detrimentum, vt cum pluuiarum accessu possit cōpēfari, aqua enim in aetē trāsmutatur, cuius quātitas haud tota in aquā cōuertitur, nec quæ cōuertitur pars integra in mare decedit, sed terrā eporat. ALEX. Arridet mihi profecto hæc sententia. Sed quæso, maris falsedinis causam inuestigemus. I. C. Vt lubet.

DIALOG. XIX.

De Maris Salsedine.

ALEX.

 Vade causā igitur mare salsum est;
 I. C. Aristoteles falsedinis causam
 intellexit siccae exhalationis materi-
 am, quæ à terra est, quia in ijs
 quæ natura fiunt aut generantur idem contingit, quod in exustionibus,

Ar. in 2 Meteor.

à quibus ille falsedinem prouenire multis probat exemplis. ALEX. Legi equidem. I. C. Quibus addā ego in calidis animalibus excrementa omnia falsa, quare falsam capri lachrimā ob calorem scripsit Plutarchus. Et Hippocrates asserit cerebrum concalescens falsuginosum humorem effundere qui aluū moueat. ALEX. At quomodo fit ab exustione falsum? I. C. Aristoteles non edocet, neque ego tibi nunc debitū exoluam, sed bona fide interea pignori tibi relinquā ingenui candidique animi verbum hoc, nescio ALEX. Chimici asserūt, omnia calcinata & exusta propiūs ad salis naturam approxima re, quod quidem cum sit terrestre necesse est in dissolutione compositi cæteris leuioribus partibus vi ignis absumptis in cineribus remanere exustis I. C. Nugæ: si ab hac difficultate quis nos meli⁹ explicuerit, nō recuso quin Philosophorū Deus deueneretur. Quare demiror nostrates Philosophos, qui ex humana rerum cognitione animum prædicant immortalem, cum non aduertāt leuissimæ rei cognitionem intellectus nostri esse metam. ALEX. Sed si verè ab exustione falsedo est, maris aqua igitur quò plus cōcoquitur, eo plus acquirit falsedinis, consequens autem est falsum, ergo & antecedens. Minor probatur hac ratione, nam prope litus calidior aqua maris, & adustior, nimirū ex reflexione radiorū à propinquitate fūdi, dulcior tamen est vt ipse fatecur Aristoteles. I. C. Responso facilis, prope litus à terra percolatur, atque ideo falsedinis partem amit.

Hipp. l. de
Morbis 53.

Ar. in 23 sēct
prob. 319

rit. Quinimo ex aquarum dulcium concursu ad litora, aliquem imbibit mare dulcorem quo salsedo eo loci lenitur. Sed subtilius respondeamus, litoralem aquam scilicet frequentius moueri, & per consequens Solares radios debiliores excipere: Nam ipsemet quærit Philosophus stantes in Sole quare plus calefiant quam si mouerentur: motu vero illam calefieri dicimus, atterit enim aerem, quare consequitur quod euenit ex attritione, calorē scilicet vt supra diximus, & nunc alio comprobemus exemplo. ALEX. Quale illud est? I.C. Ne potu aquæ frigidæ torminibus tententur equi, vbi eos non licet ad fluuium deducere, ad eum vsum famuli è puteis hauriunt aquam, & multis agitationibus vesant in girum, atque etiam verberant, ad hunc enim modum & aerem cōcipit, qui motu attenuatur, & ob id calida fit. Cum igitur litoralis aqua frequenti cursu incalescat, aerescit etiam, videmus enim aquam diu coctam ab igne attenuari & diminui, eoque quoad tota abeat, coctione igitur aërescit, id probatur, quia spumescit, dulcescit igitur, aer enim in mistorum cōpositione dulcedinem affert. ALEX. Tu quid Aristoteli obijceres? I.C. Ipse asserit maris aquam decoctam & refrigeratam vsui esse ad potandum, quia terreum partim subsidet, partim attenuatur, amittit igitur aqua ex coctione salsedinem per Aristotelem: Cum ergo scribat ex coctione fieri salsam, sibi ipsi pugnancia dicere videtur. Præterea asserit maris aquā fieri motu leuio-

*Arist. in 36. q.
sect. 5.*

*Arist. sect 33.
probl 31.*

Ar. in 1. met.

Hipp. in 1. de
aëre aqua, &
loc. in 16.

rem, at motu incalescit, ergo à calefactione etiam leuitas: Non igitur ab eadem caloris causa falsedo, quæ quidem quid graue est, quod leuitati opponitur, quare & alibi decreuit calefactam aquam celerius gelascere, fit ergo tenuior, non igitur falsior, iuxta primæuam illius assertionem. Confirmatur autoritate Hipp. qui ita scribit, sunt aquæ falsæ crudæ, & coqui non possunt, quare vëter magis ab ipsis astringitur quam eliquatur. ALEX. Ego verò sic Aristoteli obijcerem, si coctione maris aqua falsescit, cur per annum integrum positam in pelloi aquam pluuiam ad solem nunquam euasisse falsam compertum est? quinimo neque igni excoctam ad consumptionem vsque vltimam salis quicquam reliquisse? I. C. Id non contingit in lebetis aqua ab igne feruefacta, ob aquæ exiguitatē, quæ non crassescit, sed resoluitur, paucissimæ enim terræ partes, quare exvri non possunt, at in culinis diutius excocta iuscula falsa fiunt. ALEX. Cur igitur non falsescunt lacus? I. C. Impedimento est dulcis aquæ successio, quâ semper exustio prohibetur. ALEX. At cur in paludibus non est falsa? I. C. Quia stans putrescit aqua, si enim non putresceret, sicuti mare Caspiū, Spauta, Galilæum, falsa fieret: itaq; in palustribus locis amara fit quia vltra modum aduritur. ALEX. At cur pluuiæ nō sentitur falsa, & in mari falsa fit? I. C. An quia nō est exusta sicca illa euaporationis materia, haud sane satis nacta tēporis, & rarior, & in regione frigidiores quinimo subsalsas aquas à nimbis aliquando

demissas legimus, nec mirum, nam si indidem sulphur erumpit (sanè à fulmine adhustis sulphureus odor emanat) cur non & sal? Sulphuris sanè saporem ad falsuginem vergere quisque percipit. ALEX. De maris autem falsedine Cardanus quid censuit. I. C. In amplissimo terræ gremio salis montes non paucos contineri, sale igitur dissoluto, adiuuante præcipue quotidiano illo æstu falsas ibi fieri pluuias aquas. ALEX. Et coactus fuit hic tuus Præceptor, ni fallor, hanc excogitare fabellam: Nam cum montes illos faciat æternos cum maris falsitate, dare item eis æternitatis causam necessariò debebat. I. C. At non aduertit, salem plurimum perpusillâ aquâ dissolui. Vnde igitur enascentur æterni montes illi atque instaurabiles, quos tanta moles æquarum non absumat? unde reponetur tantumdem quantum contabuerit? Si ab aquâ maris saxei montes exeduntur, quantò magis in maris sinum ex æterno tempore fluentes tot tantæque humoris illius colluuiiones montem illum salis euerrent? Non nego, sal cogi posse in lapides, & montes, nam vltra experimentum, in litore maris iuxta Tumbes, prouinciam torridæ Australis & in Calabriâ inueniuntur, id etiam ratio suadet, cum enim valde terreum fuerit & pingue, aqua refluyente sensim in lapides ab æris calore cogitur. Sed nego montes illos æternos dici posse, cum ab aquâ facile dissolui queant. ALEX. Tu verò quid sentis de falsedine illâ? I. C. An dicemus nos ex adusta terræ portio-

*Card. l. secū-
do de subt. ca.
de elem.*

ne aliqua subsalsas fieri pluuias aquas in eam
 cadentes , atque iccirco mare salsum creda-
 mus? ALEX. Quam rationem affers? I. C. Expe-
 rimentum suppeditat, videmus enim aquam à
 cinere percolatam subsalsam fieri. Præterea
 putei complures falsi sunt, non quod omnes è
 mari falsedinem adipiscantur: Nam in Africæ
 litoribus prope mare dulces sunt, Mediolani
 vero falsi, cum tamen à Ligustico mari longis-
 simè distent, sed ab aridâ exustâque parte ali-
 quâ , quæ aquis fit obuia, quare & prope sul-
 phureos fontes putei falsi omnes effodiuntur.
 ALEX. Occasionem mihi subministras inqui-
 rēdi, Cur in mari dulces inueniuntur fontes , vt
 in Pliniana historiâ scriptum est, & in ora Ligu-
 stica circumfessus marinis aquis fons scatet
 dulcis, in Scotia etiam iuxta Edimburgum ab
 oriente , in mari fons aquæ dulcis exoritur
 quâ bibere solebat Cardanus cum ibi immora-
 batur , vt ipse refert I. C. Quemadmodum in
 terra de rupibus tanquam è fistulis emicant
 aliqui fontes , Ita ex illis pari impetu exilire
 possunt aliqui ad maris superficiem eiusmodi
 subiectis faxis, quorum fidem faciunt scopuli.
 Sicut igitur in Insulis ijsque perpusillis , sic in
 ijs quæ teguntur mari, par enim ratio. An ma-
 ritimam aquam falsedinem exuere dicemus à
 percolatione? pertransiens enim inter arenam
 & cōmissa corpuscula per angusta terræ fora-
 mina discludatur pingue necesse est , & salsum
 igitur quod in pingui residet , nam & oleum
 cui maxima inest pinguedo ex sale resudat.

Card. l. 1. de
 var. var. c. 6.
 fol. 46.

Præterea saxa & arena dulcia cum sint, ex se ipsis addunt marinis aquis qualitates, quibus illa salis dometur feritas. Plinius refert è lana appressa lateribus nauigiorum dulcem humorem exprimi ; & mare argillosa terra percolatum amittere falsuginem, vt de cereo vasculo nihil dicam. ALEX. Res sanè miranda mihi videtur hæc separatio. I. C. Minimè vero est, nam si separatur ab aqua vinum per transmissionem eius panni quod filtrum vocant, vt nunc hederæ lignū subtriceam, quæ Plinius à Catone accepit, Cur non à falsedine dulcis humor separabitur, dum per abditos subterraneosque recessus diuagatur? ALEX. Cur autem superficiales maris aquæ salæ sunt, interiores vero ac subteriores dulces, vt vulgo canunt nautæ, cum tamen in fundo falsiores esse deberent, propter salis grauitatem? I. C. An quia ex philosophorum opinione falsugo propter Solis vim aquæ contigit, quæ igitur aqua maximè semota fuerit ab ea vi, maximè videtur ab ipsa distare falsugine: an quia dulce est in leui, leue autem à Sole absumitur? Octiectio illa à salis grauitate deducta generaliter vera non est, in aqua sanè immota, quam Sol non carpit, residet sal sicuti sæx, at in mari motus confundit, Sol superficiem depopulatur. ALEX. Perdoctè sanè.

DIALOGVS XII.

De Aquarum Strepitu.

ALEX.



Card, l. 2. de
subt. cap. de
elem fol. 174.

Vid nam efficit aquarum strepitum? I. C. Cardanus putauit illud efficere exitum cum impetu ex angustis locis. ALEX. Haud assentior. I. C. Nec ego, non enim exitus est soni materia, sed aqua: non forma quippe non ponitur in definitione strepitus sed contractio scilicet aëris: non efficiens, sed elisio. Elisio namque soni causa efficiens est, vt patet in grandine. ALEX. Assignauit ille aliam (ni fallor) strepitus causam, casum scilicet ab alto. I. C. Haud recte tamen, nam & nix ab alto nihilominus absque strepitu decidit. ALEX. Sed illud inuestigatione dignum est. Cur casus maiorem faciat elisionem? I. C. Quia ex corporū distātia magnus sit motus in pauco tēpore. Quapropter graue adhuc appetēs descendum, in ipsa offensione confligit. Quod si est debilius eo quod obijcitur, aut spargitur velut aqua, aut frangitur velut testa. ALEX. Quare frangitur? I. C. Quia inter duo corpora interceptus aër resilit, cum tam citò ad latera sese subtrahere non potuit. ALEX. At cur vitrea pilarumpitur? I. C. Non aëre intercepto, sed repul-


sis introrsum partibus à solidiore corpore, quæ cum rigidiores sint, quàm vt flecti, molliores quàm vt resistere queant, à se inuicem dissiliunt: Aquæ vero collisio fit aut cum alijs aut cum seipsâ, cum alijs vbi vel ex alto cadēs colliditur vel cum subiectis faxis vel cum aquâ aliâ: cum seipsâ, quibus in locis ob angustias colluctatur: vtroque modo cum seipsam frangit, veluti quando silicibus obiectis, & pugnat & vrget & tundit, & retunditur: quemadmodum contra, non casu, quemadmodum somniabat Cardanus, sed ex inferiore loco imminentes impetens adlatrat scopulos.

An dicemus nos subtilius, non aquarum sed aëris esse strepitū illum, non enim sonus est in tintinnabulo, sed in aëre à tintinnabulo: quare non magis erit strepitus in aquâ ipsâ, quàm in saxorum angustijs, sed vt à saxis elisis in aëre, sic & in aëre ab aquâ.

DIALOG. XXI.

De Aquarum Motu.

ALEX.

 Erū enim uero non solum de strepitu, sed etiam de aquarum motu inquiramus. Cur igitur datus est aquæ motus? I. C. Quia, inquit Cardanus, periculum non leue erat ne ab aëre ac solis radijs nimium consumeretur. ALEX. No-

Card. l. 2. de
subt. cap. de
elē. fol. 160

Etu igitur non necesse fuit motum fieri. I. C.
 Quinimo in Lunæ quadris quiescit, quo tem-
 pore calidior Luna cum sit quàm in nouilunio,
 magis absumere poterit stātes aquas. Addam,
 sub Caniculā æstu rapidissimo nequaquam
 propterea magis moueri aquam, moueretur
 autem aut moueri deberet, si vera esset Carda-
 ni ratio de aquæ depopulatione, quæ ab aëre
 fieret, nisi illa moueretur. Sed longe aliter sen-
 tiunt Sapientes, tantum enim abest, vt motus
 seruare possit mare ab Aëris absumente vi,
 vt eam potius augeat ad absumentum, motu
 enim attenuatur aqua, ergo vapescit magis.
 ALEX. Subtilissimè, sed perge. I. C. Arbitrantur
 alij datum esse aquæ motum, ad inhibendam
 putrefactionem. ALEX. Ita est. I. C. Ego nihi-
 lominus non assentior, cum & aqua maris im-
 mota non cōputrescat, imo & in sal cōdēsatur,
 quod putredinem arcet. ALEX. Sed cur aquæ
 motæ non corrumpūtur? I. C. Quia putrescūt
 ab externo calore, quem non suscipiunt pro-
 pter aliam atque aliam aëris mutationē. ALEX.
 Sed quæso aliorum etiam referas sententias.
 I. C. Alij, à Dei prouidentiā aquis motum indi-
 tū esse credunt, vt terrarū tractus pererrantes
 plurib⁹ mortalib⁹ vsui essent, cōmunicata cō-
 moditate diuersis locis propter aliā atque aliā
 anfractuum appulsionem. ALEX. At reclamant
 Athei, alienum esse à prouidentiae institutis,
 diuitibus non egenis elemosinas elargiri, ita à
 diuino regimine abhorreere videtur, vt fluuij
 defluāt ad mare aquarum non indigum, sed su-
 perabundans.

dans: Quinimo multoties in nauigātium perniciem, tanē Garigliani fluuij prope Gaetam ingressus ad mare, bis mihi cōminatus est necem. Et è contra incolas extraundando, tot non inuisunt regiones, quo fit vt agri sterilefcant, atque inde famis ac pestis detrimentum contingat hominibus, quos ad Dei imaginem factos esse diuinus Hebræorum Philosophus perhibet. I. C. Diluta est à nobis alibi hæc Athæorum obiectioncula. ALEX. Legi equidem & eā vsus sum ad Athæorum audaciam comprimendam. I. C. Alij asserunt, moueri aquas à duplici motore: primus est internus, propria scilicet forma, grauitas enim decurrere facit fluuios, quia extra locum suum sunt, nec possunt illi non descendere. Alter externus est, cum enim maris motus ex contrarijs motibus compositus sit, ipseque in se diuersus, atque etiam cessans certis statisque temporibus, si esset ab intimo principio, iam mare animal esset, vt Agrippa somniauit, sola nāque anima, quanquā ne ea quidē omnis, multiplex motor est: at animal nō est, extrinsec⁹ igitur ei accidit motus aliquis. ALEX. At quis erit maris extern⁹ motor? I. C. Nobilissimū aliquod Sydus. ALEX. At quomodo sidus mouere potest aquas, si nō tangit eas? I. C. At si motus in ferro fit à magne-
te sine contactu; quare non sequetur mare corpus nobilissimi Syderis? AL. Sed quale est hoc Sydus? I. C. Solē esse cēsuit Card. Mare Norticiū, inquit, *quod iuxta æquinoctij circulum est, è Boreali latere iuxta Pariā celerissime ex Oriente in Occidētē*

Card. l. 2. de
subt. c. de E-
lemēt. f. 168.

fertur, quoniam Sol ibi robustior aquas agit. ALEX. Multi collaudant hanc opinionē. I. C. Ego minime. Nam si maritimæ aquæ à Sole ducerentur, sub eius cursu id manifestè deprehēderetur, at nihilominus ad Solē nō intumescūt, ad Solis quidem perpendiculum nihilo validiores aut tumidiores, quinimò sub Torridâ vbi solares radij sunt præpotentiores, multis in locis minus celeres aquæ sunt : Ad Boream verò vbi Solis potestas est imbecillior, vehemētissimæ velut ad Terrâ Laboratoris. Præterea si à Sole agerentur aquæ, Æstuum intermissio nunquam fieret, haud enim patitur à Lunâ Sol, at in Lunæ quadris cessat cursus. ALEX. Tuæ subscribo sententiæ. Sed quem statuemus aquarum Rectorem? I. C. Lunam. ALEX. Cur ita censes? I. C. Quia eius cursum mare sequitur. ALEX. At quomodo id probas? I. C. Quia filēti atque obscura Lunâ, eaque vel medio orbe diffecta vel in cornua falcata, Oceanus quiescit: vbi verò cum Sole cōgreditur, atque innuari incipit, aut in orbem circumducta plena conspicitur, maximi excitantur æstus, fluctusque attollūtur in immensum. AL. Id sane video, sed quomodo id fiat percipere nequeo. I. C. quæ te interturbat ratio? ALEX. Hæc potissimum. Nam sic inquit, Quodcumque fit maius, habet extremorum intercapedinem fusioem, hæc autem vel rarefactione, vel nouæ substantiæ appositione contingit, non est autem tunc noua aquarum generatio, multominus rarefactionem tu dixeris, quomodo igitur augentur? I. C. Suspendun-

tur, tanquam ferrum à magnete, illo tempore quo lunaris syderis vires in maximo lumine continentur, cum vel Soli ex aduerso opposita impletur, vel vbi primum illi coniungitur.

ALEX. At si à Luna maris aquæ ducuntur, cur Oceani recursus duodecima semper hora terminatur, ita vt sex horis currat, totidemque recurat? I. C. Quia lunæ corpus diurno motu fertur in Occidentem, eodem quoque suum ducein secutus Oceanus decurrit: Quamobrè quandiu nullus obex est, sequitur: vbi litorum obiectu retunditur, inde regredi cogitur; Sex horas igitur secum luna ducit aquas, totidem maris ponderi datæ sunt, vt à terra repulsum seipsum premendo rursus in priores sedes incumberet. ALEX. At cur sex horas ducitur à luna mare? I. C. Cum semper extet Cœli dimidium, in duos id quadrantes diuidi necesse est propter Cœli medium, quod ab vtroque finitoris puncto æqualitater distat vtrinque: Nullæ enim aliæ duæ lineæ ad vllam ynum punctum perducì possunt inter se æquales, quare necessario diuiditur ibi in duas partes hemispherium, atque hæc est causa quare & ad ipsum & ab ipso scilicet verticali fiant mutationes: Cæteræ namque lineæ omnes ad quoduis punctum à finitore ductæ, inæquales inter se sunt, Si enim aqua sequitur, sequetur vsque ad summum, summum autem Cœli medium, incipit autem à finitiore & in ipso desinit, quia hoc tanto Cœlo tegitur terræ tanta pars quantam terminat quaquæ

versum visus. At totum semicælum duodecim cum sit horarum, ad eius dimidium Oceani motus temporis illius dimidium explebit ob incrementum, ad summum illud punctum, alterum dimidium exhauriet ad declinationem. ALEX. Subtilissimè quidem & supra humanum captum, sed duæ mihi occurrunt obiectiones. I. C. Proponas quascunque libuerit, nam illico satisfaciam. ALEX. Si in Oceano æstus esset à Lunæ motu, idem esse deberet in Mediterraneo mari, consequens est falsum, ergo & antecedens. I. C. Maioris sequela falsa est; Nam Luna non solum ab Oriente secum auerit aquas, sed etiam ab Occidente in Mediterraneum euocat, atque ad se trahit, quarum aduentitiarum concursu fiat cumulus ad eius perpendiculum, id quod non fit in Oceano, quia aperto liberoque campo perfruitur, in Mediterraneo nō item: Quando enim ex Herculeis angustiis efferre sese nequit, instantis maris impulsioni non cedit, sed suapte natura ad sidus conuersa subit aqua. ALEX. Non hoc probabile duxerim. I. C. Imo experimento comprobatur manifesto, nam omnibus innotescit, Mediterranei fluxum secundum Africæ littora penè perpetuum esse. ALEX. At in Gallico & Ligustico mari nullus adest æstus. I. C. Est quidem, non tamen ita facilè perspicitur, prout in Africanis littoribus, hæc enim sunt nostratibus depressiora, ad ea igitur Luna cum sese infert, fit ad Lunam motus ad Orientem, ad eun-

dem pariter cum abscedit. ALEX. Sed iterum quæro cur in Ligustico, Gallico & Hispanico litore nulla apparet accretio, neque decretio? I.C. Imo apparet, nam anno præterito in Massiliensi portu tantillum elationis ac depressionis animaduertimus: Obscurissima ea est propter æquoris latissimam effusionem, à Thirreno ad Gibraltar; hinc in Adriatico est manifesta propter angustias. ALEX. Quæso hæc aliquo exemplo reddas faciliora. I.C. Libenter. Sit Orientis punctum Venetianis, ad Meridianum Calicut. Orientis circulus Burdegalæ visum finiat circiter Hormi Insulam. Sex horis igitur cum peruenit à Calicut ad Meridiem Venetiæ, qui sit exempli gratia Tripolis, tum erit perfectum Venetijs incrementum, quare descendet mare, non solum per offensionem litorum, atque reiectionem, sed quia sequetur Atnasiam suam Lunam scilicet, hoc differt ab Oceani motu. Oceanus autem nihilo secius ab Oriente fertur in Occidentem, sub torrida, quare ad Lusitana litora, ad Aremorica, ad Liuonica motus coactus est Versam versus: In sinu verò Arctico secundum litora, quæ Scythiam claudunt, omnino motus est Orientem versus. ALEX. At cur tam varius est in Oceano æstus? I.C. Quia non eodem loco semper Luna oritur, iccirco æstus ab illius cursu inconstantiâ variatur in Oceano. ALEX. His profecto acquiescerem, sed quia Burdegalæ mentionem fecisti, quæso dissolvas difficillimam

quæstionem illam, cur in Oceano Burdegalensi Garumna septem horis intumescat, & quinque detumescat. Hoc opus, hic labor. I. C. Quia Atlanticus Oceanus accedente Luna ad Meridiem Venetiarum, in Articos sinus sese insinuat, qua protruſione abit aqua sursum versus à litoribus Aremoricis, ad litora quæ inter Tartaros & terram laboratoris trās-Gruntlandiam incuruſcunt: Itaque non implet Garumnā quantum capere poteſt, quoniam partim abit: vbi verò Luna illius cliui curſum, cuius faſtigium directò respicit Burdegalam, perfecit, tunc ab Arctico ſinu redeuntibus aquis, non ſolum obſidentur Garumnæ fauces, ne deſcendat, atque exeat aqua, ſed etiam nouis complentur fluctibus, qua impulſione fit, vt ad ordinariū clementi tempus addatur hora illa quæ ſeptima numeratur in acceſſione, quæ prima debebatur diſceſſioni: Vnde quod reliquum eſt ad horam duodecimam, qua alterius quadrantis curſus terminatur, in reſſu quinque tantum horis expeditur. ALEX. Audiueram ego à doctiſſimis viris, produci tempus ingreſſionis, quia reſiſtat Garumna. I. C. Ego verò non aſſentior, nullus enim locus, nulla meta propoſita aut deſtinata eſt, ad quam vltimus maris fluctus perſtingere iubeatur, ſed celeritas tantum minueretur, ſi ita eſſet. ALEX. Perplacet. Sed memini audiuiſſe alios ita ſubtiliſſime obratiocinantes, maris molem grauiorem, iccirco diutiùs inſtare, at vbi ſub-

ducit sese, abit celerius. I. C. Non arridet hæc opinio, non enim fit idem in Lusitaniæ fluijs, qui maiori tamen vrgentur agmine. A. L. Cur nescire pudens prauè, quàm discere malo? Verum profecto fatear: hæc de maris æstuationes meas quidem feriunt aures, at non intellectum. I. C. Rem ante oculos ponam. Lunam nobis propinquam existētem, in hoc nostro inferiori orbē maximè in rebus iumidis vires suas exercere luculentissimo comprobatur experimento, nam per plebeis omis- sis demonstratiunculis, vbi sydus hoc plenum est, augeſcunt ſegetes, venæ ſanguine, oſſaque medullis implentur; Quo fit vt Veneris vſum tunc temporis affluentius abſque vlla noxa adoleſcentes exercent. Præterea cū omnia humore imbuat, factū eſt, vt carnes, quas ſamulus meus inconſultò illius radijs aliquando expoſuit, contabuerint. Homines etiam aliquos ſomnō, vinōque ſopitos, pallorem, capitūque grauedinem contrahere aduertimus, nec non comitiali morbo affici, relaxat enim neruos, cerebrum plus ſatis humectat, mentique vi algifica ſtuporem infert: Potiſſimum verò in mari ſua Luna poteſtatem exercet, quippe in plenilunio conchilia turgeſcunt, cancri pingueſcunt, tolluntur ad ſydera fluctus: Vt enim Hercules lapis ferrum allicit, ita Sydus hoc terræ proximum, mare attrahit, concitatque. A. L. E. X. Huc vſque nulla mihi eſt difficultas. ſed illa me valdè torquet, quomodo Oceanū

cursus, & recursus ad Lunam referri potest? I. C. Nosti, Solem ex humenti gramine humorem elicere, multamque aquæ copiam ex mari, stagnis, paludibusque absorbere, vnde pluviarum origo existit. Scis etiam complures herbas, quæ hinc Heliotropia dicuntur, Solis vi, & calore, qui humorem allicit, circumagi, eiusque iter ab Ortum in Occasum expansis flosculis comitari: ita Lunæ potestate Oceanus modo in hoc, modo in illud litus impellitur, atque in illam decumbit oram, ad quam sydus suum dirigit cursum. Nam ubi Luna exoritur, Oceanus cursum suum deuoluit ad plagas Orientales, atque ita Occidentales deserit: Cum verò Luna ad Occasum vergit, in Occidentalibus partibus crebrescunt fluctus, in Orientalibus detumescunt, idque affluentius, vel parcius pro incremento, defectuque lucis, quam lunares radij exhibent. ALEX. At quomodo mihi compertum erit, quando Luna respicit Ortum, & quando Occasum. I. C. Luna semper auersis à Sole cornibus si crescat, Ortum spectat, si decrescat, Occasum, quæ triduo plerumque in coitu (vt ita ludam) morata, demum lucefcit, ac falcata emicat: Singulis verò diebus ab incremento à Sole remotior ad septimum usque augescens medio orbe diuisa spectatur, eaque pars illustratur, quæ soli in Occidentem delato opponitur, illa opaca remanet, quæ Orienti obuersa est: Semper enim Luna crescens Solem Occidentem sequitur. Vbi

verò decrefcit, Solem præcedit, illique præ-
uia eft, ac fupra Orizonta antelucanū cōfpi-
tur, ea femper parte illuminata, quæ Solem
refpicit, eoque efficitur, vt pars incurua, at-
que in cornua falcata, femper à Sole auerfa
fit, Globofa verò atque in gibbum finuata,
aduerfa, Soli expofita. Quartodecimo die
cum ex diametro Soli oppofita eft, plena per-
ficitur, ipfaque oritur, quando Sol in Occi-
dentem declinat; Propterea fit, vt vndique
illuftretur, Solisque splendorem quaquaver-
fum recipiat. Decimo feptimo die cum Sol
exoritur, Luna in Occidentem depreffa con-
fpicitur. Altero & vigefimo die Sole emerfo,
Luna medias ferè Cœli regiones peruagatur,
atque illa pars, quæ ad Solem fertur, lucida
eft, obfcuratis reliquis. Deinceps cum fingu-
lis diebus fuum curfum profequitur, octauo
& vigefimo die, & horis octo totum figni-
feri circulum abfoluit. ALEX. Hæ Aftrono-
micæ regulæ ftatim mihi è memoria exci-
dunt. I. C. Vt tibi res exactè innotefcat, non
quæ perlegi, nec quæ fpeculatus fum, fed quæ
dum apud Belgas immorabar, aduerti de ma-
ris æftu ob Lunæ vim, referam. ALEX. Bru-
xellis cum efferem, cauponem meum ad con-
ciones frequentandas adhortabar, Excusa-
uit ille fe dicendo, Homiliftæ femper in ore
habent, legi, nunquam, vidi: quod quidem
fcoma vt in Theologia reiiciendum, ita in
Philofophia admittendum: Quare gratum
mihi feceris, fi quæ tu ipfemet de maris cur-

fu, & recurſu vidifti, enarraueris. I.C. Ita faciam. Quo die Lunam nouam conſpexi, quæ ſemper Occidenti incumbit, propterea quod Sol eò inclinatus, cuius fulgore ſplendescere incipit, & quo die Lunam plenam ſum intuitus, eodem æſtus excitari, diffundique obſeruauimus, portusque primum vicinos ad certam altitudinem impleri, ac deinceps verſus Orientem ad obuia quæque loca deferri, ita vt ſubſequentibus diebus hora vna tardius Oceanus moueri occipiat, quoniam ſyſtus indies ab illo fiat remotius, ac verſus Meridie, Ortumque elatum, à Sole longius recedat. Exemplo reddam quæſtionem dilucidior. Noua plenaque Luna ea parte illuſtrata, quæ in Auſtrum reflexa eſt, ſummo æſtu implet portum Caietum hora vndecima. Metelliburgi tractus hora ſecunda ſeu noctis, ſeu diei, Luna in Occaſum brumalem conuerſa, à quo Africus fiat, & Sol Capricornum ſubit: Bergis ſeſquihora aut duabus ſerius. Antuerpiæ Luna inclinata in Æquinoctialem Occidentem, à quo Zephyri ſpirant, hora propemodum ſexta. Mechliniæ octaua, ſic tamen, vt modo ſegnius, modo properantius mare influat aëre tranquillo, vel ventis incitato. Et cum ſex horarum ſpatio verſus Occaſum fertur, totidem oris refluit, ac ſubſidit, donec Luna Belgicum conſpectum egreſſa, oriatur ijs, qui aduerſum Belgas vrgent veſtigia, atque tunc denuo exæſtuat; Cum verò Luna mediæ noctis lineam attigerit, indeque

ad illud hemisphærium deuenierit, rursus in se fluctus residunt.


Quare (paucis disputationem absoluiam) vt cuique regioni fluxum, refluxumque assignare valeas, obseruandi tibi erunt (mi Alexander) locorum situs, & ad quam Cœli partem spectent, metiendique sunt regionum tractus, atque ijs assurgentis, labentisqueyderis cursus accomodandus. Neque Lunæ cornua spectanda tibi sunt, cum ab ea parte nullos obtineat effectus, sed gibbam, deuexamque quam Sol illustrat: Illa siquidem pars, quæ Soli, terræque obuersa est, aquam allicit, illosque portus ac stationes maris affluxu implere meditatur, quos è directo splendore suo irradiat. Eò siquidem Oceanus confluit, quo Lunares radij impellerint. ALEX. Quæ magno labore addiscuntur, non libenter amplexor. I. C. Facili negotio hanc de maris æstu disputationem percallebis, si nostræ pro Mosaica, & Christiana Lege Apologiæ librum quartum pellegere non grauaberis. Ibi Oceani, Mediterranei, Adriatici, & Erithrei maris refluxum luculentissima oratione absolvere coacti fuimus, vt sacrarum literarum ofores asserentes Moſen in sicco transiſſe nactum reſluxionis occaſionem, temerè mentitos eſſe probaremus, & iam manifestè probauimus, nam ad Sues vsque quod intimo in recessu iacet, mare Erithreum operit litus illud, neque vnquam regrediens ita nudat, vt inferiores partes, qua

transierunt Hæbrei, sua decessione aperiatur.
 ALEX. Non ego Plinij, nec alterius Philosophi, qui ut Vesuuij montis conflagrationem, & Nili originem addiscerent, præsentissimo vitæ discrimini se exposuerunt, exempla sectabor, nam me vestigia terrent: Nulli sanè retrorsum, sed tuos potius eruditissimos pellegam libros, ut curiosam de maris motu sitim sedare valeam. Nunc de motu proiectorum in mari aliquid à te excipere exopto. I.C. Non recuso.

DIALOGVS XXII.

De Motu Proiectorum.

ALEX.

 Eficam vento plenam sub aqua demittere conabar aliquādo puer cum essem, & admirabar à quo sursum impelleretur, cum verò Philosophiam à limine salutauī, aquæ grauitati id adscribebam, quæ suum locum à vesica occupatum recuperare appetebat. I.C. Non hæc mihi arridet opinio, ahenea namque pila aëre plena, si in aquam proijciatur, exiliet: sin verò solida eodem ex ære, aut etiam eius dimidio pilula confletur, fundum petet, nec emerget; si aqua doleret, quod à pila esset suo defraudata loco, atque iccirco su-

biret, & inde pilam in altū eueheret, idem in vtraque pila faceret, at non facit, & commodius poterat longe minore nixu aduersus leuiorem; non igitur pila, aut vesica attollitur, quia subit aqua, sed aqua subit, quia ab aëre pila tollitur, subit autem, ne pila decedente vacuum detur. ALEX. Perdoctè, sed cur inditum calcis globum in aquam, ita vt non totus submegatur, subit aqua nihilominus, etiam qua non circumstat. I. C. Subtilissimā proponis difficultatem. A L. Proposui aliàs doctissimis viris, à quib⁹ varias, & subtilissimas excepi responsiones, in quarum censu tuam constituere in votis est. I. C. Quæso sodes illorū referas opiniones. ALEX. Aliqui in Patauino Gymnasio dixerūt, paulo laxiores poros inesse cālci, quos vbi aqua attigit, ilico abit inclusus aër, in cuius locum, ne vacuū detur, succedit aqua, & propterea ascendit. I. C. Petere ab illis debebas, cur aquæ accessu effugiat è foraminibus aër? ALEX. Imo & petij, & responderunt, quia ab aqua condensatur, atque in angustias cogitur. I. C. Sic obijcere poteras, aër non nisi à frigido dēfari valet, imbibitur autem in poris aqua non solum quæ frigida est, sed & quæ calida, imò hæc magis, & citius. A L. Forsitan Pisanos Scholares adinuenies subtiliores in respōdendo; illi siquidem asseriebant, ab aquæ pondere expelli aërem, atque arceri. I. C. quomodo id fiat, ignorare me profiteor. A L. In ipsius (aiebant) spongiosi corporis, in quo aër continetur, superiori parte aqua inest, quæ aëris qui-

busdam portiunculis supernatat, aqua igitur descendente, aërem inde propelli accidit I. C. At enimvero cum ad illam peruenerit lineam, quæ superimminentis aquæ terminus est, quid erit mox quod rursus propellere possit aërem?

AL. Aërem (inquiunt) ab aqua pulsatum alium pellere, atque hunc alium, & sic successiue.

I. C. At cum totus aër ille conclusus à primo per partem post partem tantum abscessit, quantum est locus, quem aqua occupauit, tum non ultra fiet impulsio partiū aëris, sed cessabit: oportet autem assignare aliud quod aërem pellat indefinenter, donec abscedat totus: ALEX.

Veronenses Philosophi profugari asserunt ab aqua aërem per species contrarias. I. C. Alibi reiecimus hanc fictitiā specierum facultatem. Doceri nunc percuperem, quomodo aër, & aqua contraria sunt? ex aëre aquam gigni Naturæ testantur opera. ALEX.

Bononiensibus Academicis sic effari libuit: Calcem subit aqua sursum tendēs extra suum planum, quoniam aër in calcis meatibus existens, in suo loco non est, quare molitur exitum, eoque succedit aqua. I. C. At aër non exit nisi diductis parietibus, non cedunt parietes, nisi subeunte aqua, non ingreditur aqua, nisi aëre discedente. Præterea dicant mihi perbelli studiorum matris alumni, quomodo extra locū suū aer est, si tota illa calx in aeris regione est?

ALEX. Parthenopei scholares mellitissimi, calcem siccam esse testantur, ac propterea repetere quod deest humidum, & attrahere igitur.

I.C. Aristoteles Philosophorum Præceptor è siccitate amouet actionem, & pro passiuâ tantum agnoscit. Galenus quoque Medicorum Dux humiditatem cum calore, & frigore tantum actiuam cū adnumerasset, non apposuit siccitatem. Insuper calx est lapis mortuus, at si eius forma appetit qualitatis instaurationem, iam absumpta non est, cum tamen lapidis, quæ prius erat forma, nulla ibi supersit. *AL.* Tuam modo (Vir Subtilissime) subscribas sententiâ.

I.C. In calce aqua calefit, atque exhalat, & propterea superiora impetit. Deinde calor magno impetu sese subducit propter sui cōtrarij vim, quare in eius locum subita aqua: sanè cum post pilæ lufum tumescenribus mirum in modum venis, brachiū in peluim aque plenâ immitto, sanguis sursum versum statim refugit: si super tabulâ olei parum ponas, mox prunam in medio imposueris, videbis illud mira celeritate fuga diffundi, ac dilatari, ne ab hoste cōsumatur. Quod si hæc tibi non probeatur opinio, addam in calcis meatibus, consumpta genuina humiditate, inesse vim quâdam igneam, quæ inde egredi ob contrarij metum non audet, quare in partes solidas sese inducit, stipatque se ipsam, & condensatione acuitur, & propterea debiliores partes relinquit, in quas subeat aqua necesse est ad vacuum euitandum.

AL. Tuo quidem ingenio sententia dignissima. Sed dic amabô, Cur in aqua calx incalescit?

I.C. Quia igneæ portiunculæ (asserbat Præceptor meus) ex humidi consumptione in cal-

*Ar. in lib. de
Mist. affect.
& 13. Cal.*

*Galen. in
comm. de cu-
rands rat.
peruena sect.*

cis gleba remanserunt, dispersæ tamen, atque
 iccirco ob virium imbecillitatem ad ignescen-
 dum minus idoneæ: cum autem aqua ad cal-
 cem accesserit, statim illæ, hostē pertimescen-
 tes, in abditissimis penetralibus se recipiunt,
 sui que conseruationem apperentes, hostis a-
 quæ nimirum interitum meditantur, cum-
 que virtus vnita sit fortior, stipant sese,
 atque ita suam acuunt potentiam, & igne-
 scunt. A L. Perdoctè quidem, sed eius naturæ
 quæ ab Agricola recitatur, causam mihi expli-
 care ne graueris? I. C. Quæ nā illa est? ALEX. Ad
 Culmam refert esse aquam cognomento insa-
 nam, quæ feruere videtur, frigidissima ta-
 men est. I. C. Quid mirum? ampullatur multo
 mista flatu: flatus sane quibusdam è specubus
 emittuntur, à montibus namque aduersis erū-
 punt. ad littus Bascum, quod non procul Baio-
 na Britānicum mare som mouet, locus est, qui
 ab incolis Capherton dicitur, ibi aliquando
 mare adeo turgescere adspexi, vt iam iam litus
 ipsum obrutum iri puerulus meus crederet,
 deinde mox subsidit, quod à vento subeunte
 proficisci censui ALEX. scitissimè, sed aliā eno-
 dandam tibi propono quæstionem. I. C. Alios
 nodos dissoluere cuperem, sed fare. ALEX. Pu-
 teolis cum essem, accepi, in Auerno lacu tria
 oua si proijciantur, supernatare duo, sub-
 mergi tertium, quod ab immundis spiritibus
 subfurari persuasum est rusticanæ plebe-
 culæ. I. C. Nugæ sunt hæ, & circulatorum
 deceptiones: duo illa oua quæ supernata-
 runt,

runt, vetustate exhausta erant, atque ideo
aëris plurimum continebant, quam ob cau-
sam & arida ligna preñatant: quod submerge-
batur ouū recens erat, atque ideo nō satis cō-
plectebatur aeris, eādem ob rationē nec viride
natat lignū. A L. Verisimile est, sed quid ad hoc?
noui Philosophum, qui ouum in peluim aqua
plenam proiecit, & descendit, in alia deposuit
alterum, & supernatabat: erant autem am-
bo recentia. I. C. At non eadem erat aqua in
vtraque pixide, in vna dulcis, in altera sal-
sa. A L E X. At cur in dulci submergitur, in sal-
sa non item? I. C. Dulcis propter partium
tenuitatem sustinere nequit, salsa propter
crassitiem potest. A L E X. quomodo probas
salsam aquam grauiorem dulci? I. C. Quia
plus terræ continet: profecto in lebetis fun-
do, vbi aqua salsa fuerat, terræ triplo plus
residere aduerti quam in quo fuerat impo-
sita fontanea. A L E X. Tuæ sententiæ acquiesco
I. C. Quid si ego eam reuocem? A L E X. Men-
dacij non redarguam Astrologos, qui tui or-
tus Aphetam Lunam esse prædicant. I. C. Pro-
fecto non amplius dicam quicquam aptum,
vel ineptum ad sustinendum propter partium
tenuitatem, vel crassitudinem, nam memini
in oleo defecatissimo plus extare lignum
quā in aqua, olei tamen partes tenuiores, aë-
ris namque plurimum obtinet, aquæ multam,
terre exempta facie minimum, itaque olei gut-
ta pannis aspersa latè subit, atque diffunditur,
aqua non item. A L E X. Vnde igitur aptitudinem

ad sustentādum deduces? I. C. A partium cō-
 hæsione: sanè stylus duapondo mucrone de-
 missus in aquam citius descendit, quàm lami-
 na decempondo eandem in aquam secundum
 superficiem imposita: ratio est, quia stylus se-
 parat partes, lamina non: addam aliud exem-
 plum, quod aqua non sustinet, eiusdem aquæ
 glacies sustinebit, non ob partium diffe-
 rentiam, quandoquidem substantia est ea-
 dem, sed ob differentem partium posituram,
 coniunctiores namque sunt. AL. E Mercurij
 potius, quàm Lunæ Cælo tam subtilem sen-
 tentiam descendere crediderim: sed cur Thy-
 ræus lapis, authore Plinio, natat fluitatque
 grandis, comminutus immergitur? I. C.
 An quia aëris ille multum continet, non vt li-
 gna solent in minimis particulis, sed inter ma-
 iusculas, quibus dissitis, simul cum abeūtis aë-
 ris leuitate, natadi beneficium amittit, quem-
 admodum & peluis ænea fluitat integra, con-
 cisæ pars quanquam longè sit leuior, mergitur
 tamen. Ratio est, quòd aër, qui eius in sinu est,
 nequit tam repentè separari, quàm cito pòdus
 deprimere possit, perstat igitur: si aqua posset
 subire foramine, tum decederet aer, quia pau-
 latim ea res geri queat. AL. E X. Acutissimè, sed
 Cur aqua suffocati non confestim emergunt;
 I. C. Corpus vndique humore oppletur, atque
 aquarum pondere degrauiatur, hinc sursum e-
 niti nequit, quandoquidem nihil aeris in se
 continet, omnisque spiritus per aquæ gurgi-
 tem excussus est, atque euauit. ALEX. At cur

in septimo, aut nono die emergit? forſitan, quia fellis folliculus diſrumpitur? I. C. Minimè, ſed quia ex eo, reliquiſque conceptaculis aquæ amore flaccidis, humores effluunt, quò fit vt corpus attenuata carne fluidum efficiatur, ac pulmo ſpongię inſtar fiſtuſoſus concepto copioſo aere, cadauer ſubducit, auræque reſtituit. ALB. Sed quare ſubmerſa virorum copora, ſupina, atque erecta in Cœlum faciè, mulierum verò prona, vultuque in fundum inclinata fluitant, vt Pliniana reſert hiftoria. I. C. Pro conceptu, ac geſtatione, qua tacitis auſtibus intumeſcit vterus, atque incrementum capeſſit fœtus, & pro laborioſo, anxioque partu, quo membra diſtendi debent & dilatari, mulierem Natura formauit, ideò fecit illam ventricolaſam, conceptacula, cavitatesque laxiores, magiſque patentes ei indidit, quare mulieris ventervberius, & affluentius humore impletur, & per cõſequēs aquarum pondere, & diſtentione deſtaurari, deorſumque ferri contingit. vir autem adſtriſta habet illa, meatus vrinarios anguſtos, quare non multum humoris imbibit, ideo non inclinato vètrè fluitat, ſiquidem natura comparatum eſt, vt graue quodque deorſum, iurſum autem leue feratur, quod in vtriculoſis, & vaſculis perſpicimus obturatis, quorum pars, quæ aerem continet, ſublimis exiſtit, quæ humorem continet, deorſum voluitur: idipſum & in ouo animaduertere liſet, quod in ſalſuginè inieſtū fluitat quidem,



Plin. lib. 7.
cap. 17.

sed pars, cui pondus inest, premitur, at subsidit
 pars aere oppleta, illa s. quæ rupto putamine
 lacunam exhibēt, vbi peruetusta sunt, eminēt,
 sursumque nitūtur. ALEX. Diu in maris disce-
 prationibus peruagati sumus, & quia naufra-
 gos errorum fluctus euitauimus, hylares terrā
 petere audebimus, & primo è mari egressu, In-
 fulas, & Montes, qui ei circumstat contemple-
 mur. I. C. Dabo me tibi in socium. ALEX. Imò
 Ducem.

DIALOGVS. XXIII.

*De Insularum & Montium Gene-
 ratione, necnon de Terræ
 motuum causa.*

ALEX.

 Errarum exilitiones, seu potius e-
 merfiones in medio mari, quas
 vocant Insulas, vnde sumunt ori-
 ginem? I. C. An à Maris impetu,
 quo terra à terrâ diuifa est, vt de

*Card. de rer.
 var. l. 1 c. 4.*

Siciliâ insula nominis Etymō credēdū suadet,
 Sicilia enim quasi secta aut lecta est, sanè ab I-
 taliâ disiuñcta; quare antea regio illa Triquetra
 dicebatur. AL. Ita est. I. C. An asseremus Insu-
 las fabricatas à fluuijs arenarum inuectione vt
 de Acheloo fluuiio Herodotus, de Tanay Poli-

bis commemorat. Addamūs & nos vniuersam Hollandiam & Zelandiam à Rheno ac Mosa fluuijs aduectas atque exaggeratas, vt ex ipsorum locorum facie cognouimus, aggeribus enim non pauca loca etiam nunc arcentur ab Oceano, & appulsu fluuiorum, quos aggeres *Dam* vocant incolæ, quo sono aliquot opidorū nomina terminari adnotauimus. ALEX.

etiam Belgicam nosti linguam? I. C. An earum originem referemus ad exhalantes vapores è subterraneis anfractib⁹ qui superiorum terræ portionem aliquam super fluctus extulerunt, vt de Britannia verisimile duxerim, est enim adhuc terra illa limosa fungi instar, quinimo obequitanti mihi contremiscere quodammo- do videbatur. Aliter de ea scripsit Cardanus.

Vbi insula, inquit, è scopulis generatur, necesse est vetustate lapides exedi ac velut canescere, velut in Britannia, vidimus enim terrā albā ac velut canā ex lapidibus vetustis factā hāc vocāt gypsum. Quamobrē primū necesse est vt fertilis sit, tum vapore maris, qui vento deductus eam excalefacit, & impinguat, adest enim salis natura, & in sale humidum pingue. Tum quia lapis putrescens pinguem reddit terram, omne enim humidum quod computruit, iam pingue est, & huic indicio est quod in Gallia partibus frigidioribus lapides albos spargunt in agros quibus loco sunt ster- corationis. Excusatos habemus illos Philosophos, qui percipere nequeunt quomodo tam ampla Insula ex scopulis effici potuerit. Ter- iam candidam nullibi nos in Angliā vidimus. in Scotia fortassis Cardanus conspexit, eam ta-

De rer. var.

l. l. c. 4.

men non senectus sed exustio potius sic effecit, Nimirum sunt in ea Angliæ parte sulphureæ venæ non paucae, vt ex lapideorum carbonum, quibus indigenæ luculentos ignes in ædibus extruunt, qui semel, atque iterum extincti, postliminio ignescunt ad moti foco, olfactu deprehendimus: fieri verò exustione cãdidam mirum non est, absumentur enim ab igneã vi humidæ partes quæ nigrae videntur, quare tella madefacta subnigra est, vbi Solis perpeffa fuerit æstum, candida, vt subticeam ligneam materiam cuius viriditas nigredini affinis ab igne in cineritium colorem resoluitur, & qui calida aquâ faciem lauant, cito canescunt. Qui verò scire auet an lapides terram pinguefaciant, Ligusticum solum interroget, illud respondebit se lapidibus sterilescere. ALEX. At scire percuperem! quomodo montes generantur? I. C. Aliqui piè delirantes, ex Dilu-
tio raptam, subductamque terram, deterfos-
que montes ab aquis in mare precipitantibus, prodiderunt. ALEX. Nugæ. Nec enim adeo vecordes sumus, vt ignoremus, si montis altissimi fastigium terræ subuectione nouâ sit æquandum superficie, vniuersam terram suis
sedibus extra suum punctum reuulsam ex-
austum iri. Sed quid Astronomi super hac re sentiunt? I. C. Moles illas extra terræ planitiem ab Astris attractas. ALEX. Nequaquam, simul enim cum Astrorum motu mouerentur montes, si Astrorum opus essent. I. C. Alij dicunt, terram crebris agitata motibus,

tanquam corpus vesicas sic montes peperrisse. ALEX. Haud displicet. I. C. Mihi verò plurimum: Non enim solida loca terræ motu concutiuntur, cum aërem non concipiant, neque limosa, qualis Ægyptus, quòd rimis careant, neque etiam arenosa quòd perspirent, his tamen in locis montes visuntur.

ALEX. Quid aliud. I. C. Nonnulli, montes definierunt humum esse à ventis congestam.

ALEX. Ridiculè quidem. Vbi enim flat ventus maximè, ibi nulli prorsus sunt montes.

I. C. Ita est profecto. ALEX. Cardanus quid censuit? I. C. Marinis & fluuialibus aquis

terram demoliri, lapidibus derelictis, mox aquæ in valles cum descendant, montem exurgere.

ALEX. Digna sanè Cardano subtilitas. I. C. Imo futilitas potius, nec enim tam

sublimem verticem super agros extollerent. ALEX. Tu igitur quid sentis? I. C. Ego verò

concluderem, si Christianus non essem, mundi æternitatem, cum mōtium originem non inueniam.

Dicam tamen, montes à Deo factos ijs in partibus, quæ Cœli dispositionibus

congruebant. ALEX. At cur aliquando terra concutitur? I. C. An quia, inquit Cardanus,

materia quæ vri apta est, vritur veluti est sulphur, salnitrum, seu halinitrum & bitumen.

Cum enim hæc accenduntur, nec exitum inueniunt, vt in cuniculis machinifve terram mouent & quatiunt.

ALEX. Ratio hæc à Philosophorum plebiscito desumpta est. I. C. Atque ideo futilis, nec enim vbi exurit terra,

semper quatitur, non sanè in Puteolano agro sulphureo: nec vbi cōmouetur, aduritur, ignis enim cum inclusus manere nequeat, in ipsis terræ motibus sibi pararet aditum, sui que vestigium relinqueret aliquod, quod tamen non accidit vnquam. Repugnat etiam sententia hæc ipsius Cardani placitis, asserit enim, & rectè quidem, terræ motum, putrefactionem, quæ sub terra facta est, indicare, sed ab exustione putrefactio nulla infertur, non quia summa putrefactionis sit in humido, vt vulgari iactatur prouerbio, inscitissimè tamen, quæ enim humidum habent communis naturæ cum humore aduentitio non putrescunt, sicut Alnus sub aquis, non enim aqua sub aquâ putrescit, nihil enim inuehitur peregrini, sed quia humida à calore putrescunt externo, quoties internus vincitur aut foras exigitur: At exustio à calore non patitur, neque ab humore (vt vulgi admittamus iam refutatam sententiam) accedens, namque humor aut minor erit, atque iccirco euanescet, aut maior, ac propterea exstinguet, atque præueniet putrefactionem.

ALEX. Perdoctè. Sed quæ tua est sententia?






I. C. Ego censeo, terram pati concussionem, aquâ scilicet aut aere vel subeunte, vel exeunte, vnde videntur camporum fluctuationes, & sæpenumero fluminum ad superiora loca recursus, vtpote, quæ terræ motu, vel inclinata, vel toto Alueo vibrata sunt, & mugitus horrendi exaudiuntur. Hinc multæ

sunt exortæ superstitiones apud rudem plebeculam, quæ admiranda opera Dæmoni perpusilla Naturæ adscribit.

DIALOG. XXIII.

De Gemmarum Genesi, Radice & Colore, necnon de lapidum maculis.

ALEX.




 Tenimverò pretiosi lapides unde generantur? I. C. An cum Philo- *Ar in 3. Me- teor.*

 A 
 sopho dicemus ex siccâ exhalatione, quemadmodum metalla ex humida? an cum Platonice dice- *Plat. in Timæo.*
 mus eos generari ex ipsis metallis, ex auro sanè excocto prodire Adamantem, scripsit in Timeo Plato, & sanè si verum est quod tradunt, Adamantes quosdam esse croceos, non erit absurdum penitus, quod euenit ceræ de eo cogitare, ut colore deposito fiat candidus. Et Smaragdi principia ab ære esse tradunt, nec abest à suspitione ratio, tum quia ærugo viridis, tum quia eo demum certissimo inditio probatur Smaragdus, si lapidi affricatus, æris reddat colorem. An à tenuissimo succo, quem lapides distillant, gemmæ aliquæ concreantur? Sanè, *quod liquidum est*, inquit

Card. in l. de
sub. 17. c. de
lapidibus.

Fol. 346.

Cardanus, cogitur, tenue, & parum splendescit,
& frigore indurescit. ALEX. Aqua igitur con-
gelata gemma est in Cardani Thesauris? I. C.
Aqueam illarum esse naturam ostendit è Cri-
stalli ad ignem liquefactione, & Adamantis
mollitiè. ALEX. Quinimo igni esse imper-
mutabilè alibi fatetur. Sed Gemmæ habent-
ne radices? I. C. Ita censet Cardanus, quia
Smaragdus Præssio innascitur. AL. Imò corpus
vnum illa sunt, summa tamen pars tenuior,
quia magis excocta. Idem in furno panibus
euenit, fax ipsa in imo, tanquam amurca,
quod & in oleo videmus. Smaragdum miræ
magnitudinis Theophrastus describit sine ra-
dice vlla, tota ergo massa congelata fuit, at-
que sub formam abiit perfectiorem. Inter-
dum tamen sunt sicut cremor lactis & lac,
non nego tamen à lapidibus exhalationes,
quasdam resudare quæ externâ accretione,
non interiori alimento grandescunt, sic ex
nigro lapide quasi gummi resudat Turchesia
apud Persas. ALEX. At cur varium gemmæ
colorem nanciscuntur? I. C. An dicemus quia
à diuersâ produciuntur exhalatione, fusca igitur
à terreo exusto, candida è puro aëreo &
aqueo, virides è copioso humore, rubea à ve-
hementi calore, cærulea è rubrâ materiâ
cum vltèrius quàm par est excoquitur, va-
riæ denique ex varijs humoribus? An quia è
diuersis fiunt metallis, Ex Auro (inquit Car-
danus noster, vbi supra) Adamas, Smarag-
dus, Opalus, ex argento Saphirus, ex ferro Car-

Card. falsus
quæstio
dicitur

bunculus, Granatus & Ametistus. ALEX. Maculæ verò in lapidibus cur aliquando conspiciuntur qui varias animalium effigies referunt? In Pario marmore Sileni effigiem extitisse Plinius author est. Pirrhi Epirotarum Regis Achates Musas omnes ornatas, necnon Apollinem fidibus ludentem referebat, ut idem Plinius commemorat. Marmoris frustum vidit Præceptor meus, quod Paulum primum heremitam representabat. *Pirites hecinij nemoris varias* (ait Cardanus) *refert formas velut marini passeris, Salamandra, Galli, pontificis Barbati, tum etiam beata Maria Virginis filium in Vlnis gestantis?* I. C. An cum Lucianistis irridebimus has authorum attestaciones ut confictas fabellas? An ab artificum officinis in Apothecas Naturæ dicemus figuras illas translatas esse? An ludit in his confingendis natura? An ex materiæ necessitare lineæ quædam exortæ sunt, quæ fortuito alicuius animalis ideam referant, ut in Nebulis & plumbo liquefacto, dum in aquam conijcitur: An ubi solitus erat innasci Achates infossa est depicta tabella ex quâ deinde aqueus humor illius attraxit effigiem? An cõsepulti Pauli lineamenta eò loci resudarunt? An super lapidem emisérunt animalia semen? Nigrum lapidem inter Succiæ montes adinuentum serpentis effigiem edidisse Cardanus testatur; qui autem illum adinuenit asseuerabat plusquam tercentos serpentes ibi conijisse. An cum Chemicis annuntiabimus omnia in omnibus? An

Card. de
sub. cap. de
lapid.

Albert. l. 1.

Miser. c. 7.

Cap. ult. c.

in s. d. libri.

cum Astronomis à syderum influxionibus causam accersemus? An animalia in lapidem transmutata, vt respondet præceptor meus Pöponati⁹, cui adstipulatur Albertus, inquiēs, *Aliquando tempore nostro in mari Danico iuxta ciuitatem Lubecensem inuentus est magnus arboris ramus, in quo erat nidus, & aues perierant in nido conuersæ in lapides, erant parum declinantes, quod aliter esse non potuit, nisi quia procellis vel undis euulsa arbor, tempore quo in eâ fuerunt nidus & aues, in aquam cecidit, & postea per virtutem loci, in quo iacebant, in lapidem vniversa fuere conuersa, & alibi, Admirabile (inquit) videtur omnibus quod aliquando Lapides inueniuntur intus & extra habentes effigies animalium, extra enim habent lineamenta, & quando franguntur, inueniuntur in eis figura intestinorum, & huius causam dicit Auicenna esse quod animalia secundum se tota aliquando mutantur in Lapides.*

DIALOG. XXV.

De Lapidum Vita, Alimento, & Interitu.

ALEX.



T viuunt ne lapides? I. C. Cardanus affirmat. ALEX. Cur ita? I. C. Hæc est eius ratio. Omne mixtum nutritur, at omne quod nutritur viuut, ergo omne mixtum viuut. ALEX. Proba quidem argumenta-

tio, sed si maiorem negauerim, falsa enim est, ruet prorsus. I. C. Sic instat, si non nutritur saltem generatur, at quod generatur, ab anima generatur, ergo & generatum animatum est, eiusdem enim generis sunt generans & generatum necessario. ALEX. At minor est manifestè falsa, nam ex aëre generatur aqua, aër autem animæ expers est. Thophs equidem caret anima secundum Cardanum, generatur tamen, nam aliquando non fuit. I. C. At Solis calor, ait ipse, omnia generat, ille autem anima est, Ergo omnia ab anima generantur, & animata igitur sunt omnia. ALEX. Tu vero Iuli mihi quid respondes, quid censes? I. C. Meo iudicio si Solis calor esset anima, anima muris in fimo generati esset Sol, & muscæ anima cum illius muris anima vna esset anima. Consecutio probatur, nam ab vna anima diuersæ animæ non generantur. ALEX. At respondet Cardanus. Si calor non est anima, saltē ubi calor, ibi anima, ubi anima ibi vita, At in lapide est calor, & anima igitur, & per cōsequens vita. I. C. At enim uero in igne calor est, anima tamen nulla: nec in lapidibus calorem inesse dixerim, calor enim non nisi tactu cognoscitur, lapidis verò contactu, nec pilo factus sum vnquam calidior. ALEX. De lapidum vitâ satis, de nutrimento quæramus. Nutriuntur ne lapides, & augentur? I. C. Idem Cardanus affirmat. ALEX. Quare? I. C. Quia per venas (inquit) accedit semper materia. ALEX. Tu, quæso, respondeas, I. C. Libenter. Si semper nutritur lapis, igitur

semper aliquid decedit, minuitur enim à calore humidum quod depascitur, in cuius locum sufficitur alimentum: Quamobrem vdis vel siccis tempestatibus idem lapis aut strigosior aut hebetior deprehenderetur, pro pabuli scilicet commeatu aucto, aut subtracto. ô utinam lapilli excrescerent, paruulus enim apud me est Adamas, quare Iacobæo Adamanti, qui Magnæ Britanniae miraculum dicitur, non inuiderem. ALEX. At saltem in suâ fordinâ Lapides crescunt. I. C. Minime. Crescit sane ibi humor per spiritum donec indurescat, atque tunc amplius non augetur, sed antequam duritiem induat, Lapis non est, quare non lapidem, sed lapidis potius matricem augeri dixerim. ALEX. Acutissimè,


sed consenescent ne gemmæ? I. C. Maximè (inquit Cardanus) ALEX. Quam ob causam? I. C. Quia pallescunt. ALEX. Ita est. I. C. At pallet etiam aliquando corallium, quod non amplius viuit, præcisum enim est à suâ planta, & picturæ quoque inanimes aliquando pallidæ videntur. ALEX. Quæ nam huius rei causa est? I. C. Quia abit color exuctis partibus tenuioribus. ALEX. Quid etiam intereunt forsitan Lapides? I. C. Ita inquit ille. ALEX. Cur id accidit? I. C. Quia ab operatione desistunt, nam Magnes qui trahebat alacriter, temporis successu trahere desijt. AL. Idem est de eo qui apud me est. I. C. At magnes nō trahit per animam, esset enim nobilior nostrâ, hæc (vt aiunt Philosophi) extra corpus actionem habet nullam, illa

vero maximam, quare & si trahere desinat, anima & vita functa dijudicanda non est. ALEX. Curigitur trahendi facultates cessant aut corruptæ sunt? I. C. Eo modo quo Iadani bene olendi, soluuntur enim ab aëre partes quædam, quæ sunt instrumenta formæ. Magnetem qui trahere desierat, vitiatum (ni fallor) ab aeris superficie, nam rubigo quædam illi adhærebat, fregerunt scholares nostri, & in eius interioribus partibus, eadem quæ prius in extimis, extitit vis efficax ad trahendum.

DIALOG. XXVI.

*De Magnetis vi attrahendi ferrum,
& directione ad Polos.*

ALEX.

 Via Magnetis mentionem fecisti, cogor à te nunc quærere, Quare Magnes attrahit ferrum? I. C. Respondet Cardanus, Magnes viuit, ferrum eius pabulum est, idcirco in ferri scobe optimè seruatur. ALEX.

Nugæ, si viuit Magnes, cum ferrum affricatum afficiat ita, vt alterum quoque ferrum ab eo trahi possit, animam suam in illum transfudisse manifestum est. Vult enim Cardanus

*Magnetis horum
Capit*


Magnetem trahere per animam, quare in ferro Magnes genuit magnetem, viuet autem ferrum non modo snâ, sed etiam magnetis animâ. I. C. Præterea non ex omni parte Magnes attrahit, ea igitur parte, quâ nō trahit, non viuet, & tamen vnum est mistum vniforme, partim viuet igitur, partim non viuet, vtrumque sub viuentis forma, erit igitur quod non est, quoniam hcc quod est per formam est; neque ferrum Magnetis pabulum est, diutissime enim absque ferro illæsus consistit. Sed insanire coactus sum à Cardano, ferri certam accepi quantitatem, in quâ Magnetem seruauī per menses tres, nec tamen ferri scobem adinueni leuiorem, non igitur Magnes depastus est illam, sed potius grauiorem, quod rubigine factum auctuariū existimaui. ALEX. At seruatur (inquit Cardanus) diu vegetus Magnes in ferri scobe. I. C. Concedo, sed non quia eius pabulū est, sed quia sic eius superficies ab aere non vitatur, quare rubiginem non contrahit. ALEX. Quid igitur Præceptor tuus sentiebat? I. C. Asserebat ille, omne appetens appetere propter sui perfectionem, quare membra trahunt vt nutriantur, & Elementa petunt conuenientes locos ad quietem, sed ferri pabulo non indiget Magnes, absque illo enim seruatur integer, ergo non illud attrahit, sed mouebitur potiùs ferrum ad Magnetem tanquam ad matricem suam, cuius abditis principijs perficiatur, quemadmodum ad centrum terra, est enim propius veritatem vt ab internâ

virtute potius quam ab externa, à qua non igitur, moueatur, veluti mouetur catulus ad mamillam, quomodo mouetur anima ad beatitudinem ab intimo principio, quod summi boni appetit fruitionem. Est enim principium nostrum primi particeps principij, & ultimi finis. ALEX. Pijssima opinio iuxta & subtilissima. Sed dic mihi quid Fracastorius vir Doctissimus censuit? I. C. Trahi ferrum à Magnete, quia cum hoc vnum sit per vtriusque formæ coniunctionem, quia seipsas formæ propagent, atque promoueant, ita vt etiam egredientes in media intercapedine occurſu mutuo vniantur. ALEX. Sed, quæſo, tanti viri audes ne sententiam impugnare? I. C. Inquirendæ veritatis causa, dicam, si egredi potest ferri & Magnetis forma, egredi quoque poterit hominis forma, quare erit generabilis & corruptibilis secundū partem, igitur & secundū totum, non enim more spōgiæ dilatat sese atque cōtrahit: Præterea erit in aere hominis forma, aer igitur erit homo, & duabus formis aeris materia informabitur, aeris scilicet & hominis: quinimo aer erit formarum egredientium plenus, & in formam forma penetrans ac transiens quaqua versus, atque vndecunque huc & illuc, aut igitur aer informabitur omnibus formis simul, neque hac & illa, hæc & illa erit eius pars, sed in multis eadem, aut formæ eadem erunt & in subiecto & absque subiecto abstractæ, simul & non abstractæ. ALEX. Tuam igitur nunc breuibus verbis superaddas opi-

nionem. I. C. Ego verò dicerem, accidentis facultate, quæ à Magnete exit, ferream substantiam trahi, sicut odores exire sentimus manifeste atque nos alterare, cuius rei signum est, quod allio si perungatur Magnes, ferrum non attrahet ex Ptolemæi sententia, neque si oleo (addam ego) vel quacunque pingui alia se obliniatur, obtunduntur enim Magnetis spiritus à multo humido & crassitie. ALEX. Tuæ acquiesco sententiæ. At cur in Nautica pixide ferrum Magnete confricatum Septentrioni obuertitur, polumque Arcticum respectat, quocunque etiam contorto clauo nauis impellitur. I. C. Alij dicunt, perpendiculum illud nullo modo trahi, sed illius Cæli vertigine omnia cum perturbentur, ita se constituere, vt quo magis potest quiescat, ea autem est linea ad Polos spectās. ALEX. In eadem opinione ego aliquando fui. I. C. Decipiebaris profecto, nam apud nos illa non perringat vertigo, & tamen eadem ferri circumuersatio conspicitur. ALEX. Rectè, sed aliorum referas opiniones. I. C. Alij igitur afferunt, ferrum illud ad stellas, quæ in Polis sunt se conuertere, quemadmodum Heliotropium ad Solem. ALEX. Minimè id quidem, nam illud flosculis contingit, ob illorum humidos vapores, qui à Sole attrahuntur. I. C. Alij ad minoris Vrsæ caudam vim illam referunt. ALEX. Tu verò quid sentis? I. C. Verum id non esse, Sideris enim illius perpetua circumactio secum quoque ferrum conuer-

teret, quemadmodum à suo sidere Cometem quoque arripi, atque auehi dictum est, quare fixæ affectionis fixam quoque causam oportet esse. ALEX. Ita est. Sed perge. I.C. Aliqui conuersionem illam fieri asserunt à mōribus ferri & Magnetis, qui sub Polo sunt. ALEX. Minimè, nam qui de subjectis Polo regionibus scribunt, nullos ibi adesse ferreos, & Magneticos montes confirmant. I.C. Et si aliter Fracastorius sentiat, nō reclamo, conuersionis tamen causam ad eos non referam, quando constat in Ilua Insula adesse Magnetis montes, ex quibus eruitur Magnes omnis quo no-
strates Nautæ vtuntur. Naues cum eo applicant, cum in anchoris sunt, cum discedunt, nullam sentiunt in pixidecula mutationem, nullam ferri ad ipsam insulam conuersionem intuentur. ALEX. Respondebit verò fracastor. Iluanum Magnetem, in sua fodina atque matrice nullas habere vires. I. C. Debilitat responsio hæc Septentrionales montes, pro quibus ipse dimicat. Ego verò cuiusque entis naturalem sedem cuius peregrino situi anteferendam censeo. Præterea à montibus illis, qui sub Polo esse perhibentur, ferrum non attrahi manifestum est, sed Magnetem. Nam ferri cuspis pensilis non vertitur ad Polum, sed Magnete affectum ferrum. Quod autem conuersio illa non fiat à montibus, tum interualla, tum radiorum vis impedita obiectu terræ persuadere possunt. quo per-
tingere queat radius, eò quoque vis esto,

at non quit ; vt ex hac apparet demonstra-
tione.



A. B. Mons magneticus. C. finis radij. D. non tangetur, at ibi mouetur. Mouetur enim in aditu sinus Persici ad Insulam sancti Thomæ. ALEX. Quid igitur concludendum erit? I. C. Terrarum omnium substantias, facies, vires à sibi quoque simili pendere vultu, nam vt ait Aristot. superiora sunt tanquam formæ, & Idæ eorum quæ ab ipsis continentur, iccirco hæc terræ pars huius rei alia alius ferax est: Ita ibi Mare, alibi non, montes, fluuij, campi, prout cum suo quidque Cælo conuenit. Non ergo à montibus illis syderiticis, ob radiorum imbecillitatem, sed ab eâ vi, quæ illorum fabricatrix fuit, euenire conuersionis modum dixerim, quam ab Vrsæ cauda non abstulerim, conuenit enim distantia à simili, sed suâ Cæli vi, ab aliquo sydere consimilem facultatem Illæ aut Idæ Insulæ

Ar. in 4.
Phys.

attributam conseruatamque crediderim. A. I. At cur præstat in Septemtrionibus quàm in Iluâ conuersionis efficacia? I. C. Propterea quod vniuscuiusque naturæ particularis principium est aliquod in vniuersali rerum parente naturâ, quod totius cuiuspiam præ se ferat rationem, sic à mari & ad mare aquæ omnes dicebar Salomon. Sic Elementa habent certis spatijs designata loca, in quæ sese conferant tanquam ad principia sua. Est igitur in naturæ partibus sparsa potentia illa sydere-tica, cæterarum omnium matrix quasi sit illa Cœli pars, quæ Septemtrionali puncto illi imminet. Natura igitur propter totius conseruationem quæ in vnione consistit, superiora & nostratia perpetuâ necessitudine cœiungi appetens, sibi concors atque consentiens, ferrum Magnete oblinitum ad eam dirigit Cœli partem, quæ illius respondet viribus. ALEX. Ego quoque in mutuū consensum, ac concordiam refero, quæ alter alteri similitudinis ratione, quæ perficitur attractio, mirificè afficiatur, sic vt Magnes odoretur ferrum in montibus Septentrionalibus, ex quibus erutus est, non secus, quàm vultures cadauera maxima locorum distantia, biduo etiam vt plerique opinantur, antequam cædes facta sit. Quemadmodum rhabarbarum, & scammonium flauam bilem expurgant, epithymum, polipodion, sena humorem melancholicum, agaricus pituitam, succinum festucas, ac paleas allicit. Argentum viuū auro maritari

gaudet: complures herbæ mutuo cõplexu,
ac vicinitate delectantur, alia inter se diffi-
dent, & alterius contactum respuunt, ita si-
mili affectu, & inclinatione Magnes semper
Septentrioni obuersa Polum commostrar.
I. C. Effectum rei conspiciamus, causam verò
ignoramus. A L E X. Sat scio, & Agrippæ li-
bellum de scientiarum vanitate non impro-
bo, sed rogo te, mi Iuli, pomarium ingredia-
mus, vt leuetur aliquatenus huiusce disputa-
tionis molestia, aeris insuper amænitas humo-
rũ fuliginem, crassosque spiritus, qui mentem
nostram obnubilant attenuās, vitales spiritus
exhilarabit, qui enim paulo ante cohibiti erāt,
exiliunt aura placida, ac suauī spiranteque fa-
uonio recreantur. I. C. Profecto vt fumi, ac
vapores reseratis ædibus, ostijsque patefactis
immisso vndique aëre, atque externis flatibus
dissipari solent, ita in nostris corporibus om-
nes graues alitus, & si qua corpori memphitis
inhæret, aut mæror animi discuti contingit,
atque euentilari, sed interim, ô pueri, parate
nobis prandium.

DIALOGVS XXVII.

De Plantis.

ALEX.



Magnus rosarum hic spirat odor, ad spiritus recreandos aptissimus, sed ego illud demiror, siluestres scilicet plantas odoratiores esse hortensibus & domesticis, generis tamen eiusdem. I. C. Ita est, quia minus humoris hauriunt è solo tenuiore. ALEX. Cur igitur rosa culta melius olet? I. C. Quia succi opus habet temperationis. ALEX. Contrarium existimaui semper. I. C. Cur ita? ALEX. Quia à plurimís audiueram, si allia prope rosas ferantur, eas euadere odoratiores. I. C. Ita quidem est, non quia illorum succum imbibunt, sed quia illorum acrimonia & caliditate insitæ rosæ vires excitantur, atque eliciuntur. ALEX. Perpulchrè quidem. Sed cur hæ rosæ quum diei æstus diutius passæ fuerint, ruborem amittent? I. C. Quia natiuus calor à Cælesti adiutus euehet calorem naturaliter ad certum gradum, ad quem sine illius adiumento peruenire nequit, illo opere perfectò peregrinus calor absumpto humido tenues partes, in quibus calor suas sedes habet, depopulabitur, sic & à cera

videmus insolatione colorem tolli, aufertur enim ab ea mel: eæque partes expirant, quarum tenuitate conflatur color. ALEX. At cur rosæ cortex spinosus est? I.C. An quia est in eo raritas quædam per quam ascendit humiditas, quæ Solis-vi concrefcit. An rosa odorifera cum sit, eius planta terrea est & sicca, odor enim è tenui terreo; At illud terreum siccum per totam plantam diffusum effecisset, vt planta cito exaresceret, expellendus igitur erat, nec conueniens visum est naturæ, vt in folia exciperetur, quia celerrimè excidissent: Ergo per corticem, quem cum sine mucrone scindere non posset futurus humor, in spinas formatus erupit. ALEX. Perdoctè, sed cur spinæ sunt figura pyramidalis? I.C. An à crasso prodeuntes in mucronem attenuantur, propterea quod stipiti circumfusus aer, paulatim eius partes adauget, id quod in plantis ipsis etiam euenit, tenuiori namque cacumine sunt? An verò Pyramidalis figuræ subtiliorem assignabimus rationem. Basis alimento propior est, atque iccirco latior, angustior verò in fine, quia à pabulo remotior, sic & racemorum facies & stirpium ferè omnium talis est. ALEX. At in Piris & cucurbitis secus est, excrescunt enim in extremum magis. I. C. Id accidit propter humoris tenuitatem, atque lubricitatem, nequit enim se continere, sed quo magis potest, defluit. ALEX. Multis est hic hortus ornatus flosculis. Vide, quæso, & contemplare quàm scitè

fese ad Solem flos ille conuertat. I. C. Nugacissimi circulatores Platonici asserebant venerationis & dulciæ ergo id efficià floribus. Quare Proclus mendaciorum pictor egregius nominat aliquas herbas, quas ait multa iungi necessitudine cum Sole & Luna, quibus etiam hymnos concinunt. Quinimo in his herbularum conuersionibus plausum quendam non incompositum in aerem dari, qui Cælesti respondeat harmoniæ. A. I. Sed quis vnquam excepit flores cum Sole & Lunâ colloquentes? I. C. Proclus respondet id latere omnium mortalium aures, quia nulla sensibilis ad sensum proportio intercedat. A. I. Iam si sensu non percipitur, sed animo tantum, diuina sane res est: eritne ergo plus diuinitatis in flosculis, vt Solem & Lunam deuenerentur, quàm in tot Ethnicis, qui gelida saxa, putrida ligna, fœtidorumque Cadauerum cineres colunt, deosculantur, eisque statuunt aras, precesque fundunt. I. C. Addebat ille hymnicines hos flores insipientium animis non innotescere. ALEX. At enimvero si Cælesti concentui occinunt, gradu tantum non specie ab eo differunt, nos autem, quos ille vocat insipientes, hactenus arbitrati sumus hæc omnia nostra & illa cœlestia etiam plus quam genere differre, neque vlla rerum series nostris vocibus nostrisque concentibus conuenire posse. Profecto insanire me cogunt hæc Platonica fabellæ. I. C. Peripateticorum ergo rationes addu-

cam. ALEX. Apage, rectius erit mandare eas Græcorum fidei. I. C. Aliqui dicunt huius floristenuè humidum ad Solis calorem se habere, quemadmodum & corium ad ignem. ALEX. Huic opinioni assentiebatur Præceptor meus. I. C. Non ego, nam rosæ tenuissimum habent humidum, ad Solem autem minime conuertuntur: è contra vuæ genus illud quam iccirco streptum vocât ad Solem conuerti scribit Plinius, de illius tamen humido nihil habeo quod dicam. ALEX. Aliorum igitur sententiam referas, I. C. Afferût aliqui, flores Solis vi exsiccatos superueniente frigore constringi illius occasu: Postquam vero nocturnum humorem imbiberint, succo repletos, ac inflatos à matutino reducis Solis calore adaperiri. ALEX. Arridetne tibi hæc sententia? I. C. Certum est non omnes flores ad Solem sese pandere, sanè non Iridem, sed clauditur. ALEX. Vnde id accidit? I. C. Quia parum obtinet humidiparticulis calore digestis abeuntibus, facile clauditur, quia curuatur, curuatur autem, quia rarefactis meatibus necesse est in abeuntium partium vacua loca solidas partes succedere, condensatur ergo superficies, ideo fit breuior & constringitur. ALEX. Subtilissimè. Sed cur alij flores noctis frigore contracti, ad Solis aspectum sese soluant, tationem reddas. I. C. Quia tenuè humidum exugitur, Itaque humore suscepto, atque moto remitti in latitudinem contractas partes necesse est. AL. Sed quæso Fracastorij. Sententiam recites, si eam memoria tenes.

I. C. Lubenter is igitur ita scripsit, à stellis nulla *Fracast. de*
attrahio fieri potest, nisi quæ à calore per accidens Sympath.
fit, calefactis quibusdam, quæ mox per naturam sur- rer. cap. 7.
sum tollantur, aut fortè circumaguntur cum So-
le, vaporibus, qui in una parte facti sunt, et suc-
cessiunt de una in aliam fiunt, recipientibus impe-
tum successiuum, et in orbem, sicut principium à quo
generantur, in orbem fertur, unde accidit quosdam te-
neros flores, et folia propter humiditatem circum-
uerti cum sole. ALEX. Inuoluunt hæc intellectum
 meum. Si me amas igitur, paucis verbis ho-
 rum omnium, quæ tetigisti, rationem dicas,
 Cur herbæ aliquæ flores suos conuertunt ad
 Solem, aliæ aperto Sole aperiuntur, nonnullæ
 vero cōstringuntur, non paucæ solstitio fron-
 des inuertunt. I. C. Satisfaciam quàm breuif-
 simè potero. Afferamus igitur hosce motus
 non à plantarum principijs, sed ab extraneis
 fieri. Cælestis enim ille calor similes sibi par-
 tes, quæ in floribus sitæ sunt, ad se attrahit, &
 languidiore laxat, atque exugit, quasi repetēs
 id quod suum est, viuidiore autem corrobo-
 rat, frondes vero non obuertunt sese, sed ob-
 uertuntur potius æstus violentiâ, quemadmo-
 dum alia quoque crispantur, alia siccitate in-
 curuescunt. ALEX. Proh dii immortales quàm
 docte, quàm dilucidè hæc explicas, & me do-
 ces. Sed quænam illa plāta est? I. C. Pulegium.
 ALEX. Sciebam equidem, Sed quæso, mi dile-
 ctissime Iuli, dic mihi cur planta hæc emittit
 flores in solstitio æstiuo iuxta & in brumali?
 heic profecto balbutire mihi videtur Philo-
 sophus, nam siccum cum sit pulegium nimiâ

in siccitate germinare haud posse videtur, nam parua etiam siccitas superueniente siccitate fit maior, illæ autem ad generationem conducibiles dijudicantur tempestates, quibus excessus temperantur, at siccitatis excessus, quî potest excessu siccitatis moderari? quod in brumalibus diebus floreat, non miror, quippe aduersis temperatur qualitatibus. At cur in vtrisque extremis eidem plantæ flos erumpit? I. C. An dicam ego pulegij naturam eam esse, vt velit esse quàm siccissimum, itaque in sabuletis lætiùs, in pingui solo degenerat atque marcescit. Siccissimis ergo temporibus floret, talis autem est bruma cum frigore, tale solstitium cum calore. ALEX. At quare sub aduersis alijs duabus qualitatibus? I. C. An negabo tibi, brumæ frigore temperari sed potius circumuentum calorem internum obsessione frigoris circumstantis collectum in sese, atque confirmatum effundere solere flores: solstitio verò corroboratum simili cognato expetito calore foras euocari. ALEX. Procul dubio si Theophrastus in viuis esset, rei herbariæ dictaturam tibi libens concederet. I. C. Quid sentis de illa arbore, quam parietì proximam inspicis? semotà omni arte dissimiles ac inter se diuersos producit fructus. ALEX. Idem de malo medica, scribit Theophrastus, sed rationem scire percuperem. I. C. Quia consumpta certos in fructus priore materia, quasi secundariam manum ex aliâ nouâ novos alijs idæ fructus in naturæ scenam exponit. Posse vero arborem vnam diuersos forma fructus edere, eius-

dem rationis est, ac si quis quærat, cur sapore diuersos, causa est materiae dissimilitudo, quæ non æqualiter concoqui potuerit: At cur eodem in fructu partes non sint eadem, causa est succi diuersitas & potestas multiplex. Est enim anima simplex & vna potestate multiplex & multa: Itaque perfectior anima contrariorum etiam motuum author, quemadmodum ergo potestas est generandi corticem, frödes, ramos, flores, fructus, medullas, tegmina, pulpas, semina, sic varias fructuum formas edere posse absurdum non est. ALEX. Scitissimè causam explicas. Sed admirabiliora proferam, ex eodem palmite racemos nigros, & albos pendentes vidi. Petij à Colonis an insitionis esset opus; negarunt. I. C. Quinimo illud me magis in admirationem rapit quod Theophrastus vidisse se perhibet, in eodem racemo albos & nigros acinos, utrosque tamen maturos. ALEX. At quomodo id fieri potuit? I. C. An cum tanto heroe in re herbaria mutationis causam statuemus in alimento tãquam in agente, & in vite tanquam in patiente? Subtilius tamen ego dicerem, non mutare alimentum, sed mutari ipsum, & fieri corpus. Vulgata est apud omnes Philophi sententia, Cibus in aliti substantiam conuerti, quare sic alibi alimentum definiuimus, id quod futurum est hoc, cuius ratione dicitur alimentum, quare ex alimenti diuersitate colores à viuentibus immutari certum est. de pecoribus, Xanti fluuij nomen testatur, nam Scamãdro ei no-

*Arist. in 9.
sect.*

*In 4. de ge-
ner. anim.
t. I.*

*Lib 5. de
gener. anim.*

men fuerat. Quin & Aristoteles ipse scripsit
aquarum mutatione colores mutari in animā.
tibus, præterquam in coruo, alibi, inquit, Po-
tissimum propter aquam ex qua capiunt ali-
mentum, eius enim vsus communis est omni-
bus etiam siccis ipsis ad alendum, & coruos
albos, & perdices, & vrsos agnoscit idem. In
Suecia lacus est nigras continens aquas, pisces
que alens concolores, Incolarum quoque, qui
eis vescuntur, color subniger est. Capitis pedi-
culi, honor sit auribus, nigriores, quia succus
ibi pinguior, ad cæteras corporis partes albi-
diores, quia siccus excrementum, In Catello
candido pulices dilutiores, in ruffo fului, in ni-
gro nigriores. Quid remota adduco exempla?
In his pisculentis 40. diebus capillos meos ni-
gerrimos euasisse animaduerti, ob quotidia-
num (ni fallor) spinacæ esum: quare medica-
mentum accepi ad pituitosos & melancoli-
cos humores vi Agarici, & Rheubarbari de-
tergendos. Atque ita aduenientibus paschali-
bus cibus crines facti sunt dilutiores, sic ex ali-
mentis colores in animantibus contrahun-
tur, nec mirum, sicut enim animus ex auditu
stolidus, sapiens, malus, bonus fit, alitur enim
his, sic corpus cibus cum enutriatur, fit ex eis
nigrum, album, rubrum, pallidum &c. Sic
etiam pro alimentorum varietate colores in
vite discriminantur. ALEX. Eruditissime qui-
dem, sed difficultas adhuc mihi superest, si ni-
gra vitis ad suos acinos trahit succum nigrum,
quomodo ex eadem radice seorsim trahit al-

bum? I. C. Forſitan radicis partes diſſimiles ſunt, atque ita ceſſat difficultas. ALEX. Quid ſi conformes? I. C. Dicerem, alimentum non ſemper à radicibus ſubmitti, ſed in ramis quoque vigere tum ſuccum, tum etiam ſucci vim mutatricem genitalem, vt patet in ſalignis virgis abiectis, quæ nec defixæ quidem germinant, id quoque inſitionis comprobatur experimentum: Quippe ſurculus inſitus etiam alienum trahens ſuccum, nihilo ſeciùs tranſmutat in ſuum. Ratio eſt in principijs vitalibus quæ inſunt in anima, at anima tota eſt in qualibet parte, vt in 2. Amphiteatri libro oſtēdimus aduerſus Hippocratem exiſtimantem, ab omnibus generantis partibus deduci ſemen, ac proinde corpus quod ſemen fabricat, quam ſententiam erroris redarguunt integri homines ex mutilis parētibus geniti. Quare licebit nobis aſſerere, radices non eſſe principium ſpeciei ad formam, ſed indiuidui ad vitam ob alimenti miniſterium, quippe ab eadem radice varios prodire colores & fructus mirum non erit, cum in qualibet viuētis rami parte adſit ſuccus, & viſ genitalis ſucci mutatrix. ALEX. Quam doctiſſimè, quam elegantiffime. Sed quia Sol nimis nos excalefacit, propterea quod heſterna die imbris exoneratæ ſunt nubes, atque ita deletæ: quare ſolijs radijs non ſunt impedimento quominus nos valide feriant, ſub illius Apollineæ arboris ymbra conſedeamus. I. C. Iſtud ego non aſpernabor, nam & Laura olim amalia mea

fuit, & sicuti laurus semper virefcit, ita & amorillius in corde meo ? ALEX. Ne suspiria, quæso, imo de pectore fundas, quin potius mihi rationem reddas, cur huic plantæ nunquam folia decidant. I. C. Poteras hæc subticere, ne cor meum vulnerares, & de alijs plantis causam inuestigare, eiusdem namque generis sunt, Palma, Citrus, Pinus, Cupressus, Ceratia, Picea, Buxus, Ilex, Mirtus, Cedrus, Iuniperus, Abies, Salina, Aquifolium, Taxus, & Andrachren in Græciâ, Vnedon apud nos. ALEX. Eia igitur quàm potissimum perpetuæ horum omnium viriditatis causam assignas ? I. C. An perpetuo foliorum honore vigent iuxta Ioannis Mariæ Genochii Clauaro-Genuenfis Philosophorum præstantissimi sententiam, quia cæteris calidiores sunt & sicciore ? ALEX. Perplacet. I. C. Mihi non item. ALEX. Quam ob causam ? I. C. Nouellæ quidem Amigдали non amittunt hyeme frödes, cadüt a dulcis, quæ tamen sicciore sunt, non ergo causa est siccitas : neque caliditas, frigidam prædicat omnes Cupressum, hæc tamen semper vitet. ALEX. Alter Philosophus Genuenfis Magister Gregorius Spinola Theologus Carmelita obstructioni id ascribit in suis phisicis commentarijs. I. C. Noui virum illum omnibus virtutibus circumfertum, & Galero sane Cardinalitio dignissimum, eius tamen opinione non subscribo, quinimö è contrariö foliorum casum ad obstructionē refero. ALEX. Cur ita ? I. C. Quia frigus venularum oras, quibus

bus traducitur alimentum, condensat, atque ideo frondes abfistere necesse est. ALEX. Ego verò dicerem, quibus alimentum perpetuo suppeditatur, perpetuam inesse frondem: quæ verò arbores amittunt folia, eas alimenti sentire dispendium. I. C. Assentiri non possum, Nam Taurisani in meo viridario vidi cum puer essem, è malis hyemis sæuitiâ conflictatis ne vnum quidem cadere folium. ALEX. Quid in causa fuisse existimas? I. C. Ipsius succi tenacitatem, quæ suo lentore sibi ipsa sufficit, quemadmodum animalibus quæ sine cibo latent hyberno tempore, sic etiam ipsis in arboribus perpetui folij intelligendum. Quare laurum retinere hyeme frondes asserimus non tantum quia ad eas tunc attrahit alimentum, sed quia calore, lentoreque suo succum, quo minus aboleatur, in pediculis seruat. Utque generali ad omnes illas arbores responsione tibi satisfaciam, dico, euenire illis hoc perpetuæ viriditatis præsidium, formæ beneficio, cuius in fide atque clientela est succi constantia, copia, calor, visciditas & pinguedo: utque crassiori Minerva rem expediam, concludo, non paucis perpetui folij causam esse, quia humor ab arboris matrice ad folium transfusus non intercipitur, alijs causam esse vel crassitiem vel succi talis crassitudinem, ut à frigore neque consumi, neque prohiberi queat. ALEX. Scitissimè. At dum Laurum inspicio, maior mihi suboritur dubitatio. I. C. Quænam illa est? proponas audacter. ALEX.

Theophrasti regula est, fœcundas arbores celerius consenescere, I. C. Ita est, Nam diuturni penſi perpetuatione fatiſcunt, quia ſuccus qui debetur matribus, abit in ſobolem, atque ita vitæ principia euadunt debiliora. Explico, ſemen in arbore eſt quid primarium & perexcellens, ſicut in animalibus genitale ſemen ſanguinis pars eſt elaboratiſſima, vt ex finis ipſius ad quem ſemen apparatur, contemplatione innoteſcit. Dicitur ſemen arbor poteſtate, quapropter cum arbor vna multa ferat ſemina, multas quoque arbores ferre dicetur, ergo ſeſe vna in multis millibus repræſentando, multum amittat ſui neceſſe eſt. Sed vt ſubtilius loquat. Fœcunda arbor duplici fit de cauſa imbecillior. Prima eſt quaſi formalis, quia cum ſucco abeunte exhalat multum ſpirituum, ſimul igitur etiam eſt materialis, vtraque interna, ſi abit materia, & forma, cum idipſum Arboris nihil aliud præterea ſit, neceſſum eſt imbecillioſiorem fieri. Altera eſt accidentalis in ſitu partium, quia ſit laxior, cauſis propterea, quæ extrinſecus ingruunt, noxijs opportuniôr: patet id etiam in animalibus, quæ nimium Veneri indulgent, ea namque parum viuunt, quare non deſunt authores qui paſſerum nullum excedere bimatum exiſtiment; & memoriæ prodita ſunt apud Platonem Atletharum nomina, qui, vt valentiores eſſent, victoriarum ſpem in libidinis abſtinentia collocarunt. Idem euenit plantis, nam fruges & olera poſtquam fructum ſuum

rulerunt, eorum operis, atque vitæ idem finis est: at quod his semel fit, arboribus sæpe contingit; Quare Theophrastus arbitratur, arbores post fructificationem quasi interire, sed latere nos, quia non sit vera mors, sed quies, & orium à labore: Idcirco somnū quoque plantis attribuit ANAXAGORAS. ALEX. Eruditissime.

Sed hac ratione Laurus longissimæ vitæ esse deberet, utpote quæ minus fecunda existit; cur igitur secus euenit, ut parum vivat? I. C. An quia Laurus multos non solum stolones fundit, verumetiam primarios eosque ingentes edit fouetque stipites non paucos? An laurus vitij obnoxia est propter laxitatem, quare aer facilius in ea laxa spatia sese inducit: sub Lunâ magis, quia tunc aer humidior, sub Sole citius, quia extraneus calor validior: Putrescit igitur citò laurus, quia succus internus ab externo vincitur. ALEX. Occasionem nunc mihi subministras interrogandi de arborum fructuumque corruptione, quam quia generatio consequitur, peto à te, unde in fructibus, & arboribus vermiculi congenerantur? I. C. A putredine. ALEX. At quomodo à putredine, si putredo omnis humida in primordiis suis, vermiculos autem è sicco fieri scripsit Theophrast. & experimentum testatur, in vetulis enim, & arefactis arboribus sæpenumero progignuntur. I. C. Id verum est, sed nihilominus ex putredine. ALEX. At quomodo est putredo in sicco? I. C. Quia sicca naturalem amittere succum, peregrinum

admisere, quare ex defectu humoris debiti, & aduentu aeris humidī, id quod arbori naturale non est, putredo fit, & ex putredine vermes. Præterea sicca arbor rari corticis est, quare in ea laxa spatia aer facilius sese induit. Insuper exsiccationis causa feruor loci est, calor autem in quacunque generatione etiam spontanea necessarius est. ALEX. At quomodo ex siccitate vermes, si in Vere, quod valde humidum est, vermium copia conspicitur? I. C. An cum Theophrasto dicam, non in arboris substantia tunc concreari vermes, sed extra. ALEX. At quomodo extra tunc generantur? I. C. A putredine. ALEX. At quæ tunc putredinis causa? I. C. Imbres, inquit ille. ALEX. At si materia putredinis humor est, & imbres sunt humor, quomodo imbres putredinis effectores? imò materia sunt potius. I. C. Dico, materiam esse internum humorem à calore destitutum, calorem destituere, quia ab extranei humoris impressione extinguitur, extraneus humor imber est, est igitur effector imber. ALEX. Perdoctè. I. C. At Pueri nos vocant ad prandium, eamus, si placet, nec enim deerit à prandio differendi commoditas. ALEX. Quæso, prius dic aliquid de plantarum alimento. I. C. Nimis longa quæstio hæc est. Edulia calida mihi placent, his enim lætatur anima, quam cæleste calidum esse dicebat Hippocrates. ALEX. Id solum scire desidero, an plantæ marinis aquis alantur? I. C. Plutarchus id pernegat. ALEX.

Quam ob causam? I. C. Ob crassitiem, qua subire nequeat, ob gravitatem, qua impediatur ascensio, necnon ob vim dessicandi, qua tollitur alimentum, & propter pinguedinem, marinæ autem aquæ pinguedinis argumentum adducit, quòd ardeat. ALEX. Satis doctè, vt mihi videtur. I. C. Ego verò nec pili facio has rationes; prima nulla est; neque enim tam crassa est, quin per plantæ meatus transmitti queat; à gravitate petita ratio per ridicula est, nam si à Sole solo tolluntur de mari nebulæ, cur non à Sole, & à plantæ vi? Maris salitate terra grauior est, arborum tamen cacumina multa sunt terra constituta, quæ ab imis petita, attractaque radicibus est. Pituita, sanguis & atra bilis sæpenumero crassa sunt admodum, atque etiam falsa, nihilominus subeunt cerebrum. Tertia ratio asserit, à siccitate tolli alimentum, aliqua in parte concedo, non ex toto, modicum tamen nutrimentum marinis plantis sufficiens est ob siccitatem, nam & terrestres animantes, quæ siccissimæ sunt, paucissimo contentæ sunt alimento, velut Africanæ feræ, quæ rarissimè bibunt. Est etiam inter illas, quæ nunquam bibit, imò eadem, teste Scaligero, iniecta in os aqua, statim interit, vt omittam Spinam Ægyptiam in sabulo, & excocto, & falso nasci. In siccissimis locis viuere plantas Æthiopia testatur. Quot dulcissimæ ficus sunt in sabulonibus, & arenosis Apuliæ montibus? Demum nullus est qui neget, pingue

esse aptum ad alendum. quot reperiuntur pingues arbores, frutices, herbæ, oleo resinâ, lacte abundantes. Sanè ex Platano fieri posse oleum experimento compertum est.

ALEX. Censes igitur ali plantas marinis aquis?

I.C. Ita equidem. Nam & maritimæ plantæ maris alimento fruuntur, neque in terram translata viuant. Crescit sanè, atque alitur in mari corallus. Præson Marinum, quod est sub aquis admodum prolixum, si transferatur in aruum, longe breuius fit, quinimo nullum prorsus euadit. Pipones è Venetis littoribus grandissimos suauissimosque Patavi esitauimus.

ALEX. At enim uero exempla hæc probant, ali plantas in salso, non autem ali salso: ali autem in salso mirum non est, nam in salâ dulcis continetur: Quare alligatis ad nauigiorum latera lanis exprimitur ad bibendum dulcis exhalatio; Tunc sic, in aqua salâ

plus aquæ dulcis inest, quàm in terra sine aqua, at in terris, in quibus aqua non est, nutriuntur arbores, ergo tanto fortius in aquâ salâ. Hinc inferebat Philosophus, pisces in salso quidem, non ex salso ali, sed ex dulci, quare & dulces sunt, ex ijs namque sumus, ex quibus alimur. I.C. Hæc omnia desumpisti à meis Phisicis commentarijs, quos

adolescentulus dictabam? Quid si autem & salso ali plantas ostendam.

ALEX. Huius probationem expecto. I.C. Sed interim si placet a cœnaculum accedamus. Ex ijs (inquit tu) viuimus, ex quibus sumus, at multæ plantæ

falsæ sunt, vt ex Theophrasto, Halimon præcipuè & Edera, quæ suâ connatâ falsugine necant stirpes, ergo & falsis enutrientur.

ALEX. Salsæ hæ sunt plantæ, quia succos dulces in falsuginem mutant. I.C. Et si immutant dulces succos in falsedinem, nonne admittent sal si nactæ sint? è quercûs cinere fit sal, non igitur eius alimento repugnabit quod in eius est substantiâ. Ex ijsdem sanè aluntur, quibus constant animantes: Sed & plantas aliquot non nisi prope mare, quasi falsedinem appetentes ali posse Theophrastus tradidit, addens, Palmam aggesto sale iuuari plurimum: quemadmodum & inter olera, betam, brassicam, rutham, erucam, arethmon ad hortenses parietes frequentibus vrinis forte perfusos lætissima euasisse deprehendimus. Nimirum maris accolæ sentiunt à maris affinitate beneficium. Androstenes narrat, in Tylo Insula, rubri maris aquâ arbores fieri nitidiores, eamque ab hortulanis peti solitam post imbres ad irriganda sata. Quid immoror? Quot inueniuntur plantæ falsuginem præ se ferentes, veluti matricaria, tenuifolia, ciceris genus, & lupini.













ALEX. Sed dic quæso, cur lupini & ciceres fluuiali aquâ melius quàm puteana coquantur? I.C. An quia subtilior illa cum sit, in illorum meatus facilius ingreditur ignis vi, ipsamque vim simul inferens, calore & humedatione teneritudinis causa est? An quia

fluuiatilis aqua plus insolata est ? Sanè scripsit Philosophorum magister, pusillos cucumeres, si terra obruantur, grandescere magis, quia minus aeris calore discoquantur? ALEX. At cur quidam ciceres quò diutius coquuntur, eò fiunt aliquando duriores? I. C. Quia quantum inest humoris aerei consumitur, & aqueum terrestre quod reliquum est, coit ut in ouorum coctione fit. Sed heus pueri effundite aquas ad manus abstergendas. Tu verò Tarsi preces ad Deum dirigas.

DIALOG. XXVIII.

*Alexander, Iulius Cas. & Tarsius
puer à poculis.*

TARS.



 Venitido precor intuitu


 Flecte salutiferam faciem


 Fronte serena & irradia,


 Nominis ut sub honore tui
 Has epulas liceat capere,
 Te sine dulce nihil Domine,
 Nec iuuat ore quid appetere,
 Poculani prius atque cibos
 Dominicus fauor imbuerit.

ALEX. Pia admodum, & elegans oratiun-

cula. Sed mirum ædepol, quomodo aqua, quæ in sicco nunc decidit, in rotundam sese contraxit figuram. I. C. Huius rei causam reddidit Fracastor. Sed heus tu puer Fracastorij libellum de Simpathia accipe, & quæ folio. 81. verba habentur, perlegas. ALEX. Quid istuc rei est? Monastico more inter prandium lectiones etiam excipiemus? TARS. *In pulvere* Fracast. de
 & pennis & alijs siccis aqua non consistit, sed aut *Symph. c. 9.*
 elabatur, aut in guttulas rotundatur, rotundatur autem, quoniam duobus modis aqua situm naturalem exquirat, uno modo motu Elementi descendendo ad locum proprium quando potest, potest autem cum super aliquo plano statuitur quod contrarium non sit, & descensum eius non impediat ut ferrum & lapides, & id genus, super quibus coextēditur & descēdit aquæ quantum potest, alius modus est, quum non totum extra mouetur, sed partes in toto, quærentes convenientissimum situm, quod tum sit, cum incidit in subiectum quod propellit undique partes, quod faciunt multa siccorum per contrariam speciem, propter quod non motus Elementi sit ad locum suum, sed partium in toto sese apte locantium, quantum expedit & bene est, talis autem situs est cum partes contrarium tangunt secundum minimum quo possint, & quo magis unitæ sunt, & propinqua inuicem, quæ omnia maximè præstat orbicularis figura, quæ & in puncto tangit, & breuissimas habet ad centrum lineas, propter quod aqua in sicco incidens conglobatur. ALEX. Barbaræ Fracastorij phrascs stomachum mihi fecissent, ni dulcis pueri vox dulcorasset. I. C. Cardanum nunc de Subtili-

Card. de
subt l. 2. c. de
Mixtis.

tate heus tu puer accipias. TARS. Hic est. I. C. Perlegas in folio ducentesimo nonagesimo octauo. TARS. Excusatum me habeas Domine, nam huius libri lectio Apostolico decreto mihi interdicatur. I. C. Rectè facis, Ego igitur, qui ab Illustrissimo D. meo D. Cardinali Vbal-
dino omnium bonarum disciplinarum instru-
ctissima Bibliotheca facultatè obtinui, per-
legam. *Causa cur in puluere, atque etiam in sicco ro-
tunda euadunt, argentum viuum, & aqua est,
quoniam refugiunt contactum sicci, at corpus in nul-
la parte minore potest corpus aliud tangere; quam in
puncto, igitur argentum viuum & aqua conantur
siccum in puncto tangere, hoc autem manifeste con-
tingit, si rotunda euadant, nam sphaera planum in so-
lo puncto tangit; igitur partes aquæ & argenti viui
dum super puluerulentam tabulam sparguntur ro-
tundæ euadent.* ALEX. Acuta sanè tã Fracastorij
quàm Cardani ratiocinatio. I. C. Falsa tamen
nam & gutta cum cadit, in aëre globosa est, at
aërem non refugit, non est igitur sicci fuga, si
in humido idem fiat. Addam aduersus Carda-
num, argentum viuum etiam in aqua conglo-
bari, quemadmodum & in plumbi scobe etiã,
at à scobe non refugit, imò ex ea quantum po-
test colligit, quod nequit, vt censeo, inuitum
relinquit, natura enim & sua appetit, & vorat.
ALEX. Perdoctè, sed propositum problema
quomodo tu dissolueres? I. C. Conglobari
aquam in sicco, non quia refugit siccum, sed
quia cum sicco iam iniijt societatem, quod-
quam ipsum habet illi det firmitudinem. Est

autem firmissima rotunda figura, quia continua est & vnilinea. ALEX. Sed linguæ, quæ per tot horas in aëre dearticulando elaborauit, vini mercedem peti soluamus alacriter. I. C. Cur aquæ vinum infundis, non aquam vino? ALEX. Quia mos est patriæ nostræ, forsitan tu patrios mores cum Gallis commutasti? I. C. O vtinā possem omnes, est enim hæc Natio Generosa præ cæteris atque Inuictissima. ALEX. Aquam igitur vino infundis? I. C. Ita. ALEX. Quam ob causam? I. C. Est vini natura leuior, quare fundum non petet, id quod videre licet cum sensim immittitur, non ergo bene miscbitur, sane non vsque ad minimorum contactum: aquæ vinum innatat, at non vino aqua, quare in Calicis fundo imus potus insipidus est: si aqua igitur Gallorum more vino infundatur, natura sua grauitatis necessariò ima petet, & in illa transmissione optime commisceri necesse est. ALEX. Profecto hæc mihi arri det ratio, atque ita in posterum obseruabo. Sed quæso inter pocula & epulas disquiramus, an in vino aqua diluto duæ sint formæ, an vna tantum? I. C. Duas dixit Philosophus, non aliter quam erant in suis totis antequam miscerentur. ALEX. Quomodo hanc comprobas opinionem? I. C. Sunt ibi duæ materiæ, aqua scilicet & vinum, & duæ igitur formæ, nequit enim materia esse absque forma, nec duas materias vna forma informare. ALEX. Existimas ne actu esse illas duas formas? I. C. Ita. ALEX. Actu Mathematicè. I. C. Minimè, non

enim sunt terminis præscriptæ, atque separata, sed sunt actu naturali, quia sua quæque sub propria forma manet. ALEX. Vnde id probas? I. C. Quia vinum ab aqua facile separatur, quod fieri non posset, nisi formæ ipsæ integræ, ipsæ partes sub suis formis actu naturali seruarentur. ALEX. Ego existimabam, potentia tantum esse ibi formas illas. I. C. Haud formarum naturæ conuenit, vt cùm actus sint fiant potentia. ALEX. Memini D. Iacobum Aurea nobilem Mathematicum scholarem tuum ingeniosissimum, & magnæ spei adolescentem, retulisse mihi te in hac quæstione aduersus Aristotelem sentire. I. C. Ita est, sed Luna, quæ in mei genitura est apheta, mutabilem me reddit. ALEX. Imo ingenij vigor, quod ad omnia probanda est aptissimum. Sed quæso quam aduersus Aristotelem adducebas rationem? I. C. Eas perlegere potes in meis commentarijs in Aristotelis libros de Generatione. obiter nunc dicam, absurdum esse in vno continuo plures statuere formas, sunt formæ actus materiæ quisque suæ, quæ materiæ cùm sint à naturâ ad operosiores compositionem institutæ, factum est vt commisceri queant, pariter & formæ igitur commiscentur, id quod confirmat exemplum equæ & asinæ, quorum seminum formas misceri certum est, alioquin mulus non generaretur ex eis. ALEX. Perdifficilis huius quæstionis molestia bibendo leuetur, & profecto hi schiphi vitrei tam candidi sunt, vt ad bibendum inuitent. I. C.

In l. i. de Generatione exemplum cit. 39.

Loti sunt calido cinere qui quidem caloris impatiens exalat secumque vitri sordes aufert, non secus atque lixiuium quo lintea emaculantur. eandem ob causam, calidam origani vim ad vinum purificandum aptissimam dixit Philosophus. ALEX. Quid si hi perdices cicutam comedissent, possent ne nobis officere? I.C. Minimè, non enim adeo vehemens est succus eius, quin modico calore ante concepto vis obtundi possit, sane publicus ille nocentissimæ fæcis mortalium minister Critonem admonebat, ne sineret Socratem attentius disputare, propterea quod ex illa mentis agitatione caloris aliquid contraheret: vbi vero ille sumpsit, ortum est primū à pedibus frigus, inde ad crura progressum est, cumque imum ventrem refrigerescere sensisset, debemus, inquit, ô Crito, Gallum Aesculapio, quem persolvere ne neglexeris: quare cum noceat cicuta ob frigus, calore vis eius retunditur, non lædet igitur aues quæ calidissimæ sunt, multo minus ipsarū deuoratores, per ipsarum namque calorem naturalem venenum excoctum est atque transmutatum. ALEX. Suauissimum quidem est hoc iusculum, sed quid si Ancilla loco petroselini cicutam apposuisset, quemadmodum miserè accidit Francisco Trapolino Pomponatij præceptori. I.C. Ah, nimis ne es meticulosus. ALEX. Scio quid sum, non quid ero. I.C. Tuæ nihilominus valetudini consultum volo. Si times, fume tibi ex acentario rutæ paululum, cuius esu mu-

nita atque armata Mustella intrepidè Basiliscum aggreditur, atque extra cauernas, in quibus delitescit, protractum conterit, quo demortuo, confestim illa se subducit, pastuque rutæ rursus efficitur, ne ex aëris ambientis contagione ac fæditate suffocetur. ALEX. Hebes factus est culter dum hanc vitulinam coxam concidit. I. C. Quid mirum? Calidi est vigorem ferri debilitare. ALEX. Cur ita? I. C. Quia calor soluit & laxat, acies vero in astrictione atque compactione. ALEX. Perpulchra sanè ratio. I. C. Imo ego eam negligo, nam & huius citrij succus, qui nihilominus astringit, ferro stuporem (vt vides) incutit. ALEX. A quo igitur aciei vitium fit? I. C. Sanè à calore non dixerim, nam sicut calor differt partes, sic illæ coguntur frigore, sed à lento calidæ carnis succo, qui lubricam cultri subitionem prohibet. ALEX. Apud Thephrast. legeram, Tiliam calidam esse, iccirco Dalabrarum vim retundere. I. C. Qua ratione calidam dixerit Tiliam plane ignoro. ALEX. Nonne legisti apud historiarum authores, Marcū Antonium, cum exactâ ætate nimiam ob proceritatem incuruesceret, tilia-
ceis assulis thoracem corrigere solitum, propterea quod calore suo fouerent semen. I. C. Forsitan ei pelles deerant ad calorem vel tuendum, vel etiam augendum? quare non ob calorem expetitam ad Imperatoris fomenta Tiliam suspicio, sed quia mediocris esset inter rigiditatem & lentitudinem, & ideo ad sustinendum absque læsione vlla peridonea. Sed

esto calida tilia, non recte tamen inde infert Theophrastus, ferrum retundere, nec enim id efficiunt laurus & fraxinus, quæ tamen tilia sunt absque controuersia calidiores. ALEX.

Quam igitur ferri hebetandi causam in Tilia agnoscis? I. C. Lentorem. Heus puer Citria illa

à pane calido amoueas. ALEX. Cur ita? I. C. Ne computrescant. ALEX. At quomodo id fieri-

potest? I. C. Perlegas puer Fracastorij libel-

lum in fol. 105. Interim ego Cardani locum ad-

inueniam. TARS. *Idem citrys accidere insperso in*

eorum cumulum pane, putandum est: attracta enim

in panem humiditate eorum atque illic ceu alieno in

loco putrescente, principium reliquo datur, ut compu-

trescat qua de causa flaccescunt ea mala. I. C. Con-

sentit Cardan⁹, sic enim scribit. Citria seu medica

mala calore panis putrescunt celeriter, cum à multis

longe calidioribus minus ledantur, calidum enim il-

lud, cuius humidum sit, siccare nequit, & ob id pu-

tresfacit, ob id par est panis calorem omnia ad putre-

dinem iuuare, sed hæc magis alia minus. ALEX.

Quomodo hi cucumeres, pira, & persica

seruata sunt in aceto, quo vinum eius parens

corrumpitur? I. C. Propter aceti siccitatem

id euenit. ALEX. Cur ita? I. C. Quia inter-

num naturalem calorem amplectitur, arcet-

que quo minus exeat, eademque potentia

externi vim, & inuasionem prohibet. ALEX.

Profectò esculenta omnia aceto irrorata mi-

hi gratissima sunt, prohibet enim humores

infici, ac putrescere. I. C. Caue ne nimius

aceti tibi sit vsus, nam cerebro siccitatem

*Fracast. de
Sympath.
cap. II.*

infert, & somnum excutit, quapropter aqua
rosacea pauxillum admisceri iubeo. ALEX.
Cur subrides? I. C. Vereor, ne aceti vsus im-
modicus, quominus in decoram longitudi-
nem adoleueris, prohibuerit. ALEX. Ioco, an
serio hæc dicis? I. C. Tumet ipse diiudices.
Depopulatur acetum humorem natium,
cuius adminiculo in spectabilem, decentem-
que proceritatem corpus assurgit. ALEX. Pro-
fecto & vires etiam quotidie mihi conflac-
cescere animaduerto. I. C. Quid mirum? car-
nem, musculos, nernos, ossa solida, & quæ
lapidosa sunt duritie acetum corrodit, com-
minuitque. Cleopatra Ægyptij Regina gem-
mam aceto immersam ac liquefactam absor-
buit. Silex aceto septem dierum spatio domi-
tus, digiti attritu in puluerem resoluitur. Ha-
nibal vt Alpes sibi peruias faceret, feruenti
aceto saxa dissoluere, ac dissilire coegit. AL.
Medice, cura te ipsum, cur lactucam tam au-
dè comedis? profecto oculis officit, ac cali-
ginem infert, increstat enim, densatque spiri-
tus visorios, atque humorem crystallinum
turbidum efficit. I. C. Noxiam hanc lactucæ
vim vino retundo. Cæterum frigida, humen-
tisque naturæ cum sit, cerebro quotidianis
lugubrationibus ferè exsiccat humidita-
tem inducit, atque ita somnum etiam conci-
liat, in venas delata sanguinis feruorem re-
primit, atque hepatis cordisque calidam in-
temperiem mitigat, & Venerem coercet, mi-
hi igitur pudicitiam illæsam tueri cupienti,
gratissima

gratissima est. ALEX. Risum tenete pueri. Nonne præterita hebdomada cuidam nobili matrimonij capistro alligato, lactucæ esum præscripsisti. I. C. Ita est, nam illius cerebrum ex immoderata Venere siccescere contigerat, quare vigilijs conflictabatur. AL. Sed lactucæ frigiditate semen genitale plus satis diluitur, & ad progignendos liberos fit inefficax. I. C. Atque ideo caloricis herbis eius frigiditatem retundendam consului. ALEX. Hæc bouilla caro iucundissima est. I. C. Ego verò ab ea abstineo, crassos namque gignit spiritus, ad Philosophandum parum idoneos, & libentius ad lepusculum hunc degustandum appetitus me allicit. ALEX. Sicca admodum est eius caro & melancholiam fouet. I. C. In tenera eius ætate siccitas non prædominatur, nam multo humido calor obrunditur. deinde Medici mali succo, & saccharo intinctum fieri iussi. ALEX. Hoc tuum mulsam præferam Auerroistarum condimento, sanè Auerroes carnes oleo frictas, aut elixas probabat. I. C. Senex ille Plinianus, foris oleo, intus vino præmuniri se cupiebat. ALEX. Et nos etiam potione corpus refocilemus, & cibum superinfuso liquore maceremus, ut commodius peracta cōcoctione venas subeat; Quàm pulcher est huius vini color. Bibam profecto non raptim, sed sensim, longèque ac productiore haustu. I. C. Sic palatus diutius percipiet voluptatem, & ventriculus vberius humectabitur, ita enim liquor magis adhæ-

rescit, omnesque partes aridas humore im-
buit. ALEX. Quæso, mi Iuli, Nectareo hoc li-
quore spiritus recrees. Profectò tu das epulis
accumbere Diuum. I. C. Nec Cretense vi-
num hoc est, nec Cretensis puer hîc pocula
ministrat; sed quia à te tantoperè commen-
datur, affluenter bibam. ALEX. Sic tibi ma-
gis proderit, modicus siquidem potus nec si-
tim extinguit, nec calorem reprimat, sed ma-
gis audaget. Vt enim carbones fossiles in fa-
brorum vaporario humentibus scopis subin-
de irrigati, inflammescunt ardentius, sic par-
ciori potu accenditur, non sopitur bibendi
aviditas. I. C. Huius colostræ eius non est ti-
bi salubris. ALEX. Quam ob causam? I. C.
Quia in frigido ventriculo, quale tuum est,
acescit, & præcordia flatibus distendit. ALEX.
At cur mihi adolescentulo, & per consequens
calidiore corporis temperamento existenti
magnarum ægritudinum seminaria ministra-
uit? I. C. Lac eius est naturæ, vt calore den-
fescat, ac spissetur, quare in æstuantî stoma-
cho promptius coagulatur, aduriturque, at-
que in nidorosos halitus effumat, capitique
grauedinem affert. Et complures ex coagu-
lato lacte, eoque in grumos concreto stran-
gulatos legimus, spirandi meatu per obortum
vomitum intercluso. ALEX. At ego cum co-
lostris ac cremore, alijsque lactarijs me in-
farciebam, iuxta medicorum consulta, ea vi-
no affatim perfundebam. I. C. In maximum
valetudinis detrimentum, vinum etenim

coalescere facit lac, atque in casei consistentiam conglobari, quo cum lædatur stomachus, & repugnantia elaborare, ac cōcoquere nequeat, omnia ad putredinem deurgunt.

ALEX. Mediolanensem hūc caseum degustare aueo, sed ab eo calculum accersiri certum est ob pingue humidum. I.C. Ideo & raphanos comedas, nam calore, & acrimonia calcu-

lum prohibent, calore meatus laxant, & aperiunt, acrimonia expultricem vim stimulant: Et albi vini cum limonis succo paulu-

lum assumere poteris. Illud lapides in vesica gigni prohibet, nam vesicæ oras aperit, hic congenitos comminuit: Quare & gemmam in limonis succo liquefactam passim autho-

res testantur. ALEX. At quomodo caseum hunc à vermiculis illæsum huc vsque serua-

sti? I.C. In oleo reposui. ALEX. Imo in oleo corrumpi debebat, nam humiditate, quæ putredinem gignit, abundat. I.C. Olei densitas

obsistit aeri, & supernatat ambiens humiditatem seruati corporis interiorem, qua non cedente humiditatibus peregrinis, non fit corruptio. ALEX. At quomodo hæc pyra vs-

que ad hunc mensem seruasti? recentissima sanè videntur, modo ab arbore decerpta. I.C. In olla seriatim collocaui, quam operculo accuratè abductam, ac pice ita oblitam, vt nihil vel aeris vel aquæ subingredi possit, in putei profundum æstiuo tempore demersi. AL.

Miror quomodo à putredine illæsa custodiueris. I.C. Cūm ab ambiente aere, omni-

Card. de rer.
var. lib. 6.
cap. 26.

que vitioso halitu sint remotissima, non est
quî corrumpi possint. ALEX. Cardani senten-
tia de pomis seruandis anno elapso me fefellit,
verecor ne tua etiam me deludat opinio. I.C.
Haud memini quæ hac de re Cardanus scri-
psit. ALEX. Ego referam. *Punica dum adhuc
pendent in arbore, demitte in ollam absque fundo,
ollam autem demitte rursus sub terram, & terram
circa ita congere, ne aer ubi ramo sunt annexa, ne-
que alibi transire possit: sic enim non solum sana, &
integra eximuntur quandoque uoles, sed maio-
ra. Quid enim absurdum crescere, quod in propria
arbore pendet? aut seruati, cum calor natiuus fo-
ueat.* I.C. Haud imputrida sic seruari possunt,
terra namque vel imbribus liquefacta, vel
Sole, seu vento arefacta, peregrinum aerem
admittet; sub aqua secus. ALEX. Veritas sit
penes experimentum, sed cur tantopere huic
blandiris catello? I.C. Quia meam tuetur vi-
tam, non clamando à latronibus, sed excale-
faciendo ab ægritudinibus. AL. Quid audio?
I.C. Duo sunt, quæ corpus nostrum fulciunt,
vitamque conseruant: calor natiuus, & hu-
midum. Hoc illius est pabulum, & fomentū.
Huius igitur beneficio, & munere ille subsi-
stit. Ambo spiritu vndique perfuso, & conne-
xo in omne corpus diffunduntur, quod, ubi
fuerit illorum præsidio destitutum, collabi-
tur, & ad interitum vergit. Quare sedulo no-
bis prospiciendum est, ut naturalem calorem,
humoremq; quàm diutissimè conseruemus.
AL. Quomodo id præstabimus? I. C. Et hu-

midum, & calidum reponendo, innatum calorem, eiusque pabulum augeri certum est.

AL. Imo dubium, illa enim augeri posse, nulla mihi ratione probatur. I. C. Has igitur à me excipias rationes: Si manet eadem humidi radicalis, vt vocant, quantitas, non est caloris pabulum: si ipsum depascitur calor, nec augetur, non augebitur corpus: at corpus augetur, ergo & caloris fomentum quod est humidum. Præterea, si in augmento, aut inter alendum reponitur pars eius partis loco, quæ à calore consumpta est, eaque est cum cæteris partibus vniuoca, erit etiam vniuoca forma, quare etiam accidentia: Calor igitur ipse quoque augebitur; Ad hæc, corpore extenuato, atque refrigerato, alimenti accessione calor redintegrascit. AL. Concedo. I. C. Quæro nunc à te, qui accreuit calor, est ne eiudem speciei, atque is, cui hic adiunctus est? ALEX. Minimè. I. C. Erunt itaque duo separati calores actu, quare & duo habeant subiecta necesse est: quapropter & formas duas, nō enim diuersorum subiectorum vna potest esse forma, sed vnius, igitur duo erunt animalia, non vnum. AL. Quid si dicam esse eundem specie calorem? I. C. Ergo calor radicalis augetur. AL. In contrarium viget robustissima ratio, quam & si tuarum rationum obiectu debilitatam esse fatear, sapienti tamen responsione tolli percuperem. I. C. Quò validiora sunt argumenta, eò alacrius ad ea euertenda excelsi animi accendi solent. AL. Si naturalis calor,

ciusque pabulum augeri, & si minuatur, tantumdem reponi posset, non fieret generati dissolutio, quæ dicitur mors. I.C. Consecutio negatur. ALEX. Probo, nam quotidianis supplementis reficeretur ita, ut semper esset integer tantus quantus in primordiis fuerat. I.C. Nego, laborat agens natura, & in agendo patitur: quamobrem tamen animæ vis est eadem, instrumentum, id est calor ipse, multo usu debilitatum non potest, quod ab eo iure naturæ exigitur, perficere pensum; quo fit ut primore ætate vegetior, tum quotidiano agitur opere calor, fiat victus, ac deinde flaccescat. & postremo aboliatur. ALEX. Ita sit, sed quid hoc ad Catellum. I.C. Plurimum, nam & insitum calorem auget, excitatque; quinimo dolorificos sedat affectus: sic in chiragra, ac podagra, omnique atthritide nihil præsentius ad consopios, mitigandosque cruciatus etiam acerbissimos, quam catellus membris affectis adhibitus. AL. Vnde id contingit? I.C. Quia suavi, calentique effluxu naturæ hominis calorem languidum exsuscitat, focique continuo humorem, qui dolores infert, vel attractione ad se rapit, elicitque, vel digerenti vi, ac discussoria incidit, ac dissipat: quare & meo imbecilli ventriculo robur, ac firmitatem catellus hic mecum accubans suo calore conciliat. ALEX. Davidis etiam, membra effata & frigescentia adolescentulæ complexus fouebat. I.C. An scitè fecerit, medici dubitant. AL. Quam ob causam?

I. C. Sunt fœminæ humecta cute, & in nocte sudore perfunduntur, quare refrigerant potius quàm calefaciunt. ALEX. Quid illi igitur sentiunt? I. C. Galeni consilio acquiescendū.

ALEX. Quale illud est? I. C. *Inter ea autem (ait) quæ foris applicantur boni habitus puellus est una sic accubans, ut semper abdomen contingat.* Gal. Ther. lib. 7.

ALEX. Hunc ad vsum non nisi pulcherrimum catellum, qui apud me est, tibi offerre possum. I. C.

Gratias ago innumeras, sed dic quæso, est ne tota cutis concolor? AL. Minimè, sed multis, diuersisque maculis variegata. I. C. Non

ergo vsui mihi erit. ALEX. Cur ita? I. C. Ut

initio naturæ arborum correspondere debet,

ita homini in fouendis membris æqualem per

omnia, ac temperatum calorem coaptare cō-

uenit: Diuersus autem in canino tegmine color indicat caloris, humorisque diuersitatem,

& intemperiem. ALEX. Tam acutè res etiàm

minimas perscrutaris, ut ad sublimarum inue-

stigationem maiori impetu pertrahar. I. C.

Statim à prandio disceptare, mihi iniucundū

est. ALEX. Quam ob rem? I. C. Quia deman-

dati nunc sunt ab anima spiritus ad ciborum concoctionem, quare si ad cerebrum disputationis ergo euocantur, desinent cibos elaborare, & cōcoquere. Hinc Scholaribus, qui pomeridianas frequentant literarias exercitationes, morborum seminaria congenerantur.

ALEX. Quid Philosopho exoptabilius, quàm in literis, & pro literis mori? I. C. Pædagogorum hæ sunt persuasiones, quæ vana spe teme-

raræ credulitatis simpliciores irretiunt animos, & constantes etiam aliquando labefactant. ALEX. Eia per Aristotelis Genium te humillime deprecor, vt disputationibus hæc consumetur dies. I.C. Quem his verbis addere putas animum, profecto mihi adimis. AL. Forſitan Peripatheticos Manes contemnis? I.C. Imò vt ſacroſanctum Philoſophiæ Numen deueneror, cuius de animalium hiſtoria reſponſa dum perlego, reliquorum authorum, inter quos ego inſimum locum obtineo, lugubrationes, quiſquilix mihi videntur. ALEX. Imo tu principem locum obtines, ſed hauriamus de Præceptoris fontibus mihi hætenus ignota dogmata, quæ per muſdiſſimos tui ingenij alueos deducta, meam addiſcendi ſitim explebunt. I. C. Quæſo ne te à menſa ſubducas, ni prius hymnus pro gratiarum actione decantetur. AL. Nulla Deo gratioꝝ oratio, quàm ſuorum operum contemplatio. TARS. puer.

*Paſtis viſceribus, ciboque ſumpto,
Quem lex corporis imbecilla poſcit,
Laudem lingua Deo Patri rependat,
Sic nos muneribus tuis reſecti
Largitor Deus omnium bonorum
Grates reddimus, & ſacramus hymnos.*



IVLII

CÆSARIS

VANINI PHILOSOPHI

INGENIOSISSIMI

Liber Tertius

*De Animalium Generatione &
Affectibus quibusdam*

DIALOGVS. XXIX.

De Semine Genitali.

ALEX.

Cum eximius Peripateticorū Magister exactissimè animalium historiam pertractarit, non ero tibi multis quæstionibus molestus in hac pomeridiana disceptatione. I. C. Ille quidem sexcentos mille Philippicos aureos subministrante Alexandro impendit ut historiam illam describeret; Ego verò pauperculus Philosophus, cui nullus sese vnquam obtulit Mæcenæ, imò nero-

gatus quidem multoties, nec impendi obulum. ALEX. Ego profecto adolescentulus patrias opes expendi in vnus animaculi vsum. I. C. Non deerunt qui dicāt, te meliorē elegisse partem. Sed quid est, quod à me petis? ALEX. Istud in primis me angit, & iccirco hoc primum à te quæro. Vnde animalibus adueniat forma? I. C. Extrinsecus dicunt aliqui. ALEX. Illud noui. I. C. At non assentior ego. ALEX. Quam ob rem? I. C. Quoniam si ita esset, aut nulla esset generatio, aut omnis generatio esset æquiuoca. ALEX. Quomodo nulla? I. C. Quia apud Philosophum generatio ita definitur, vt sit transmutatio cuiuscunque transmutabilis totius in totum. ALEX. Quomodo æquiuoca? I. C. Neque enim formam dederit huic catello semen patris sui, sed materiam tantum: erit igitur Solis filius, sicut & mus, & alia, quorum generatio è fimo aut limo æquiuoca est; neque similis erit patri suo magis quam culex, ab illo namque materiam sine forma accepit, materia vero eadem est in omnibus. ALEX. Perdocte. I. C. Alij dixerunt, extrinsecus quidem aduenire formam, si ei scilicet fuerit materia præparata. ALEX. Tu vero quid sentis? quæ tua est opinio? I. C. Hæc omnia nō placēt. ALEX. Cur ita? I. C. Quia si istud esset verū, & qualitates, & quātitates, & numeros, & ordines, & situs ab aliquo intus apparari atque institui necesse esset, totū denique corpus ipsum fabricari: hæc autem fabrica sit aut à substantia, aut ab accidente. AL. At non à accidente solo fieri potest,

nullum enim accidens agit nisi per vim suæ substantiæ, neque cognoscit accidens, illa vero virtus tam nobilis templi architecta sapientissima est. I. C. Ædificabitur igitur à substantia; at hæc forma seminis est, forma autem seminis si non est anima, bruta res est: at non est res bruta, fabricat enim elegantissimè, ergo anima est. Insuper anima quid est nisi spiritus? hic autem in semine est, spiritu sane nostro informatum est semen, nam anhelantes illud emitimus, hinc illud ad generaionem idoneum dijudicatur quod spumescit quia spirituum copiam inesse ostendit: Quapropter Poætæ Venerem Maris spuma genitam confinxerunt. ALEX. Quid igitur concludis? I. C. Formas, quæ materijs æquivocis imponuntur, esse in agentis potestate, qualis est muris forma, qui in naualibus quiscuilibus putrefactis enascitur, non est enim ea forma in fini potestate, sed in agentis nempe Solis vi sita est. Vniuocæ autem formæ in materiæ potestate continentur, vt in semine equino equi forma; non enim fit equus ab equino semine per corruptionem sicut è limo putrefacto rana, sed per eius perfectionem, non quomodo fit iuuenis ex adolescente, vir ex iuvene, sed alio quidem operosiore, sunt enim gradus. ALEX. Quales sunt hi gradus? I. C. Primus est ex infante puer. Secundus ex animali animal, vt fit in eruca & bombice; Tertius ex ouo pullus; fracto namque putamine corruptum nihil, vt in putrefactione, intus inuenitur, sed perfectum. Quartus modus remotior est, quippe ex semine, quod

nulla facie terminatur, animal fit; vulgo, quia
 definit esse semen, corrumpi dicitur: sed apud
 sapientes, quia nihil perit, re vera perficitur,
 Cum enim esset animal in potētia, fit actu ani-
 mal, exit autem potentia hæc in actum, adiuta
 ab alio generante qui extrinsecus est, vt ait Phi-
 losophus, atque ita intellexit, à Sole & homine
 hominem generari. Quinimo addam, in cani-
 no semine esse canis animam non modo in
 potentia, vt loquuntur, propinqua, sed actu,
 non sensu perceptam per functiones, sed ab in-
 tellectu per rationem. ALEX. Quænam ratio il-
 la est? I. C. Audi. Generat arbor cum producit
 semen, sed non generatur arbor cum à semine
 pullulat, emortuâ enim amigdalò, si seratur A-
 migdalum, fit ex eo Amigdalus arbor, Sic canis
 non gignit cum Catellus enascitur, sed cum se-
 men gignit, quod manifestum est; nam in ipso
 coitu multi obiere ante seminis vllam penitus
 in vtero dispositionem, aut effectiōem; si Ca-
 nis igitur canem generat, cum semen gignit,
 igitur in canino semine canis anima actu est.
 ALEX. At si canis anima esset actu in semine, ca-
 nis semen esset canis. I. C. Concedo, est enim
 canis imperfectus, carens tantum articulatio-
 nibus. Canis namque & canis semen sunt vnū
 numero in substantia, solis differunt acciden-
 tibus, quòd qualia habet alterum, alterum
 non habet, quemadmodum triticum in terra
 productum à semine, non differt ab eo quod
 erat in spicâ nisi in accidentibus. ALEX. Sentis
 igitur in tritici semine inesse animā? I. C. Pro-

Ap. 12. Med.

t 15. Et in 2.

Phys. t. 12.

cul dubio. ALEX. Quando seruatur per annum integrum, quomodo otiosa est efficiens causa?

I. C. Ego uero pernego eam esse otiosam. Otiosum enim id dicitur quod cum debet aut potest, non agit: At illo tempore seminis anima non habet aliud agere, quam uiuificare materiam illam, quod & facit. Fabricare autem non potest, quia extra matricem suam est, nempe extra terræ sinum, sic arboris anima, nihil ædificat hyeme, opus enim habet adiumento. ALEX. Satisfecisti, sed adhuc habeo quod obijciam. I. C. Et ego quod resoluam.

ALEX. Si semen est animal, ergo nulla dabitur generatio. I. C. Id quidem concedo, cum enim oritur, seu potius oriri uidetur animal, tunc non est generatio, sed formæ tantum promotio ad officia exercenda, est namque actu intus forma canis in canino semine. Sanè extrinsecus non aduenit actualis forma ut probauimus; nec educitur per præparationem materia, quia præparatio fit particulatim, quare formæ pars alia post aliam educeretur,eductio enim motus est, omne autem motum diuisibile est. ALEX. Siste parumper, & audi. Si anima est in semine canino, ergo animarum plenus est canis, quippe & seminum plenus est. I. C. Consecutio negatur, vnā canis habet animam, quæ plurium sufficit generationi; sic in ramis oleæ, in quibus multæ sunt taleæ, vnica tantum anima est. ALEX. Eritne igitur catelli anima canis patris animæ pars? I. C. Maximè, ALEX. Diuiditur igitur. I. C. Quid im-

plicat ad materię diuisionem diuidi materialem animam? ALEX. At si diuiditur, igitur animę medietas erit in cane generante. I. C. Imo tota anima, est enim tota in qualibet sui parre, id quod in plātis manifestum est; Addam subtilius, ab anima animam gigni sui promotione, eadem sane ratione, qua in accretionibus inducit sese in alimentī materiam nouā: quemadmodum à lampadis flamma, flammam excipimus, illa nihilo secius integra remanente. ALEX. Subtilissimè profecto ratiocinaris, sed quid Aristototeles super hac re? I. C. Is procul dubio agnouit in semine animam quę sui domicilij est architecta: In secundo Phil. Semen ponit pro causa efficiente compositionis primo de generat. animalium, ait potestatem feminis dare formam, veluti lignarius faber dat lecto. In secundo vero, vult feminis vim esse corporis conditricem: In septimo supremę Philosophię inquit, semen est sicut artifex. Habet autem artifex formam in sua potestate, non extrinsecus excipit. In alio contextu, speciei causam in materia esse profitetur, & alibi, motum ad generationem dicit à facultate fieri quę in semine inest, & in lib. 8. in semine statuit principium mouens. ALEX. At enimvero mihi non arridet hæc sentētia, nam vniforme nonnisi vnicum opus facere potest: semen autem est vniforme, ergo non nisi vnicam habet actionem. At in animalis formatione plures sunt actiones, non igitur à semine illę proueniunt. I. C. Quid si tibi maiorem in-

t. 80.

t. 5.

t. 7.

t. 9.

t. 28.

t. 31.

t. 32.

ficior propositionem? Solis sanè corpus vni-
forme est, diuersa tamen efficit: anima ipsa vni-
formis est, & simplex, diuersa tamen potest,
imo contraria facit. Sed transeat, nego semen
esse vniforme, vt patet ex ipsa materia vnde ex-
coquitur quippe ex sanguine, sanguis autem
ipse vniformis non est, quare ab omnibus mē-
bris detergi semen censuit Hippocrates, id
quod licet Philosophus improbet, omnium
tamen membrorum principia in seipso cohi-
bere confiteretur, iccirco mutilum hominem
integri hominis parentem esse. ALEX. Perdo-
ctè, sed adhuc altera eaque per difficilis tibi re-
stat dissoluenda obiectio. I. C. Quanam illa
est? ALEX. Si anima fabricaret sibi corpus, in-
digeret instrumento, at nullum est instrumen-
tum, non igitur fabricat. Minor probatur hac
ratiocinatione; non à te configurari potest in-
strumentum aliud quàm spiritus: at spiritus est
feminis pars, non erit igitur efficiens instru-
mentum, sed materia. I. C. Maior est falsa, nul-
lo eget anima instrumento ad formandum; si
anima mouet spiritum sine instrumento cum
mouemur, cur non poterit sine instrumento
figurare? si terra ipsa descendit sine instrumen-
to, cur animæ tam diuinæ ac potenti temere
instrumentum attribuere audes? Sed paulo
mitius procedentes, minorem dicimus esse
falsam, anima namque primis vtitur qualitati-
bus ad qualitates secundas, est namque semen
non solum quid, sed etiam quale: habet igitur
calorem, non à matrice (is enim conseruat

tantum) sed ab animali puta cane, vnde emis-
sum est, eundem inquam calorem numero,
sed non totum. Hic calor, seu spiritus (idem
enim est secundum Hippocrat.) diffusus in
omnes partes, agit in alias seminis partes, à
quibus & ratione diuersus est, & re separatus,
sicut ignis qui in partes interiores sese inducit
luti, quod coquit vt testa fiat. Quid miraris?
nonne in corpore quoque iam perfecto spiri-
tus agunt in humores, quorum tamen partes
sunt, non est igitur (& sic tuæ minoris proba-
tio corrui) spiritus pars corporis, quæ forma-
tur, tamen est vna in massa veluti coagulum
in lacte, sed est in corpore seminis sicut agens
in patiente, non separatus loco, qui sensu per-
cipiatur, sed intellectu. Si spiritus innatus
calorem habet & humorē, & calor humorem
carpit atque depascitur, & per consequens de-
struit, quanto commodius architectus ille in
corpus aget quod perficit? ALEX.. Gratias ago
tibi ingentes quod ita quæstionem hanc per-
tractasti. I. C. Eas persolui mihi cupio gratias,
vt intelligas me de vegetatiuâ & sensitiua ani-
ma locutum esse, non de rationali, quam non
à semine, sed à Deo infundi credimus. quod
cum altiori repeto cōtemplatione, humanam
deplorare cogor, miseriā: Nequit humanum
semen hominem generare, est enim homo per
formam, forma autē à Deo infunditur, at ca-
nis canem ex sese ipso gignit, quare catelli se-
men meo semine præexcellētius erit? ALEX.
Quid miraris? Quid miraris? Quid miraris?
Quid miraris? Quid miraris? Quid miraris?

Castra

Castra

Castra

Castra

Castra

Castra

Castra

Castra

Castra

Castra

Quid ad te? Sed putas ne ad animalis generationem foemineum semen necessarium esse?

I. C. Maximè. ALEX. Cur ita sentis? I. C. Mulier in ipso concubitu semen emittit, quinimo etiam cum nocturnâ Venere in somnis eluditur, sperma eiaculatur. In foeminâ dissectâ, & testiculos vidi, & vasa seminis, vbi magna illius aderat quantitas, quæ iam albescebat. Nunc igitur sic argumentari possum. Semen à Natura ordinatum est ad generandum, at in foeminis apposuit, illud igitur ad generationis usum ordinavit sapientissima illa Magistra, quæ nihil frustra operatur. ALEX. Scitissimè dijudicas, sed obiectiones tibi proponam; quas Aristoteles in secundo de Generatione scripsit, & quodammodo aduersus tuam sententiam dictauit. I. C. Quamuis eæ sint Aristotelis, nec pili tamen eas facio, in ijs enim in quibus liberum vniuscuiusque iudicium est, nunquam ero addictus iurare in verba Magistri: Addo quod etiam si mihi amicus sit Aristoteles, magis tamen amica veritas, ut ille ipse inquit aduersus Platonem. ALEX. Animose quidem, sed nunc videbo an eas obiectiones euertere valeas? In omni rerum procreatione est aliquid, ut efficiens, aliquid ut materia, quæ quamuis in fruticibus vnum idemque esse videantur, forma tamen, & rationis dignitate, longè latèque distant; in perfectioribus autem animalibus, ut hæ facultates sexibus distinctæ

apparent, ita efficientis & patientis, tum naturæ, tum corpora diuersa sunt: quocirca cum sit mas efficiens, fœmina verò patiens, hæc ad procreationem non verum semen, sed materiam duntaxat conferet. I. C. At enimvero ratio hæc meam fouet sententiam, asserit enim vtrumque maris & fœminæ sexum in fruticibus miscuisse naturam, eo quòd sola mascula facultas (licet terra materiam ei conferat) non satis sit, quæ in stirpibus procreationem efficiat. Quod si ita sit in plantis, multo magis in præstantioris ordinis animantibus, necessum fuerit maris ac fœminæ vires coniungi, non iccirco duntaxat, vt fœmina materiam suppeditet, sed vt copulatis, atque confusis amborum viribus, semen vnum ex ambobus procreationi aptum proferatur, quod integris absolutisque viribus præditum tanquam opifex in subiectam materiam incumbat. Illa verò tua verba, quæ communiter vsurpantur in scholis (mas scilicet est efficiens, fœmina patiens) mihi non probantur, nam & ipsum masculum semen non solum ad agendum potentiam habet, sed etiam ad patiendum, quippe in libro de Principijs, de Motu, de Cælo, de Generatione probatum est à Philosopho, omnia naturalia composita esse ex actu & potentia, quare vtrumque in se habebit principium, à formâ quidem agendi, à materia verò patiendi. ALEX. Alia Philosophi ra-

tiō ea est, si fœmina semen gerit fœcundum, cum alterum principium nempe materiam contineat, poterit citra maris congressum, ex seipsa fœtum edere; at consequens est falsum, ergo & antecedens. I. C. Imo sequela maioris propositionis est falsa, est enim fœmineum semen fœcundum, non ita tamen, vt ipsum solum vim habeat efficiētem, sed vbi mutuā substantiæ familiaritate, & amicitia masculino se copulat, ad generandum confert, alioquin nec virile semen diceretur fœcundum, cum ipsum solum non sit generationis efficiens. ALEX. Adducitur & pro Philosopho ratio hæc, multæ sunt mulieres quæ sine vlla coitus voluptate à viri semine concepisse asserunt. I. C. Hypocritarum muliercularum cantuicula hæ sunt. ALEX. Sed quid dices ad hæc, in piscium genere cum fœmina oua depofuerit, mas deinde illa consperget, & quæcunque semen istud attigerit, vitam assumunt, reliqua verò irrita, & à maris calore destituta contabescunt. I. C. Hæc ratio cinatio probat quidem masculum semen ad generationem requiri, non tamen ipsum solum illam efficere: Opponam huic exemplo alterum è diametro pugnans. Sunt quidam pisces qui absque maris semine ex ouis solis generant. ALEX. Nullum mihi est & Galeno, quem multoties perlegi, aliud argumentum, quod pro Aristotelis sententiâ adducam. Per-

cuperem tamen te illius tutelam differendo suscipere. I. C. Quibus ille innixus rationibus fœmineum semen à generatione seclusit in medium proponam tam acutè, & subtiliter, vt posteritas in solutione sit non parum elaboratura. Arrige igitur aures Pamphile, id est omnium abstrusarum quæstionum curiosule amator Alexander. Vulgatam in scholis esse propositionem illam non ignoras; species non miscentur. ALEX. Quomodo id probas? I. C. Si miscerentur, fieret, vt essentiæ intenderentur & remitterentur, quod est impossibile. ALEX. Quamobrem? I. C. Quia essentia omnis impartibilis est. ALEX. Perge. I. C. Ex duobus entibus per se, non potest vnum ens per se fieri. ALEX. Qualiter probatur hoc à Peripateticis? I. C. In omni generatione fit corruptio, vt loquuntur, à termino à quo, ergo generatio non nisi duabus aut pluribus corruptis substantijs, potest vna fieri, sicut è putridis mistis animal: Ex duabus igitur formis tanquam ex partibus non potest vna forma fieri, sed illis abolitis vna potest introduci in eam materiam quæ illarum formarum fuerit. ALEX. Prosequere tuum argumentum. I. C. Semina sunt rerum principia per se, quia in canino semine est materia, & forma futuri Canis, nec aliud semini additur quam organorum expressio, quæ confusa prius erant, quare canis est id quod erat se-



men, sed non quomodo erat. ALEX. Quid inde concludis ? I. C. Ex duobus seminibus non fit animal. Idque confirmatur hoc argumento. Sicuti forma non potest esse nisi vna vniuscuiusque rei, ita principium continens ipsam formam, non potest esse nisi vnum, at hoc principium est semen, vnum igitur semen. Sanè forma simplex est & inditissibilis, ex duobus igitur componi nequit, at componeretur, si e matris foeminaeque semine prodiret. ALEX. Subtilissime profecto. I. C. Est & aliud pro Aristotele argumentum. ALEX. Vnde illud deducis ? I. C. A plantarum similitudine, in earum enim semine vnum tantum est generationis principium, idque ex nullâ coitus participatione, quia terra matrix est. ALEX. Legi ni fallor hoc argumentum apud Ludovicum Viuez. Sic enim ille loquitur. *Nec aliter viri semen, & materia foemina se habent quam granum seminis stirpis alicuius, & terra substantiâ. Vis enim procreandi hoc genus arboris est in semine, moles autem qua arbor alitur augeturque, ex facultate terra est.* I. C. Quam longissimè abest hæc probatio à mente Aristotelis, qui matricem appellat agrum, Viues autem Materiam foeminae, at Materia foeminae non à matrice est, vt à terra humor, sed à venis. ALEX. Quid Viues senserit, parum curo. Attamen si tu velis Peripateticam tueri sententiam, vnum ego duntaxat proponam argu-

mentum, quod vix dissolui posse crediderim. I. C. Eia hilari proponas animo. ALEX. Si à solo virili semine fieret generatio, non posset concreari femella. I. C. Istud verò tibi nego, non enim à sexu sexus fluit, sed forma eadem in utroque, materia verò ipsa in matrice variatur. Cannabis semen & spinachia solum, partim masculas, id est, steriles, partim feminas, id est, sementiferas edit stirpes, ab una tamen matre. Plinius in Erytinis quos omnino Aristoteles negat habere marem: ex quo mihi planè persuadeo, utrumque sexum in uno sexu cohiberi: de piscibus ijs, quibus nullus est sexus, quid dicendum? in illorum sanè generatione non fit discussio feminis ad hoc vel ad illud, sed promiscua; quare ut neutrum, & utriusque salina purpurea, ex utriusque anguilla mucro: Ita utrumvis ex altero. ALEX. Acutissimè, sed quia piscium generationis mentionem fecisti, luculentius quæso eam explices. I. C. Libentissimè.

DIALOG. XXX.

De Piscium Generatione.

ALEX.

 Igitur quo pacto generantur pisces. I. C. Quidam ex putredine, ut de Tinchis & Anguillis apud Naturæ consultos compertum est. Sanè in paludibus ubi nec fluviorum nec maris accessus ullus, Tinchæ adinueniuntur cōplures. In stagno Magalone ex equino cadauere anguillas innumeras procreatas scribit Rondeletius. Addunt sapientes, ex anguillæ saliuâ alias concreari, quod ad spontaneam generationem referunt. Est enim pinguis admodum, & putredini obnoxia; Nos aliquando in vitrea pixide Soli exposita anguillam seruaui-
 mus, & ex crassa ipsius saliuâ Solis calore adiuta vermiculi prodire. ALEX. Laudo curiositatem, & naturæ opera admiror. I. C. Alij ex maris spuma congenerantur, ut Apuæ, seu Aphyæ. ALEX. Forsitan habent putredinem pro parente. I. C. Non magis quam sal habet ipsum mare, in spuma falsa putredo non est. ALEX. Quomodo igitur spuma eos progignit? I. C. Admixtâ pluuiâ,

multoque acre in spuma concepto Cœli vis
 sese inducit, atque interna fecundat. Pro-
 pterea obscurissimis, & maximè impijs am-
 bagibus apud prophanum vulgus Trimegi-
 stus profitebatur, Deum esse marem simul &
 fœminam. ALEX. Imò & Turcæ hanc Chri-
 stianis obijciunt calumniam : hinc impius
 Mahumetus negabat Deum habere filium,
 quia non habet uxorem, nec idem est mascu-
 lus & fœmina. I. C. Alij ex arborum frondi-
 bus gignuntur. ALEX. Quid ais? I. C. Arbo-
 ris cuiusdam Invernæ fluuio imminenti-
 quotquot in eum frondes collapsæ fuerint,
 piscium formam induunt, pisces viuunt de-
 inceps. ALEX. Accidit ne istud vi fluuij, an
 ipsius arboris? I. C. Arboris potius quàm flu-
 uij crediderim. ALEX. Vnde id diiudicas? I. C.
 Nam quæ frondes in terram cadunt, statim
 facta animalia pennata euolant. ALEX. Admi-
 randa audio. I. C. Quid mirum? vt in terra
 vna planta mutatur in aliam, triticum, & li-
 num in lolium, secale, quam Tipham Theo-
 phrastus appellat, in frumentum, Zea in aue-
 nam, Sisimbrium in mentam, brassica in ra-
 pum, & alia apud Theophrastum : sic & su-
 pra terram plantæ gignunt ex seipsis anima-
 lia. ALEX. E putrefactione id quidem quem-
 admodum in fructibus variæ innascuntur
 bestiolæ, in tritico gurguliones, in nucibus
 vermiculi. I. C. Minimè, sed quasi semi-
 na quædam fouent ad generationem : ex
 oblongiusculis lentisci folliculis volucelli

prodeunt, sicut in Vlmorum quoque ves-
ficellis non absimiles ijs: quapropter Ara-
bæ Vlmum appellant arborem cimum; E
Therebintho culices fiunt, è medulla cardui
fullonis vermiculus fit, quem ad quartanas re-
medium prodidit Dioscorides. ALEX. Eruditif-
simè. Sed putaresne, ô supreme Philosopho-
rum Dictator, eum errare qui diceret, fluuij
potius quàm arboris vim illam esse, vt frondes
conuertantur in pisces? I. C. Minime, si enim
Albertus perhibet apud Gothos esse fontem
qui omnia in eum immersa conuertit in lapi-
des, quid vetat asserere, adesse etiam aquã quæ
frondes conuertat in pisces? Iohannes Maria
Ginochius familiaris meus dilectissimus om-
nium bonarum disciplinarum instructissimus
Doctor narrauit mihi Patau, vidisse se
in mense Iulio pluuiæ aquæ guttam, quæ il-
lico in terram cum cecidisset, conuersa & mu-
tata fuit in ranam. ALEX. Parum abest quin
& ego stupore attonitus lapidescam. Sed bono
animo ero, prosequere quæso alias piscium ge-
nerationes. I. C. Alij ex semine per genitale
membrum profuso velut quadrupeda progi-
gnuntur, vt Balena, Delphinus, Vitulus alijsque
ingentis molis, multoque referti sanguine, &
respirationis beneficio fruenter. Eis namque
dedit natura renes & vesicam, cum enim abun-
dent sanguine, nec in plumas & squamas ab-
sumatur, excerni necessario debebat, quare
renibus & vesica eis fuit opus, sunt au-
tem in ipsis renes diuisi, quoniam ob virium

ex Lami
4.

Card l. 7. de
rer var. c. 37.
fol. 331.
Scal in Card.
exer. 104. fol.
309.

imbecillitatem, haud aliter posset calor aqueus
humorem cōcoquere & segregare. AL. Balenę
membrum genitale ad 13. cubitorum magni-
tudinem visum à multis Cardanus refert. I. C.
Dignum, vt dicitur, patella operculum. Nā &
Scaliger ait, Balenę vuluā ad octo patere pe-
des. ALEX. Delphinus more humano coit, &
generat, teste Plinio, qui sic scribit. *Ceterum &
alios affectus humanis persimiles Delphin habere
carnitur, adeo vt curam mortuorū habere credatur,
infirmos gestare etiam, & adultos comitari, nōdum
tamen firmā atate & viribus: concumbere humano
more & lactare filios ipsa cōstructio animalis ac sexuū
insignia edocent. Coniugia quoque inire creduntur,
& una uni adherere societatis quoque & misericor-
dię experimenta dedisse feruntur.* I. C. Fabulosa
hęc sunt, nam acutam rationem pisci-
bus adesse non credo, ob nimiam organorum
humiditatem. ALEX. Imò asserit Cardanus hu-
midissimos esse sapientes. I. C. In nostro Am-
phitheatro hisce verbis ferulam minitati su-
mus, sed prosequamur. Pisces alij gignunt ex
semine, non tamen penis ministerio; carent
etenim, sed affricatu solo: Alij auium more ex
ouis generantur, vt fluuiatiles fere omnes cele-
briores, quemadmodum est Perca, & Lucius.
Sed triplici cum discrimine, quidam ex femel-
lę ouis & maris semine intus effuso, vt pulli ex
Gallinę ouo & gallinacei semine. ALEX. Vnde
hoc deprehendis? I. C. Piscium oua igni expo-
suimus, atque eius segregatiuā facultate quid
album prodijt ē vitello distinctum, quod semē

ex semine
vuln. solo
S
ouis
6

esse arbitrati sumus. Alij pisces nec fricant quidem, sed expulsa oua semine aspergunt te-
 ste philosophorum principe Scaligero. Alij ex
 ouis sine semine generantur, vt Phoxini vulgo
 dicti fregaroli, seu Pardelli à colore, biatulae,
 passerres, rupelliones &c.. ALEX. Sed vnde hoc
 coniicis? I.C. Quia licet sint paruuli, ouis ta-
 men repleti adiuueniuntur. ALEX. At quomo-
 do ex ouis sine semine gigni queunt? I.C.
 Quid miraris? si ex sola putredine pisces
 aliquos congenerari supra probauimus, quan-
 to facilius ex matris ouis, quibus & aquæ ca-
 lor fortasse loco patris est. Hæc sunt quæ de
 piscium generatione proferre possum. ALEX.
 At quomodo congeniti sunt pisces illi, qui hu-
 manam figuram præ se ferunt, vt ex historia
 Pliniana constat & ex recentioribus variæ cir-
 cumferuntur narrariones, Cardanus sic scribit
Quæ vero de piscibus humanâ formâ prædisis partim Card. de. ver
supra fidem sunt, velut quod Cornelius Amstero- var l. 7. c.
damus in oppido Edano Pomeranica regionis post se- 37. fol. 366.
uas maris tempestates eiecitam mulierem refert, mu-
tam & salacissimam, quæ plurimis annis superuixe-
rit. Nereidem verò vidisse Theodorum Gazam, &
Trapezuntium muliebri forma pube tenus, reliqua
locustæ similem, sed tamen scammis obductam, non
supra fidem est, cumque & lachrymas emitteret red-
ditam à Gazamari, fieri potest, neque enim hos ho-
mines facile mentitos suspicer. Similiter & Episcopi,
& Monachi & leonis effigiem inter tot varia Pela-
gi monstra apparuisse, modo res ipsæ vt sunt referan-
tur, nō negauim. Hæc ille vir sapiētissimus, nec

Moguer In Hindu vario spectata prohibita
In Balanis & Thomas Corum Cum illa pps
In ulivibis sub prima Capitali ab Hispan

In lib. 7. de
rer. var. c. 38.
ita sequitur.

valde credulus superstitionib⁹ vt in sui genitu
ra testatur, & alibi. *Quod ad mōstra verò attinet in
Orientali parte Indici maris, berealē quidem appellāt,
iuxta caput sancti Augustini, plures pisces humana
forma inueniuntur.* Addam ego in Thicnim Scy-
thiæ fluuium maximum, qui in arcticum
Oceanum erumpit, & in Colhan fluuium Re-
gni Crachin pisces humana propemodum ef-
figie adesse, vt & Scaliger testatur, & Belgicus
Nauclerus Absterodami mihi retulit. I. C. Nu-
gæ & fabulæ hæc sunt omnia, sed ne respondē-
di onus subterfugere videar, ita dicam. An pis-
cis huius, qui humanam refert ideam, mater
hominem deuorauit, & semen igitur quod in
eo erat: Quare ex illo concepit eique similem
peperit fœtum. An (quod vix credo) humano
semine conspersum edulium aliquod in nau-
gio deuorans piscis, animal genuit ad formam,
quæ in semine continebatur. A cuiusdam mu-
lieris dissecto corpore bestiolas muribus non
absimiles exemptas fuisse Lemnius testatur, id
quod accidisse credidit, quia forices cum pas-
sim oberrant, cellasque promptuarias depo-
pulatur, aliquando excremento seminali com-
macularunt esculenta, quæ cum à famulis non
abluantur à sordibus, & membranulis non a-
demptis à dominis esitentur, calor natiuus in
materiam elaborandam occupatus, non a-
liam speciem, quàm pro subiectæ materiæ ra-
tione affinxit, itaque insita vis naturæ sui gene-
ris animal efformat, moliturque humida illa
substantia opifici obsequente, ac sequaci, ac

*bestia
cognita
ex bestis
fuit
quæ
vixit*

sponte, nulloque animantiū cōgressu ac cōcubitu illam molē homini persimilem enatā dixerim ex humore quem circumfusus aëris calor spiritu, vitæque imbuunt: nihil mari fœcūdius quod crassioris sit substantiæ, ac spiritu calorigo vndique suffusum. An piscium oculis dum Venerem perficiebant, obuersata fuit hominis imago, ad cuius ideā concurrantibus vndique humoribus, quos imaginatiua facultas habet obsequentes, fœtum effinxerunt. An asseram, pisces in homines mutatos? sane si vna planta potest in alteram immutari, vt triticum in lolium, brassica in rapum & in sinapim alia-

Theph. l. 2.
de canj. plant.

Cur non vnum animal in aliud? si semen a fini-
in Equæ Matrice immutatur vt fiat mulus, quid implicat & piscis semen immutari vt fiat homo? Ex animalium historijs constat vnum animal transmutari in aliud immeditate, vt crucam in papilionē, ex verme in volatile animal. Non dicam Auicennæ, Alberti, & Pomponatij testimonio compertum esse auem in lapidem transmutatam, sed vñ cum præceptore meo Bartholomæo Argoto Carmelita viro optimo, & sapientissimo, & in concionibus nostri Seculi phœnice, idem ego vidi Neapoli in celeberrimo Ferdinādi Imperatori Musæo: Ergo longè facilius duo animalia inter se specie distincta transmutari possunt. Sed ne scholastici nostras irrideāt speculationes confirmabimus eas authoritate diui Augustini, cuius Logicam subtilissimam illi profitentur

Aug. sup.
hom. ad. lit.

nescio cui Ambrosiano innixi testimonio: an
Diuus Augustinus libros Aristotelis vnquam
perlegerit, Cardanus negat, non ego. Augusti-
nus vult, Magos Pharaonis immutasse virgas
in serpentes vi dæmonum, at idem fatetur ni-
hil operari dæmones nisi applicando actiua
passiuis, ergo agentia sunt naturalia, quæ vir-
gas in serpentes conuertere possunt. At lon-
gè difficilior est ex virgis serpentes efficere,
quàm ex pisce homines, magis enim (inquit
Pomponatius) inter se distant materia, sed fa-
ctum est primum naturaliter per diuum Au-
gustinum, ergo & alterum naturaliter potest
fieri? An verò ad sydereos influxus monstra
hæc referemus cū Ptolomæo, qui ita scribit,
*Si in humanis signis luminaria deprehensa sunt reli-
quis sic habentibus humana sunt quoque qua gene-
rantur monstra.* ALEX. His tuis rationibus ma-
gnam facis studijs nostris accessionem. I. C.
Sed tu, quæso mi Alexander, quid de his arbi-
traris? ALEX. Forsitan humanum cadauer piscis
deuorauit, quapropter ex illius substantia con-
genitum semen quid sibi simile generauit,
hominem scilicet, aut quasi hominem. I. C.
Fabella hæc est, mihi ignoscas, cibus enim
in aliti substantiam conuertitur, quare in
piscino semine piscis substantia est, non hu-
mani cadaueris, hoc enim in illius substantiam
iam transmutatum erat: sane si ita esset, perdi-
ces & capones ego gignerem, quippe his sa-
piissimè vescor. ALEX. Dicam igitur, ex huma-
no semine dulci affricatu in mare proiecto à

Ptol. de Astr.
ind. cap. 8. t.
20.

Barbaro remige congenitum esse piscem aliquem patris simulachro per similem. I. C. Nugæ, feminis spiritus illico in aere evanescent, & inefficax illud redditur ad generationem: quam ob causam & qui longam habent mentulam, vt plurimum sunt steriles, nisi calidam subagitent iuuenulam cuius calore foueatur semen ne elanguescat dum per longos canales traducitur.

DIALOG. XXXI.

De Natura Piscium.

ALEX.

E Piscium Natura nunc differamus. I. C. Libentissimè. ALEX. Scire percuperem, num Empedoclis secteris opinionem, qui piscium naturam dicebat esse igneam. I. C. Minimè. ALEX. Ego verò maximè. I. C. Quæ te mouent rationes. ALEX. Audi, ad frigidissimum elementum natura illos ablegauit, calidissima igitur erat ipsorum cōcretio, sanè non nisi ad temperandum ipsorum calorem detrusit in aquas. I. C. Antecedens est à veritate alienū, nō enim vt Empedocles somniabat, in sicco creauit Natura pisces, atque in humorem deinde transtulit, haud enim Natura sui est dissimilis, quare cū nunc ijsdem in locis, in

Gal.in.3.art.

quibus generat, & statuat, & alat, & conseruet, idem quoque initio fecisse videtur. Præterea, quomodo mansissent in sicco pisces? profecto nunc sine interitu manere nequeunt, consecutio etiam argumenti longè distat à vero; nam habitudines cōseruari similibus, aere, victu, exercitio, alijsq; & Galenus scripsit, & ratio suadet. AL. Sed quid dices ad hoc? argumentū de generatione ad cōseruationem validissimū est (lex enim eadem cōstituendi, & cōseruādi, cōseruatio nāq; est generationis quasi perpetuatio quædam) at generatio fit contrariorum & concursu & occurso, & pugna, ergo & cōseruatio etiam fit è contrarijs; at locati locus est cōseruatio, igitur & locus erit locato contrarius: aqua igitur, quæ frigida est & humida, cū sit piscium habitatio, necessario erunt pisces contrariæ naturæ, ac proinde calidi, et sicci I. C. Maior argumenti propositio militat aduersus te, & Empedocle, si enim eadem est generationis, & cōseruationis ratio, & natura genuit pisces in sicco, non debet è sicco transferre in humidum, cōseruationis ergo. minor falsa est, in generatione nāque omnia miscentur, & vnum fit, alioquin non succederet generatio, tertium enim fieri nequit ex duobus actu existentibus, contraria verò quàm maximè distant, & in vnum coalescere nequeunt, non fit igitur ex contrarijs generatio, quare nec mulus nascitur è contrarijs, sed diuersis, equino scilicet, & asinino semine, quæ

quæ ita in vtero miscentur, vt vnum fiant actu semen, ex quo deinde mulus progignitur. ALEX. Illa verò ratio ad Empedoclis, & Menestoris sententiam comprobendam mihi videtur efficax, quæ à piscium fœcunditate desumitur. Animalia quò fœcundiora, eò calidiora, at pisces sunt fœcundissimi, ergo & calidissimi. I.C. Maior vera non est. Quid Aquila, Accipitri, vulture, ossifrago, aliisque rapacibus infœcundius? calidissimæ tamen illæ sunt, vtpote carniuoræ & gulosæ, quia caloris copia plus coquunt, ideò plus appetunt. Arbores eæ quæ pro fœminis habentur, sunt fœcundiores, sed fœmina acclamatur ab omnibus frigidior in animalibus; ergo per proportionem etiam in plantis. Eadem igitur erit fœcunda, & frigida. Septentrionis accolæ longè sunt Orientalibus fœcundiores. ALEX. At Aristoteles asseruit, igne vti naturam & tanquam materia, & tanquam instrumento. Et ex eodem constat, ab antiquis generationem omnem fuisse igni attributam. I.C. Nō ignem in generatione Natura exposcit, (ignis enim euocat omnia; generans intromittit. Exsiccat ignis, ad generationem humido opus est, vt partes inuicem conglutinentur; ignis separat, diuiditque: generatio partium adhesionem requirit eam, vt actu vnum fiant) sed moderatum exigit natura calorem. Sunt autem fœcundi pisces, non ob innatum, sed aduentitium calorem, mutua namque attritione concipiunt, quare prætenue humidum, quod in

*Ar. inl. de
Myst. affect.*


*Ar. l. 1 de
Gener.*


ijs inest, attritu attenuatur magis, & propterea aerescit, & per consequens incalescit. ALEX. Aliam tibi proponam obiectionem desumptam à plantis calidis, quæ in aquis, & frigidis locis nascuntur: Iuncus odoratus, & Calamus, non hic noster Acorus, id est Aire indigenis, aut Bostuorce, aut zeli Tattarsci, quod sonat herbam schyticam, sed verus Calamus, qui est arundo, & vocatur ab Arabibus, *Cassab asseri*, à Persis, *Cassab alderira*, similiter & Ciperus oriuntur in aquis; sunt autem plantæ adeò calidæ, vt frigoribus ita resistent, vt ne gelascent: in frigidis locis proueniunt pinus, abietes, cedri, Iuniperi. Edera sub Septentrionibus frequentissima est, cuius caloris efficaciam spectare licet, nam & niues excutit hyeme, non enim illæ super ea durant, vt omittam illud ederaceæ caliditatis inditiū, flexuositatem, inquam, contorquentur enim ob medullæ calorem, quare & nostras hybernas lugubrationes propè focum patefaciunt, contortæ librorum nostrorum membranulæ, quemadmodum & pueri, qui mihi pocula ministrat, innati caloris copiam præseferunt contorti crines. I. C. Concedo plantas calidas nasci in frigidis locis, non tamen inde sequitur, pisces, quia nascuntur in aqua, esse calidos, nascuntur enim in calidis calida, & etiam frigida, sic in frigidis frigida, & calida.


DIALOG. XXXII.

De Piscium Spiratione.

ALEX.


 Cise cupio, an pisces aerem sub aqua spirent? I. C. Negat Aristoteles.


 ALEX. Quam ob causam?


 I. C. Si aer (inquit ille) à piscibus traheretur, bullæ apparerent ad superficiem subeuntes, veluti ubi quis inuitam sub aqua testudinem diutius continet: at non conspiciuntur bullæ, non attrahunt igitur, neque spirant pisces aerem. ALEX. Branchiarum rima adest in piscibus, per quam exceptus ore aer egreditur. I. C. Si per rimam egressus est aer, ostende mihi eum in bulla. Nam quare non petet locum suum, veluti cum è subterraneis cauernis exit. Si discedere potuit, atque sese ex aquæ complexibus in piscis faucibus expedire, cur quod facilius est iam liber non sese efferat extra illum carcerem ad locum suum? Præterea, ait Philosophus. ALEX. Quæso ab eius supersedeas rationibus, nam legi in historijs, & meis si potes satisfacias obiectis. I. C. Ut veterum Philosophorum deliria sunt ab illo veritatis Hercule tanquam monstra debellata, sic & modernorum

rum audaciam retundere, atque comprimere ego aggredior. ALEX. Ne irascaris. Animantium vita sine spiratione constare nequit, at pisces sunt animantes, igitur necessariò spirabunt. I. C. Maiorem propositionem Aristoteles pernegat, nam insecta animantes sunt, nò tamen spirant. AL. Quomodo id probat? I. C. Si spirant, quomodo in duas partes diuisa viuunt in vtraque parte? ALEX. Non debebat hoc ab Aristotele quæri, cùm dixisset, insecta ob modicum calorem satis habere per transpirationem refrigerationis ab aere circumfuso. I. C. Imò debebat quærere, quoniam necessariam esse spirationem veteres asseuerabant. ALEX. At ego. Philosophi obiectioni sic occurro, eorum etiam animantium, quæ spirant, sectæ viuunt partes, vt serpentes. I. C. Hoc facit magis pro sententia Philosophi aduersus Priscos, ipse enim negat, omni vitæ necessariam esse spirationem; quod vt melius percipiatur, altius mihi repetenda res erit. Spirationem quatuor de causis Natura instituit, ob refrigerationem, humectationem, fuliginum expulsionem, & spirituum restorationem, nempe ad substituendos alios eorum loco, qui consumpti sunt: at aquatilibus aqua eiusmodi vsus præstare sola potest, nò est igitur illis necessaria spiratio aeris. AL. Minoris probationem à te expecto. I. C. Accipias. Aqua spiritus internos excalesfactos conuenienti suo frigore temperat, & introrsum attracta cùm fuerit, pars quæ iam concalesfacta, impu-

raque reddita erat, exit per branchia, vel per fistulas, vel per foramina, atque ita qui remanent spiritus, fumis igneis liberantur, quare & humectatio simul contingit refrigeratio, atq; purificatio: noua spirituum generatio piscibus fit ab aqua. ALEX. Proba hoc. I. C. Quemadmodum à cibo conuenienti animans alitur, ita & animantis spiritus à conuenienti materia fiunt: quibus aerei sunt spiritus, ijs aer materia ad reparationem. Piscibus aquei sunt spiritus, hinc obtusos habent sensus, quare aquea substantia eis data est, cuius per fauces ad cor introductæ pars animatur, non ab aere, sed ab illa Cælesti vi, quam viuificum appellant calorem. Sed quia video te subiras, admittam tuum argumentum, quod tale erat: Piscis animal est, ergo ei spiratio necessaria. ALEX. Quid ad hoc? I. C. Concedo torum. ALEX. Igitur aere opus habent. I. C. Nego cōsecutionem, non enim ab aere solo frigus, non ab aere solo tenuitas ad spirituum accedens naturam. Vtrumque hoc ab aqua etiam, nec ab igni minus, si in igne sunt animalia, vt quidam Dæmones corporeos statuerunt: aeris spirationem pulmone tantum præditis animalibus necessariam dixit Philosophus, quam ob causam Delphin & Balena aerem spirare creduntur: mirum tamen est, quomodo Delphin diebus canicularibus sub aquis lateat, vt historici referunt, cum vel tum maximè propter æstum plurima spiratione egere deberet. ALEX. Argumenti nostri retia erumpere dum niteris,

magis es irretitus. I. C. Non puto. ALEX. Cō-
 cessisti pisces admittere aquam per os, redde-
 re per branchias? I. C. Maximè. ALEX. Ergo
 & aerem spirant. I. C. Nego consequentiam.
 ALEX. Probo, nam in aqua aer cōtinetur. I. C.
 Retia hæc muscas forsitan, non Aquilas ca-
 piunt: aer in aqua continetur ita, vt nullo mo-
 do possit in piscium faucibus ab ea aqua sepa-
 rari, atque extendi: nulla est machina, quæ
 percolet ipsum: nullum est prælum quo ex-
 primatur ab aqua aer ille: nullo quallo, nullo
 fisco, aut cribro à recepta aqua separabitur
 aer: quare etiam si cum aqua sit aer, nō tamen
 aerem ab aqua separatum trahunt pisces, sed
 aquam, quemadmodum aer, quem nos hauri-
 mus, non est purus, sed (vt loquuntur) ele-
 mentatus, & per consequens aqua mistus, &
 tamen aquam non trahit homo, sed aerem:
 quod vt rectius percipiatur, quæro à te, an
 aqua, & aer sint duo corpora, vel vnum mi-
 stum? ALEX. Quid hoc facit ad argumenti
 dissolutionem? I. C. Plurimum, nam si sunt
 duo corpora, exhibet aer ad locum suum supe-
 riorem; at non exit, non enim apparent bullæ,
 nō est igitur sub aqua aer: quare qui sub aqua
 sunt pisces, non spirabūt aerem: Si aer & aqua
 sunt vnum mistum, non erumpe aer ex aqua,
 sed ne separabitur quidem in ore piscis; quin
 per branchias, si alterutri egrediendum est, fa-
 cilius transmittet quod tenuius est. Tenuior
 autem aer: aqua igitur remanebit, aer abierit,
 at non abit, peteret namque suum locum su-

periores, at non petit, quia bullæ non conspiciuntur. ALEX. Quid verba audiam, cum facta videam. Si pisces in vas oris angusti aquæ semiplenum injiciantur, tanta illis est fruendi aeris innata cupido, ut certatim aliis aliis supernatare nitatur, proximi ut aeris usuram capiat. I.C. Longè aliter se res habet: tentant illi miseri exitum, igitur quæ vident aqua vacare, sibi rati fore aditum ad loca libera, ascendunt ad vacui speciem. Cæterum vel minimo aeris momento attracti refugiunt. ALEX. Quinimo ubi aeris beneficio priuantur, statim intereunt. I.C. Nego. ALEX. Probo, si aquæ plena pelvis manu vel alio obturetur operculo, pisces qui intus sunt, ilico moriuntur, fraudati aere scilicet. I.C. Assentiri tibi non possum, inclusi enim ego gratia puerili, & per totum diem superstes fuit Aurata Tarentina. quid miraris? nonne Hirundines in vasis clausis annos integros sine aere viuunt? nonne congelatis annibus per multa millia passum nullus subtus piscis exanimatur? Quid si concedam in obturatis vasculis interire pisciculos? ALEX. Inde inferam, quoniam aere priuati sunt. I.C. Illationem pernego, nam & ostreae in aere intereunt sine aqua; nec mirum, cum enim nihil penè aliud sint quam cœcretus humor, absque humore durare nequeunt. ALEX. Quam tu igitur assignas causam piscium interitus in conclusa pixide? I.C. Quia separata ab aere aqua exuit naturam suam necessario: conseruatur enim ab aere non corrupto, quasi

*Ar. in l. 4.
Phys. lib. 2.
Cel. l. 74. &
4. c. 115. l. 23.
35.*

à forma superiore, vt à sapientum Dictatore, in sapientiæ tabulis scriptum est. ALEX. Subtilissimè, sed aliam modo attingamus quæstionem. I. C. Aristotelis sententiam à tuis objectionibus vindicasse mihi sat est.

DIALOG. XXXIII.

De Piscium Nutrimento.

ALEX.



Vibus aluntur pisces? I. C. Hoc ipsum mehercle est, quod à te petere iamdudum decreueram, AL. Egò, aqua sola nutrirì pisces dixerim, sanè Apuarum genus hanc comprobât veritatem, quam ob causam Aquarellas nonnulli vocant. Ad hoc, si solo aere victitat Chamæleon, auis Manucodiata, & Canis læuis, quid verat asserere pisces sola aqua vesci? I. C. Vno ali nos Aristoteles negat: alit aqua non vt simplex elementum, sed mixta, quare pluribus ali dicetur, qui aqua vescitur: omitti igitur à te poterat illa particula *sola*. An Apuæ sola (vt tu loqueris) aqua victitent, non disputo, cum nec ego contradicere, nec tu probare possis, nemo sanè nostrum id vidit, sed ab illis ad reliquos pisces argumentum deducere haud debebas.

*Ar. in 2. de
Generat.*

eas enim ex maris spuma nasci traditum est,
 quare & sola maritima aqua ali nemo mira-
 bitur, cum scriptum sit à Philosopho, ijsdem
 nos ali, quibus costamus. Chameleonem inse-
 ctis vesci iam ex aliorum experimēto didicimus. Io-
 hannes Landius (inquit Philosophorum Princeps Scal. l. 15. ex-
 Scaliger) in ultima Syria cum esset, ait se vidisse v- oter. exerc.
 num è quunque, quos emerat Chamæleonibus lingua exere 196 pa-
 repentino, momentaneoque iaculatu, muscam, quæ 118. 4.
 in eius esset pectore, legisse. Manucodiatam solo
 aëre victitare tibi persuasum est, ea ni fallor ra-
 tione, quia cum volans nunquam visa sit, tam
 altè agere creditur, ut hominis fugiat visum,
 qua in Regione animalia nulla nota nobis,
 quibus ali queat. ALEX. Vnde hanc meam
 rationem expiscatus es? I. C. Ab optimo,
 Doctissimoque viro Hieronymo Morauio,
 illustrissimi Legati Veneti apud magnæ Bri-
 tanniæ Regem Saccellano familiari, imò
 & confessorio meo per id tempus, quo Lon-
 dini comoratus sum: ille quidem in mutua
 disceptatione mihi retulit in ea te esse opi-
 nione, cui & ille subscribebat, ego verò non
 item, nam in nocte forsitan ima petit, in die
 alta ob timorem. Præterea, ad quem usum Ma-
 nucodiatæ, & Chamæleonis datum est à Na-
 tura rostrum, si solo vescuntur aëre? satius fuisset,
 ut sine osseo mucrone os in summo vertice
 haberent. Quadrupes indicus, quem tu alio-
 rum more Canem lævem nominasti, non aëre,
 sed rore vescitur, ros autem alit, nam tenuis
 cum sit humor subit, quare dum attrahitur à

Sole percoquitur, atque ita aliquid sibi comparat non modo ad alimentum, sed etiam ad generationem, quamobrem animalia quoque ex eo progignuntur: Sol calefaciendo agit, ut sit quasi forma humor, qui sola erat materia, Solis namque calor & animat, & animas sua conseruat similitudine, clarius hæc innotescunt ex roris definitione à nobis alibi tradita. Ros est pars humidi tenuior à Sole sublata, neque dum in aërem immutata, quam iccirco nocturnum gelu circumuentam cogit in guttas. Sed omittamus hæc, dic sodes, falsa, an dulci aqua nutriuntur pisces. ALEX. Dulci, quæ in falsa continetur, quam ob causam pisces dulces sunt. falsedinem verò à maris aqua exprimi posse iam est à te supra ratione, & experimento comprobatum. I. C. Ego verò sentio ali pisces maritimæ aquæ dulci, falsaque portione, sanè in sulphureis aqueis, vbi nulla inest dulcedo, apud Budam celebrem Pannoniæ urbem pisces alii, Cardanus testatum reliquit. ALEX. At maris aqua sicca admodum est, à vi tamen desiccandi tollitur alimentum; I. C. Nego, spina Ægyptia in sabulo & excocto & falso nascitur & alitur, aliæque plantæ, quas superiori libro recitauimus. Capitones, labeones, & mugiles aluntur limo è quo in stagnis marinis, atque in æstuarijs paululum aliquando cum ego curiosus gustassem, adeo falsum comperi, ut mihi fauces vri viderentur. ALEX. At Hipp. salitas carnes ad alendum parum idoneas censuit, quia sale consumitur humidum,

*Card. l. x. de
subi. cap. de a
nimal. perfect
fol. 381.*

quo nutrimur. C. I. Aliter censuit Cardanus, nam salis pinguedo non parum ad nutritionem confert. ALEX. Siue salsa, siue dulci aqua pisces alantur, mea parum refert: sanè vtraque opinio meam fouet sententiam, sola aqua nutrirī pisces. I. C. Cur addis, *sola*, profecto etiam herbis quæ in maris fundo sunt, nutriuntur, & arena quoque, quia Auratam Tarentinum dissectum lucidissimis arenæ grumulis, differentum vidimus: mortuorum quoque cadauerum, maximè piscium piscibus alimētum sunt, cum enim pisces mortui fluitent, nullaque eorum cadauera inueniātur, ab alijs deuorari verisimile est, esu mutuo victitare lucios, à nobis deprehensum est, qui minusclos in maiorum vêtre anno elapso Lugduni vidimus ALEX. Experimenta hæc si vera sunt, tuam comprobāt opinionem, mea verò obratio cinationi adstipulatur id quod vidisse se Rōdellētius testatur, pisces videlicet in pixide per tres annos, seruatōs incolumes solius aquæ alimentum percipientes. I. C. Quis scit, an pueruli miseratione commoti panis micas, vel quid aliud edulij inscio Domino iniiciebāt? ALEX. Subterfugium hoc tuo nō est dignū ingenio. I. C. Dicam sic. An quotidie (vt ille refert) noua cū apponere tur aqua, ex pingui eius portione victū sibi quærebant, præsertim si salsa erat, hæc enim pinguior. ALEX. Quid si dulcis fuerit? I. C. Eius terreo enutriti sunt, aqua enim pura non datur, quare ex eius limo, cænoque cibum sumpsisse censeo, sanè tinchæ in luto pinguescūt. An fortassis in ligneo vase inclusi erant pisces?

ALEX. Quid inde? I. C. Lignum in aqua putrescit, cuius putrefactionem vermiculorum generationem subsequi quotidiano constat experimento, vermes igitur piscibus erant pabulum. ALEX. Quid si in vitrea pixide seruabatur? I. C. Forsitan crassos humores, & flegmata ibi euomebant, aptissimam sanè ad vermiù effectiorem materiam, quæ Soli exposita, formam ab eo sibi comparauit, atque ita vermes prodire, quos pisces illi depascebantur. an dicemus vitreum vas esse porosum, quare miser illi captiui attrahere poterant pingue terræ humidum circumstās: profecto ostreae ipsae faxis hærentes, vbi maritimus humor, quo illae alebantur, abierit, vesci creditæ sunt pingui aëre ambiente, quem captant hiātes. An quod verisimilius est complures pransi, & cœnati ad eos inuisendos accedebant, quare horum anhelitus per vasis poros ad pisces transmissi alimenti materiam subministrabant, quemadmodum & circumstantium eduliorum odores idem efficere potuerunt? Democritus quidem solius panis recentis odore per tres insuper dies vixisse fertur. ALEX. Quæ subtilior, quæ nam doctior excogitari responsio poterat. profecto si Athenienses scholæ differentem te semel audiuisent, à suis Dictatoribus in te illā trāstulissent gloriam. I. C. More tuo es in amicis dilaudandis immodicus. ALEX. Virtutis honos sit necesse est. Sed hæc de Piscibus dicta sufficiant, Nunc in gratiam auicularum, quas in prandio esitauimus, de ipsarum generatione

instuatur qæstio. I. C. Ipsæ vero carnes nunc
in nostro corpore corrumpuntur.

DIALOG. XXXIV.

De Avium Generatione.

ALEX.

Quot modis aves congenerantur?
I. C. Quatuor. ALEX. Quis nā pri-
mus est? I. C. Ex ouis. AL. Quibus
ex oui partibus? I. C. Hippocra-
tes Medicorum Præceptor exi-
mius censuit ex oui luteo fieri pullum, ab al-
bumine vero cibum sumere. è contra Peripa-
teticotum Princeps existimavit, ex albo nasci,
& luteo nutrirî, cui opinioni aliquando faue-
bam. ALEX. At quibus persuasus rationibus?
I. C. Quia pullum perfectum vidi absque vl-
lis albi reliquijs totum à vitello circumstante
obsessum. Insuper Anatis indicæ ouum ad Sô-
lem inspiciens, in summo fastigio eandem
deprehendi nigredinem, quæ in earum rostris
est. ALEX. Habes nē nunc aliquid, quod Aristoteli
objicias? I. C. Maximè, nam in libris de
animalium generatione scripsit hæc verba:
*Ubi ouorum vitella membranis distinguuntur, duo
inde pulli, ubi vero duo vitella non dissepiuntur, sed
unum sunt continuum, nascuntur monstra corpore
unico & uno capite, cruribus & alis quaternis.*

Aves ex ouis
1

ALEX. Experimento id verum esse nobis comprobatum est. I. C. Esto. Ego tamen sic Aristoteli obijcio, si albumen ynum, vitella gemina gemellos pullos edunt, ex vitello igitur oritur pullus non ex albumine; at si ex albumine pullus fit, quomodo ex vno albumine fiunt pulli gemini? Præterea si fit pullus ex albumine, nobilius igitur albumen erit quàm vitellum, si vitellum cibus tantum est, quare igitur vitellum in loco nobiliori collocatum est, in medio scilicet, albumen vero pro stipatore, aut munimento habetur. Rectè confutas, sed Cardani nostri sententia quæ fuit? I. C. Ex vitello nasci alas & crura, & albumine reliquum corpus.

ALEX. Libentius ego vulgo assentirer, à vitello pennas fieri, verisimile namque est ex terrestriori eius parte illas concreari, & ex tenuiore cibum suppeditari, vel potius Galeni placitis adhærendo, ex luteo carnes, ex candido ossa & nervos. Sanè Galenus profitetur ex menstruo sanguine confici nostras carnes, ex semine ossa, nervos, venas &c. sed quo rationis stabilitamento suam Cardanus tuetur opinionem?

I. C. Quia pulli, inquit, Qui ex ovo, cuius lutea duo sunt, absque sepiente membrana, capite vno, sed quatuor alis, & totidem pedibus nascuntur, arbitraturque prodigium esse, quale olim Mediolani contingit.

ALEX. At quomodo ipse nouit gemina ibi fuisse vitella & membranas abfuisse? I. C. Ego verò sic à Cardano quærerè, quomodo duo sunt vitella, si nullo septo herciscuntur? ALEX. Tuâ igitur tunc sententiam nobis proferas. I. C.

Card. l. 12.
de subr. c. de
hom. nat. fol.
660.

Ea est, ex galli semine, quod in ouo est pullum generari, quandoquidem ex ijs duntaxat ouis pulli generantur, quæ gallinacei semen continet, nec adeo debile illud est, vt vitelli & albuminis ope indigeat ad pullum efformandū.

ALEX. Sunt qui dicant ex oui putredine generari pullum. I. C. Mentiuntur, fracto namque putamine corruptum nihil intus inuenitur, sed perfectum, corruptum intelligo sicut in putrefactione.

ALEX. Est ne alius auium procreandi modus? I. C. Maximè.

Apud Belgas sunt Corniculæ, quas monedulas vocant petræas, quod in excavatis petris, non in arboribus nidulentur, vulgo *Stencame*, hæ non, cæterarum alitum more in dorsum insilientes, cōpresso-

que fæmellæ corpore Venerem perficiunt, sed cōniuentibus, fixisque oculis se obtuētur at-
que ita fæmina ex maris oculis lachrymas, ac
rosidas guttas cōtinuo obtutu elicit, quas ab-

forbet, & sic concipit. ALEX. Mira narras, &

non credenda. I. C. Parum abest à vero suspi-

cio. ALEX. Audesne fabellam hanc veritati cō-

stituire asseclam? I. C. Placido animo rationes

excipias: seminis materiam è cerebro suppedi-

tari apud non ignobiles Philosophos receptū

est: sanè qui aliquam in cerebro offensionem

accepit, infæcundus redditur, hinc fit vt ijs ve-

nis, & arterijs, quæ pone aures sunt relectis, aut

exhultis fœcunditas adimatur, vt de Schytis

Hipp. prodidit, forma seminis quæ illud efficit

ad generationem idoneum, spiritus est per to-

tum corpus diffusus: quapropter spumescens

femen, eo quòd sit spiritib⁹ plenum, efficax ad sobolem dixere sapientes, fieri ergo potest, vt in illarum auium cerebro seminis existens materia, ibidem ab euocatis eò ab imaginatiua facultate, cui omnes inferiores potentia exancillatur, spiritibus fuerit (vt ita loquar) animatum & eorundem concursu, & agitatione colliquefactum, & propterea ad oculos, qui cerebro sunt affines defluxit, atque inde fæmella auide eliciens, concepit. ALEX. Acutissima quidem, sed à veritate alienissima obraciocinatio, necesse enim est ad hoc vt semen fæcundum sit vt in testibus aliquandiu commoretur. I. C. Fæcundum profundunt semen serpentes, & pisces, quibus tamen sunt à natura denegati testes. ALEX. Castrati verò nō generant. I. C. Hoc ideo euenit, quia exectis testiculis vasa seminis intro se contrahunt, occludunturque viæ, per quas exire semen non potest. ALEX. Testes igitur, quibus inter principes partes primum locum cōcessit Galenus, nulli vsui esse tu arbitraris? I. C. Galenus qui ridiculè cordi testiculos prætulit, poterat eodem suæ philosophiæ periculo anteferre Regem stipatori: testes (inquit Ar.) melioris duntaxat vsus gratia conditi sunt. Illi quidem semini materiam non conferunt, vt pote quæ ex corporis alimento rapta, haustaque est secundum Aristotelis placita: neque formam, licet enim seminis materia vasorum, testiunque vi exquisitè adeò coquatur, vt crassior, albiorque euadat, nequaquam tamē semen inde absolutam

Ar. I. de Gen.
an. c. 4.

solutam fecunditatis naturam consequi potest, nisi magna vbertate vndique spiritus influant: quare titillatio vehemens tunc corpus vniuersum eximia voluptate afficit. ALEX. Nulla igitur est testium efficientia? I. C. Ea sanè est quod materiam seminis concoquunt, ac planè in alteram speciem conuertunt, & sic ei formâ quodammodo tribuere videntur. Quinetiam suo illi calore spiritus, quos ex corpore acceperunt diligenter semini commiscunt & inferunt: hoc idem opus elaborare, & absoluerè poterit anima in cerebro, potest enim eò illa magistra, & opifex, quæ in qualibet parte tota est, spiritus procreationis ministros euocare: sanè animæ imperiomaterialia inseruire Auicennas ostendit. ALEX. Esto, sed quomodo famella ore concipere potest? I. C. Interroga Naturam, ipsa tibi respondebit, eodem modo concipere Galeum, Sepiam, Squillam, locustam, & Polypum pisces. ALEX. Subtiliorem à te expectabam responsionem. I. C. Accipias igitur, fœminam ad generationem actiuè, vt loquuntur, concurrere, locupletissimo constat experimento, semen enim quod nonnisi ad procreationem natura ordinauit, in coitu effundit. Fœmineum verò semen generat (vt dici solet) animal, non modo vbi masculino permiscetur, verum etiam vbi viri calore, atque spiritu fuerit elaboratum: quod manifestum fit eorum animalium exemplo, quæ nullo profuso semine, sui corporis calore, & spiritu ge-

nerant, vt infecta ferè omnia, & piscium complures species: nil mirum igitur si Cornicula proprij seminis vi, quod à maris spiritibus per oculos vibratis fouetur, concipit. Virgilius Poëtarum lux ita scribit.

Georg. 5.

*Scilicet ante omnes furor est insignis equarum,
Continuoque auides ubi subdita flamma medullis,
Verè magni (quia verè calor redit ossibus) illa
Ore omnes versa in Zephyrum stant rupibus alsis,
Exceptamque leues auras, & sæpe sine vllis
Coniugis vento gravidæ, mirabile dicto
Diffugiunt.*

Si equæ concipere valent ad leues Zephyri auras, cur non & Cornicula auis ad maris spiritus, atque afflatus? Si puella nubilis, cui amatio frui negatum est, illum tacitè fouet gremio; illum mente etiam absentem concipit, ita vt ex crebra imaginatione collectis humoribus, qui conceptui inseruiunt, massam quandam informem concipiat, cur Cornicula ob amatis præsentiam vehemētius cōmota spiritibus ab oculis, qui sunt in amore duces, eiaculatis, adiuumentum præstantibus concipere nequibit? ALEX. Qualisne alius est auium ortus? I.C. Ex putredine. ALEX. Quomodo id probas? I.C. Ipsa Natura teste locupletissima. In Oceano Britannico Avis est anatis facie, Aremorici Cranbrans, Britones Bernachiam vocant, hæc à putredine naufragiorum procreatur, pendetque rostro de

illis putridis reliquijs, quoad absoluator, mox perfecta decidit in subiectas aquas, vnde sibi statim victum quærat, idque vidisse se testatur duobus in locis vir Optimus & Sapientissimus Scaliger. ALEX. Vix equidem possum animum inducere, vt istud credam. I. C. Nonne ex naualibus quisquilijs murem generari credis? ALEX. Maximè. I. C. Cur igitur ex iisdem auiculam gigni posse negas? Sanè inter perfecta animalia mus à Philosopho recensetur. At si Sol dat in fimeto animam, vt fiat mus, cur non dabit vt fiat auis? ALEX. Sed concipisne alium modum, quo generentur aues? I. C. Ita, per transmutationem rei alicuius in illas. Francisco Galliarum Regi allata fuit concha cum auicula intus pene perfecta, alarum fastigijs, rostro, pedibus, hærente extremis oris ostraci. Viri docti de retam mirabili responderunt, ostræum ipsum mutatum in auiculam. Consona est responsio hæc Alberti magni placitis, heus puer adfer huc nobis Alberti libellum de Mineralibus, & opportune hic locus adest; Frequentissimè in aquis generantur lapides ex eis, expertum est enim in montibus Pyreneis esse loca quadam, in quibus aquæ pluuiæ conuertuntur in lapides, & retinent figuram lignorum, & aliquando nata planta in aquis, & aquoribus illis ita sunt vicinæ lapidum naturis, vt ad modicum exsiccata in aere lapidum formam assumant, & huius rei signum est lapis, qui dicitur corallus, qui absque dubio ex lignis generatur & plantis, aliquando enim tempore nostro in mari

Scal. de subtil.
ad Cardan.
exerc. 59. paragraph. 2. *¶*
in lib. 1. de
Plant. fol 80.
col. 2. in lit.
D.

Albert. lib. 2.
de Mineralibus
c. 7.

Danico, iuxta Ciuitatem Lubecensem inuentus est magnus arboris ramus, in quo erat nidus, & aues perierant in nido conuersa in lapides, erant autem parum ad rubedinem declinantes, quod aliter esse non potuit, nisi quia procellis vel undis euulsa arbor, tempore quo in ea fuit nidus & aues, in aquam ceciderunt, & postea per virtutem loci, in quo iacebant, in lapidem vniuersa fuere conuersa. Est autem in Gothia fons quidam de quo verisimile traditur, quod omnia quae merguntur in ipsum, in lapidem conuertit, ita ut huius rei fama increbescente ad eum misit Imperator Federicus Chirothecam sigillatam, ut veritatem probaret, quae cum per aliquos dies medietas corij, & medietas sigilli mersa esset in fonte medietates sigilli & corij conuersae sunt in lapidem altera medietate corij manente integra. Refertur & veraciter à fide dignis quod guttae, quae ex impetu casus eiusdem fontis sparguntur super ripam fontis conuertuntur in lapides guttarum eandem habentes quantitatem, cum tamen aqua quae sic fluit non conuertatur in lapidem, sed continuè fluat. Sed legamus in capite vltimo eiusdem libri. Admirabile omnibus videtur quod aliquando lapides inueniuntur habentes intus, & extra animalium effigies. Extra enim habent lineamenta, & quando franguntur inueniuntur in eis intestinorum figura, & huius causam Auicenna eam dicit esse, quod animalia secundum se tota aliquando mutantur in lapides. ALEX. Nihil dictu facilius, sed profecto factu haec impossibilia mihi videntur. I.C. Profecto non mihi, nam si influxu syderum, soli Natura, Caelique am-

bientis qualitate vna planta mutatur in aliam, vt calamentum & sisimbrium in mentam, abscissum in sisimbrium, rapus in brassicam, ocimum in serpillum, petroselini semen in alliaria, cur non & vnum animal in aliud; si vnumquodque animal in cadauer transmutatur, quanto facilius in aliud animal. ALEX. Nulla ibi mihi videtur transmutatio, eiusdem enim substantiæ est os & caro in homine viuento, & in cadauere. I. C. Minimè, vna est in viuento forma qua vnum est. Hoc os Iulij Cæsaris viuentis viuens est, & vera hæc est prædicatio, hoc os est viuens Iulij Cæsaris viuentis, vbi ero cadauer, abierit forma, tunc corpus illud non erit id quod nunc est numero, ergo neque partes eius quæ vnum erant per id, per quod illud vnum erat ens, & tale aliquid ens. Sanè viuens, & non viuens differunt ac distant, at caret cadaueris os ea forma, qua erat viuens, ergo non idem est. Quinimo tibi neganti eandem esse materiam in omnibus, nego nunc eandem esse materiam viuentis hominis & cadaueris. Nam si materia Iulij Cæsaris non est materia Equi, quia sunt sub diuersis formis, multominus erit cadaueris materia eadem numero, quæ fuit viuentis, longè enim magis distant, quam materia Cæsaris & Equi. Hæc enim sub propinquiore sunt genere, quippe sub animali, illa sub remotiori, nempe sub corpore. ALEX. Vt tibi facile est omnia probare, ita mihi difficile credere, ad aliam igitur deuenia-

mus quaestionem. Iul. Cæs. Quænam illa est?

DIALOG. XXXVI.

De Apum Generatione.

ALEX.



Apenumero dubitavi de Apum generatione, ignorans unde generentur? I. C. Quid super hac re Mantuanus Homerus censuerit, iam tibi notum est. ALEX. Ita quidem, sed versibus ille ludit, non contendit rationibus. I. C. Hic est mos Poetarum. Sed Cardanus Philosophus subtilissimus è melle Apes progigni credidit. ALEX. Profectò non ex melle, quatenus mel est fieri potest generatio, esset enim semen Apis, quod dictu ridiculum est, quare, ut arbitror, de melle putrefacto Cardanus loquitur, atque ita eius adhæreo sententiæ. I. C. Vtrumque iudicium tuo est indignum ingenio, sic enim ille loquitur, *ex mellis præcipua substantia, qua tenuissima est & sicca ac calida gignuntur apes*; Atque ego sic infero, si è mellis parte optima, non igitur ex putrefacta, neque ex melle putrefacto Apes congignuntur, non enim mel putrefit, sed prohibet putrefactionem, ut ipse Cardanus alibi scribit, *Arborum surculi in melle sepulti*

Card. l. 9. de
subst. c. de
animal. fol.
303. tit. 7. de
ver. var. l. 28.
fol. 219.

seruantur, quia mellis humidum tenue est dulce ac temperatum, non pingue, non putredini obnoxium;

Quæ sententia etsi vera sit, ratio tamen est falsa, pinguia enim rancida fiunt, non putrida; Sanè oleum, lachrimæ & gummi quæ pinguia sunt, nō solum non putrescunt, sed etiam summa fide deposita seruant: nec è pinguium genere ego mel eximam, quemadmodum nec ipse Cardanus in secunda editione à pinguium societate illud abdicauit. ALEX. At si non ex melle generantur Apes, vnde igitur illarum ortum deducis? I. C. Ex coitu, quis enim obseruauit intus, esse Apes coitus expertes? ALEX. At quomodo hanc Cardani rationem subterfugies? I. C. Quænam illa est? AL.

Formauit natura apes ad ceram, & mel efficiendum; itaque & sollicitæ semper esse debebant ad volandum, flores colligendum, cito redeundum, celeriterque opus perficiendum, quare non oua incubare poterant, absque naturæ finis dispendio. I. C. Hoc verò postremum nego, nam & eas cum ouis volare posse suadet bestiolæ exiguitas, ouorum enim proportio corpori respondebit. Quid mirum nonne volat perpetuò hirundo cum suis ouis inchoatis? Addam ex Aristotele, insectorum oua momento edi atque perfici.

ALEX. Ego *Arist in 1. de Gener.* pudoris ergo venerem apibus adimerem. I. C.


Non recuso, non enim coeuntes deprehendi vnquam, attamen appetitum propagationis non abstulerim. AL. Grata mihi foret sententia hæc, si ratione aliqua confirmares. I. C. In

Erichrinis sexus altera pars sola est, quæ sine mare in sese oua concipiat: in quibusdam neutra, vt in Anguillis, & purpuris, è quatum saluâ, non coitu purpurillæ suboriuntur, ita apes genitale quiddam in cellulis ponere par est, è quo apiculæ progignantur: ex rore & Sole vermiculi generantur in folijs, Papiliones, Aranei, Cinædi, Limaces, Erucae in brassicis, lactucis, vitibus, &c. nec ex putrefactione, nam neque fabas esse putridas, cum in ipsis bestiolæ gignuntur, certum est, quanto commodius lectus ros ille, atque fetus calore parentis genitalis, tanquam ab Architecto in schadonem animabitur?

DIALOG. XXXVII.

De Prima hominis generatione.

ALEX.

 Ed missas faciamus Apes, & dic sodes quomodo primus homo formatus sit? I. C. Diodorus Siculus prodidit primum hominem fortuito è limo terræ genitum. ALEX. At si ita est, cur post orbis primordia, quæ à quingentis mille annis Atheus ille deducit, ex huiusmodi procreatione nullus extitit genitus? I. C. Non desunt & alij qui hanc fabellam pro vera historia crediderunt: siderum

enim conuentu asserunt fieri aliquando posse formas quæ in materia ita imponantur, vt homines ad hunc modum nasci queat. A L. Quibus Cœlorum circumactionibus id hætenus fieri compertum est? Aliquādo sanè extitisset: forsitan si cum mendacibus Græculis Deucalionis & Pirrhæ saxa admittamus? I. C. Hieronimus tamen Cardanus huic videtur adhærere sententiæ, nam in hæc verba prorumpit. *Nec solum tam minuta, sed & maiora animalia e putredine, imo omnia credendum est originem ducere, cum iam de miribus constat, & pisces in aquis recentibus sponte generentur.* A LEX. Egregium sane Cardani argumentum, mus e putredine potest nasci, ergo & homo potest. I. C. At subdit ille. Namque cum putredo præcesserit pingue separatur à cinere, calorque confestim animam infundit illi materiæ aptam. A LEX. Non deest vbiq; magna putredinis moles, cur igitur nunquam ex putri ortus est bos, vel equus? I. C. Imò ipse quem dixi Diodorus ait, vbi aliqua in parte Nili fluuij lectulus aquis destitutus forte fuerit, ex limosâ illâ materiâ Soli exposita vastissimos prodire animantes. A LEX. Non ego huic mendacio subscriberem. I. C. Alij somniarunt ex Simiarum, porcorum & ranarum putredine genitum primum hominem, ijs enim est in carne, moribusque persimilis. Quidam vero mitiores Athæi, solos Æthiopes ex simiarum genere & semine prodijisse attestantur, quia & color idem in vtrisque conspicitur. A LEX. Mi-

ror profecto cur ex ipsa hominis rectitudine non agnoscant præexcellentiorem in homine quàm in brutis originem. I. C. Imo primæuos homines curuos quemadmodum quadrupedes ambulasse Athæi vociferantur, nam & cū consenescent fieri vt veluti quadrupedes incedant, industria igitur factum esse asserunt vt pueruli compressis brachijs colligētur. ALEX.

Percuperem huius rei experimentum videre, an puer recens natus inter nemora educatus quadrupes euaderet: sed missa hæc faciamus Athæorum deliria & fides sit penes præscripta religionis. Sed cur factus est homo. I. C. Sic olim concionando hanc quæstionem resolui, vt nempe aliquid esset quod intercessione sua summis ima coaptaret. ALEX. Id autem quomodo fit? I. C. Materia prima secundum Auerroistas sola potentia, actus purus solus Deus, prope Deum substantiæ immateriales, prope materiam forma corporeitatis, inter hæc animæ brutæ duæ, vegetans & sentiens, & super has potior intellectus, minor Intelligentijs, Etenim in materia existens immaterialis, sed à materia separabilis separatus per essentiam, non separatus propter informationem. ALEX. Acutè ratiocinatis. At ego credebam creatum hominem vt reliquis imperaret animantibus. I. C. Audesne dicere hominem Basilisco imperare? ALEX. Quinimo interficiet homo Basiliscum, nedum illi imperabit. I. C. Et hominem Basiliscus, par igitur imperium. Verum enimvero ibi esse imperium ar-

bitrantur sapientes, vbi seruitus, aut obedientia. At quis hominum vel Basiliscis, vel Apibus, vel hirundinibus vel Balenis, vel Aquilis constituit rempublicam? Profecto si feras capithomo, sapius capitur ab ipsis. Crocodillus è Nilo sola cauda venatur bibentes, nexibusque implicitos ad se trahit: item flagellis Polipus vrinatores. Denique si interficit homo, interficitur quoque, si vorat, voratur. ALEX. Hæc autem animalium in homines rebellio post peccatum euenit. At cum in illis beatissimis innocentia Elysijs parentes nostri felicem degebant vitam, omnia illis obediebant animalia, ô auream ætatem? I.C. Ne ingemiscas, nam & post peccatum ouicula parent homini & ante peccatum serpens præd. ALEX. Dictum puto. I.C. Id ipsum ego volebam dicere, felicem Adæ culpam quæ talem ac tantum meruit habere redemptorem, non enim animantibus solum nunc imperamus, sed & Angelos ipsos pro Pædagogis habemus. Sed quæso hæc doctis Sorbonæ senibus relinquamus, & nostra, si placet, in Philosophicis exerceamus ingenia, ALEX. Non recuso,

*Uebulo se
desigebat*

DIALOG. XXXVIII.

De Infantium ex utero Maculis.

ALEX.

CElebrem illam parumper agitemus quaestionem, Cur aliquando nascantur animantes effigie cerasi, mali punici vel alterius fructus aliqua in parte obsignati? I. C. duobus modis id euenit. AL. quis nam primus est. I. C. Si mulier conceptus est aliquid simile animo concipit, quo stratagemate usus est Iacobus, qui passim stratis, obiectisque virgultis quibus cortices ademerat, maximam gregis partem quum se inirent, maculoso tegmine, varioque ac versicolore vellere praestitit, sic picturatas alites, sic equos guttatos perficimus, quare scitissime Plinius ita scripsit, Similitudo in animo, menteque, est reputatio, in qua multa creduntur fortuito polle-
 re, visus, auditus, memoria comprehensa, haustaque sub ipso conceptu imagines, tum subito oborta cuiusque rei cogitatio effingere similitudinem, formasque miscere creditur, hinc alios auorum, alios patrum, plerosque autem cognatorum effigiem ostentare. Ideoque plures in homine, quam in reliquis animalibus differentiae, ac discrimina, quoniam

Plin. l. 7, c. 12.

cogitationū velocitas, animique celeritas, atque ingenij varietas multiformes notas imprimit, quum cæteris animantibus animi ferè sint immobiles, stabilesque, atque in suo cuique genere similes: quò sit vt mulieris imaginatio alienā formam, atque ascititiam effigiē infanti inducat, nullaque in parte gignenti similem, quare inefficax est argumentum quod in designando parente ex similitudinis ratione sumitur, noui mulierem quæ extra legitimum thorum se alteri prostituit, & infantulum enixa est non adulteri, cuius furtiuo vsa fuerat cōcubitu, sed absentis mariti prorsus similem quia dum coniugalem maculabat thorum, de marito sollicita erat, metuens ne illius aduentu fraus detegeretur. ALEX. At quomodo imaginatio tam varias rerum formas potest infanti imprimere? I. C. Semē ad procreādam sobolem est inefficax, nisi à spiritibus per totū corpus diffusis informetur: qui spiritus cum toti sint ad formandum fingendūque fætum conuersi, ideo vehemens fixaque mulieris cogitatio, visæ vel cōcupitæ rei species vehemēter mouet, & versat, & figuram quam assidua imaginatione reuoluit, spiritibus imprimit, qui sic affecti eiusdē cogitatæ rei figurā semini inducūt, semen autē fœtui. AL. Sed quamobrem, mulieres, ne exoptatæ rei notas pueruli faciem cōmaculent, remotiori corporis parti manum admovent, vel faciem manu abstergunt, atque his modis vel contactæ secretiori parti nota infigitur, vel malū prorsus

auertitur. I. C. Illud euenit, quia tota imaginatio ac facultas naturalis eò cōuersa est. Hoc vero fit, quia remouentur spiritus à primæui mandati executione. ALEX. At cur à parentibus podagra, lepra, vel calculo laborantibus nascuntur filij eisdem obnoxij infirmitatibus, cum verisimile sit, nequaquam de morbis tūc temporis sollicitos esse progenitores? I. C. An quia semen è præcipuis corporis partibus defluit, omniumque membrorum in se naturam viresque complectitur, quæ igitur vitia vlli parti inhæserint, semen contrahit, ex semine fœtus: sanè ex Catullo didicimus.

Nature sequitur semina quisque sua:

ALEX. Acutissimè, sed ob quam aliam causam huiusmodi notas infanti induci censes? I. C. Si mulier dum illum gestat in vtero, fixius quid simile intuetur, & auidius expetit. ALEX. Multi quidem sic, aiunt, verum quomodo id fieri possit, nondum à quoquam intellexi. I. C. An appetitus mouet animam, quæ vbi res exoptata deficit, ex omnibus corporis partibus proportionale quid suggerit, id quod vnusquisque nostrum in se manifestè deprehendere potest, quoties enim nonnullos fructus ab aliquo esitari conspiciamus, non modò illorum nobis exoritur appetitio, sed mox salua, quæ in ore abundans per appetitum accitur, eiusdem fructus saporem nobis redolere videtur. Quemadmodum etiam cum lepidissimæ A-

masiæ formam vehementissimo concupimus affectu, confestim suggerente anima plurimum spiritus, penis intenditur: ita cum à prægnante res aliqua summopere expetitur, anima statim ut ei inseruiat, omnes corporis partes quasi promptuarias cellulas inuisit, ut si quid appetitui simile est, ei offerat: mouet autem præcipuè sanguinem, è cuius scatebra, atque irrigatione toto gestationis tēpore fœtus cum alimentum capeſſat, & cibus in aliti substantiam cōuertatur, mirū nō est, si aliqua illius cibi ita dispositi signacula in fœtu remaneant; Quam ob causam infantium notæ ut plurimū rubræ sunt, ut exustionem aliquam in sanguine factam præostendant. Apparet autem & rei concupitæ simulachrum, quia & in sanguine figuram mentiri, vel moliri potius intendit anima. ALEX. Subtilissimè quidem. I. C. Sed addam subtiliora ex Philosophorum Principis deprompta thesauris. Anima, inquit illè, sensitua cum recipiat species omnium sensibilibum est quodammodo sensibilia omnia, quemadmodum intellectiua est omnia intelligibilia, at omne quod est, vel est sensibile vel intelligibile, ergo anima cum utroque polleat sensu scilicet & intellectu, erit omnia. Est enim, inquit Philosophus, sensus in actu, sensibile in actu, & intellectus in actu, intelligibile in actu. ALEX. Secundum esse spirituale, non reale interpretatur Philosophus, nam in secundo de anima asserit, oculum aspicientem colores, dici spiritualiter coloratum non

realiter. I. C. Ita est, sed nihil prohibet, imò necessarium est, speciem ipsam spirituales realiter producere rem cuius est species, ubi agēs est præpotens, & passuum recte dispositum.

ALEX. At quomodo id probas? I. C. Ratione, experimento, & Aristotelis testimonio. ALEX.

Quanam est illa ratio? I. C. Species rerū (quas Idæas Platonici vocarunt) in Deo reperiuntur, in Intelligentijs, & in anima nostra. Idea quæ in diuina mente est absque instrumento vlllo (ignoscite Barbaris vocibus viri elegantissimi) Ideati causa esse censetur, produxit enim deus mundum per solam mundi Idæam, quæ in eius mente erat, hinc Boetius cecinit.

Mundum mente gerens, similique imagine formans.

Idæa rerum inferiorum, quæ est in Intelligentijs, inferiora hæc efficit quidem, sed median-
tibus instrumentis æternis quæ sunt cœlestia corpora, vt dicit Diuinus Auerroes; nullum igitur sequetur absurdum, si idea rerum quæ in mente nostra est, producat aliquando (ubi patiens est bene dispositum) res illas median-
tibus instrumentis corruptilibus quæ sunt spiritus & sanguis. ALEX. Rationem hanc nisi exemplis, & experimento (vt pollicitus es) cōfirmes, non admittam. I. C. Audi, fantasiam quatuor præcipui insequuntur affectus, appetitio, voluptas, dolor & metus. Hi omnes affectus vehementissimi cum sunt, illico corpus immutant, & in eo producunt realiter quod imaginatio dictauit. Appetitio Amasiæ cum
in fantasia

in phantasia fuerit, confestim ardores ciet in toto corpore. Quare ex fistoles, & distoles inæqualitate Anthiocum Stratonices amore captum agnouit Erasistratus. Imaginationem calum efficere non inficiabitur ille amans, cui in somnis amata offertur imago, & semen emittit, phantasia namque, vbi Amasiæ idæa residet, inferioribus potentijs voluntatem suam exequendam delegat. Appetitus nocendi frequenti intuitu fascinat pueros. Gulæ appetitus quid non efficit? Gulones nonnulli epulas quasdam auidè excogitantes, saliuam suam simili quodam sapore inficiunt. De voluptate quid dicam? nonne vehemens vbi fuerit, aliquando necem infert? Mater (inquit Marsilius Ficinus) viso filio à pugna redeunte subito expirauit. Ideo quia matris amantis anima percipiens vnum fieri cum filio amato, ilico spiritus omnes ad illum transmisit, quibus ipsa destituta interiit. Dolor quid possit, nullus ignorat. Sophocles, & Dionysius Siciliæ Tyrannus obiere repente, accepto tragicæ victoriæ nuntio. Tetrum aliquando spectaculum adeo molestum est quibusdam, vt non solum visum, sed & gustum etiam inficiat, & nauseam prouocet. Pueri, nonnunquam & grandiores, cum amaram potionem alicui offerri conspexerint, statim, affectu ab oculis ad gustum transmissio, amaram præsentunt in ore saliuam, quam vehemens mouit imaginatio: ijs etiam nonnunquam huiusmodi cogitatione alius laxatur, & quod in ad-

mirationem me rapit, ex aspectu, & auditu solo dentes quibusdam obstupescunt. Quid de misericordia, quæ dolor quidam est, eloquar? Non ne commiserantis imaginatio, eodem prorsus vulnere lædit suum corpus, quo læsum videt extraneum obiectum. Hoc ipsum quod assero, manifestè declarant qui humani cruoris aspectu illico spiritu deficiente collabuntur. Ego equidem noui virum aliquem non infimæ sortis, nec ignobilis fortunæ, qui cum alterius cubitū vulneratum conspiceret, in proprio suo cubito dolorem præsentijt. Quid verò metus? An non sæpe ex altioribus locis in terram despicientes, præ formidine caligamus & contremiscimus? repentino timore pallemus: verecundiâ affecti rubent, subito, & impræuiso metu cor trepidat, arrectæ stant comæ, vox faucibus hæret, deficitque vita, saltem diutini consequuntur morbi. E contrario metus ipse morbos curat, vt singultum & quartanam. Quotiescunque autem concurrunt simul vehementissimus metus cum vehementissima cupiditate, mirabiles profecto effectus progignuntur, vt videre est apud Herodotum. Cū enim Cræsum Regem quidam ex Persis interficere vellet, Cræsi filius antea mutus, propter ingentem tum mortis paternæ timorem, tum loquendi cupiditatem vehementissimos affectus, linguā illicò soluit, ac magnā exclamans voce, ô vir, inquit, ne interficias Cræsum, sicque vocalis factus est, quem natura mutum prodiderat. Mihi verò

præterita pericula, & timores memoria repē-
tenti, alu^m soluitur, nam à formidabili illa spe-
cie refugiunt spiritus, & sese abdūt in recessus
intimos, atque in vnū collecti, fortiores eua-
dunt, & aluum mōuent. Sunt sanē spiritus ni-
hil aliud quàm calor; calor autē dissoluit &
aperit. Sed quid blattero meis ineptijs? Quid
omnino possit imaginatio subsequens Aui-
cennæ testabitur experimētum. Istud etiam est,
inquit, de mirabilibus animalū, quod gallina quā-
do vincit gallum in pugna, erigit cristam quasi esset
gallus, & aliquando nascitur illi cornu in crure, ut
gallo. Et in hoc percipi potest obedientia natura quæ
præstatur ipsis cogitationibus. Quandoque etiam
moritur gallina, vel dimittit pullos, Gallus fit pius
erga eos, sicuti si gallina esset, non luxuriat illo
tempore, imo se agit molliter, ac si esset gallina. Idem
obseruauit Aristoteles, sic enim scribit. Sed ut

Auic. l. 9. de
anim. x. de
morib. anim.

Ar l. 9. de
Nat. anim.
c. 38.

etiam animalia pro suis effectibus agere, sic pro suis
etiam actionibus affici mutarique solent. Partes e-
tiam corporis nonnullæ sæpenumero ratione agendi
immutantur, ut in auium genere euenit. Gallina
enim cum mares vicerint, cucurriant, & exemplo
marium tentant superuentu coire, crista etiam cau-
daque erigitur, ita ut non facile an mares, an femina
sint liceat cognoscere, nonnunquam etiam calcaria
his nascuntur. Jam verò & mares sunt nonnulli,
qui cum forte femina inderijt, officio feminae fun-
guntur in pullos, ducendo, fouendo, educando, ita
ut ex eo vel cucurriere, vel coire appetant, quin
inde à primo natura ortu ita nonnulli mares effe-
minati proueniunt, ut neque cucurriant, neque per-

coitum agere velint, sed venerem eorum qui tentent
superuenire patiantur. ALEX. Subtilissimè hæc
explicasti non modo ratione & experienciâ,
sed etiam doctissimorum virorum authorita-
tibus confirmasti. I. C. Imo & Aristoteles ali-
bi clariùs hanc tuetur sententiam. *Alterant*

Ar in lib. de
Motu anim.
cap 6.

verò (inquit) *imaginationes & sensus atque consi-*
derationes. Nam sensus, qui alterationes quadam
sunt, à primo insunt, imaginatio & consideratio
eum obtinent rerum, cum species intellecta calidi vel
frigidi suavis aut formidabilis similis quodammodo
rebus sit. Unde fit ut sola consideratione tremor ti-
morque inuadat, quæ omnia affectiones sunt, & al-
terationes, at quæ in corpore alterantur, ea partim
maiora, partim minora sunt. Illud satis constat, vel
modicam in principio transmutationem facere à lon-
ginquo magnas multasque differentias, ut clauo
quamlibet modice transposito magna efficitur prora
translatio. Præterea huiusmodi variatio fit per calo-
rem frigusue, aut ceteras id genus affectiones; fa-
ctam enim alterationem in corde, etiam in particu-
la, cuius magnitudo percipi nequeat sensu, magna
per corpus diuersitas sequitur, ruborum, pallorum,
tremoris, metusque & eorum quæ his opposita sunt.
Principium itaque motus ut dixi, est petendum &
fugiendum in rebus agendis, quorum consideratio-
nem imaginationemque calor & frigus necessario
consequuntur, nam triste fugiendum, suauè peten-
dum est, quanquam hoc admodum latet, cum in par-
uis contingit. At omnium fere tristium suauium-
que frigus quoddam & calor comites sunt. Decla-
rant hoc confidentia, metus libidines, & cetera af-

fectiones corporales, tristes suavesque, quæ partium
 portionem corporis cum calore, & frigore, partim
 solidum corpus obtinent. Memoria vero atque spes,
 talibus velut imaginibus usæ, modo minus, modo
 magis causa ipsorum existunt. Idem Arist. Imag- Sect. 7.
 inationis vires in problematibus latius est
 profecutus. Ex his mirum tibi (ô Alexander)
 non videbitur, quomodo matris imago
 aliquâ possit notâ infantem in utero obigna-
 re. Quod si hæc nostra tibi non arident Car-
 danum habeo præ manibus, qui doctissimè ti-
 bi satisfaciet. Sed Perlegas tu ipse, nam ego
 fere defessus sum. ALEX. Libenter istud mu-
 neris obiero. Cur pueri (inquit) in utero à matre
 desideratarum rerum vestigia in corpore contrahunt?
 vidit hoc Rhodiginus Calius, quem nos audiuimus,
 sed causam non adiecit; hæc autem sic se habet, dum
 fœtus est in utero, pregnantis imaginationi subijci-
 tur, indicio est tales concipi pueros, qualis fuerit ima-
 ginatio parentū hora congressus, quod tamen nos nō
 admittimus, quamvis Jacobi historia de oculis re-
 luctetur: aliquid tamen facere imaginationem non
 negamus, verum animula fatu contenta mouetur
 imagine animæ matris, inditio est quod solis fœtibus
 grandioribus hoc accidat, & quod illusionibus ani-
 mæ mulierum, quæ absolutum infantem utero ge-
 runt, velut in pueris ipsis, qui in vrceis mirabilia vi-
 dere se existimant haud dubie patet, horum omnium
 causa una est, quoniam menti, & imago in
 inationi annexa est, propterea quoniam animus
 corpori in homine dominatur, & in fœtu iam perfe-
 cte similitudo alimenti, iam imaginatione matris

Card in l de
 immort. an.
 c. vi. g. 3. fol.
 244.

Rhodig. Cal.
 l. 10. c. 13.

violenta defertur cum ipso alimento, ac spiritu in
 fœtus corpus, effingitq; rem similem ei, quam imagi-
 natione conceperat, additque plerumque membris
 exterioribus, quoniam quæ format infantem virtus
 inutile existimat, ac extra ordinem membrorum in-
 tus illud retinere; ergo si propellere nequit, abortitur
 infans. Quam ob causam, & cur non semper talia
 fiunt signa, manifestum est: & cur magno desiderio
 rerum jœtus abortiantur, quandoque non satis ex
 his patet, nam in tenui appetentia nihil horum effi-
 citur: in valida autem abortitur, aut vestigium ma-
 net si iam fœtus animum conceperit. Hæc Carda-
 nus, & subtilissimè ille quidem; sed illud abs-
 te scire velim, vnde provenit insatiabilis præ-
 gnantium appetentia? I.C. A vitiosis, frigidis
 que humoribus, atque acida pituita, qua ven-
 triculus imbutus est, quapropter & carbones,
 putamina, & cretam avidè concupiscunt,
 quod malum potissimè inualefcit, quò infanti
 crines erumpere incipiunt, siquidem ob calo-
 ris penuriam humores pituitosi minus coquun-
 tur. ALEX. At cur vbi pregnans inexplebili rei
 alicuius desiderio tenetur, & potiri nequit, fe-
 tum in præsentaneum vitæ discrimen adducit?
 I.C. An quia contracto mœrore mulieris ani-
 mo spiritus vitales imminuuntur, & humores
 fœtui alendo destinati aliò auertuntur, quare
 infans consueto destitutus alimento elangue-
 scit, vel emoritur. ALEX. Ah. I. C. Quid tibi
 venit in mentem? ALEX. Dicam libenter, si tuâ
 mihi polliceris operam. I.C. Ad omnia para-
 tissimum me offendes.

DIALOG. XXXIX.

*De Procreatione Masculi, &
fœminæ.*

A L E X.



Obilissimi quidam cōiuges procreandi sexus virilis ardentissimo flagrant desiderio, nec tamen unquam voti cōpotes fieri potuerunt, quare illorum, quos munificentissimos experieris, nomine, abs tuæ subtilissimæ Philosophiæ decretis fœcunditatis subsidia peto. I. C. Istarum rerum successus à Deo impetrandus est. A. I. Cū ille Optimus Maximus naturæ ordine omnia decurrere sinat, nihil vetat extrema præsidia accersere, ac eorum naturæ imbecillitati adminiculari. Deus non irascitur, si steriles agros, & infructuosas arbores cultura, atque industria fœcundas reddimus, multo minus si muliebrem vuluam, quæ ager dicta est à Platone, & ab Aristotele, antea sterilem fœcunditate instaurabimus. I. C. Ad liberorum procreationem adiumento sunt primum humor genitalis, qui partim à cerebro, totoque corpore, partim ab hepate sanguinis officina diffunditur. Deinde spiritus per arterias à corde promanans, cuius vi penis erigitur, ac rigescit, cuiusque impulsu materia seminis foras erūpit. His accedit cōcubandi, & generandi appetitus, qui vel ima-

ginatione excitatur, vel ex conspectu, ac contactu venustæ puellæ accēditur. Vt semen fecundū efficiatur, cibi laudabilis succi sunt assumendi, quique probè nutriant, corpusq. vegetum reddant, ac succulentum, cuiusmodi sunt calida, & humida. Perficitur enim (inquit Galenus) seminis substantia ex sincera, excocta que sanguinis superfluitate simul & flatuosa: edulia quibus vis inest augendi, cumulādiq; seminis sunt oua gallinacea, phasiani, turdi, perdices, capi, pipiones, passeruli, amygdala, nuclei pini, vina generosa, dulcia, ac meraca: nonnullis rebus efficacia inest incitandæ, mouendæ que tentiginis, necnō partes genitales erigendi, atque spermatis propellēdi: cuius facultatis sunt calida, quorum vi ebullit semen, & bene cōcoquitur, ideò albescit, perfectę elaborationis inditium: acrida, & salita, quorū acrimonia expultrix vis excitatur ad sperma eiaculandum: & flatuosa, nam spirituum concursu sicula intenditur, & semen animatur, quare spumescēs semen, eo quod sit spiritibus refertū, propagationi sobolis idoneū est. Hæc omnia cōmoda præstat Satyrion, Iringiū, Nasturtiū, Erysimū, Pastinaca, Cinara, Napi, Rapæ, Asparagi, cochleæ marinæ, & pleraq; alia quę in hoc apponuntur cōdimento. ℞. Zinziberis, seminis synapi, cepullæ, erucæ, vrticæ, cinamomi an. ʒ. j. piperis lōgi, anisi, gariofil. an. ʒ. j. β. lūbos stincci. ambræ ʒ. j. fiat pulvis, quo formentur cum Zaccharo tabellę; quibus munitus miles strenuē pugnabit, yt enim sclopetæ primū tormētario puluere inferciuntur, ac globis explen-

tur, deinde adiecto efficaci puluisculo ignito funali incenduntur, globumque violento strepitu exturbant, ita in perficienda venere concurrere debet conglobati seminis copia, & flatuosi spiritus vis, qua explodi semen, atque in vteri recessum recondi possit. Præterea ne præfati coniuges speratæ prolis desiderio frustentur, caueant ne concubitus sit frequentior, quàm res exigat, nec quàm expediat, rarior, vtrumque enim sæcunditatæ quæ noxiū, siquidem è seminis immoderata profusione, vires, & spiritus exhauriuntur. Diutius vero quam par est cohibere, euanidum efficit semen, à prandio, & à cena venerem non exerceant, tunc enim euocati sunt ab anima spiritus ad cibi concoctionem, quare non libenter aliò conuertuntur: à coitu etiā vir supersedeat, dum mulier sordida mensium profluiue inquinata est, nequit enim semen in vtero contineri, sed influentis sanguinis copia eluitur, quemadmodum meretriculæ quæ crebrius à viris subagitari patiuntur, non concipiunt, quare Medicorum Dux assererat, eas, quæ humidos habent vteros, non concipere, vt enim in palustri, & vliginoso loco plantarum semina suffocantur, nec faciliè in stirpem emergant, ita ex frigidi humoris redundantia (est enim menstruum excretio redundandis sanguinis, qui ob sexus imbecillitatem nec calore concoqui, nec exercitiò dissipari potest, quare ex lunari concitatione suo tempore illud erumpere necesse fuit) semina stragulantur, adedò vt muliebris vteri vis nullam speciem emoliri

possit, quare scitissimè diuinus Hæbreorum Princeps altioribus tamen de causis, quæ humanum fugiunt captum, inhibuit, ne mulieri tali vligine coninquinatæ congregi vir præsumeret. Nec ad venerem se quisquam accingat antequam menses se proferāt, nequit enim tunc conceptus fieri, quia alimento caret, nec semen adhærescit, nam eo tempore occlusis vasis vulua leuis relinquitur, semē propter laxiorem, ac vitream politiem defluit, nec vniri potest, & coalescere. Tempus ad concipiendū tempestiuum est cum desinunt vel incipiunt menstrua, tunc enim ora aperta sunt, *vasa autem vuluæ* (inquit Galen.) *quæ in partem interiorem penetrant, ex quibus menses profluunt, cum mulier conceptura est, ora aperiunt.* Licet autem reliquo purgationis tempore ora hæc ad aperta sint, nō tamen cōcipere potest mulier, quia ob mēstrui impetū semē ab vtero diffluet necesse est, at desinentibus, vel incipientibus menstruis & ora apta sunt, & menstruum non cōfertim, sed paucum, & sensim effluit, quasi humore quodam rosido insudante, quo irrigatus uterus madescit. Vnde efficitur vt vuluæ semē adhæreat, satisque alimenti è confluentis sanguinis stillicidio consequatur. Insuper vteri qualitas spectanda est, si ob nimiam humiditatem semen tenacius inherescere nequeat (quemadmodum nec in palustris, & vliginosi locis semina persistunt nec in stirpem se proferunt) quæ vuluam minus lubricam, & mucosam efficiunt, adhibenda sunt, vt ramenta eboris, styrax, calamita, cornu cerui-

num, blattæ bizantinæ, semen myrti, galbulæ, nuces cupressi, thus, Mastiche, caryophyllata, pentaphillō, rosæ rubræ &c. horum nonnulla foris admota, quædam intra corpus assumpta, vtero robur conciliant, consumptoque superuacaneo humore, rimosam, hiantemque vuluam constringunt, ac retinendi seminis vim conferunt. Salis vsum in condimentis liberalliter admittant, abstergit enim omnem viginē, vuluamque plus satis vdam, ac madidam exsiccat efficitque, vt genitale semen facilius vtero adhærescat. Aridis autem mulierculis, & quibus vterus torridus est, & terra siticulosa, medicamenta, ac cibi adhibendi, quæ moderatè humectent. **ALEX.** Nec ipse Hippocrates doctius locutus est vnquam. Sed id mihi nunc explices, quæ nam est captanda opportunitas, vt masculus progigni possit? **I.C.** Auicennæ consilium hoc est, vbi menses defluerint, sitque abstersus vterus, quod quinto fetè die vsu venit, aut septimo, si vir mulieri congregiatur à primo quum est purgata die ad quintum, masculus producit. **ALEX.** Quam huius effectus causam adfert? **I.C.** Nullam. **ALEX.** Eius igitur sententiam reijcere non verbor. **I.C.** Siste parumper, meque in Auicennæ fauorem obratiocinantem excipias rogo. **ALEX.** Nil mihi iucundius accidere potest; vix tamen spero te illam opinionem aliqua ratione comprobaturum. **I.C.** Audi, Mas (inquit Ar.) generatur quum virile semen muliebri potentius coalescit. **ALEX.** Scio, sed caloris munus hoc est, atq; beneficiū. **I.C.** Plus caloris

concepit vterus primis à purgatione diebus
 ALEX. Quomodo id probas? I.C. Quia sordidus humor, cuius copia natiui caloris facultates obtundebantur, accuratè iam expurgatus est. Præterea semen in dextrum vteri sinum dirigitur hepatis, dextrique renis vi attractoria, è quibus etiam sanguis calidus in futuri fœtus alimentum ijs diebus deriuatur. ALEX. Cût potius à dextris, quam à sinistris partibus? I.C. Quia hæ aliosæ quum sint, ac frigidæ sanguinisque inopes, statim à purgatis mensibus aliquid conferre nequeunt, quare dexteræ duntaxat partes suas obeunt vires, quarû ratione masculus effingitur. ALEX. Hoc tibi probandû restat. I.C. In quarta parte eius libri quem

Cap. 387

Phyfico-Magicû inscripsimus, latissimè probauimus, summa hæc est: si è sinistro rene semen fluat, & in leuâ vteri partem inclinât, fœmella procreatur, nam ob loci frigiditatem atque humiditatem semen perfectè concoqui nequit, quare imbecille & imperfectum producet animal, quale à Philosopho censetur esse fœmina, quam ob caloris inopiâ genitam asserit: si verò è dextro teste semen promanet, & in dextrum vteri sinum deriuetur, marem efficiet. Est enim dextera pars domiciliû hepatis, quod sanguinis est officina, calor autem in sanguine, semē autem calore elaboratum perficitur, ac proinde perfectum animal nempè masculum proferet. Quapropter si præfati illustriissimi coniuges procreandi maris sunt auidi, hanc sibi præscribi legem patiantur, vt vir


dum coit, sinistrū testē obligatū retineat. mulier autē completo opere in dextrum latus deuoluatur, & in somnū resoluatur, hac enim ratione intro euocatur spiritus & semen maiori nixu elaborabūt: maneat autem capite decliui ac subsidente corpore, ne ab vtero fluat semen ad quod profluuium euitandum consulerem mulieri, vt si dum Veneri perficiendæ insistit, à validis concussionibus abstinere recusat, peracto saltem ludibrio, clementer & placide in dextrum sinum se deuoluat. ALEX. Perdoctè, sed quam anni partem censes ad masculi conceptum elaboratiorem? I. C. Æstatem aliqui putant, propterea quod semen, ac sanguis menstruus ex ambientis aëris qualitate plus caloris concipiant: aliter ego censeo, nam æstiuo tēpore magna fit spirituum, quæ seminis forma sunt, amissio, calor cutem laxat, quare spiritibus patet egressus ad cognatum externum calorem à quo euocantur, quare nec seminis materia perfectè elaboratur, perfectissime autem in hyeme, quo tēpore calidior est uterus, nam calor intus coercetur ob frigidum metum; ne autem ambientis aëris frigiditas seminis spiritus depopuletur, prope focum, vel calido in lecto colluctentur, non quasi pensum concubitus, seu debitum, vt Summistæ vocant, languidè, & oscitanter persoluentes, sed quasi singulare certamen expetentes (sanè dimicant tunc pro æternitate) in Venerem ardentius incalescant, vt cumularè, affatimque conferant spiritus, sic enim semen

perfecti⁹ elaboratur. Demū Progenitores vehementi maris imaginatione concepta inter amplexus, & suauia, id auide appetere debēt: mulier cogitationes, & oculos in viri vultum dirigat, vir in mulierem galero tamen ornata, vel absentem iuuenem imagnetur, vel absentis simulachrum conspiciat, si nec præsentem intueri, nec se coheuntem in speculū inspicere velit, quotidiano nāque experimento comprobātū est, si quid cōiuges animo cōcipiant, aut in obuia quæque incōniunter desigant oculos, mentiq; imprimant, conceptis, aut conspectis ideis simile quiddam emoliri, quare illorum effigies in fœtu solent elucere.

DIALOG. XL.

De Monstruosis Partibus.

ALEX.

 Vt Natura, quæ Dei facultas, imò Deus ipse cum sit, perfectissime emoliri cuncta deberet, prodigiosos tamen partus, monstruososque fœtus efformat? I. C. Ideo Aristoteles monstrum definiuit quod præter Naturæ sit ordinem. ALEX. At quid præter, & contra naturam dici potest, quando, motus, & quietis, quibus omnia perficiuntur, ipsa Natura principium est? I. C. Vt artifex quamlibet industrius opus feliciter inchoatum perficere nequit, vbi materia improba est, sic natura

Ar. in 4. de
Gener anim.

A. 2. Ph.

materia nacta inidoneam, omnia vitiose agit;
 ALEX. Quasi vero Natura sit alia, quæ formam
 suppeditet, alia quæ materiam sibi deposcat,
 tanquam Æneas ab armigero Achate, cum
 hostium vi oppressus dicit, *suggere tela mihi*: at
 enimvero existimandum est, materiam faci-
 lius, ac parabilius præsto esse, quàm imponi
 formam, operosior enim hæc. I. C. Ob enor-
 mia scelera, inquit Cardanus, Cœli anima adi-
 rata est, quare parcè, & illiberaliter vim suam
 inferiori Naturæ elargitur, tanti numinis igi-
 tur afflatu destituta periclitatur. ALEX. *Tantæ
 ne animis Cælestibus ira?* Etiam Philosophi pas-
 sionibus Deum obnoxium credunt? I. C. An
 monstrosos partus (inquit Pōponatius) natu-
 ra effingit, vt futuros magnarū rerum euentus
 hominibus præostendat? monstra sanè dicun-
 tur (ait Augustinus) quia aliquid significando
 demonstrant. ALEX. Suum scilicet fortuitum
 exitum Alexander Aphrodiseus interpetra-
 tur. I. C. Fortuitos non dixerim effectus, quo-
 rum causæ mihi innotescunt. ALEX. Quænam
 igitur sunt monstrorum causæ? I. C. Quemad-
 modum nonnulli famelici nidore culinæ satu-
 rātur, atque alimentorū penuria odoribus re-
 ficiūtur, ita lasciuæ salacesque puellæ, quæ ad-
 modū pruriunt, imaginaria Venere citra virilē
 operam, aliquando concipiunt. ALEX. Quo-
 modo id fit, & quid ad rem? I. C. Ex crebro vi-
 rorum contuitu, contactuque mulier semen
 emittit, quod vbi cum menstruis cōglobatur,
 & coalescit vteri facultate, insitoque calore

Card. l. 8. de
 rer. var. cap.
 63. vixit fi-
 nem.

Pōpon l. 1. de
 fauo. cap. 6.

Aug l. 21. de
 Civ. Dei cap.
 8.

Al. in l. de fa-
 10.

Ar. in 1. po-
 test.

adiutum, rudimentum aliquod animantis meditatur. Verum quia virile semen, quod opificis rationem obtinere Philosophi censent, abest, materia, quam mulier suppeditat, alienâ, absurdamque formam adsciscit. Nonnunquam tale quiddam mutua coniugum opera conficitur. ALEX. Quando id euenit? I. C. Cum vir mulierem subigit eo tempore, quo menses defluunt, nam si (quod raro accidit) concurrere tunc semina contingat, monstruosam formam embrioni induunt. ALEX. Quam ob causam? I. C. Quemadmodum in cadis vinaris immisso embolo profluentem liquorem cohibemus, ita viri pessulo in vuluam obducto, sistitur sanguinis fluxus, cuius vligini viri semen commixtum, sordidis conspurcatur inquinamentis, quare, inconcinnam formam, indecentemque figuram materia assequitur. ALEX. Verissimum id est. I. C. Quandoque etiam sapiens fœlices coitus dies obseruat, & primordia vitæ auspicata semen habet: verum ob vteri leuorem, ac lubricitatem præmaturè delabi contingit, sic ut informe quidem profluat, ac rudimentum futuri fœtus. ALEX. Sed quid dices ad hoc? nuper ouicula prodiit capite vituli marini. I. C. E Iacobæis ouibus responsionem desumam, forsitam tempore concubitus Phocam conspexit? tam efficax sanè imiginandi vis est, ut si coeuntes oculos, & cogitationes in rem quampiam defigant, ea vis quæ formationi fœtus insistit, euocatis vndique humoribus, qui ei exancillantur, conspecta membra


bra corpori affigat: noui matronam, quæ ex leporis obtutu, infantem edidit labello supremo bifido, ac bifurcatim dissecto. ALEX. At cur aliqui nascuntur geminis membris, quæ redundant, ac superuacanea sunt. I. C. Illorum matres in conceptu, vel gestationis decursu dupla rerum simulachra in animo conceperunt, vel eorum oculis se obtulerunt ex suffusis crassis vaporibus, vel cum distractis diuulsisque spiritibus, qui in pupillæ punctum dirigi debebant, cernendi aciem diffin-di, ac dissecari contigit, quare geminatam illam speciem vna cum humorum confluuiio, qui in eas partes circa quas imaginum conceptus versatur, decumbunt, ad fortum deuol-uentes, eius etiam partibus affabrè elaboratis tanquam secundariam operam, vel operi appendices affixerunt: si mulier imaginatæ alterius speciei mēbra emoliri valet, vt à te conspectæ ouiculæ belluæ marinæ caput habentis exemplum testatur, cur non eiusdem duplicatas particulas? ALEX. Sed cur nonnulli producuntur auimantes, imminutis inutilibus, trufcis, decurtatisque membris? I. C. An non satis vberem feminis materiam natura nacta est? an id euenit ex defectu humorum, atque alimenti, fomentiquē penuria? an naturales facultates in elaborandis articulis sunt inualidæ, suisque viribus minus instructæ? An his omnibus dotibus, ac facultatibus affatim natura insignita erat, vterum tamen consecuta est angustum, splenem induratum, ac

callosum, coxendices eminentes, atque introrsus retortas, aliaque obstacula quæ infantem adolescere, atque omnibus suis numeris absolui prohibent. Profecto teneræ corporis partes ob tantas difficultates, & obices dilatare se, oblatoque alimento perfrui nequeunt, sed cohibentur quominus in venustam corporis formam decentesque articulos excrescant. Nam quemadmodum arboris in saxoso solo confixæ radices, vndique diffundere se nō possunt, sed obstaculo impeditæ retorquentur, atque incurvescunt, repulsæque resiliunt, sic in animantis corpore cū fœtus effingitur, vel vasculi angustia, vel alimenti inopia, aut calli cuiusdam obiectum obstat, quominus membra articulatim, distincteque efformari queant. ALEX. De monstrorum causis apud Aristotelem, & Albertum nonnulla perlegeram, veruntamen quicquiliæ sunt, si cum tuis conferantur subtilitatibus, sed alium mihi ex animo scrupulum euellas, rogo, qui me dies, noctesque stimulat, ac pungit. I.C. Quid est?

DIALOG. XLI.

*De Infantium facie laruato tegmine
obducta.*

ALEX.

 Onestissimæ mulieres sunt, quæ
tanquam ex tripode pronuntiât,
optimi cum ominis præfagio me
in lucem prodijisse. I. C. Quæ-
nam fuerunt auspicata tuæ vitæ
primordia? ALEX. Tenui, mollique membra-
na facies mea tanquam larua, aut personato
tegmine obducta ad primum lucis intuitum
se spectandam exhibuit. I. C. Quid inde? AL.
Magna me dexteritate, ac successu omnia ef-
fecturum vaticinantur. I. C. Delirantium ani-
cularum fabella hæc est. ALEX. Imò apud Il-
lustrissimam Heroïnâ Isabellam Lopez de
Noguera matruam tuam, vnicum pulchritu-
dinis speculum, & honestatis exemplar, nec
non apud magnæ existimationis, primique
nominis Philosophos persuasio hæc inole-
uit. I. C. Non autoritatibus, vt legulei so-
lent, sed rationibus Philosophi certant.
ALEX. At quæ nam ratio adduci potest, cur
ego capite galea obducto prodierim? I. C.
Prouida mater Natura, ne attritu infans ali-

quid incommodi pateretur, gestationis praesidia excogitavit: quare tria molita est involucra, quibus in materni uteri lateris foetus obtegatur: exterius unum, quod à partu statim quia prodit, secundae dicitur: subsunt huic duae aliae membranae, quarum prior à figura farciminis Allantoides appellatur, ex foemineo semine generata, quae capiti, clunibus, ac pedibus obtenditur, partibusque eminentibus incumbit, cuius est infantuli formati urinam excipere: postrema à molitiae agnina nuncupata, tenuissima est pellicula, quae foetum orbiculatim ambit, & complectitur, ab eoque maturescente emanantes sudores, vaporesque absorbet. His in lateribus infans delitescit, donec per umbilicum illi alimentum suppetit, & calor cordis absque externa respiratione subsistere potest: at grandior factus, alimenti, lucisque avidus, quibus obductus erat velamina dirumpit, & ob adstricta uteri vestibula (ob Euae lapsum Christiani inquirunt, quod Ethnici Philosophi percipere non potuerunt, cum & bruta peccati expertia, eandem pari miseriam aduerterint) acerrimo parturientis cruciatu in vitam producit. ALEX. Acutissima enarratio, sed quid ad propositam quaestionem? I.C. Cum infans magno molimine ex huiusmodi angustiis eluctetur, ipsaque mulier stricti sit oris, atque angustè constituta, postremae illae membranae haerent in mediis spatiis, illasque exuvias abstergeri contingit, non ali-

ter quàm extimam cutem atterimus, vbi per angustam rimam elabimur. Aliquando (vt genitrici tuæ accidisse argumentor) panduntur mulieris portæ, partesque genitales laxæ sunt, atque tunc integumenta illa cum infante profiliunt. A lex. At cur alia alijs coloribus conspici solent? mihi quidem rubicundum fuit gestamen, atque ideo multa bona auspicabantur : infesta prænuntiant quibus nigræcantis coloris galea capiti affixa est. I. C. Ad circumfufos qui vtero innatant humores id referendum est. Ex eis enim coloris varietatem sibi adfciscunt : cum sordida illuue, ac vitiosa vligine vulua imbuta est, quæ cum vtriusque semine coalescit, fusco colore membrana existit, quemadmodum & infantis cutis fuliginoso vndique colore suffusa est. Si verò sanguis, semenque sincerum sit, ac defæcatum, rubescit tegmen, floridusque color infantulo subest : idem accidit si vir mulierem subigit antequam menses defluerint, nam humentibus adhuc vdisque locis tanto rubore semen suffunditur, quare infantes gignuntur, genis, buccisque rubentibus, & ei adhærentes pelliculæ roseum colorem nanciscuntur : quod & vsu euenit cum gravidæ vel pudore afficiuntur, vel subiraſci solent, agitato à calore nativo, raptoque in sublime sanguine; è contra quibus metus incutitur, aut inopinato expauescunt, illæ vultum tetricum, ac subtristem affingunt

fœtui, pallidoque colore membranas tingunt.

DIALOG. XLII.

De Hominis Augmento.

ALEX.



Am satis multa de hominis generatione differuimus, de augmento nunc pauca. I. C. Vbi accretionē natura molitur, diminutionem tu meditaris. ALEX. Cur receptum est ab omnibus, post trigeli-

num annum non fieri humano corpori incrementum? est-ne auctrix vis in nobis corrupta? I. C. Minimè, est enim incorruptibilis substantiæ facultas. AL. An otiosa potentia illa est, quia materia deest, vel cum transmutante potestate proportionem non habet? I. C. Nequaquam, enutrimur enim quotidie. ALEX. An desistit auctricis opera, quia finis abest, qui ipsam moueat? finis autem est expletio mensuræ certæ, completa igitur mensura, nihil perficiendum remanet. I. C. Si verum hoc esset, in adulto corpore ablatum os restitueret, maximè cum e cibis materia suppeditetur. Ad hoc cur immortalis (vt credimus) animæ auctrix facultas finem

sibi proposuit angustissimis coarctatum cancellulis? ALEX. Quia infinitum non appetit, Ipsa enim est naturalis, nulla autem natura infinita, appeteret autem, si semper augeret. I. C. Id pernego, semper enim alit, nec tamen infinitum expetit. An dicam ego cessare nunquam auctricis operam, quemadmodum nec altricis, sunt enim eadem: nutritio namque est vnio naturalis nutrimenti transmutati, hoc autem intelligi nequit absque incremento. Quinimo nec ipsam informatricē virtutem ab opere vacare dixerim; carnes enim reponit, eisque apponit figuram, non sine pristinae figuræ commensu, atque portione, quod manifestè conijcitur in carniū cremento ijs in partibus à quibus aliquid abscissum erat. Solidiores autem partes adhuc augeri possent, si possent densari, densari autem valent, si recipere queunt intra se partes peregrinas quæ postea fiant propriæ, quemadmodum locis quibusdam, vbi per harmoniam coeunt ossa in ætate iuuenili, posteaquam senium aduenit, ea quæ duo inter ossa interest cartilago, tandem fit os, ita vt duo illa vnum fiant. ALEX. Sed cur celerius crescunt femellæ quàm mares. I. C. An quia (inquiunt) rariores sunt, rariora autem facilius excrescunt. ALEX. Hoc accipio. I. C. Illud verò ego pernego, cùm enim magis compacta sint carne, rariores esse haud existimo. ALEX. An quia humidiores? I. C. Per-

obscurum est, namque in femella plus humoris calorem vincet, qui auctor est incrementi. Rectius dicemus, caloris esse satis, eius vim agere in humidum, non in illud quidem nimium, sed fecundū tamen, itaque celeres fieri augmenti progressus. An, inquit Ioannes Baptista Marinus Eques Sabaudici ordinis, Italorum Poetarum Princeps, & familiaris meus vnicè colendus, celerius capessunt femellæ incrementum, quia finem habent propinquiorem propter imperfectionem, opus enim quod in eis natura, intendit, non est adeo perfectus prout in mari, ideo in re minus elaborata citius expeditur. ALEX. Cur igitur masculi prope- rantius in vtero absoluuntur? sanè fœminæ quadragesimo secundo, mares autem trigesimo die perficiuntur. I. C. Caloris ratione id euenit, qui in masculo maior cum sit, humorem vt mollem ceram extendit, diffundit, suaque vi fingit. ALEX. Cur vero in æstuosis regionibus homines non excrescunt in procerem staturam? Sanè Maurorum, Indorum- quē maxima pars vel gracilis, vel brevis, vel vtrumque. I. C. An quia fortassis crescendi duæ sunt causæ, materia perpetuò suppeditata: eaque ad transmutationem idonea: & calor, qui quidem duorum est auctor effectuum, quippe dilatat corpus, quod suscepturum est incrementum, & transmutat id quod accedit. Qua de re regionis calor non solum nō addit

vim ad crescendum, sed etiam plerumque adimit, absumit enim materiæ non parum per resolutionem, Præterea regionis calore assiduo membra durefcūt, dura autem sunt ineptiora ad quantitatis terminos promouendos. Quod si quæ sunt dura dilatentur, & rarefiant, multo egent com meatu ad substituendum: In calido autem Cælo non potest tantum humoris superesse.

DIALOG. XLIII.

De Humana Vitæ Longitudine.

ALEX.

✠✠✠ Ostquam satis disputatum est de
 ✠✠✠ P ✠✠ hominis incremento, videamus
 ✠✠✠ nunc quæso de vitæ illius longitudi-
 ✠✠✠ dine. Et primò. Cur dentium rari-
tas ut plurimum vitæ denotat

brevitatem? quemadmodum tradit Aristoteles, & Hippocrates, l. C. An quia, ait ille, rari-
 dentes aut materiæ paucitatem, aut imbecillitatem præ se ferunt? An dicemus nos, raros dentes vitæ potius declarare lōgitudinem, signum enim est adeò dura esse mandibularum ossa, ut & aperiri non facile queant, & subeunti materiæ cedere nolint. Profecto annos sex & septuaginta vixit Augustus, qui tamen raros ha-

*Hipp. in. l. 2.
 de morbis popularibus præ-
 pe fu.*

buit dentes, vt historici referunt. In Tendaiâ Insula iuuenibus secantut dentes ad radicem vsque, vt firmiores atque densiores euadant, quemadmodum & arbôres decacuminatæ crassescunt. ALEX. At cur cadunt in Senecta dentes? I.C. An quemadmodum & capilli ab humoris priuatione? Cadunt tamen aliquando ob nimium humorem, sicuti necantur quoque plantæ, ac putrescunt. An verò ob frigus cadunt? Memini namque mihi in Anglia dentem vnum cecidisse ob frigidæ ceruicis potû ALEX. Rationem adducas. I. C. Frigore auertitur eorum alimentum, spiritus intereunt frigore, decedit à natura sua neruus, qui in eis plantatus est. Quinimo etiam nimio corrumpuntur calore, quam ob causam puerulis calida esculenta solent denegare curiosulæ matres A L. Quænam ratio est? I.C. Quia dissoluto à calore humido, facile fit vt eorum compactio soluatur. dentium casum Astronomi Saturno in signo aquæo cobusto adscribunt. ALEX. Cur dētibz præsit Saturnus planè ignoro? I.C. Forsitan quia Lapidem à Ioue suppositum deuorauit? ALEX. Cur linea maior in manu, vbi longa est, vitæ significat diuturnitatē, vbi vero brevis celerem obitum? I.C. An quia natura perfecta omnia operatur, cum ergo ad finem lineam illam non perduxerit, aliquod suberat materiæ impedimentum. Hanc igitur vel imbecilem, vel reluctantem bono temperamento fuisse oportuit. Sed nugæ sunt. Forte fortuito in manibus lineæ illæ oblongæ fuisse

cum in vtero occlusis manibus oculos custodiat infans. Sed rectius secundum Hippocratem, ad genua eas habet in vtero fætus. ALEX. At cur in calidâ regione minus viuunt homines quàm in frigidâ? Perpauci senes Neapoli visuntur, complures in Septentrione. I. C. An quia æstuosus soli status spiritus inflamat, sanguinem & humores ardoribus extorret, bilem auget & exâcuit, quibus ex causis morbi plurimi, hique acuti sulcitantur. Insuper poros reserat & patefacit, corpora laxat & extenuat, & eorum substantiam, calorisque natiui vim dissipat. E contrariò Regio frigida poros incolarum occludit, densat, firmatque corpus, huiusatque natiui caloris substantiam conseruat & auget, appetentiam præstat, concoctionem seruat: qua de re & hyeme salubriores viuimus quàm Æstate. ALEX. Angli tamen parum viuunt qui in cælo sunt frigidissimo. I. C. Hoc vero nego, Quemadmodum enim ibi Æstares minus feruidæ, ita & hyemes clemētissimæ sunt. Per duos circiter annos illud nos incoluimus solum, nec in mediâ hyeme grauiora perpeffi sumus frigora, quàm si mēse Nouembri Pataui aut Bononiæ fuissēmus. Calidi namque vapores qui ab Oceano ad eam deferuntur Regionem, excalefaciunt illam: humida tamen est illa regio, atque iccirco illius incolæ varijs obnoxij sunt infirmitatibus, facit enim spiritum tenebricosum, corpus multo humore superacuo onerat, cuius copia natiuus calor infringitur, & debilitata concoctio-

ne, cruditates fiunt ciborum, quorum exuperantia valetudini multum infensa est, tum ea quæ receptacula venasque solùm implet, tum etiam quæ vires grauat. Hæc enim quia supra vires est, neque integre coqui, neque in purum sanguinem verti potest, sed cruditates multas cumulat, quæ quum à debili inferiorique natura nequeant domari, corrumpuntur, morbosque pene innumeros generant. De hac re Hippocrates, vbi cibus; inquit, præter naturam copiosior ingestus est, morbum facit. Quinetiam ea cibi exuperantia quæ vasa implet, nondum tamen vires premit, licet tota in optimum succum & in sanguinem faceßat, tuta tamen non est, sed maxime lubrica & periculosa, Natiuum quippe calorem è sensibus, è mentis & animæ functionibus auocat, occupatque in concoctione. Excrementorum flatuumque ingentem facit prouectum, quæ præ copia non facile excludantur. Omnis generis humores congerit, obstructions multitudinem accersit, vias contrahit, in angustumque adducit, omnia arcte coercet ac continet, vix vt quicquam è corpore dimanet. Hac onustum turgidumque corpus, ingrauescit, atque etiam si infirmum vietumque est, prosternitur, quia vero infarctum compactum ac minime peruium est, nec persflari nec vētilari potest: morbi etiam frigidi, etiam si calidus cibus erat, succrescūt, quemadmodum ab ebrietate cruditas, cachexia, paralisis, apoplexia. extinguitur enim calor natiuus, ac suffocatur, non secus

quàm si exiguæ imbecillæque flammæ cōfer-
tim multum olei infundatur. Quumque diu-
tius redundantia infedit, corruptelam de-
mum putredinemque acquirit. Quæ autem
coagmentatione assiduâ in summum iam ex-
creuerit, aut extincto nativo calore, inopinata
repentinaque morte iugulat aut vasa disrum-
pit. Quo circa hunc habitum recte commo-
nefacit Hippocrates, esse periculosum & sine
mora soluendum. Perniciosa admodum senti-
na est abdomen insaturabile omnium tum
corporis tum animi vitiorum fons & origo.
Non minus acutè quam facètè quis intempe-
rantiam appellet Medicorum nutricem. *ALEX.*
At Germani cur longissimam agunt vitam, cū
tamen Ebrietati vel maximè sint dediti, hæc
autem vires eneruat? I.C. An hoc negabi-
mus? sanè vomitum eis inducit ebrietas; im-
modico namque potu ventriculus fluctuans
redundantes humores, quorum copia obrui-
tur, vomitione expellit: vomitio autem est sa-
luberrima, & purgationum omnium præstan-
tissima, noxios quippe humores ex ipsis fon-
tibus synceros elicit & vacuat, omnem, quæ
in ventriculi capacitate, in eiusue tunicis hæ-
ret, illuuiem in primis expurgat è præcordiorū
mēbranulis, è cauis iecoris ac lienis, & ex pan-
chæa quoslibet superuacuos humores since-
ros elicit, quos plerūq. nullū, etsi vehementis-
simū, illudq. frequens pharmacū in aluum ex-
turbare potest. In ventriculum enim ex his lo-
cis, viæ breues ac expeditæ magis quàm in al-

uum directæ sunt, per quas facilis est vomitio. Sed vt ingenuè fatear, ebrietati de vitæ meæ lōgitudine non fiderem. Nam quemadmodum calx ad Arboris radicem conspersa, fructum accelerat, arborem vero perimit, ita vinum & calida omnia alimenta suscitato calore spiritus facultatesque erigunt, mortem vero maturant. dum enim corporis calorem adaugent, substantiam imminuunt, dumque innati calidi spiritus & calor halitu fouetur, eius substantiam, quæ humidum est primigenium, dissipat exorbetque: quare vitam faciunt alacriorem ac vegetiorem, sed breviorē tamen.

DIALOGVS XLIIII.

*gulnum subecum
vtror.*

De Visione.

ALEX.

E Am satis multa de hominis generatione & incremento diximus, imò ea omnia subtilissimè explicuisti: Nunc te rogo vt de hominis Sensibus, qui & brutis competunt, aliquid edoceas. I. C. Non recuso. ALEX. cum penè omnes Philosophi dicant Elementa esse sensuum effectricia, cuiam eorum visum adscribemus? I. C. Plato quidem & Galenus attribuunt igni. ALEX. Quam ob cau-

sam? I. C. Quia spiritus splendor (inquiunt illi) in oculis etiam clausis apparet. ALEX. Non est oculorum proprius ille splendor spiritus, sed omnibus vniuersi corporis spiritibus communis. Est enim cœlestis quidam calor in substantia corporis tenuissima. I. C. Addunt etiam optici, visum fieri per emissionem, nec posse aliunde exire radium nisi ab igne? ALEX. Sed an visio fiat per emissionem, adhuc sub iudice lis est. I. C. Ego sanè cum Aristotele & Hippocrate in lib. de locis homi. quem quidem locum Galenus dissimulat, Elemento aquæ visionem tribuerem, aquea namque pars existit illa, in qua species recipitur, quæ species impressa apparet in pupilla intuentis: At non reflecteretur, si igneum subiectum esset: aqua quidem in oculo est illustris quidem nec sine aere, tam solida, vt in ea species consistere possit, tam rara, vt per eam penetrare, ac transmitti quert. In commentarijs nostris super Meteor. Arist. ita olim scripsi: Oculi materiale instrumentum est aqua, ignis vero formale, aut quasi formale propter lucem. ALEX. Verum enimvero altius repetenda res est, inuestigemus quæso, quomodo visio fiat? I. C. An pupillæ radijs vicinus aer verberatus & ad obiectum impulsus, atque impactus visionem facit? ALEX. Ita dixerunt aliqui. I. C. Inscitissime tamen, regrediendo enim non potest impulsio fieri, sed stando aut procedendo, nihilo tamen peius videmus cum retrocedimus. Ad hoc, Aer sub aquas non penetrat, in harum

*Frac. in l. de
sympat.*

tamen fundo res positæ videntur, non igitur
acris appulsu fit visio. ALEX. Rectè ædepol.
I.C. Fracastorius censuit simulacra quædam
continua successione à corporibus effluere,
quæ appulsa oculis visionem efficiant. ALEX.
Istud equidem legi. I.C. Ego vero huic non
assentior opinioni. ALEX. Quam ob causam?
I.C. In transuersum agentibus vêtis, auferre-
rentur simulachra, at vi ventorum non aufe-
runtur. Præterea, quæ à tergo sunt sita videre-
mus. Simulacra enim illa volitantia in girum,
subiecta placidis auris ad pupillam peruenire
possent. Insuper quomodo simulachrum im-
pellit, aut subit, aut secatur aerem? Quis motus
ei naturalis, præter naturales duos, sursum &
deorsum? Nisi forsitan dicamus illud habere
motum voluntarium ut ad contrarios sese
compareret motus. At quo detrimento fit ma-
gni corporis paruum simulachrum, ut in pu-
pilla recipi queat? ALEX. Ego arbitror, visionē
ideo fieri, quia radij ab oculo exeunt. I.C. quæ
te mouent rationes? ALEX. Prima hæc est, spe-
cillorum vis iuxta posita ad videndum prodest
at non prodesset, si ad oculum radij è corpore
deferrentur. I. C. Consecutionem nego,
Scripsit enim Philosophus in aere esse propriū
aerem, ita & in oculo esse proprium lumē: scri-
psit etiam Auerr. Lumen Oculi esse veluti
quendam portitorem, qui speciem portat &
trahit ab extimo lumine ad intimum animæ.
Quod in quibusdam animalibus, ubi opus est,
exit, id est; noctu: species autem è longinquo
minor,

Av. in 2. A. d.

*Auer in pa-
raphrasi de
sensu, et sensi-
li.*

minor, è proximo maior apparet. Quare cum in specillis coit & cogitur, in animalis oculū sese inducit maiorem vtpote propinquo-rem. Quare duo refellendi sunt errores, pri-
 mus est Scoti, qui lucem agnouit pro causa *Scot. in 2.
sent. d. 2. q.* visionis, tum quod aerem, tum quod ocu-
 lum illustret. AL. Tu quid sentis? I. C. Non
 esse necessarium, vt lumen extimum ab ocu-
 lo excipiat, sed sola duntaxat species. Nam
 in pupillā sua lux est, quæ (vt dicebam) cum
 extraneā coniungitur. Quinimo oculus in te-
nebris videbit rem, aut speciem rei, dummo-
do res sit in aere illustrato. Quare rectius, vt
arbitror, alibi scripsi, lux est ratio videndi,
quia defert species ad oculum. Alter error
 est Viuez, qui quidem censuit lucem esse per
 se visibilem: quæ nihilominus opinio seip-
 sam destruit, vult enim lucem in Diaphano
 transmeare, & in solidi corporis superficie fi-
 niri. At si lux esset per se visibilis, non opus
 haberet illa terminatione, accidit enim ei oc-
 cursus corporis solidi, sed in ipsa sua puritate,
 hoc est in Diaphano videretur: hoc autem est
 falsum. AL. Ex. Ita sit, sed quid huic respon-
 des argumento? si patiēdo fieret visio, æque
 viderent omnes. I. C. Sequela negatur,
 Nam & patiēdo tantum fit auditio, non ta-
 men omnes æqualiter audiunt. Aqua reci-
 pit aliter species, aliter aer, alio modo gla-
 cies, alio atque alio speculum cauum, cur-
 uum, & planum, nec alio prorsus modo,
 quā patiēdo recipiunt: quemadmodum

politiores speculorum superficies, aut minus nitidæ, item quibus alia, atque alia materia est, vel intus, vel tergo apposita, expressiores aut obscuriores properè reddunt acceptas imagines, ita in omnibus oculis non eadem fit visio. ALEX. Alteram denuo proponam rationem. I. C. Quænam illa est? AL. Quia Cælum confestim videtur, quod ex eo provenit (inquit Ptolemæus) quia apertis oculis eorū radij momento temporis ad Cælum vsque pertingunt. I. C. Nugæ ista, nam si ad Cælum vsque radij pertingerent, esset intellectu visus nobilior, intellectus enim recipiendo perficitur. Tum astra à visu perficerentur, recepta ab eo visione: quinimo Asini oculus esset oculo Solis longè nobilior, à tantulâ namq. pupillâ exiret radius, qui per totū hemispheriū sese extenderet. Solem autem tantuplum (vt ita dicam) finxerunt Mathematici ad terræ quātitatem, quia omnis radius à corpore vnde promanat, quò lōgius in fastigium procedit, eò magis exilis fit, quoad in mucronem desinat. ALEX. Quænam igitur ratio est, quòd Cælum confestim videatur? I. C. Quia lux educens visibiles species, ipsa sese effundit, easque simul per aerem trāsuectas in eius extremam superficiem, à quâ palpebra contingitur, statuit, aperta palpebra, pupillæ species offertur, eique minimo temporis momento coniungitur. aer omnibus speciebus pingitur, quare vbicunque aliqua superficie terminatur, illico species præsto est: quamobrem &

oculus eam videt. ALEX. Quid velles concludere? I. C. Cùm Peripateticis, in oculum subire species, id quod clarissimo comprobatur Aristoteles experimento. Solares enim radij per vitreas depictas fenestras transeuntes, qualescunque in eis fuerint colores ad oculum deferunt. Addamus & nos aliud experimentum, Iridem spectantis oculum si quis intueatur, in eius pupilla Iridem videbit, atque in huius pupilla Iridem tertius conspiciet, & in hoc quartus. Audite nunc radiorum emissarij ad Cœlum vsque. Iris in oculo est, non oculus in Iride, illius inquam species, non huius potestas. Iridis exemplum consultò adduximus, vt Aristotelis contumaciam perstringeremus; qui cùm visionem recipiendo, & rectè quidem fieri dixerit, alibi ab oculo scripsit fieri colores in Iride, quod non modo suis aduersus opticos Architectos aduersatur placitis, quorum etiam immemor fuisse videtur, cum docuit visum in Cœlum ferri, qua de causâ videntur sidera tremere, Et alio in loco, transmittit visum per maris meatum, sed manifestæ demonstrationi: si enim colores Iridis ab oculo fingerentur, ab oculo exirent vtique, at in pupilla sitos videmus. ALEX. Miror equidem, cur hanc sustineas opinionem, cum alterius sententiæ fautor acclameris ab omnibus, qui tuos Medicos commentarios perlegerunt? I. C. Currenti calamo illos composui. ALEX. Quæso illos accipias, & perlegamus quæ in hac dis-

ceptione dictasti. I. C. Vt tibi libuerit. ALEX. Ego ero prælector. I. C. Eia age, profecto hæc est pagina. ALEX. Consistit quidem videndi facultas in oculo, non primariò, sed vt in organo. Nam cerebrum, penes quod est summa potestas per neruos visorios oculis spiritus infundit, quibus videndi facultas perficitur, læso namque cerebro, etsi nullum in oculis consistat incommodũ, hebescit tamen visus, & oculorum acumen obfuscatur, quod ebrijs, deliris, febricitantibus peculiare est. Hinc tria deduco: primum, lucos, & strabones à natura pessimos esse, nam vitium est circa cerebrum mentis domicilium; secundum, quòd ad visionem instaurandam flatulenta præscribi debent medicamenta, oua scilicet recentia, vina dulcia, vna passæ, amigdalæ dulces, pistacea, fœniculi semina, castanæ, vel elixatæ, vel molliter coctæ. Horum vis ob flatum copiam in cerebrum assurgit, ac mirifice spiritus visorios euanidos reficit, quod ipsum etiam præstant alitum cerebella, quæ se volatu exercent, vt sunt passeruli, miliaris frigilli. Inconsultè faciunt, qui citra delectum, nulloque discrimine adhibito Rutam, Chelidonium, vulturum, miluorum, accipitrum fel, quæ mordaci sunt, & adurenti facultate, oculis adhibent: depopulantur siquidem ac depascunt spiritus & humores, quibus visio perficitur. Tertium deduco corollarium, ex varia cerebri temperie oculorũ aciem aliquibus exilem, quibusdam acutam esse. Siquidem cui

spiritus copiosus est, & adamussim purus, tersus, nitidus, atque vt speculum perpolitus, is ea quæ minus consistunt, perspicue videt ac discernit. Vbi enim is humor exactè elaboratus est, tenuis sincerusque ex hoc halitus, seu lucidus spiritus emanat, quo potissimè visio perficitur, ac distantissima perspici queunt. Siquidem cum multus sit, & copiosus animalis spiritus, subtilis, tenuis, ætherius, longissimè producit oculorum aciem, omniaq; acutè cernit, nec facile obrutu continuo, aut fixa intentione defatigatur, quâ vi pollet calidus & humidus, vulgo sanguineus. Cui vero paucus subest spiritus, sed tamen purus nec nebulis obductus, is res quidem propius sitas, clarè videt & dijudicat, certumque delectum habet, ac distantes pauloque remotiùs constitutas minus dilucide perspicit. Pauc⁹ enim modicusque spiritus facilè dissoluitur, atque euanescit, nec in longinquum prospectum producere potest. Quo fit vt quibus videndi organum lucido quidem, sed modico spiritu imbutū est, minutissimos etiam litterarum apices inoffensè obseruent, ac paulò remotius dissitas moles, aut eminentes è mari scopulos minus exactè perspiciant, quod calido & sicco corpori, seu bilioso euenit. Quod verò nonnulli propius admota tenuiter vident, remota verò nihil prorsus, è spirituū inopiâ, & crassitie prouenit: vbi autem spiritus copiosus existit, & crassus, pauloque densior, diu quidem homo intendit oculorum aciem, & absque

vlla fatigatione fixè, & inconniuenter in res obuias oculos defigit, easque primo obtutu cernit quidem, sed non ad vnguem nec distinctè discernit: nam crassities acutæ visioni officit, quod in frigido & humido habitu, seu pituitoso obseruari potest. Cui vero humidus est, & modicus spiritus animalis, qui videndi instrumento inseruit, is nec exactè propia, nec prorsus remotiora videre potest, nā pauci spiritus cito euanescent, & dissipantur: crassi verò videndi functionem impediunt, cum radij qui ab oculorū lumine promanant, in obiecta non deferantur, nec species rerū, quæ foris in oculū influunt, ab eo concipiuntur. Rarus autem spiritus, tenuis, exilis, tenebrosus, qualis est seniculis exhaustis, ac morbo extenuatis, debilem visum efficit, aut propè nullum. Quocirca cōsulte faciunt, qui specillis visui opitulantur, ijs enim omnia maiora apparent, ac spiritus visorij instaurantur, atque in vnū collecti, minus euanescent, aut diffiliunt: reflecti enim, ac retorqueri radios cōtingit, ac spiritus robur cōcipere nouis subinde à cerebro eò se cōferentibus. Hinc fit etiam vt vbi remotiora, oculis dimetiri visum sit conniuentibus ac semi-occlusis oculis id perficiamus: ita enim coacti ac cōglobati spiritus longissimè radios diffundūt, hinc vsu venit, vt clauso compressoq; oculorū altero, ac protenso velamento, quod splendorem arcet, atque aerem opacum efficit, intensius ac fixius aciem in obiecta dirigamus; quod in tractandis balistis, scopetis, arcubus obseruare licet: siquidem ocluso sinistro oculo spi-

ritus affluentius in dextrum confluunt, visumq;
efficiunt intentiorem, ita ut ratione hac sagit-
tarij colliment, & quem intuentur scopum as-
sequantur & cōfigant; Ex quo validum colli-
gitur argumentum per radiorum emissionem
ab oculo fieri visionem. cui & illud est proxi-
mum: qui cæcos habent oculos, id est, quorū
oculis transparens subest humor, atque pellu-
cidus, cum exili & debili spiritu, interdum de-
biliter, & confusè cernunt, non aliam sane ob
causam, nisi quia diurna lux illis officiat, ac vi-
sionem offuscet, quod in noctuis, nicticorace,
vespertilione, felibus, soricibus, muribus, gli-
ribus observari potest, quibus lux Meridiana
videndī functionē labefactat, nocturnæ tene-
bræ exacuunt, argumento quod si faces, cāde-
las ac funalia illis noctu obijcias, obcæcantur.
Quocirca nautæ, nocturnis navigationibus,
nō adeo intensum Lunæ splendorem exoptant,
sed sublustre cælum, modicisq. ac raris nubi-
bus obductū, sic enim longiūs se porrigit ocu-
lorū acies, ac radij à luminoso obiecto minus
dissipantur aut evanescunt. I. C. Mea hæc dog-
mata non infringā, scio enim facile collapsu-
ra, si quam ad secundum tuum argumentum
tradidi respōsionem repeterem. A. L. Mihi ve-
rò etsi iucunda sit tuorum cōmentariorum le-
ctio, iucundiora tamen quæ à te excipio. I. C.
Non meæ facundiæ id adscribendum est, sed
quia lectis audita sunt iucundiora, minus
enim laboris audiendo capitur, dum enim
ego vocem attollo, aut summittō, narratorem

quasi ago, quare & cum tu excipias, duo sumus agentes, & ideo citiùs altiusq. sententiæ subeunt animum, dū verò perlegis solus es, & in te ipsum agis, ideo magis elaboras. *AL.* Ita est, sed progrediamur ad vltiora. siue visio fiat per radiorum emissionē ab oculo, vel à rebus in oculum, nō amplius inquirā. Sed nihilominus de radijs ipsis aliquid inuestigādum est, & primum perquirā de radio reflexo, deinde de radio refracto. *I. C.* Vt cumq. volueris. *AL.* Illud igitur ego in primis demiror, quomodo radius, si corpus non est, reflectitur? Reflexio enim affectio corporis est apud Philosophū. *I. C.* An nō est affectio corporis primò, sed dimensionis: flectitur enim linea etiam à Mathematico & ab optico. *AL.* Istud nō tollit dubitationem: nam tametsi non est corpus, est tamen aliquid corporis. *I. C.* Noui Philosophū qui nō radium, sed aerem reflecti asseuerabat, quem ego clarissimo cōuici experimento, videmus enim ipsius radij conū manifesta oculis figura in seipsum redire, non aerem igitur, sed radij fastigium in aere. Nō enim mouetur aer in corpus solidum, ita vt reflectatur, sed à Solis corpore radius dimittitur. Sic species quoq. per lucem elicitā ex meo corpore, atq; in speculum delatā, in oculi mei pupillam reflectitur. Et istud nō est quidem corpus, sed in ipsa reflectione habet corporis analogiā, quēadmodum & in motu: fluit enim à corpore ad superficiē. Id quod manifesto videtur, si inter me & speculū tabula interponatur, ablata ea statim ad speculū vsq. portenditur species; ac

manifestiùs quidē si loco tabulæ alterū speculū statuatur. AL. At cur reflectitur radius? I. C. Radius cum sit species producta à corpore lucido, secundū corporis eius vires produci verisimile est, veluti quod proijcitur, secundum dimouentis vires impellitur. Quare tantum transmittet spacij, quantum ad vires illas referri potest. Ideo fit vt parum validus radius terminetur etiam in perspicuo non terminato, si nihil opaci corporis occurrat. Idque propter virium, vti dicebamus, defectum in corpore iaculante. Atque is est radius quem appellant rectum. Quod si prius quam eius vis in illa traiectione exhauriatur, obuiam sese offerat opacum corpus, reflectetur radius secundum eius inuersionis rationem. Sicuti reflectitur corpus ab illiso corpore, quia in ipsum non fit illisi corporis intromissio. Itaque radius illatus si ad perpendicularum inferatur faciens angulos rectos in subtensa planitie reciprocāt in seipsum propter eorundem angulorum rationem. ALEX. Quam ob rem? I. C. Quia linea recta est, cuius media non exeunt ab extremis, neque à medio extrema. ALEX. Quid si non inferatur ad perpendicularum? I. C. In angulum flectetur. Quorum omnium vna tantum ratio cum superiore, scilicet repercussio. Retunditur enim in Angulum quasi in vacuum. Hæc ratio Physica est. Alia Mathematica; quia necesse est eā substandi, si anguli recti futuri sunt: At non subtenditur alia, sed eadem, vnde fit angulus alius atque alius semper obtusior, donec ra-

radius
rectus

reflexus

dus suam lineam eandem habeat cum sub-
tensa. Eadem ratio est etiam in linea visua-
li. ALEX. Vt acutissime de radiorum reflexione
disputas, ita & de fractione spero te discepta-
turum. I. C. Aiunt frangi radium quoties im-
missus per Diaphanum inuenit densius aliud
Diaphanum sibi occurrens: quod apparet cū
ex aëre demissus in aquam recipitur. ALEX.
Tua verò quæ nam est opinio? I. C. Frangitur
ille radius, qui reflexus nominatur. ALEX. Hu-
ius dogmatis probationem expecto. I. C. Ea
est, quia duo iam radij sunt ad punctum cus-
pidis angularis: ALEX. Quomodo duo? I. C. Ac-
tū, inquam, duo, si ex obliquo inferatur. Si ad
perpendicularum, actū quidem vnus, potesta-
te vero duo, quia in se reuertitur. quare non
est vna linea, sed duæ: neque ad subtensam
duo vtrinque anguli recti: sed obtusus vnus,
acuti duo, duo namque sunt radij ad idem sub-
tensi punctum: vnus impactus, alter resiliens.
ALEX. De radio, qui fractus dicitur merito hæc
enuntiares, duo namque sunt radij: I. C. Imo,
vnus est radius. AL. Quinimo duo, in aqua v-
nus, in aëre alter. I. C. Idem est, partium den-
sitate & raritate à seipso differens, quia partes
aquæ sunt crassiores, iccirco partes radiorum
longius à se inuicem distant, quapropter (vt
subtilius loquar) neque reflexum, neque refra-
ctum dixerim in aqua radium, sed fusum, ve-
luti si pistilli cerei caput alterum in subie-
ctum solidum corpus premas, fiet latius, ne-
que aliud tamen erit pistillum, ita spargitur

radius tum ab aqua, tum ab aquis, quale vitrum, ita vt neque reflectatur, neque liberè transmittatur; quo modo plus spargitur plumbi scobes in terram deiecta, quam in aquas, & in aquas quàm in aerem, propter diuersam corporum subitionem. ALEX. At remi species in aqua fracta est. I. C. Minimè. Sed eadem ad lineam duæ sunt species, quæ ab aere, & quæ ab aqua: Representatur enim in aere per aquæ superficiem. Non est igitur species vna, sed duæ, vna à Remo in aquam, altera ab ea quæ est in aqua in aerem, quia remi species per semidiametros ad aquæ superficiem egreditur. Centrum enim est trianguli cuspis facti à remo, & à specie, quorum vtriusque extrema in circumferètia sunt. Ergo duæ species ad oculum deferuntur. ALEX. Ingenuè fateor non has me percipere subtilitates, satius mihi erit minutiuscula quædam tibi proponere. I. C. In his etiam dissoluendis Philosophiæ Magistri aliquando elaborant. ALEX. Quam ob rem in cauis speculis radij ab interiore superficie reflectuntur, in phiala verò aquæ plena ponè: sane videtur aqua crassior aere, at aer ponè phialam est, aqua vero statim ex aduerso. I. C. Ratio est, quia phialæ pars anterior curua & inflexa cum sit, radiorum coactionem suo curuamine respuit, atque repellit. At caua posterior iam inspissatos excipit radios, à quâ exeunt pone densi, atque idcirco validi. ALEX. Quare conuexum speculum parua reddit, cauum magna, planum mediocria. Videbatur

enim contra à natura cōparari debuisse. Nam cauum oportuit recipere, & constringere: cōuexum renuere & remittere ac dissipare. I. C. Ratio ea mihi videtur, quia curuæ superficiæ centrum intus est, cauæ vero extra. ALEX. Quam ob causam in plano speculo nō equalis faciei, sed minor species refertur, cū tamen speculū tota facie maius sit? I. C. Ratio est, vt in motu proiectorum, qui sub finem lāguidior est, & omnino in quouis motu non naturali. Cōtra naturalis semper seipso fit vegetior, ita species à re exiēs, à luceeducta, & quasi iaculata, in fastigiū attenuatur, quod & in sono manifestū est, lāguidior enim atditur. AL. Cur ponē speculū pice posita, conus fit exilior, obducta cerussa latior? I. C. Quia nigrum contrarij habet rationem, idcirco in cauum delati radij, ab extremis in medium contrahuntur, Candidum vero, & lux affines sunt, ideo radij minus absistunt, propter soliditatem atque opacitatem reflectūtur, quia eorum natura est persistere vsque in Diaphano, vbi terminantur reflecti: vnde fiunt coloris species: propter nigredinem auferunt sese tanquam à contrario: propter albedinem verò non amouentur, quia subest proportio. ALEX. Cur non æquē vident omnes in cristallo, cum tamen eosdem colores in pariete per cristallum omnes inspiciant? I. C. Quia non omnibus eodem modo sese infert species, neque vndecumque, neque quacumque trāsmittit, sed aliter alijs propter Diaphani varietatem, siue ab angulis fiat, siue

ab ipsa densitate, quæ nonnihil coloris in se habet, atque is color per translucidi poros non eodem vbicumque modo cum impressa luce coniungitur. Paries autem vniformis est, atque ab ipsa statim superficie reflectit, ALEX. Quare in prismatico tot variæ Ideæ nobis representantur? I. C. quia eius latera multa cùm sint, necesse est, sicut in optice patet, eandem faciem propter pelluciditatem pro subeuntium laterum varietate variari. Quo fit vt aliquando inuersam speciem sicut in cauo speculo videas. Ratio est, quia ex vno latere excepta reflecta, in aliud latus inuersa, veluti arbor in aqua redditur: Lateris enim acies est sicut centrum, à quo vtrunque, atque vtroque versum exeunt species altera alteri aduersa. Cum enim in aquam incumbis, aquæ ora, & faciei, & speciei cœtrum est: Itaque inclinato par pari refertur, cum te attollis, & absistis, tunc faciei, & speciei partes iunguntur imæ, quia ex angulo acuto fit obtusus: quæ est causa cur in prismatico geminæ species videantur: Quippe vna ab ipsa re, altera à rei specie, quæ in altero latere impressa est. Interdum verò facies dimidiata apparet, quoniã alterum dimidium in eum lateris locum incidit, in quem recipi non potest, propterea quod prismatis latera plena sunt, neque colligunt in arctum totam faciem veluti curvæ superficies. ALEX. Nihil acutius percipi potest. Sed quia nihil videtur nisi sub ratione coloris, de colore argutã tractationẽ expecto, & quia omnis bona disceptatio à de-

finitione exordiri debet, Color quid sit pri-
 mum inuestigemus. I.C. Platonici ita defi-
 niunt, vt sit qualitas ex Elementorum mixtio-
 ne, & luce conflata. ALEX. Enimuero de-
 finitio hæc saporì quoque competit ex
 ijsdem profecto conficitur sapor, nempe
 etiam ex luce, quatenus lux calefacit. I.C. Ego
 quidem consulerem illis abstinere ab his ver-
 bis (qualitas ex mixtione elementorum) nam
 apud illos omne corpus aut pellucidum est,
 aut coloratum, atque ita terra coloria est, ita-
 que erit in vno Elemento color, non igitur ex
 Elemētorum mixtione. ALEX. Aristotelis de-
 finitio tibi ne arridet? I.C. Minimè. Sic enim
 ille definit, color est corporis extremitas, quæ
 definitio duas patitur obiectiones. Prima,
 quia definitio non debet competere, vt Iurif-
 consulti loquuntur, nisi rei definitæ, illa ve-
 rò etiam superficiei conuenit, quæ extemi-
 tas corporis nuncupatur. Altera, nam in-
 tra corpora, vbi superficies in potentia
 est, nihilo minus color actu est, & actu
 quidem visibilis, licet actu non videatur.
 ALEX. Haud ego percipio quomodo hæc
 inter se cohæreant. I.C. Est actu visibilis, quia
 visibilitas à nulla noua causa producitur, sed
 actus qui est accidentalìs, quemadmodum
 actu est homo risiuus, accidit tamen vt ri-
 deat. ALEX. Quid audio? I. C. Admirabilio-
 ra audies. ALEX. quidnam illud est? I.C. Co-
 lor sua natura visibilis est, etiam si nunquā vide-
 retur. AL. quomodo id probas? I.C. quia per

Bart. in l. 1.
 parag. dolum
 ff. de do. et ad.
 in l. omnis de
 iur. ff. 10. de
 reg. vir.

obiecti ablationem potentia nō aufertur, quia
ab internis principijs essentialibus profluit,
quemadmodum è contra, per amotionem po-
testatis non deletur obiectum, ex se enim est
quod est; esse autem obiectum est promotio
essentiæ ad proprietatem. Relatio enim hæc à
natura absoluta pendet, sic obiectū primo est
aliquid hoc quod est, deinde est obiectū quod
refertur ad id cuius est obiectū. ALEX. Quam
igitur definitionem colori constitueres? I. C.
Esse qualitatem in toto corpore suo subiecto,
quæ aerem ad visionem efficiendam sua spe-
cie, quæ à luce educitur, depingit. ALEX. Cur
apposuisti in toto corpore? I. C. Vt Auerr. qui
voluit esse tantum actum corporis terminati,
& Aristotelis qui colorem esse corporis su-
perficiem censuit errores patefacere. Nam
secundum istam opinionem, in medio cor-
pore, puta Peponis, non esset color. ALEX.
Cur autem dixisti, quæ à luce educitur? forsi-
tam lucem coloris formam esse censes. I. C. Ita
quidem. ALEX. At niger color est, sicut & te-
nebræ, & omnium maxime visibilis, nigri ta-
men coloris actum nemo sapiens dixerit lu-
cem. I. C. Lux neque alba est neque albedo,
quippe in aere quoque videretur, atque visum
terminaret, at non videtur nisi propter subie-
ctum, ac initionem. Sed lux est actus visibi-
litis, qui etiam in nigro esse queat, Non e-
nim est niger color, ut tenebræ, sed actu quid-
dam, tenebræ verò priuatio, quæ nec videtur.
Niger color est habitus, & per se visibilis, ha-
bēs in se lucem, idest actum visibilitatis. ALEX.

*per se
lib. de
quoniam*

Subtilissime, sed colorum diuisiones à te nunc audire percuperem. I. C. Plato omne visibile ad tres reduxit ordines. Visibile, inquit, quædam visui æqualia, quædam maiora, quædam minora. Æqualia sunt perlucida, iccirco transmittunt, nec videntur: maiora sunt quæ visum dissipant; minora quæ congregant vt nigrum, ab his visus non patitur. ALEX. Diuissime. I. C. Piaculum existimarem profecto credere huiusmodi ineptias à diuino viro proficisci. ALEX. Quas vocas ineptias? I. C. Translucida immerito vocat æqualia, quod enim est cuiuspiam æquale, æque in illum agit, atque ab eo patitur. Ex resistantia namque fit actio reciproca, æqualis ab æquali, inæqualis ab inæquali. At translucidum à visu non patitur, neque hic ab illo, non igitur sunt æqualia, sed potius nihil inter se sunt. Quinimo Plato cum visum exire faciat, longe imbecilliora translucida prædicare debebat, per quæ scilicet visum traducet. Patientur namque ab ipso visu. Maiora deinde inquit esse, quæ visum dispergunt, id verum est, ita nãque agunt, vt lædant: at à Platoniceis, minora, non maiora vocitanda erant, quippe volunt illi videndi vim actiuam esse & in rem visam agere. Quæadmodum nec illa quæ visum aggregant, erunt minora quàm visus, hic enim ab eis patitur, alioquin non viderentur. ALEX. Postquam Platonis diuisionem de coloribus reiecisti, aliam adducas rogo. I. C. Theophrastus diuisionis rationem iniit à subiecto, atque Elementis assignat

assignat colorum diuersitates, Igni quidem flauum: Terræ, Aquæ, Aëri, album. ALEX. Imperfecta sanè diuisio: Cùm enim plures sint colores, aut plura subiecta erunt, aut ne illa quidem; at illud dari nequit, neque hoc igitur. I. C. Addam ego aduersus Theophrastum, si quatuor primorum corporum duo tantùm sunt colores, necesse est vel in alio aliquo corpore alios (plures enim sunt) esse, quare cogetur dare quintum Elementum, quod quidem illorum subiectum sit, vel concedere ab illis duobus, nempe albo & flauo colore reliquos effici, quare ex albo & flauo compositus erit niger: atque tunc niger & albus non essent contrarij, neque priuatiuè, vt loquuntur, neque positiuè: Auerrois autem, tum contrarios, tum simplices, tum primos eos agnoscit. ALEX. Acutissimè confutas. I. C. Sed an rectè igni flauum colorem assignauerit, maxime dubito. Ego enim Solem flauum non dicerem à luce, flaua enim esset Luna, sed à radiorum densitate. Cur etiã terræ, aquæ, aëri tribus Elementis, vnum nempe album tribuerit, valde miror: Cùm enim diuersa sint ipsa Elementa, diuersi quoque necessario erunt effectus. ALEX. At quid super hac re censuit Cardanus? I. C. Colores, inquit, tribus constant, ex subiecta primum materia, luce quæ illi admiscetur & medio. Nam visa per vitrum viride viridia videntur. ALEX. Ita est. I. C. Imbecilia ingenia eludere hæc possunt. Sane vitrum medium cum sit, nihil viride facit. Profecto si medium

*Auer in cōm.
de Sensu &
Sensili.*

*Card. l. 9. de
sub. c. de luce
& lun.*

coloris pars esset, aer esset pars coloris, & visibilis igitur. Sanè omnis color visibilis est, at aer non videtur. ALEX. Cur vitrum igitur virens apparet? I. C. Sane vitri huius viriditas pars non est viridantis lauri coloris, quem nunc per vitrum inspecio, sed lauri species trans vitrum existens; at ex coloris imagine verus color effici nequit, sane à re fit imago, non ab imagine res. ALEX. Perge in Cardani opinionibus recitandis. I. C. *Ut in perspicuo corpore, inquit, fit lumen, ita in opaco color.* ALEX. Ipsissima veritas. I. C. Ineptissimam potius ego dixerim similitudinem: A luce enim fit lumen, tanquam à re imago; at in opaco non fit ita color: esset enim in rebus imago color, absente lumine color nullus adesset, adveniēte lumine generaretur. ALEX. Ita quidem sentire veteres. Sanè Aristoteles corporis superficiem dixit esse colorem. Auerroes voluit esse actum duntaxat corporis terminati. Poëtarum Princeps cecinit olim,

Rebus nox abstulit atra colorem.

I. C. Fuerunt hi quidem sensuum mancipia, nam ubi colorem nullum viderunt, nullum ibidem esse suspicabantur: quasi color non sit intra corporis soliditatem, sed in sola superficie, idque presente lumine, quasi dissecto pomo color ibi statim cōgeneretur, atque hac ratione color esset color quatenus visibilis, & visibilitas esset coloris essentia, non autem affectus essentiam consequens, quod est perridiculum. ALEX. Imotu supradixisti lu-

men esse actum coloris. I.C. Non ut sit, sed ut videatur. ALEX. Prosequere Cardani castigationes. I.C. Sic alibi scripsit. *Lux cum debilis redditur, in splendidum colorem transit, quæ si magis debilitatur, in colores nigro propinquiores mutatur. Postea si plus ad colores etiam sine luce provenit, demum ad nigrum ubi minimum est de luce ultimo cum deficit transit in tenebras.* ALEX.

A multis hæc laudatur opinio. I.C. Merito *Ironice.* quidem, nam asserit, per priuationem lucisque corruptionem colores effici, quare non per formam sed per formæ corruptelam, de potentia in actum reducerentur. Illud autem intelligere non possum, mutari lucem. Mutari enim nequit à coloribus, hos enim secundum Cardanum illa producit, multominus à seipsâ, simplex enim est. ALEX. Tuam nunc si placet subiunge sententiam. I.C. Postquam ita iubes, sensui quæ sunt proxima sequar. Quatuor primarij colores videntur in Elementis, albus in sicco, cuius subiectum primum erit terra. id quod in cineribus, & saxis, & arenis Sole, vel igne exustis cõspicitur. Viridis in humido crasso, cuius matrix est aqua, crassescens enim viridescit. Cæruleus in humido tenui, qui fit in aëre, ut manifesto videtur. flauus in calido, ignem enim condensatum statim flauedo sequitur: Densitas enim colorem facit in actu videri, qui erat in potestate principiorum ineptus ut videretur: sic cæruleo & viridi inspissatis nigror fit, ut in nube & in aquarum stantium superficie ani-

maduertere licet, atque ita varijs gradibus, ac nobis ignotis cum luce commissis, alij deinde fiunt compositi. ALEX. Colores autem ipsos quomodo diuideres? I. C. Sex sunt nobiliores, albus, flauus, ruber, viridis, cæruleus, & niger. Albi species, lacteus, niueus, candidus, aqueus, vitreus, marmoreus, papaueratus, eburneus, argenteus, gipsatus, cerussatus. Fieri album ab igne scribit Aristoteles: Quod patet in cera, pilis, & cinere:

Ar. in 7. Et sed nigrum potius ab igne effici, nigricantes
8 q. prop 66. febricitantium linguæ testantur: sed Philo-

sophi sententiam admittamus, nobis enim adstipulatur, qui candorem supra statuebamus in sicco. Tametsi ne hoc quidem verum videtur: aqua enim humidissima in suis primordiis apparet alba. Itaque ab aqua etiam creari albedinem gummi indicant, in ea namque si soluantur exalbescunt. Sub flauo aut post ipsum ad fuscadinem vertentes colores

hi sunt, melinus, palcaris, pallidus, luteus, galbaneus, buxeus, citrius, croceus, icterus, aureus, rufus, fuluus, suafus, Hispanus, mutinensis, impluuiatus, æneus, mustelinus, rubiginosus, ferrugineus, pullus, rognus, tanatus, arangiatus, leonatus, cereus, cerinus, castaneus. Plato ex luce & humore, & candore flauum creat: rufescere maris accolas à Sole, & maris falsugine prodidit Theophrast. Rubri hi sunt comites, rubidus, rubicundus, rutilus, rufus, incarnatus, sanguineus, roseus, rosa sicca, scarlatus, gilvus,

spadix, colossinus, higinus, igneus, flammeus, puniceus, vinosus, balaustinus, xerampolinus, violeaceus, purpureus, pauonaceus, seu morellus. Veteres Philosophi colorem hunc à maiore igne fieri, quàm flauorum genera, & sicciore veluti cum flammam flauam in humido, in sicco verò carbones viuos rutilos videmus. Nigra igni addito, punicea euadent. vt carbones, sic & cancrorum crustæ coctæ rubescunt, & Solis æstu malorum frondes: vinosum ex puro nigro, & luce aërea confieri author est Theophrast. Sic Aristot. quoque *Arist. in 2. Met.* ex flamma & nigro puniceum fieri censuit. Ad cæruleum colorem referuntur, Cæsius, Cyaneus, Indicus, Persus, Turchinus, Venetus, Lazul, Cinereus, seu Crillus, alias Bretinus, plumbeus, glaucus, glastinus, silatus, leucophæus, blauus. Cæruleum fecit Plato ex lucido candido, & bene nigro. Ego verò ex rubro & viridi: sane ex rubro succo brasiliij excocto pulcherrimum exire cæruleum experti referunt. Ad viridem autem hi spectant, festucinus, ærugo, herbaceus, prasinus, luridus. Viridis igitur fit apud Platonem ex flauo & nigro. Nigro associantur æter, fuscus, picus, prannius, murinus, brunus. Nigrum fieri cum aer, & aqua ab igne cōsumatur, Theophrast. edocuit: sic parietes, per quos manat aqua, cum mucosam in initio adepti sint viriditatem, nigrescunt, vbi humor ille exaruit. Cæterum in hac Theophrasti sententia mutationem agnosco, nigri subiectum proprium

ac primum non video. Nam si igni humor tollitur, cui⁹ habitu nigredo subeat, nigricies sanè suberat in potentia. Ergo in actu prius aliquando: Sic in carbonibus absumpto ligni humido, cæterum haud toto: Procedente namque consumptione, quæ nigra facta erant, tandem albescunt, ut carbones, cum solvuntur in cineres, & charta: sic rosa ex alba rubra fit: ex rubra rursus exanguis & ex albida. Viridia quædam cum exarescunt, rubida evadunt, ut de quarundam arborum foliis dicebamus. Alia non rubescunt, sed pallescunt: utrisque detrahitur humor: iccirco in vicesima prima sectione, nigredinis causam Philosophus dixit humorem. Sic candidissimum saccharum aqua solutum fuscescit. Et in duodequadragesima scribit, humore ablato albedinem apparere: Iccirco oleum insolatum albescere. Theophrast. à nigris quibusdam lapidibus lineas albas duci prodidit. Sicuti contra Plinius animadvertit ab argento, quod est candidissimum, describi nigras. Ratio est, quia lapides illi exustas habent partes tenuiores quæ abscedunt in tractu. Contra argentum partes aliquot aqueas solutiles terræ admixtas. Quin lapides nigri quidam tingunt, quidam non: hi ficci: illi habent lentitiam. Quare & alios esse par est, qui non erunt uniformes, sed è poris emittent album: è pororum parietibus ficcis nihil.

DIALOG. XLV.

De Auditu.

ALEX.



Mne sensile sensus potentiam ad actum congenerem excitat, inter quos potissimum gustus, vehementius autem Venus ipsa: at cur sonus nō modo sensus proprium, scilicet auditus potestatem suscitatur, sed intus perturbat hominem, atque ad alias actiones, quæ in auditu non sunt facultate, misericordiam, cædem, venerem, ignauiam, furorem, & tranquillitatem impellit. Sanè Cybeles sonu (vt omittam Corybantas) effeminata monstra ad proprium sanguinem effundendum animabat. I.C. An id euenit propterea quod spiritus, qui in corde agitant tremulum, ac subsultantem aerem, in pectus excipiuntur, & cum affine suo vnum fiunt: atque ita reliqui spiritus in cæteris corporis partibus positi sequuntur, mouentque musculos aut cohibent, prout numerorum lex, vel crebrescit incitatione, vel tenore compositio quiescit, aut lenitudine quietem imitatur. & quemadmodum in fidibus tacta corda vna,

æque tensa altera contremiscit, ita qui in corde insunt spiritus citantur ad exterioris soni motum, tantò facilius quàm chorda, quanto maior unio est. quocirca etiam depressus ac marcidus animus facta extimi aeris subeuntis accessione attollitur: è contra elatus cohibetur, aut etiam de suggestu illo deturbatur atque detrahitur; hinc fit ut plerique, aliud agentes, canentibus occinant: si quis clamet clamandi libido maiorem adstantiù partem, quæ pudore, aut rationis vi non continetur, incessat. Ideoque in concione si vnus clamorem tollat, illico tota acies idem efficiet. ALEX. Doctissimè, sed cur tibi Musica molesta est? I.C. Forsitan intus aures aliquod latet obstaculum, quod perfractas deferat ad animum voces? an integræ eò perueniunt, molestæ tamen sunt, quia Musicam scientiam non assequor: Laboro igitur, quia sine frustror qui cognitio est. ALEX. Cur ingenti sono audito exhorrescimus? I.C. Quia ob vehementes aeris circulationes commouetur organum, virtus dissoluitur, nec fit applicatio, quare confundi animam atque terri accidit. ALEX. Cur sonus plus æquo grauis auribus si inferatur ingratus est? I.C. Quia plus mouet aeris, quam nostri perferat sensus organum: illius igitur partem aliquam vehementiori pulsu cum amplificat, immutat & sæpe interimit. ALEX. Cur valde acutus, & stridulus sonus, iniucundus esse solet?

I.C. An quia applicatio, quasi in angusto facta vim patitur? an quia auriū mēbranula ictu percutitur vehemētiori quā par est, idcirco repēte contrahitur, & cum ea simul & neruulus quidam ad radicem vsque dentium, quem in locum nouus ilico incidens aer, nescio quem circa dentes horrorem efficit. ALEX. Asper sonus cur non plausibilis? I.C. Quia cum per inæqualem feratur superficiem, aeris confundit circulationes, & speciem quasi fractam ad sensum defert, ynde & sensatio simul varia fit, & confusa, ad quam non se applicat animus. ALEX. Vniformis sonus cur importunus? I.C. Quia nihil nouum percipit anima, coacta nihilominus suas vires ad illum intendere. ALEX. Cur cultellorum stridor qui ob acutam soni contentiōē auiculas in cācellatis caueolis inclusas cantatum prouocat, familiarem nostrum, quem honoris causa subiticeo, ad vrinam illico faciendam impellit? I.C. An quia stridor ille horrorem incutit, ex horrore foris tolluntur pili, intus muscoli succutiuntur. ALEX. At cur ob stridorem horrore perfundimur? I.C. An quia calor imbecilius leui de causa quatitur, admissus per aërem sonus mouet aërem, qui intus est, ijs proxima quæque, illis alia suis sedibus conuelluntur.

DIALOG. XLXVI.

De Odoratu.

A L E X.

O Vr Odoratus, qui datus est à naturâ ad cerebrum adiuuandum, spiritusque in eo reficiendos, præstantissimus tibi est ? I. C. Quia visus non excellēs: sic partitur natura dotes. A L E X. At ego id ipsum quaero, cur Odoratus præstantior ijs, quibus visus deterior. I. C. An quia Odoratus, qui proximus est oculis, functiones in sicco sunt constitutæ, oculorum verò facultas in frigido & humido. Hinc venit mihi in mentem subiratam semel mihi fuisse Isabellam Amasiam meam, quòd in quadam cupidinea cantiunculâ sinistrum meum oculum illam appellassem. At immeritò eam fuisse conquestam evidentissimis rationibus comprobavi. Est enim sinister oculus dextro lōge nobilior. A L. Quam ob causam I. C. Frequens est omnibus in dextrum incubare latus, qua de causâ nocturni vapores ad dextrum oculum confluunt, atque illorum crassitie densiores fiunt visorij spiritus, atque ideo obtusior est dexter ad videndum. Præterea in senectute magis siccescit oculus dexter, nam calor hepatis humores depopulatur &

absorbet, qui visioni adminiculantur: sinister autem humidior est, nec in eo facile vel spiritus extenuantur, aut humores arescunt, ideo circo ad videndum aptior, ac proinde dextro nobilior. Sed quo me protrahit Amor? ALEX. Est ne verum quod circumfertur: bonus odor à concoctione? I. C. Id quidem non semper verum est. Aqua Sole vel igne calefacta nihil acquirit odoris, Gaiaci lignum olet, cortex non item, hic tamen magis insolatus; radices odoratiores stipitibus, hi tamen melius cocti nepe super terra, quare vi aeris iuuatur genuitus calor ad coctionem: illæ minus quia sub terra, cuius humiditas à Sole domari facile nequit.

Quid nonne rosa odorata simul & frigida?

ALEX. Sed Aristotel. ait incocta reddere odores foetidiores, cocta vero suauiores. I. C. Crudorum humorum reliquias vel liquidas, vel alias non male olere certum est, imo vix olere. Quibus impensius fit concoctio, eorum fastidiosa sunt excrementa: & fructus acerbi nihil, maturi bene, putridi male olent, non quia non sunt cocti hi, sed quia extincta, aut superatâ mediocri coctione, vltiore opera calor intensus addidit id, quod supra odorem illum erat. ALEX. Hanc Aristotelis contumaciam non excusabo, dummodo mihi, dicas an sit aliquod Animal præter hominem, quod capiat ex odore delectationem? I. C. Negauit Aristoteles, magno tamen cum

Ar. sect. 4.
prob. 13.

Ar. in sect. 13

Theoph. in
6 de caus.
plant.

mento esse, eāque propter fragrantis odoris vim à cæteris animalibus sequi, quod & Theophrastus confirmat. Deinde, animalia malis odoribus, non iisdem omnia, sed alia alijs fugantur, sulphure muscæ, galbano serpentes, mures nidoze adustæ vngulæ muli. Nihil autem ad perimendos curculiones efficacius quam salugo in qua allium decoctum sit, si eā irrigentur pauimenta ac parietes, confestim enim aliò repunt, ac horrea deserunt, odorisque tetri halitu exanimantur. Idipsum etiam præstant sagapenum, amurca, castorium, sæuina, sulphur, cornu ceruinum, hædera. galbanum, ac graueolentia quæque, quorum suffitum, nec serpentes, nec colubri, nec vespertiliones ferunt. Quod indicat omnis eruditionis parens Virgilius.

Disce & odoratam stabulis incendere cedrum.

Galbanoque agitare graui nidoze chelidros.


Eadem ratione Lupi saluctarij nidorosos flosculos refugiunt qui etiam hominum cerebro infesti sunt, capiti que grauedinem ac temulentiā inducunt. Similiter & Sambuci flores, quorum odor etiam erucas arcet, blattasque ac tineas perimit, quemadmodum absinthiū, ruta, mentastrum, abrotanum, satureia, iuglādis folia, filix, pseudonardus, nigella, coriandrum viride, psyllium anagiris pulices cimicesque interimunt, vel culcitris supposita, aut thoris in aceti scillitici decoctione conspersa. Quamobrem ex aduerso in naturā positum videtur aliqua animalia odoris delitijs capi

oportere. Sic videmus Apes quosdā aspernari, quosdam eligere flores, quorum rorem capient, & quo victitent.

DIALOG. XLVII.

De Gustu.

ALEX.

 D Gustum nunc, si tibi ita videretur, transiliat oratio: habesne super hoc sensu noui aliquid quod me edoceas? I. C. Istud primum, quod in sensuum albo non adscribo.

ALEX. Quam ob causam? I. C. Quia affectus potius est omnibus sensibus communis, atque conueniens. Gustamus enim cum pulchra videmus, cum iucunda audimus, cum morbidas carnes tangimus, & cum à spiritu titillamur. Præterea cuique sensuum suum est contrarium, at Gustui minimè. Quis enim dixerit in gustu esse maximum dolorem? qui in cæteris sensibus, visu scilicet, auditu, odoratu ac tactu, inesse ac sentiri potest. ALEX. Acuta hæc sunt, Sed quæso, quæ communibus innitens principijs, adolescens dictasti, nunc referas. I. C. Latissimè hæc sunt à nobis explicata in Phisicis commentarijs, quorum compendium hoc est. Gustandi facultas in his maximè nervis, qui ad linguam, ad palatum, ad fauciu-

*salutis est
mea
responsum
arguendum
lib. 1. de
Hayen.*

que regionem disperguntur, & spongiosæ eius carnis adminiculo, quâ lingua prædita est, rerum sapores internoscit. ALEX. At quomodo sapor gustâdi seipsum afficit? I. C. quia succo, humorique permixtus seu rectius in humore (eius enim qualitas quædam est affectio) constitutus, linguæ admouetur, diffusus enim cum humore gustum incitat, moxque species eius & imago, vi spiritus in primatam sensum inferitur. Quod si forte in duro concretoque corpore ut in sale sapor erit, non ante poterit sensum mouere, quàm calore liquefactum & dilapsum diffundatur. Horum omnium ratio ea est, quia siccitati nulla cõmpetit actio, hæc enim solius viuentis est, illa vitam non habet, abiit enim innatum calidum & humidum.

ALEX. At qui sunt sapores qui gustû afficiunt? I. C. Acer præcipuè, qui in tenui sicca calidaque materiâ cum consistat, linguam & os acrimonia ferit, atque compungit, simulque calefacit, & interdum quasi exurit, ut piper, picrotrum, euforbium, synapis: Igneæ nãq. naturæ particeps acer est sapor: quare introsumptus meatu aperit, crassos humores attenuat: extrinsecus corpori insidens, cutem rarefacit, humores elicit, resoluitque. Acidus etiam, cū emanet ex tenui siccaque materiâ (cuius vel calor insitus à putredine expirauit, ut in aceto, vel frigidior intemperies tenuitati ab origine comes est, ut in malis citreis, quibusdam prunis, & cotoneis) gustum penetrat, & tenuitate ferit, sed citra vllum caloris sensum, imo refri-

acer
mut. serrag.
aceria

acidus

gerat. Quare etiam in penetrando sit acidum
 valentius acri, acetum namque vetus aut stil-
 latitium metalla, citrei mali succus margari-
 tas dissolvit, attamen non ut acris foris im-
 positum dissolvit, sed sistit cohibetque fluxio-
 nes, & validius quam frigidum astringens, al-
 tius enim frigoris vim deducit. A. L. Illud à te
 quæro, cum omnia acida sint actu humida,
 quomodo putredini, quæ fit ab humido, resi-
 stunt? quod tali probatur experimento: fructus
 ubi ex acidis facti sunt dulces, facilius & ce-
 lerius computrescunt, ut est apud Theophras-
 tum. Igitur acidum videtur esse contrarium
 corruptioni, quare febricitantibus acida con-
 ceduntur, obijciunt enim sese pro reparatio-
 ne valetudinis, putrefactioni. I. C. An id effi-
 ciunt quia astringendo viam occludunt ingre-
 diendi extraneis qualitatibus? an quia in acido
 terræ feruescentis aliquid inest? Sane Gale-
 nus illam agnovit in aceto sub illarum partiū
 notionibus, quas tenues esse dixit, quarum be-
 neficio posse subire profitetur: acidus vero est
 in vino succus, ubi partes aereæ ex eo euapo-
 rarunt, unde etiam vappa dicitur, quo tempo-
 re quiddam igneum terreis in partibus hæsit.
 ALEX. Acutè, sed de pingui sapore quid sentis?
 I. C. Pinguis cum ex tenui, non quidem ignea
 sed planè aerea materiâ, quæ calore & frigore
 quodammodo temperata est, nascatur, nec
 acrimonia nec calore gustum sollicitat, sed
 linguam, orisque partes lentore quodam ob-
 linit: quare sicum pinguem ferè dixerim, glu-

Theoph. in. 3.
 lib. de ca. pl.

Pinguis

tinari enim lentore suo: vinum quoque pingue est, quapropter & aquis innatat, & ardet.

ALEX. Sed dic sodes, cum pingue sit humoris, eiusque aerei particeps, relaxat, emollit & humectat: cur igitur putredini, cuius parens est humidum, resistit? Iamè oleum quod pingue est à putredine sibi depositos seruat fructus. I. C.

Ratio est, quia ob sui densitatem, non cedit humido peregrino, quam ob causam Alnum sub aquâ non corrûpi, in problematibus scripsi. ALEX. De falso sapore aliquid addiscere percuperem. I. C. Salsus sapor non admodum calefacit, sed acriter siccando corrodit, vt patet in sale & nitro. In mediocri materia consistit cum calore & siccitate: terrenas namque partes, quæ sût in aquæo humido, calor externus præassans, exurens, atque exsiccans, falsum saporem inducit. Hinc hallucinatus est

*Varo. l. 2. de
Sympt. c. 3.*

Fernelius, cum falsum oris saporem, à pituita, quæ frigidissima est, prouenire asseruit. ALEX. Salsi vires quæ sunt. I. C. Quia moderatus est in eo calor, moderatè penetrat. ALEX. At quomodo moderatus in eo calor, si à calore processit? I. C. Quia non totus manet, sed permixtione obtunditur, siccitas autem maior conquiritur & persistit. Quare valde exsiccando tenues ichores absorbet, corpora conseruat, & à putredine tuetur. Putredo enim ab humido, quod à calore consumitur, & à siccitate perquam aliena est. Eam ob causam immoderatus salis esus, oculorum aciei obest, falsi namque vapores ascendentes depascunt humidum

humidum, in quo oculi facultas sita est. ALEX. Quot capita, tot sententiæ. Sed putasne salitas carnes, intelligo etiam pisces, nam carnes habent, magis enutrire? I. C. Id negat Hippocrates:

Quia humido. nos alimur, hoc autem magnâ ex parte à sale consumitur; ut potè quia calidum est & siccum. Addam ego, sal sua acrimonia corrodere carnes & vim expultricem extimulare, quare aluum soluit, & per consequens vires enervat.

Cardanus verò nutrire magis affirmat, ob salis pinguedinem: Pingue autem aptissimum esse ad alendum dixerè Philosophi. ALEX. Theophrastus autem asserit palmam appetere salem, quia radicis exsiccationem & ex ea refrigerationem quærit. I. C.

*Theoph. l. 3.
de caus. pl. c. 5*

Qua de causâ Palmæ radices exsiccari velint, percipio, ni fallor, nimio enim feruido humore tabescerent, nisi humor ille absciccaretur: At quomodo sal refrigeret, dubitavi sæpius. Quia tamen id tu mihi obijcis, dicam, radices effici sale crassiores, nempe sal exedit, densat atque premit, quare plus trahunt & bibulæ fiunt, ac propterea frigidæ. Vel sal refrigerat, quia feruidum exedit humorem, atque ita è meatibus excutit. forsitan & sale succus vel quantitate immodicus, vel qualitate incoctus eiicitur. ALEX. Nihil doctius, sed pergamus ad cætera. I. C. Austerus sapor qui proprie crudus appellatur, estque immaturis fructibus peculiaris, in mediocri consistit materiâ, quæ terrenæ, & aqueæ particeps est, in qua non calor, sed frigiditas de-

24.

austerus

minatur, quare os & linguam moderate constringit, & quadam asperitate coarctat, hinc ad refrigerandum & fluxiones sistendas austerum medici vsurpant, idque non, vt aliqui putant, ob materiæ mediocritatem, sed ob frigiditatem, & siccitatem. ALEX. At quomodo fructus ex austeris fiunt deinde dulces? I. C. Cùm in ipsorum materia naturalis calor prædominari cœperit, frigiditatem euincet; cumque calor vi terrenæ materiæ aquea exquisitè permixta fuerit, & iam maturatio fiet, depulsâ austeritate in eadem materiâ succedet dulcedo.

Lutris
ALEX. Aliquid nunc de dulci sapore afferas. I. C. Dulcis sapor à moderato calore fit in mediocri materia, ideo nullâ qualitatibus exuperantiâ gustui molestus est, sed suavis atque iucundus animam oblectat: Quare dulcia fercula, & si vltima comedantur, tamen si vomitu cieantur, postrema prodeunt, non solum quia visciditate adhærescunt, sed quia à natura propter dulcedinem appetita retinentur; Quare & puerulus cum essem, vuarum passarum esu lumbricos expugnabam, ad earum enim dulcedinem rapiebantur, & suauioris edulij copia disrumpebantur. ALEX.

amaris
De amaro sapore nunc aliquid etiam differamus. I. C. Amari saporis materia crassa est, inquit Cardanus, atque terrena, quam exuperans calor præassauit, & desiccavit, quare omne amarum calidum, & siccum esse affirmat: profectò Aloe amarissimi succi est, & suo calore dilatando venarum aperit ora, & pe-

Card. de rer.
var. l. 3. c. 14.

netrando crassiusculam materiam secum deducit. ALEX. Arridet ne tibi hæc opinio? I. C. Minimè: Nam cum acerbi fructus amari sint, ijdemque Solis vi maturati dulcescant (quia iam abstracta aciditas, & paulatim dissoluta, & demum absumpta est, quapropter dicit Philosophus, origanum musto iniectum efficere vinum dulce, quia partes aquosas ad sese auferat, quemadmodum Sol ab vuis) atque ideo dulcedinis tempore sint calidiores, qui antequam maturescerent erant frigidiores, non omnem amaritudinem in calido consistere dixerim, sed in absentia potius, aut in excessu, nam perfecta maturitate, magis ac magis fructus amarescunt, ob nimium calorem videlicet & paucum humorem. ALEX. Non puto fructui maturitatem excedenti fieri calore vltiore amaritudinis accessionem: Nam passæ, pruni, ficus, ziziphæ, quo diutius à Sole excoquantur, dulciores euadunt. I. C. At in furno plus æquo si coquantur, ijdem fructus amari fiunt. ALEX. At quomodo Aloes exemplo satisfacis, illa quidem amara & calida est; nam oras venularum dilatat. I. C. Etiam ficus calida est, dulcis tamen: Aloé calidior est Esula, & peplio, nec tamē venas aperiunt. Non igitur à calore illam Aloé accipit facultatem, quinimo Aloes puluere sisti sanguinem notū est etiam Pharmacopolis, idque propter siccitatem. ALEX. Perge. I. C. Galenus à frigido amarum prodire censuit: Sanè opium amarum est, & pro maximè fri-

gido iactatur. At est quod Galeno obijciam, nam mel coctum amarescit. ALEX. Quam ob causam? I.C. Quia partes eius tenuiores vltiore percoctione absumentur, terrestres relinquantur, atque amarescunt. ALEX. At suntne aliæ de amaro opiniones? I.C. Aliqui dixerunt, à cruditate fieri amaritudinem. ALEX. Atque ego ita censeo. I. C. Non ego, nam ablynthium vetus amarius est nouello. ALEX. At enim uerò cum fructus antequam maturecant amari sint, vt glandes, cucumeres, ex incoctione amaritudinem prouenire dixerim: Quare & amygdalū fimi acrimonia fieri ex amara dulcē Scaliger prodidit. I.C. At oppositam tibi lupini historiam, hic enim in aqua frigida maceratus, amaritudinis deponit habitum: Si à cruditate esset in lupino amaritudo, aqua frigida lupinum concoqueret. ALEX. Iam satis argutiarum est, ad alios progrediamur sapes. I. C. Acerbus sapor linguam, omnemque gustum constringit, & exasperat, quare refrigerat & exsiccat, eius namque materia planè terrena est & sicca, nec aquæ, nec humoris manifestè particeps, in quâ non calor sed frigus cum siccitate dominatur. Theophrast. censuit fieri acerbitatem à Sole. quod falsum est, haberet enim calorem pro causâ, cuius error in publicis naturæ monumentisprehenditur, quippe in nostrati Cælo mitiores fiunt fructus solis beneficio: in Septentrione cerasa sunt acidissima, quia Solis munificencia destituuntur: In Angliâ vix semper

Scal l. 1. de
caus. plant. in
Theoph. c. 19.

verbus

Theoph. in 3.
de plant. c.
12.

acerbæ sunt, propterea quod auræ frigidiusculæ egressum ē Leone Solem excipiunt: Maturescit autem vva Autumni caloribus pomeridianis, qui sub eo Cælo sunt & breviores, & dilutiores. Dicendum igitur est, in materiâ sicciore non esse calori tractabilem succum, sed terreum illud magis fieri terreum; à calore igitur nō fit acerbitas, sed à terrestreitate, vt ita loquar, quam calor facit. Illam autem sequitur acerbitas tanquam accidens. Acerbus sapor est inter astringentem & acidum; plus autem inest in astringente terræ, plus in acido feruescentiæ illius: ilico post exutum florem astringens est in vite fructus: is vbi adultus fuerit, acerbus, etiam in vino, si ante maturitatem prematur: postremo acidus est succus, vbi in terreis partibus quid igneum adhæsit, euaporatis ē vino aeris portiunculis. Insipidus propriè sapor non est, sed saporis priuatio, nulla manifestâ qualitate gustum feriens, vt in cucurbita & citrullo videmus: his materia tamen si crassa quodammodo est, non tamen prorsus terrena & sicca adstringens, sed humore quodam etiam profusa, qui tamen vi caloris exquisitè sicco non permiscetur, & quia neque ipsius frigoris vis superat, accidit necessario vt nullo gustu sapor vllus percipiatur. Aliiter tamen Cardanus philosophatus est, ait enim, *Sapore carere insipidum saporem vocant. Indicat igitur insipidus sapor frigiditatem prædominari, substantiamque illam, seu aquea sit seu terrea, esse crassam, quia*

Card. l. 3 de
rer. var. c. 14.

in illam nullus calor egit. Ob id igitur Elementa, cum omnia frigida sint, insipida sunt aer, aqua, terra, hæc nostris principijs pulcherrime consentiunt. Ex mixtis autem omnia, in quæ calor nullus egit, vel in quæ Elementa egerunt insipida sunt, ut endivia alba, quod terrâ soleat obrui. Talia igitur omnia, frigida sunt & crassa. In his ergo excellens sensus non est, quia frigiditas nihil operata est ob substantiæ crassitiem. Omnia tamen talia immoderate frigida sunt. Non tamen occidunt quoniam crassa sunt substantiæ; nec aqua Endiviæ stillatitia aliquem vnquam occidit, cum tamen omnem crassitiem vi distillationis deposuerit, nec mihi ipsi adolescenti obfuit vnquam nec in hyeme acetarium ex Endivia cum potu aquæ frigidæ, crassitiem tamen iam ab aceto deuoratam credebam. ALEX. At cur saporibus Natura cibos conduiuit? I.C. Non ad nutriendum, credo, à sapore enim alimentum nullum, potius à substantiâ in qua sapor est, sed vt labori manducationis comes esset voluptas, & vt inuitaretur animal ad vescendum appositus sapor est. ALEX. De gustu quidem tam multa, tamque doctè & dilucidè explicasti, vt fastidiosioribus satis sit, nedum mihi, sed libentissimè nunc de tactus sensu aliquid audirem. I.C. Faxo vt audias.

DIALOG. XLVIII.

De Tactu & Titillatione.

ALEX.



Oluptas (parcite auribus vestris vos o pueri Pudoris alumni, qui in Naturæ dedecus, partes illas nobilissimas, quæ procreationis magistræ sunt & opifices, Pudenda, pudendè quidem, nominatis) voluptas, inquam, quæ in Veneris usu percipitur an ad tactum referri debet? I. C. Affirmat quidem Fracastor. Inscitissimè tamen, nam si semen tangatur manu, quo in loco tactus sensus est in homine exquisitissimus, nec titillabit tamen nec vllam excitabit voluptatem.

ALEX. Quænam est Fracastorij ratio? I. C. *Miscella*, inquit, *rotunde confecta tactui iucunda est, quare & semen cum sit corpus aquabile, ea æqualitate ciet delectationem.* I. C. Ciuem Veronensem à rotunditate, dulcedinis rationem deducentem non castigabo, nam ab eo multa didici intellectui meo iucundissima. Sed vt verum fatear, ab æqualitate non fieri offensionem credo, cieri autem titillationem, nego, nam scabendi titillatio & pruritus non nisi à re paulo inæqualiore, &

scabra fieri potest. ALEX. Sed quis tuus sensus de isto sensu? I. C. Ego libenter facerem sextum sensum Veneream voluptatem, quæ sit,

non à tactu, licet non sine tactu, sed à spiritu solo: Quare qui multum coiere, ita vt non amplius emittant seminis, percipiunt nihilominus irritò coitu voluptatem. Titillari nos à spiritu solo asserit Aristot. & quilibet in se ipso experitur maximè in decimo tertio vitæ anno. è contra, nobis vigilantibus inuoluntariè exit aliquando semen absque vlla delectatione, non igitur à seminis contactu dulcedo, sed à spiritu qui sensum facit titillationis. ALEX. Postquam in hanc incidimus disputationem, nonnullas tibi proponam difficultates, quarum prima ea est. Cur rerum omnium suauissimus est concubitus? I. C. An quia, inquit apud Aristotelem, ex toto corpore semen tunc profluit; quibus alioquin non assentior, nam Aristotelis rationibus omissis, sic Hippocratem debellabo. Si de minima quaque corporis particula, vt ille fingit, quippiam seminis decederet, cum nihil possit extare minus minimo, necesse esset vnico concubitu vniuersum corpus in semen quasi liquefactum diffundi. Insuper quælibet seminis portio fecunda est ad generandum Animal integrum, quod intelligi potest ex ijs animalibus, quæ vnico coitu, & ex paucò semine multiplices fœtus procreant: Non potest autem ab vna corporis parte dimanare facultas ad vniuersum corpus efformandum. In homine dissecto

Ar. in probl.
sect. 30.

Ar. sect. 4.
probl. 13.

magnam feminis copiam Lutetiæ vidimus in spermaticis vasculis reconditam. Quare quod in coitu emittitur, necesse est prius congestum & vi præpotente testiū coaceruatum. Addam aliud experimentum. Seminis vasa, quæ multis anfractibus in testes feruntur, sanguinem modice iam albescentem continent, qui tamen nondum testes attigit, cūque non è testibus eò refluxerit, argumentum est in vasis illis, ex sanguine diutius concepto, semen effici, non è toto corpore in concubitu excerni: quare & qui multum coiere, sanguinem demum emittunt: Si autem ex omnibus corporis partibus, semen in coitu efflueret id à coitu non contingeret. ALEX. At à coitu omnes corporis partes languescunt, ergo ex eis tunc semen emanauit. I. C. Negatur consecutio, in coitu eneruantur, & diminuuntur vires, quia ex vniuerso corpore elapsus est calor, & spiritus qui semen excreuit è testibus, atque viuificauit, quâ de causâ spumescens vi spiritus semen exit: Quocirca rectè prodidit Arist. in semine spumosoque corpore spiritum, in spiritu naturam contineri, quæ proportionibus respondet Elemento stellarum. E contra, vbi sponte in die fluit semen, nec spumās est, nec corpus debilitat, nisi continuo, vel in magna copia proflueret, tūc enim vires imminueret, quatenus natura accingeretur, cum sit vacui inimica, ad vasa replenda semine, cuius materiam quidem ex vniuerso corpore eligit & euocat. AL. Quomodo id fit?

Ar. in 2. de
Genet. anim.
c. 5.

I. C. Vt in liene vis quædā inest ad melācholi-
cū humorem proleſtandū comparata, in reni-
bus alia, quæ vrinam allicit, ita & testibus vis
quædam inest feminis materiam vnde quaque
attrahendi. quemadmodum iecur ex intestinis
succum rapit per venas mesenterias, sic testes
feminis materiam sugunt à venâ cauâ, quæ
lumbis & renibus assitit, hæc vero ab omni-
bus circumiectis venis grandioribus, hæc à mi-
nutis, quæ partes singulas alunt. Cum igitur
semen excutitur, debiles euadimus, non quia
è cunctis corporis partibus tunc semen pro-
labitur, sed quia ex illis materia ad semen con-
ficiendum attrahitur quod in vasis deinde re-
poni solet, & postremo concubitu explodi: vel
quia multum spiritus à toto corpore profluit
ad semen viuificandum, atque eiaculandū. An
quia, inquit Hippocrates, id quod venere ex-
cernitur robustissimū quid est? At quomodo
tam facile & celeriter amittit natura quæ o-
pus habet ad robur? An è coitu elāguēscimus,
quia ex neruorum intensiōe constat robur,
laxiora autem fiunt in coitu corpora, itaque
tum primum pili oriuntur, & frequentiores
tandē defluunt, & sudor, horrorq; cōsequitur.
ALEX. Arridet, sed perge. I. C. An suauissimē;
inquit ibidem Aristoteles, cocumbimus, quia
quamuis non ex toto corpore, per eam tamen
partem se promit semen, in quam meatus ve-
næque omnes applicentur & coeant. ALEX.
At Eunuchi nihil feminis emittunt, amoris ta-
men delicias, & amasiæ blanditias prægustant,

Hipp in l. de
Genit. in ini-
tio.

Ar. sect. 4.

& in pueris ipsis tentigo est iucundissima absque vlla seminis effusione. I. C. Concedo. Sed est nihilominus in illorum prurigne inclusi spirituosus humoris secessio, quæ titillationem efficit, hæc autem affluenter animal voluptate perfundit, quia venarum oscula simul coeunt. Quare ita ego dixerim: genitalis seminis excretionem ingens comitatur voluptas propter turgidi spiritus eruptionem, neruorumque tentiginem. A. I. An dulcissima res est venus quia fit generationis ergo? I. C. Imò maiora sentit delectamenta, qui nihil de generatione somniat, sanè oblectatur agens in fine potius quam in medijs ad finem: qui igitur ad sobolem procreandam coit, mediocrem percipit voluptatem, cum adhuc absit finis, quem ipse intendit, sobolem inquam: finis autem priuatio tristitiam affert. ALEX. Cur senes in coitu minus quam viri oblectantur, & hi minus quam iuuenes, qui adolescentibus etiam cedunt? I. C. An quia meatus, ex quibus semen depromitur, longo vsu obcalluere, hinc imbecilla fit titillatio, maxime in senibus, quorum caro sicca est, in iuuenibus maior voluptas, & propter carnis mollitiem, quæ fit ab humido, quo Venus gaudet, quare ex mari genita fingebatur, & propter meatum titillationem: quare scitissime maiores nostri ante veneris usum, balnea voluptariæ vitæ delicias ingrediebantur, ut humido & calido ad sensationem aptius redderent corpus. ALEX. Cur post cursum tentiginem patimur, ut in equis aliquan-

do cōspicitur? I. C. quia multo motu excitatus calor demittit flatus ad ima ventris, flatu autē penis attollitur. Est enim flat⁹ ventus qui pro-
uenit è rarefactis humoribus à calore. Hic est
flatus efficiens, illi materia. An quemadmodū
cursitatio motu, & calore poros aperiendo
crassos humores attenuando excludit, & sudo-
res elicit, ita & semen calore liquefactum
fluit, atque ita sicula inflatur & intumescit: est
enim semen, vt iam multoties diximus, spu-
mosum, & aeræ naturæ, quare quod spumat
& leuis, naturæ est, fœcundum censetur à sa-
pientibus. Quare deceperunt me Præcepto-
res mei cucullati; cum docebant & tradebant
semen illud fœcundum quod in aqua proie-
ctum descendit, quia gravitatis est argumen-
tum quod solidiorem in semine redarguit
materiam; imo spiritibus destitutam, hi nam-
que leues cum sint, vbi semini insunt, sibi
ipsis consimile reddunt. ALEX. At cur ego vbi
in somnis nocturnâ Venere agitor, surgo im-
becillior? I. C. An qui somniat & emittit, si-
gnum est corporis vberioris, quòd surgat
debilior, signum est seminis crassioris, quæ
res maximè valet ad generandum, vtili igitur
illo excremento ablato, resoluitur corpus at-
que lassiusculum fit: qui autem sine noxa
emittunt, id argumentum est, naturam non
esse spoliatam ea parte quam debuit retinere,
sed qua carere potest sine dispendio. ALEX.
Cur vbi in nocte aliquis nocturnâ Venere elu-
sus est, postera die nihilominus concubitum

appetit? I. C. An quia Amasiæ imago in nocte representata adhuc in Phantasia residet, quare spiritus excitat; an pars aliqua seminis, ob vis expultricis (quæ ad cor, quasi ad vexillum, redacta ut defectas vires instauret, requiescit) debilitatem, exire nequiuit à meatibus, quare ibi acescit, suaque acrimoniâ pruriginem stimulat, quemadmodum in acido lacte, quod, *pūsquato*, nostri rustici vocant, cistando nescio quid titillationis in lingua & palatu experimur. ALEX. Cur ubi à Medicis admonemur, ut sanguinem è venis proximâ luce, chirurgicæ manus extrahant, in somnis Veneris illusionem semē excernimus? I. C. An quia à tristi illa futuri doloris specie in imaginatione receptâ refugiūt spiritus atque sese abdūt in recessus intimos, vnde fit flatus, & per consequens expulsio seminis. An quia respuēs Natura violentū ictū, quo quomodo potest eum impedire cōatur: Nouit autem medicas manus abstinere à sanguinis emissionem, quando pollutio præcessit? An quia ob timorem superiores sanguine priuantur partes: Quare calor deorsum demissus, & in vnum collectus, validiorque factus seminis excitare profluum potest. An aduertens Natura sanguinis emissionem corpori necessariam, minus utilem depromit, tale autem est semen quod excrementum ab Aristotele dicitur. An debilis tunc est ægrotus, quare infirma natura, quod non potest calore suo fouere semen, expellit, ut principibus corporis partibus potius vires

suppeditet. ALEX. Cur mulierum maxima pars tardius in coitu soluitur? I. C. An quia (omittamus Galeni rationes) ex Hippocr. sanguis aquosus est, pariter ergo & semen, quod ex sanguine excoqui receptum est apud omnes: qua de causâ Galenus mulieris semen humidius esse tradit, atque frigidius: frigidiora autem tardiora sunt, quia calor est primum Naturæ instrumentum, Natura verò principium motus. At enimvero celerius solui quotidiano experimento comprobatum est, & ratio suadet: Humidius namque cum sit fœminæ semen celerius decurrit: nec frigiditas impedit quo minus fluat, motu namque tunc incallescunt, cumque pusillum fœmina emittat, facilius emissioni assentitur natura, quæ minima non curat. ALEX. Cur pulchram puellâ imaginantibus penis intenditur? I. C. An quia è cerebro iucunda effigies cùm animæ offertur, cor, in quo potissimum illa residet, spiritum & calorem ad id membrum transmittit, titillatione in eo per nervos excitata. Calor autem dum ad ipsum tendit, humidum, quod in via est, dissolvit, & in flatum vertit, qui per mentulæ meatus transiens eam intumescere facit. ALEX. Cur præ nimio amore aliquando veneri exercere non possumus? I. C. An quia inquit Cardan. voluntas contrahit spiritus, & ad superiora reuocat, & imaginantem facultatem, à qua maxime iuuatur Venus impedit. Homini enim proprium est non bene operam dare duabus rebus simul. Sed Nugæ ista. Voluntas enim in lati-

Gol. in l. de
semin. genit

Gal. in 2. Et
14. de offic.
membr.

Card l 13. de
iur. i. d. se c. sib
l. 13. len i

tia non contrahit, sed dilatat spiritus, vt aliàs docebimus. Et si ad superiora reuocat, quomodo imaginatiuam impedit facultatē? Forſitan vis imaginatiua in calcaneo ſedem habet? Ratio ea eſt, quia ad pulchrum obiectum emittimus ſpiritus, qui cum eo coniungi cupiunt. Anima namque magis eſt vbi amat, quam vbi animat. Nam vbi amat libere fertur, vbi animat, neceſſitate detinetur, quare debiles efficiuntur ob ſpirituum emiſſionē.

ALEX. Cur ſtudioſi ad venerem proni ſunt? I. C. An quia (inquit Mediolanenſiū Philoſophorum Deus Cardanus) calidiſſimi illi ſunt, atque humidifiſſimi: Calidum autem & humidum faciliſſimum eſt ad concubitum. Quare (addamus nos) cum ita ſoleat eſſe corpus in ſomno potius quam in vigiliā, dormiens celeriter abſque vlla agitatione ſemen emittit, vigilans non item. ALEX. Perpulchre. I. C. Maior nihilominus eſt falſa. Nam calida & humida mulier, non tamen ſapientiſſima: explico. Idem viri mulierique calor, in muliere verò non apparet dilutus humore multo: in viro ſentitur, quia ſiccitate acuitur, quinimo acutius conſiderans Scaliger fœminam dixit calidiorem, mammaſ enim habet, quæ caloris copiam præſeferunt. Calida igitur mulier: at humidifiſſimam eam eſſe fatentur omnes. Sapienſiſſima igitur erit ex Cardani ſententia, qui humidifiſſ. & calidiſſ. dixit eſſe ſapientes: an rectiùs dicemus, ſapientes ad Venerem minus idoneos, quare debiles vt plurimum ſtupidos,

Gal. l. 1. 4. de
Med. rat.

atque inertes generant filios : Nam ob speculationem à corde versus cerebrum feruntur spiritus, quibus genitales partes destitutæ languescunt; Quinimo ob studium resoluuntur, exercitatione namque exsiccantur, & pereunt qui humidi erant, quare Galenus asserit, Animæ affectiones exsiccare corpora, atque extenuare, ergo ad coeundum ineptiores se habent Philosophi, humidum namque corpus exquirat Venus, tum propter semen, tum quia humido calor alitur; Calor autem in coitu obtinet principatum. Sed vis dicam quæ sentio. Oculis quidem vulgi videntur sapientes esse libidinosi, quòd Matrimonij capistris ora præbere recusantes, ipsorum concubitus & si rati, damnabiles tamen existimantur, & conspicui fiunt, nam ob nominis splendorem, & magnitudinem, omnium oculi in ipsos conuertuntur, non ad laudem, sed ad obtrectionem, ut merito Soli à nobis assimilentur, qui non nisi cùm deficit, spectatores habet. ALEX. Cur Maximorum virorum patres plerumque ignorantur? I. C. An quemadmodum heroicæ virtutes supra humanum genus effert Aristoteles, ita heroum generationes altioribus atque minus manifestis causis attributæ sunt? An quia sæpenumero ex illegitimo concubitu nati sunt. Iamè spuriū vidi neminem non fortissimū, vel ingeniosissimū : cuius rei ratio ea mihi videtur esse, quod omnia largè & effusè ex paternis lūbis ac visceribus sunt cōsequuti, nec in fur-tiuo illo ac clandestino cōcubitu, parcè, ieiunè tenuiter

tenuiter, sed affluenter naturæ munera illis infusa sunt: Cùm enim vterque avidè se explere libidine gestiât, ac prodigaliter in amplexus, atque oscula proruat, totisque viribus ac profusè in propaganda sobole incumbat, sit ut omnia, quæ in conceptu necessaria sunt, cumulatè perficiantur, nec quicquam in hoc negotio desideretur: eoque euenit, ut cum nati parentum indolem exprimant, ac multa ab ijs consequantur, incredibilis sit erga eos parentû beneuolentia: ex qua vi etiam emergit in hac sobole alacritas, mentisque erectio, tum generosus quidam animi affectus, quò tales indignantur extra decus limitesque Matrimonij se esse prognatos, ac deesse sibi aliquid præ cæteris, quod ad honores ac dignitates publicasque functiones attineri: Quæ res efficit ut se modis omnibus extra contemptum vindicare nitantur, atque illam notam, quam imprudentes quidem impingunt, probitate morum ac vitæ integritate aboleant. ALEX. Quid subrides? I. C. Deridiculum meum cogitabam in somnium. ALEX. Quæso enarra illud ridendi gratia. I. C. O utinam (hoc erat somnium) extra legitimum, ac connubialem thorum essem procreatus: ita enim progenitores mei in Venerem incaluisſent ardentius, ac cumulatim, affatimque generosa semina contulisſent, è quibus ego formæ blanditiem, & elegantiam, robustas corporis vires, mentemque innubilam consecutus fuisset; At quia coniugatorum sum soboles, his orbatus

sum bonis: Sanè pater meus inclinata ætate, ubi iuuenilis ardor deferbuit, matrimonio se addicauit: Flaccidæ erant illi septuagenario vires, spiritus exiles, facultates naturales imminutæ, ac proinde modicis viribus semen imbutum erat, & languidè excussum: concubitus enim perfoluebat (vt loquuntur) debitum, non (vt pro æternitate dimicantem decet) fortitudinis rationes excitans, certamen inijt robustus: quare minus virium, minusque roboris obtinui: quòd si excelsus nunc mihi est animus, grata forma, corpusque paucis obnoxium infirmitatibus, inde euenit, quòd pater meus etsi senex, blandus tamen atque hylaris erat, eiusque ob senium frigescentia membra (irrident Philosophi hæc Christianorum connubia) adolescentula vxor complexu fouebat. Quinimò moderatè vino concalesfactus ad Veneris comœdiam peragendam se accinxit amicenissimo illo anni tempore, quo se omnes naturæ vires exserunt. ALEX. Hæc per Deos immortales non vinolentorum somnia, sed cogitata sapientum videntur, sed efficias, vt postrema quæ protulisti verba, melius obaudiam. I. C. Vernis mensibus procreationi operam pater meus scitissimè impendit. Siquidem ea anni pars equis etiam effœtis hinnitum extorquet. ALEX. Nos verò Christiano-Catholici imbecilliores tunc sumus ob quâdragesimale ieiunium. I. C. Imò tunc carnis stimulus vehementius nos angit: quippe Venus flatu, & ca-

lore excitatur, semine perficitur. Huius materiam abundè suppeditant amygdala, nuclei pini, pistacia, vuæ passæ & corinthiacæ, vina dulcia, vt supersedeam è preciosissimis pisculentis cibarijs, quibus Magnates perfruuntur. Flatus copiam subministrant herbæ, & legumina, quibus tunc vescimur. Caloris suppetias conferunt aromata, vulgo *species*, quæ esculentis copiosè insperguntur. Pascimur etiam tunc temporis testaceis, ostreis, gammaris, locustis, cancris, cochlæis, conchisque marinis, quæ ob caliditatem, mordacemque naturam libidinem concitant: eandem ob causam salita, quibus assatim vtimur, lumbos incitant, mouentque tentiginem. Quam ob rem Ægyptij (Plutarcho teste) à sale omnibusque salitis abstinuerunt, quod à sale Venerem irritari crederent. ob salis esum mulieres etiam tentigo tunc infestat, & ad concipiendum aptiores reddit. ALEX. Quomodo id probas? I.C. Ratione, & exemplis. ALEX. Quæ nam illa ratio est? I.C. Sal abstergit omnem viginem, vuluamque plus satis madidam exsiccat, quare semen tenaciter adhærescit, veluti & palustrium agrorum sterilitatem sale coloni expugnant. ALEX. Exemplamodo proferas? I.C. Non defuerunt Philosophi (vt Plutarchus refert) qui mures citra vitilem operam concipere assererent, si crebro salem lingant. An hoc verum sit, ignorare me profiteor; illud scio salem fœcunditati auxiliari, nam immensa foricum copia in ma-

rinis nauibus enasci solet, & salinarias mulieres multarum prolium feraces esse adueri in meis peregrinationibus. ALEX. Tuæ subscribo sententiæ: sed quæso illud me doceas, cur virguncularum color, vbi vri, ac prurire incipiunt, gilvus, & mustelinus est; quinimo animi deliquio, atque vteri strangulatione acerbissimè infestantur: vbi connubio destinantur, blandæ, & amabiles euadunt. I. C. Causa in promptu est, vitiati seminis suppressio: nam semen retentum corrumpitur, veluti & lac: corruptum vbi fuerit, virus contrahit, & veneni qualitatem asciscit, ideò sæua excitantur nubilibus puellis, viduisque pruriginosis symptomata: at vbi semen subdito virili pessulo elicitur, efflorescunt, roseumque colorem nanciscuntur. ALEX. At cur crebra fundunt suspiria, cordisque tremor, & palpitatio eis aduenit? I. C. Quia expultrix facultas ad excretionem turgentis humoris incitatur. ALEX. Legi in quodam libello Germanico Idiomate conscripto, quot afferat corpori beneficia moderatus Veneris vsus: attamen author ille, indignus qui nominetur, eò ineptiæ miser recidit, vt afferat, non magis piaculum esse è spermaticis vasis semen quolibet modo excernere, ac depromere, quàm è capillacea coma crines abscindere, vel vnguiculas arrodere; paria enim hæc excrementa sunt. I. C. Has ego detestor voces non modo vt Christianus, sed vt Philosophus, nam quid diuinum inesse semini osten-

dit finis, propter quem Natura condidit, & ipsiusmet actio, quæ in diuini Templi Architectura versatur. Omitto hîc errores, in quos lapsus est Cardanus, eidem putrido innitens Card. l. 2. de Sapia-
ntia fo. 55 edit. No-
timberg. fundamento, Est etiam (inquit) illud considerandum, partem illam, ob quam maximè generi studendum esset, scilicet memoriam inter homines, necessario interrumpi vel evanescere: qua sublata quid reliquum iam est tui in filio, nedum in propotibus? velut enim ex pomo hoc vel illo generis esset, parum plus attinet, cum excrementum diuersum ex diuerso etiam cibo generetur, ut hic qualitatem quidem glandium, hic frumenti, alius vini retineat: unde etiam tam dissimiles vterini fratres sunt, etiam si ex eodem patre geniti fuerint. Quominus mirum sit Reges quosdam & priuatos ob gloriam filios occidisse. Audite nunc Cardani manes, & si nihil à morte superesse olim ille affirmauit. Si tam vile excrementum est semen, ut fratres irrideat quòd mutuo se diligant, Ibid. fol. 53. quia ab eiusdem sentinæ diuerso tamen excremento pullularunt, cur in Moysen duorum fratrum semina commisci permittentem debacchari ausus est? Ridemus (dixit) Des. cum op.
filium d. p.
filiu. f. u.
le. curi au. meritò Lycurgum, quod instituerit, à sene virum posse uxorem iuueni quem maximè probaret, substitui ad propagandum genus, ut qui nascatur pro mariti filio habeatur. At Moses iussit, ut cum primus frater mortuus esset, proximus illi relictam uxorem duceret, procreatique filij prioris fratris haberentur. Igitur inter Moysen, & Lycur-

gum satis conuenit. Verum ut Mosis modestior
modus, cū à funere præcipiat fratri: sic Lycurgi
(ô vocem detestandam) irreprehensibilior quod
sanguinem duorum fratrum in vna muliere non
commisceat: quem morem satis Cornelius Tacitus
gentibus exprobrat, inuisosque illos merito omnibus
dicit, qui non secus ac canes, & fera non à cognatis
cauent, sed promiscuè miscentur. ALEX. Imo

Ibid. fol. 97. ipse Cardanus alibi asserit, maiorem nos per-
cipere voluptatem, si sorores, & affines
subagitemus quàm si extraneas mulieres, &
parum (aiunt Athei) abest à vero suspitio, nam
ut Iurisperiti asserunt, duo vincula sunt for-
tiora vno. Præterea inter affines, tamquam ex
eodem stipite promanâtes aliqua intercedere
solet sympathia, & sanguinis, humorumque
conformitas. Coloniae Allobrogum cū ef-
sem, Belgam quendam Atheum sic ratio-
nantem excepi. ad politicum regimen affi-
nium coniunctio à legibus interdicitur, nam
ralem, tantamque inde prægustarent coeun-
tes dulcedinem, ut nulli aliæ rei operam da-
rent. Addebat hic Atheus apud alias Natio-
nes non pro crimine haberi. Nam & de He-
bræorum Patriarcha legimus cum proprijs
filiabus rem habuisse; apud Gentes leuissi-
mus erat lapsus, quare incestum dixerunt,
quasi non castum, ut Nonius exponit: apud

Persas hodie impunè licet sorores in vxor-
em ducere. *matres autem putant, ut*

Quibus perditissimi nebulonis blasphemiam
matris in fundo concubitu et dista-
re solum hinc solum Catull.

*et prius
inueniatur
et si auer*

*Magister
inueniatur
et si auer*

mijs ego respondi, iustissimis de causis prohiberi coniugium inter affines, nam aliter in maximum Reipublicæ detrimentum familiæ non coniungerentur, & complures innuptæ virgines remanerent. Moïses id concessit Hebræo populo, nam angustis Regni finibus continebatur; extranei verò Incolæ Idololatræ erant, ac propterea ambiguum coniugium respuebant. Insuper Hebræi facilè vxores repudiabant, cui malo Moïses vt obuiaret (nam repudium permisit tantum ad duritiam cordis) affinium coniunctionem plenus Deo meditatus est, vt & coniugalis amor, & sanguinis simul ratio à contracto matrimonij fœdere deridendo eos auocaret: quàm damnabilis fuerit apud Ethnicos incestuosus concubitus, abundè historici testantur, quos vt omittam, Ciceronem hîc appello, cui tale crimen à maleuolis fuit obiectum, is ita loquitur, *omnibus enim ex animi perturbationibus est profecto nulla vehementior, ut si iam ipsa illa accusare noles, Stupra dico, & corruptelas, & adulteria: incesta denique, quorum omnium accusabilis est turpitudo*: Dicebatur autem incestus, idest, non castum, vitium igitur erat, sanè castitas virtus est: Virtutis autem carentia, crimen est, alij tamen incestum deducunt à cæsto Veneris cingulo, quo amor maritalis in legitimis nuptijs conciliari putabatur, vt incestus dicatur concubitus illegitimus, cui cingulum illud iustarum nuptiarum insigne

*horum lorum
putatur*

Cic. 4. Tuscul.

non adhibetur. Quid barbari Persarum ac-
colæ factitant, rationale institutum non ar-
guit, nec probat apud eos, qui fabulosa Per-
sicae Religionis rudimenta perlegerunt. Sic
ego sacrilegas illius Athei voces, nefarias
obtrectiones, ac sermones inquinatissimos
comprimere, retundere, ac habetare haud
sum veritus apud exteros, & si vitæ pericu-
lum imminebat. I. C. Hoc profecto Car-
danus vix crederet, qui Atheos contrariæ
sententiæ fautoribus mortem nō minitari cen-
suit. Nunc demum (inquit ille) videamus, an for-
san ad benè, beateque viuendū animæ immortalita-
tem credere plurimū conferat, atque ut video, nec in
hoc utilis est hac opinio: quinimo ut apud Ciceronem,
Laertiumque Diogenem multo sanctius iura, fi-
dem ac pietatem colebant Epicurei inter homines,
quam Stoici, vel Platonici: atque huius causam
fuisse reor, quod, ut Galenus docebat, homo sit
consuetudine bonus, vel malus. At verò his qui
sanctitatem vitæ minime profitentur, nemo fidit:
quamobrem fide maiore uti coguntur, talesque se a-
pud homines præstare, ut non videantur ea profes-
sione deteriores: unde etiam euenit, ut his temporibus
paucifæceratorum fidem aequiparent, cum tamen illi
reliquo vitæ genere sint perditissimi. Quinetiam apud
Iudeos, cum Phariseorum secta resurrectionem, nedū
animorum fateretur immortalitatem, perpetuo Chri-
stum insectabatur: Saducei, qui animi interitum fa-
cebantur, vix semel, aut bis illum, nec moleste admo-
dum tentauerunt: inde si Plinij, & Senecæ vitam,
non verba comparaueris, inuenias Plinium cum sua

Cardan. de
imm. anim.
c. 2. fol. 33.

animorum mortalitate tanto superare Senecam probitate merum, quanto verbum Seneca religiosissimus Plinium vincit. Colebāt Epicuri honestatem, pupillorum hereditates officiose tractabant, filios defunctorum amicorum proprijs pecunijs fovebant: apud omnes optimi viri præter Deorum cultum, quos esse firmè negabant, habebātur: ad hanc etiam spem mali occasionem arripiunt, boni multa perperam patiuntur, leges mitiores statuuntur, sic fit, ut hæc opinio etiam iacturam rebus humanis afferat; sed nec ad fortitudinem conducere videtur, nam nō Cassio Brutus fortior fuit, & si vera fateri volumus, crudeliora etiam fuere facta Bruti, quàm Cassij, nam ille Rhodiōs infensissimos longè melius habuit, quàm Brutus amicos quibus præerat civitates. Quid tandem? Brutus stoticus patriam ab Epicureo Cassio servatam, Antonio præter leges incolumi præstito, evertit. ALEX. mitta-
mas has Cardani ineptias, quas in tua Apologia
pro Mosaica, & Christiana Religione sapiētissi-
mè iuxta & Catholicissimè cōfutaſti. I. C. Oc-
currūt ne tibi aliæ in hac quæstione dissoluendæ
difficultates? sed quid subrides? ALEX. Famulæ
meæ stulticiam admiror simul & irrideo. I. C.
Quid illa paupercula cōmisit criminis? ALEX.
sponsum formosum recusavit, quia mentum
non vndique pilis suffultum habebat, & de-
lyrans illa, claudio homuncioni nupsit. I. C.
Maritæ huius honestatem, & sapiëntiam ad-
miror, ALEX. Quid ais: an quandoque bonus
dormitat Homerus? I. C. Si impudica dici-
tur mulier, quæ viri sui absentiam exoptat, nō-
ne castissima ancilla tua vocitabitur, quæ pe-

dibus, cruribusque vitiatis hominem in maritum sponte duxit, quem totos dies domi fediturum praeuidebat. ALEX. Sed qua in re eius admiraris sapientiam? I. C. Quia barbatulo viro noluit nubere, à desiccatione pilus, desiccatio à calore est, quare pilorum inopia, caloris pauperiem significat, calidos autem operarios Venus requirit, quapropter Soli munificentissimo caloris largitori generatio tribuitur. Forsitan illa in somnis, ita obraciocinata est: castrati cantores sunt imberbes, quare ex toto ad partem arguens sub paucula barba vitium latere conijcio, satius erit claudicantem maritum accipere, nam ex hoc genitales partes inusitatae magnitudinis habere, maximique libidini deditum esse deprehendo, alimenti namque materia, quae inualido pedi destinanda erat, superne retinetur, & in partes genitales refunditur, & magna pars in semen elaboratur, cuius vis & copia tentiginem mouet atque obscenis partibus pruriginem excitat: sic videmus tortas arbores viuere diutius, propterea quod vegetiore radice nitantur, succum enim ab ea intercipiunt, iccirco non corrumpi eas superfluo atque aduentitio certum est, quemadmodum palustribus rectis accidit. ALEX. Acutissime disputas, sed ex animo euellas quos modo infigisti scrupulos. cur testium auulsio barbam nasci prohibet? I. C. An ex caloris diminutione id contingit? Est enim pilus, ut dixi, à desiccatione, desiccatio à calore. Praeterea ex caloris imbecillitate materia molitur duriciæ,

inde sequitur menti glabricies, hinc constipatur, & contrahitur cutis, quapropter pilis exitus denegatur. ALEX. At cur Eunuchi non fiunt calui? I. C. Quia tollitur Veneris vsus, iccirco succus non subtrahitur, quam ob rem & castrati Arietes cornua maiora gerunt; E contra libidinosi cito caluescunt, nam superiores partes parum sanguinis obtinentes coitus refrigerat, pili igitur alimento destituuntur, remoto alimento, pili necesse est vt decidant. ALEX. Cur Testium auulsio tuetur hominem à podagra vt scribit Hipp? I. C. An quia venus non exercetur: Sanè coitu calor debilitatur, laxatur corpus, inanitur, fit defluxio cerebro debilitato, in laxitate recipitur humor, qui propter caloris exiguitatem, & materiæ pertinaciam & crudus est & resolui nequit. ALEX. Cur autem capi, qui castrati sunt podagra multis modis afficiuntur? I. C. An quia pusillus eis calor, edacitas multa. ALEX. Cur spadones vocem reddunt acutiorem? I. C. Quia humor in eis abundat, qui ex ipsorum pinguedine, præcipuè in pectore, nam veluti fœminæ mammas habent prægrandes, facile deprehenditur, quare fauces & canalem, quem vocant asperum, crassum reddit & per consequens angustiores, spiritus autem eò acutiùs sonat, quò per angustiora extruditur, id quòd è tibiæ foraminibus deprehendere licet, & ratio illa suadet, virtus vnita fortior.

Hipp. se A. 4.
aphor. 29.

DIALOG. XLIX.

De Hominis Affectibus.

ALEX.



Vnq̃ mihi superest vt de hominis affectibus te interrogem, & primo à te quæro, Cur præ gaudio aliquando lachrymas fundimus? I.C. Quia spiritus vasto impetu prodeunt, atque ita humores colliquefaciunt. ALEX. Cur præ lætitia nonnulli obierunt? I.C. An quia spiritus ad cerebri membranam cum ferantur, magno nisu inde liquorem exprimunt. ALEX. At cur eò feruntur spiritus. I.C. Vt lætam speciem ibi impressam cõtēplentur? An periere, quia profusum insolensque gaudium spiritum caloremque tam vehemēter è corde in summa corporis effundit, dissipatque, vt id caloris benefico prorsus destitutum, vel syncope, vel morte repētina corruat. ALEX. Cur in lætitia prosiliunt spiritus? I.C. Causa est, quia similia vnionem maximè appetunt, quod enim non est vnum, non est quidem: Ita id quod est à suo simili separatũ, & illud defraudare, & ipsum ab illo essentia quasi complemento defraudari videtur: Quare vnum esse appetunt, hoc enim est eorum esse verum: accirco spiritus exeunt, & ideo amās

eupiens vnum esse cum re amata, appetit corporum coniunctionem, effecitque vt duo spiritus osculorum coniunctione fiant vnus: Quare amoris fundamentum cum putarent etie sapientes, Basium Græca voce donarunt.

ALEX. Cur in lætitiâ ridemus? I.C. An quia spiritus latè se propagant, hinc dilatâtur musculi; qui à lateribus buccæ sunt, faciuntque

illum oris motum, qui risus dicitur. ALEX. At cur in contemptu subridemus? I.C. Quia est ira subadumbrata, qua spiritus effunduntur.

ALEX. At cur ij qui in præcordijs vulnerati sunt, ridibûdi perire dicuntur? I.C. An quia, vt dixi, risus fit à dilatatione diaphragmatis, exqua ditatio quoque musculorum, qui circa buccas sunt, per consensum fit. ALEX. Cur in titillatione, quam Italicum vulgus, paulo corruptiori nomine vocat *teftigationē*, ridere solemus. I.C.

An quia, inquit Fracastorius, ex primo cōtactu, leui pressione quidā veluti horror accidit, qui ad diaphragma & cor pertingens, repentinam contractio-

nem, & suspensionem animæ facit: mox subito etiam dimissis nervis illis, subito etiam cessat horripilatio, & cor ad propriam naturam redit, quod cum de-

lætatione & gaudio fit, & dilatatione: est autem tam subitus vterque motus, vt simul penè sint suspensio animæ & dilatatio: quod in risu quoq. cōtingit, pro-

ppter quod & hîc quoque proportionale quiddā cōtingit non sine molestia quadā. Est (inquit Iul. Cæsar) titillatio dissipatio spirituum in partibus la-

xioribus, quo motu subsiliunt sensorie partes, in laxis enim faciliior fit spirituum subsilitio,

*at l'organe
non efficit
d'ad & l'ad
sed malle*

*Fracast. de
Symph. c. 20.*

& quas ad partes neruorum extrema pertinent, in ijs enim sensus præstantissimus.

ALEX. At quare nemo seipsum titillat?

I. C. Quoniam inquit idem, *subita quedam horripilatio est, quod titillare dicimus, subita autem fit titillatio & repentina, quum anima imparata, & non aduertente contactus fit, at sese tangente aliquo, semper parata & aduertens anima est.* Eximio quidem Philosopho assentiri percuperẽ, nequeo tamen, non solum enim ego obseruans & diu etiã, tactus promoueor, sed antequã tãgar sola imaginatione. Ratio huius rei ea mihi esse videtur, quia nemo sibi est extraneus, itaque nõ æque patimur, & certe etiam ex attrectatione nostrã non nihil motus exoritur. ALEX. Cur in mæstitia expallescimus? & frigesimus in externis partibus? I. C. Quia spiritus intro retrahuntur. ALEX. At cur ita accidit? I. C. Quia tristẽ illã speciem in phantasia impressam fugiunt, atque in recessus intimos se inducunt. ALEX. At si intus spiritus colliguntur, cur tristitia cor refrigerat, cõcoctionem labefactat, & pulsus paruus, tardus, rarus & imbecillis euadit. I. C. Quia spiritus, inquit Fernel. in cor solum recurrunt, tanquam ad arcem, quare cor vehementius premitur, & strangulato calore penè obruitur. Laxa sanè sententia, nam caloris contractio concoctionis causa est, vt Hipp. docuit & experimentum suadet, Vètres enim hyeme calidiores. Ego vero dicerem quòd ideo concoctio deprauatur, quia spiritus aliò

intenduntur, & ad concoctionis ministerium inepti fiunt, crassescunt enim atque obscurantur, quapropter neque penetrant, neque viuidi sunt, sed torpent circa speciē quæ tristitiæ causa est. AL. Cur in mœstitiâ lachrymatur? I. C. An quia spiritus contrahuntur, atque ita densatur cutis, exprimitur humor & fluit lachryma. ALEX. Cur lachrimanti diuersus est oris habitus? I. C. Ob spirituum constrictionem. ALEX. Cur in eiulatu vox varia? I. C. Ob spirituum intus coarctorum, atque ebullientium concursum, & quasi conflictationem. ALEX. Cur in mœstitiâ somnus arceatur? I. C. Contracto calore somnus prohibetur, inquit Cardan. sed decipitur, nam caloris cōtractio somni causa est apud Philosophum. Ego vero sic dicerem. somnus aufertur propter imaginatiuæ agitationem circa speciem quæ mœroris causa est: conflictamur etiā vigilijs propterea quod consumitur humidum cuius fit resolutio contentiore animi motu, qui perpetuo circa rem vnam oberrat, atque obuoluitur. ALEX. Cur in pudore initio impallescimus, mox erubescimus? I. C. An quia pudor est tristitia quam concipimus, vbi in alterius præsentia inhonorificè diximus, aut fecim⁹ aliquid, vel iam factū nobis exprobat: at in tristitia cor patitur, quare ad illud auxiliij ergo natiuus calor vndiq; diffusus defertur, hinc exteriores partes calore destitutæ pallent, cor autem opem laturum ijs partibus quæ maxime laborant, calorem

qui sanguinem attrahit, ad faciem, quæ pallore confunditur, quasi ferre non possit præsentia eius qui nostros defectus aspicit, transmittit: quapropter rubemus, quod mihi adolescentulo sæpenumero accidebat, cum maxime paternas obiurgationes prætimerem. At ille vir optimus ingenui animi indicem esse dicebat. ALEX. At cur in metu membra contremiscunt atque expallescent? I. C. Quia introriorum refugiunt spiritus; Hinc externæ partes spiritibus destitutæ, sustinere se nequeunt, & calore introrsum reuocato, plumbeus remanet color. ALEX. At cur in timore spiritus contrahuntur? I. C. An quia futurum malum prævidentes, ad cor tanquam ad arcem tutissimam confugiunt: Idcirco in metu cor maximè palpitat quod virium additamenta præostendit. ALEX. Cur aliqui præ timore suo fato functi sunt? I. C. An quia timor futuri mali prosternit animum atque verberat: quare spiritus ab illa tristi specie fugientes, in unum contrahuntur, atque ita cor premitur & stragulatur: propterea mihi puerulo confictas manium umbras pertimescenti potum aquæ frigidæ famulus exhibebat: Ita enim cor refrigerabatur, & spiritus ex timoris percussione eò conclusi & abiecti, ad suas functiones exequendas euocabantur. ALEX. Cur ex timore nonnulli canent, ut sub Francisco Gonzaga Mantuano Principe contigisse legimus, affinem suum coniurationis accersitum quem in turri portæ Cæsareæ seruari iussit, repente canicies subit. I. C. An quia

quia præ timore spiritus contrahuntur, propterea externæ partes frigescunt, atque ideo, refrigerato pilorum alimento, succedit humor non naturalis: quemadmodum enim subducto à crinibus nutrimento caluescimus, sic viatiato canescimus. ALEX. Cur irati blasphemant homines & sæpenumero (proh dolor) Deum? I. C. An quia ira appetitus ultionis est vel, ut assererat Melactō, motus animi mixtus ex tristitia & cupiditate vlciscendi, quare anima ad ultionem se preparat, atq; ideo vndique vires colligit: caloris autem collectio fit circa cor, vbi præcipua est ipsius animæ sedes: hinc aliqui definierunt iram, sanguinis circa cor accensionem seu ebullitionē; Deinde collecti caloris transmissio fit ad partes quæ nocere possunt: & quia absentes hostes lingua lædit homo, iccirco spiritus exeunt, & ad eam se producunt quasi suppetias ei laturo, vnde iurgijs & imprecationibus inimicum incessunt, sed quia tā levis vindictæ verecūdatur anima, ne vires ei deesse aliquis suspicetur, in Deum ipsum, quem illatæ iniuriæ authorem esse turpiter credit, debacchatur & furit. ALEX. Vnde probas in ira spiritus è corporis latebris ad externas partes euocari? I. C. præ spirituum, & sanguinis exuperantia turgent manus & lingua etiam: quapropter irati balbutiūt, & sitiūt, eorumq; vultus rubent, & oculi micāt: quare Alexander in India prælio circumuētus, præ audacia, & ira lumen & ignem ex se profundere visus est. Quid miraris? nonne & Theodoricus

pater scintillas ex toto corpore profudisse legitur, vt scintillantes flammæ hinc inde etiam cum sono profilirêt. ALEX. Si Turcica plebs in vno è suis sacerdotibus hæc cōspiceret, in Duorum numero eum collocaret. I. C. Imo & in belluis hæc aliquando apparent. In historijs proditum est, Tiberij equum ore flammigerasse. ALEX. At cur ij, qui improcero, pusilloque corpore existunt, oblata etiam futile occasione, ilico ad iram concitantur? I. C. An calido sunt corporis habitu, ideoq; citissimè bilis accenditur, quæ propter loci angustiam, minimumque organorum interuallum, mentem cōfestim corripit, atque vt tuguriolum inflāmat: eadē ob rationē pusillæ staturæ homines ingenio præ cæteris pollent, nam spiritus coacti, minusque diffusi acrius vires suas exerunt. AL. Afferis, in calido, siccoque corpore bilem statim accendi, ac proinde illius constitutionis homines pronos ad iram: at cur mulier, quæ humidissima est, subito quoque incandescit? I. C. An quia in muliere vbi bilis accenditur, cōfestim (est enim illa molli, laxaque carne) per corpus se diffundit, ac subitam sanguinis circa cor ebullitionem excitat, quæ repente deferuescit, nam humido, quo mulier abundat, reprimatur. ALEX. At cur plebeiz mulieres dum ira corripiuntur, tumultuantur, insanos clamores rabidosque fremitus, velut furijs agitatæ, edunt? Patritiæ non item. I. C. Illæ decus, pudorem, existimationem vilem cum habeant, periclitari patiuntur, quare &

rabiosè vociferari, complofisque manibus indecoros gestus efficere non pudet: hæ decoro inferuientes, perturbatos animi motus ratione coercent. ALEX. Moralis hæc ratio est, Physicam ego exigebam. I. C. Et ego nunc reddo. Non te fugit, mulieribus inesse humorum virus, ac colluuiem, quam singulis mensibus ex Lunæ decursu congerunt, atque expurgant. ALEX. Quid hoc ad rem? I. C. Vbi illæ ira concitantur, & ignescunt, tota illa humorum sentina agitata effumat, ac per corpus diffunditur, quare cor & cerebrum fuligine, & fauillis afficit, & per consequens vitales, & animales spiritus, qui ijs deseruiunt partibus, inflammat; hinc fit vt iuniores ob menstrui sanguinis redundantiam irritatæ cū fuerint, promptius iræ flammam concipiant, atque inardescant: aniculæ verò ob menses residues sint pacatiores. ALEX. Quid inde? I. C. Si humores illi sūt iræ fomites, quid mirū Heroinas, quarum temperatos humores cibi qualitas arguit, placatiores esse: è contra, populares mulierculas accensas in violentos affectus erumpere, rabidè adlatrare, fremere, & furere? quando vitiosis humoribus contaminatas esse quotidianus ipsorum cibus vilissimus perhibet. ALEX. Profectò mihi arridet hæc sententia. I. C. Ego, si Christianorum non essem soboles, & alumnus, dicerem, non Dæmonum persuasum homines ad flagitia impelli, sed à vitiatis humoribus. ALEX. Vnde hi vitium contrahunt? I. C. A semine & coeun-

tium imaginatione, ab educatione, à syderum influxu, aeris intemperie, & à cibis. ALEX.
 Quomodo à femine? I. C. Semen ex præcipuis (vel vt alij volunt) ex omnibus corporis partibus defluit, omniumque membrorum in se facultates complectitur: quæ igitur vitia vlli genitorum parti inhærescunt, semini insita sint necesse est, ac proinde fœtui, qui ex semine progignitur: quare à podagrosis, leprosisque parentibus orti, consimilibus cōflictantur infirmitatibus. Viguit opinio hæc apud omnes scholas. Aristoteles sic inquit, *Nemini est obscurum, qui ex bonis, & claris parentibus nati sunt, eos consentaneos fieri suis maioribus:* & alibi, *verisimile est probum exprobris euasisse.* Diogenes cum ebrium in foro mercatorio conspexisset, illius (inquit) patrem ebrium fuisse oportet, Cicero sic locutus est. *Nemo ex improbo patre probum filium nasci posse existimat.* Hesiod. *Et similem sobolem genitrices patribus edunt.* Et Virg.

*Sic canibus catulos similes, sic matribus hædæ
 Noram.*

Horat. l. 4.
 Car. ode. 4.

Horatius sui sæculi Phœnix ita cecinit,
*Fortes creantur fortibus, & bonis.
 Est in iuuentis, est in equis patrum
 Virtus, nec imbellem feroces
 Progenerant Aquila columbam.*

Iuven. Sat.
 3. v. 6.

Et Ouidius: *Pyrrhus Achilleides animosus
 imagine patris.* Et Iuuenalis,
*Scilicet expectas vt tradat mater honestos,
 Aut alios mores, quàm quos habes?*

Therentianus Chremes cum Sostrata Heautontimorumenos ita rixatur,

Is quod non est consimilis moribus

Convinces facile ex te natum, tui similis est probe.

Nam illi nihil vitij est relictum, quin itidem sit tibi,

Tum praterea talem, nisi tuo, nulla pareret filium.

Et Catulli sententia ea est,

Natura sequitur semina quisque sua.

Omitto legistorum auctoritates, & plantarum exemplum adducam, hæc seminijs consimiles reddunt fructus.

*L. quisque
parag. filij C.
ad Iul. Mai.
l. si operarum
iudicio ff. de
oper. liber.*

ALEX. At sæpenumero videmus filios à parentum virtute degenerare. I. C. Creduntur hi sapientum filij, at non sunt: nec enim vxores omnes Liuiam Agusti filiam imitatur, quæ licet impudicissima fuerit, similes tamen marito Agrippæ edebat filios, quia non nisi plena iam naui vectorem tollebat: quod crimini adscribendum esse, nulla, inquit plerique Philosophi, ratio suadet. ALEX. Quæso efficias, vt planius concipiam, quomodo ex semine morum prauitas deducatur. I. C. Biliosi hominis qualitas feruida est, pariter ergo & semen quod ab illo excernitur, & animal igitur, quod in potentia (vt loquuntur) semen continet, tale erit, quapropter vel leuissima oblata occasione, extempore in illo bilis accenditur ob calidi humoris tenuitatem: excitatis spiritibus, humoribusque ebullientibus mens ho-

minis illorum agitatione incalescit, & tanquam subdita face inflammatur, quare furore correptus, ad arma ruit. ALEX. At homini data est ratio, qua immoderatos affectus coerceat. I. C. Ex seminis defectu fiunt aliquando imperfecta organa gignendis spiritibus destinata; hinc spiritus, quibus ad intellectionem utimur, aliquid vitij contrahunt, atque ita homo à sui dignitate desciscit, & in belluam degenerat: aliquando organa & spiritus perfecti sunt, & ad ratiocinandum idonei, sed à peruersis humoribus corpori à semine, vel aliunde infixis obruuntur: ut enim lychni imposito lucernario inferti, minus lucis exhibent, ita mens humana tenebris corporis offusa, minus splendet. ALEX. Subtilissimè, sed quomodo parentum imaginatio nostrorum morum prauitatis causa est? I. C. Si terrificam Martis, ex gratia, figuram coeuntes intuentur, illam in imaginitiua facultate imprimunt, mox ad eam contemplandam euocantur spiritus, qui cum deinde ad seminis informationem, & eiaculationem ab anima demandentur, receptam in ipsis Martis speciem semini infigunt: semen autem foetui, qui deinde hanc ob causam terribilis erit, & cunctis formidabilis: Sanè vehemens prægnantis imaginatio casum efficit, ut luculentè supra probauimus; addo nunc araneorum exemplum, quorum filij patrem interficiunt. ALEX. Quid hoc ad propositum? I. C. Audi. araneus qui famelicus patrem necauit, dum coibat, me-

ditatus est se patrem futurum (quippe generationem tunc peragit, quæ paternitatis est fundamentum) quare verisimile est, & de patris sui, qui ad ipsum filium relationem dicit, interfectione aliquid cogitasse: patricidij imagine in eius residente imaginatiua affecti sunt spiritus, qui cum sint forma seminis, consimili peruersa specie decolorarunt: quare fœtus inde nascitur paternæ mortis desiderio affectus, atque ita per longissimam seriem araneorum patricidia continuantur. ALEX. Hæc si vera sunt, ingenio polent aranei. I.C. Fateri id coguntur omnes, qui telas admirabili artificio ab araneis elaboratas conspiciunt: quod in nobis vocatur ratio, in brutis naturæ instinctus à nobis dicitur: quæ omnia quomodo sint intelligenda, Catholicissimè disseruimus in nostra Apologia pro Mosaica, & Christiana Religione aduersus Atheos, vbi Cardani inscitiam redarguimus in expositione diuini illius eloquij. *Estote prudentes sicut serpentes.*

ALEX. Quid educatio, & consuetudo confert ad mores? I.C. Interroga Platonis familiares, ipsi tibi respondebunt, ob assiduam consuetudinem contractos ipsius humeros expressisse, quemadmodum & Aristotelis amici balbutientem eius linguam imitati sunt, & Alexandri Regis affectæ inflexam illius in alteram partem ceruicem, vocisque asperitatem representabant. ALEX. Consuetudinis viæ ad mores efformandos valere plurimum

*Refert hæc
Plut. in li. de
dign. ver.
anim. ab adul.*

Lib. 3. in A-
strol. c. 26. 27.
28.

comprobat Alexander de Angelis, numero-
sum adducens authorum exercitum, vt pom-
paticis eius vtar verbis, rationem tamen nul-
lam, hanc igitur à te expostulo. I. C. An dicam
ego cum Aristotele, animam nostram esse ve-
luti tabulam rasam, in qua nihil sit descriptū,
quare in sui incolatus initio facile suscipit
quascunque voluerit educator rerum formas,
easque ob assiduam consuetudinem tenacius
retinet, & ad illarum Ideam cunctas moli-
tur actiones. An cum Horatio ludam Me-
thaphoris?

Hor. I. I. Ep.

*Quo semel est imbuta recens servabit odorem
Testa diu*

An Peripateticæ disciplinæ metas transiliens,
asseram, amicorum actiones nostris oculis sæ-
penumero fieri obuias, quare illarum species
phantasiæ nostræ tenaciter imprimi, quæ vbi
excitata fuerint, ad similia opera peragenda
nos impellunt: excitantur autem vel à nostris
spiritibus, qui libenter eò ascendunt, tãquam
simile ad simile, seu tanquam pars ad totum,
nam amantis spiritus non modo rei amatae
sunt similes (sanè amor inter dissimilia non
cadit), sed cum ea vnum fieri cupiunt: excitan-
tur etiã species illæ à familiaris spiritibus, qui
enim ab eo exhalât spirit⁹, & vapores, ad nos fa-
cile deferri possunt, qui cū analogiã habeât ad
Ideas illas, quæ domini sui repræsentant actio-
nes, eas commouent, & menti obijciunt, hinc
appetitus euenit, appetitus mouet animam.

an quemadmodum ab ægroto homine exhalant aliquando vapores , qui vicinos simili contagione corrumpunt, & perdunt, ita à sceleratissimo familiari effcax vaporum exhalatio emanare potest, quæ in nos proximè adstantes cum ingressa fuerit, spiritibus nostris consimilem perniciem effundet. par vtrobiq; ratio viget, nam vitiorû origo in turbatis spiritibus est, & sanguine , vt melancolicorum testantur scelera: quare flagitiosi hominis sanguis, & spiritus tetri cum sint mæsti, & fuliginosi, si ad nos perueniēt, sanguinē spiritusque nostros commaculabunt: vitiatis spiritibus animæ lumen obruitur, sunt enim ipsius instrumentum ad intellectionem: obnubilata mente, varij, ijque tumultuosi exoriūtur affectus, qui ad pessima perpetranda facinora nos impellunt. ALEX. Perdoctè ædepol, sed quomodo è varijs Syderum positionibus variantur in homine mores? I. C. Meridiana luce clarius est, Cœlestia corpora agere in hæc inferiora. ALEX. In materialia concedo, nego in spiritualia, quemadmodum voluntas est. I. C. Hîc ego non dicam, ineptissime spirituale materiali opponi, cum spiritale à spirando dicatur, spiratio autem materiæ expers non sit: nec cum Platone spiritum appellabo materiam calore perfusam, ignem, vel calorem: nec Stoicis assentior, qui spiritum ex splendida, perspicua, non aspectabili tamen substantia constare prodiderunt. Multominus Aristoteli subscribere mihi religio suadet,

qui spiritū aliquādo nominavit calidū, atque naturalē calorē, & in spumoso semine spiritū contineri dixit. non medicorum vestigia sequar, qui ita definiunt spiritum, est spiritus corpus ethereum, caloris, facultatumque sedes & vinculum, primumque obeundæ functionis instrumentū. Neq; Hippocratis adhæreo sententiæ, qui spiritum dixit nuncupari, quia ob materiæ tenuitatem oculorum effugit obtutum, quemadmodum & aer, & ventus spiritus dici consueverunt, quia sub aspectum non cadunt, etsi materia præditi sint. His (inquam) responsionibus prætermisissis, assero, voluntatē nihil operari nisi præuia intellectus consultatione, nihil autem est in intellectu quod prius in sensu non fuerit, sensus autem Cœlestibus corporibus est obnoxius. AL. At quid aëris intemperies ad vitia confert? I. C. Rudis, & impurus aer, qui intro respiratione ducitur, in pulmonem, cuius carnem idē tenuem, mollem, & aëreæ qualitatis fecit natura, recipitur, illicque concoquitur, atque ita paulatim innatam spiritui conditionem adipiscitur: cum autē elaboratus diligenter est spiritus, in sinistrum cordis ventriculum corripitur, ex quo, accedente etiam sanguinis vapore, qui ex dextro ventriculo permanavit, vi cordi insita, eiusque innato spiritu, & ingenti caloris incendio non secus atque in fornace spiritus procreatur vitalis, qui demum in omne corpus per arterias effusus, salutarem impertit toti calorem: quod si

attractus aër tenebricosus fuerit, consimiles erunt ex eo geniti spiritus : quinimo ex eius cōcoctione torridi fiunt vapores, qui ob crassitiem & tenacitatem haud cordis, & arteriarum pulsatione, pulmonisque expiratione statim reijci valent: quare absurdis imaginationibus mentem diuexant, & ad pessima incitant.

ALEX. At homo rationis lumine ducitur. I. C. Vt atra, densaque nubes Soli offusa, radios eius intercipit, ac lumen offuscat, sic mæsti spiritus sordidi aëris soboles, tetra fuligine cerebrum obnubilant, quare opprimitur ratio mentisque lux extinguatur, ita ut redundantis melancolici humoris ferociam coercere nequeat, hinc ille liber vagatur, & ad noxias actiones nos excitat. AL. Acute quidem, sed quid alimentum obest morum integritati? I. C. Altius repetenda res est. Alimenti purior, magisque aerea portio cōcoctione in eam transit tenuiorem sanguinis partem, quæ vaporis quandam speciem exhibet: ea tum à spiritu iecori ingenito vim accipiens, eiusque vbertate perfusa, spiritus fit naturalis. Huius spiritus quantum per venam cauam vnà cum sanguine effertur, & in cor inuehitur, illic denuo caloris vi accuratius elaboratum, attenuatumque, in aëris propè speciem mutatur, atque ex dextro cordis sinu per communes, eosque arctissimos aditus, in sinistrum sinū viam capessit, & permeat, vbi hausto per pulmones aëre temperato, materia quædam fit, cui calor, & vis concessa vitalis spiritum profert vitalem.

per arterias toto corpore diffusum. Quæ portio istius per cervicis arterias in cerebri basin refertur, tertio contextus illius admirabilis anfractu mitigata, mox in cerebri vëtriculos, per contextum alium, quem choroidem Medici appellant, confertur, ille exhausto per nares, elaboratoque aere, fomentum, incrementumque recipit, & vi spiritus cerebro ingeni, spiritus fit animalis. Tunc sic infero, si ex alimento fiunt spiritus animales, ergo & ab alimentis morum probitas, & malitia nobis accidit. Consecutio probatur, nam animales spiritus sentiētis animæ instrumenta sunt, sentiens autem intellectiua instrumentum est, at quodlibet agens iuxta instrumenti naturam operatur; Quare vilissimi homines, ut nautæ, aurigæ, baiuli, vectores &c. Ubique pessimi sunt, feroces, inhospitales, nullo tanguntur metu, nulla religionis reuerentia, propterea quod crassiori vtuntur cibo, qui crassum sanguinem, densos, ac turbulentos efficit spiritus, quare & incrassatam illi habent conscientiam, mentemque dēfissimis vitijs offuscatam. Crudeles sunt Tartari, quia sanguinem epotant equinum: mites sunt Britanni, quia frigida ceruisia eis potus est; si ira sanguinis accensio est, quid mirum, si frigido accedente liquore mitigatur? ALEX. Imò Anglorū færocitatem historici fugillant. I.C. Gallici forsitan, sed tunc calido se excalefaciebant vino, quod ad arma furorem sumministrabat. ALEX. Imo Scoti etiam Anglicanam ferociam

experti sunt. I. C. At carnes tunc quasi crudas in magna copia deuorabant : sanguis sanguinem adauget, ira verò est sanguinis accensio.

AL. Imò & nostris temporibus Anglorum nautarum barbariem Hispani experti referūt.

I. C. Non Angli duntaxat, sed totius orbis nautæ iracundi sunt, & immanes, quia salitis vescuntur edulij: salis calore, & acrimonia bilis efferuescit. sed missas faciamus has ineptias, quæ ioci ergo in medium adduxi, nec enim consulo flagitiosis hominibus, vt radice Pontica, salijque medicamentis melancholicos, & biliosos humores abstergendos curent, sed eos adhortor, vt Christi Domini Sacramenta frequentent, quæ ab vna sola Apostolica Ecclesia legitimè ministrantur.

ALEX. Hæc verba animum stimulant meum, vt de Religione disseramus. I. C. Satis, imò & superabunde est à nobis disputatum in sacrosancti Tridentini Concilij Commentariis, in quibus hæreticorū conatus perfregimus. AL.

In Bohemia fortè fortuito conueni quendam Anabaptistam, qui dicere non est veritus, Catholicorum, & Hæreticorum controuersias esse quæstiones de lana Caprina, nam Apostolico, Nyceno, Constantinopolitano, & D. Athanasij symbolo pariter ambo subscribunt. At ego dixi, quantum distat à veritate mendacium, tantum à Catholicis hæretici differunt. I. C. Ita est. sed quia nimia disputationis agitatione incaluimus, ac propterea caloris vi cute adaperata attenuati,

motu spiritus complures euauerunt, merendam nobis exhibite, ô pueri. TARS. Modò Gallinæ cecinerunt, oua in lucem edidisse suspicor: parabo, si tuæ arridet dominationi. I.C. Imò perplacent, nam *robustum quid habent*, inquit Hipp. *quia generatio est animalis, & alunt, quia hoc est pulli lac.* ALEX. Vt defatigatis opitulantur, quia permagnæ sunt nutritionis, ita ijsdem obsunt, nam motu iam excalefactis calorem addunt. I.C. Comedamus igitur non modo croceos vitellos, sed & candidam, (vt ludit Martialis) quæ illòs circumfluit, vndam; hanc enim frigefacere scripsit Hipp. ALEX. Ego libens biberem aqua, dummodo addito limonis succo; & zaccharo percoletur.

TARS. Libèter omnia apparabo, sed vestris non interesse disputationibus valdè displicet. ALEX. In tui gratiam ab illis supersedebimus. Quàm cupidus addiscendi hic est puer. I.C. cum à me primis Philosophiæ sacris initiaretur, nulli iurauit in verba Magistri, sed Auerrois libros à me oblatos auidè excepit, & in eis perlegendis adèd profecit, vt balbutientium Scolasticorum ineptias confutare sit agressus. Sed ab incepto nunc supersedit opere, vt cuiusdam Moderni Astronomi, qui centum Sanctorum genituras descripsit, petulantiam reprimeret. ALEX. Quotum nunc agit annum? I.C. Decimum sextum. ALEX. Sed eccum puerum. I.C. Gratus nobis est aduentus tuus. Sed quomodo tam cito hæc parasti? TARS.

Hipp. de
Dieta. l. 2.
parag. 21.

Mart. l. 23.

Hipp. l. 3. de
morb. parag.
30.

Partim igneus, partim meus calor oua hæc
concoxit. ALEX. Quid ais? TARS. Calidos
imo pectore effundi afflatus, qui oua conca-
lescecerunt. Quid miramini? modo vos asser-
uistis, ab Alexandri ira commoti corpore
scintillas prodijisse, cur & à meo corpore, cu-
ius cutis tenerrima est, ignei spiritus proflire
nequibunt? ab Æthere quemadmodum
Alexandrina, anima mea ducit originem. Ma-
iori hæc vos differentes audiendi desiderio in-
flammata est, quàm illa temerariæ ultionis.
Auicenna assererat ad hominis imaginatio-
nem Camelum cadere, & vos eius alumni
vix creditis ad meam imaginationem oua
concoqui potuisse. ab vniuerso meo corpore,
quod humidum & sanguineum pulchra Na-
tura efformauit, calidi emanant vapores, qui
non modo oua, sed frigescentis hyberno
tempore Philosophi membra excalefacere
possent. I. C. Si calida sunt oua, absorbebo.
ALEX. An verum Tarsius assererat? I. C.
Amanti omnia calida. Nonne Patavi paruula
còtenti togula, hyberna frigore perfregimus?
tantus mihi erat addiscendi ardor, ALEX. Ego
vero hæc rosacea fercula Zacharo condita
assumam, & frigido aquæ motu irrigabo,
atque ita Venus mei corporis incola suos
agnoscens flosculos oblectabitur. I. C.
Postquam corpus disputatione defatiga-
tum his leuauimus oblectamentis, hilares
nos ad excelsiora facinora, fata vocant. AL.
Quo me fata vocant, virtus secuta sequatur.



*his per librum quintus
 Optus et unicus est ex
 Danti et
 personati
 dignis aliquibus etiam male
 ita Metis
 inflatus.*

IVLII.

CÆSARIS

VANINI NOSTRI

SECVLI PHILOSOPH-
 orum PrincipisLiber Quartus
 Subtilissimus*De Religione Ethnicorum.*DIALOGVS L.
 DE DEO.

ALEX.



Abolutis atque elucidatis his omnibus, de hominis generatione, augmento, sensibus, & quæ ad illa pertinebant, restat nunc, mi Iuli, si ita tibi est animus & voluntas, ut de hominis fine, qui Deus est, petraçtemus; I. C. Negant Philo-
 phi

phi Deum esse hominis finem: Non est (aiūt)
Deus propter hominem, hac enim ratione
homo esset Deo nobilior: Sed Deus est sui
ipsius finis, ut illi loquuntur, at acutè parum:
Nam neque principium Deus ipse sibi, neque
finis est, cum in eo neque pars, neque motus,
neque medium, neque extremum, neque in-
gressus, neque exitus ullus sit, neque quic-
quam aliud nisi hoc vnum, Ipse Deus simplex
est, nulla igitur in eo distinctio: quia de re nul-
la erit in eo causarum comparatio: neque ho-
mo est, inquiūt, propter Deū: nullius indigus
Deus est. ALEX: Si hominem non creauit
Deus propter se, quia nemine egebat sum-
mum illud, æternumque ens, igitur propter
hominem: homo igitur Dei finis est. I. C. Cum
omne agens à fine moueatur, non potuit ho-
mo, qui nondum quicquam erat, ad sui crea-
tionem mouere Deum. ALEX. Nullum igitur
ad finem homo formatus erit? I. C. Non ego
cum Epicureis assero, fortuito genitum homi-
nem, sed iuxta Theologorum placita, à Deo
factum ut æternas illi delicias elargiretur.
ALEX. Tot, tantisque homo reple-
tur miserijs, ut si Christianæ Religioni,
pro cuius tutela sanguinem fundere percupe-
rē, non repugnaret, dicere auderem: si Dæ-
mones dantur, ipsi in hominum corpora
transmigrātes, sceleris pœnas luūt. Sed diuina
cum perlego eloquia, Dei erga hominem in-
numera beneficia agnosco, certaue spe ad
æternitatem anhelō. I. C. Perpetuitatis desi-

derium cunctis inditum est animantibus, quare in sobole & fama perennitatem expectunt: at veræ æternitatis amor perpauca allucit: ideo vix vnus est, ipseque miserrimus, qui mori desideret: nullius fidei argumentum; ex quo colligere possumus, iuxta Seruatoris nostri promissiones, orbem collabascere, & Iudicii diem accelerare, *Verumtamen* (inquit) *filius hominis veniens, putas inueniet fidem in terris?*

Card in Pto.
de astror. ind.
l. 2. c. 54. in
fine fol. 375.

ALEX. Cardanus verba illa sic interpretatur. Cum verò coniunctiones capitum celebrarentur in ascendente, & Occidente, significat & ab initio statim, & in fine seculi obseruandam legem iustitiæ, quæ magis etiam circa finem ob Iouis, & Saturni coniunctionem iuxta angulum Occidentis celebratam, hoc est quod dixit, Cum venerit filius hominis, putas-ne inuenturum fidem in terra? I.C. Forsitan fides iustitiæ opponitur? an iniustum aliquid in Christiana Religione Cardanus aduertit? profectò nihil, sic enim ille locutus est, Naturaliter lex nostra est lex pietatis, iustitiæ, fidei, simplicitatis, charitatis, optimæque instituta: & alibi, *Christiani Focem iunctum habent cum Sole, illiusque diem colunt Dominicum: Sol autem*

Card. ibid.
fol. 369.

Idem in eod.
lib. 2. 18.

significat iustitiam & veritatem: Christiana autem lex plus continet veritatis, & simplices reddit homines. ALEX. Hæc postrema Cardani verba quidam infelix Atheus, mirum in modum Amsterodami vrgebat, vt Christianorum simplicitatem ostenderet, addens, B. Paulum de Christiana Religione optimè meritum, quia non aliud in votis habebat, quam Christia-

norum animos simplicitate imbuere, quare Sacramentum dixit coniugium, Christi & Ecclesiæ coniunctionem præsignificans: rogatque maritos, ut uxores diligant sicuti Christus dilexit Ecclesiam: Hunc enim ad modum coniuges tam eximiam immaculati coniugalis thori excellentiam secum animo depingentes, eius Ideam menti tenaciter imprimunt, ac proinde spiritibus, spiritus semini, cuius sunt forma, semen ut efficiens fœtui, quare Christiani quodammodo nascuntur: ea sanè est imaginariæ facultatis vis, ut coeuntes ubi quid imaginantur, simile quiddam in fœtu moliantur, quare tot videmus infantes nevis, lentigine, verruculis, cerasis, alijsque maculis obsignatos. I. C. Satanicæ huic calliditati occurrit Ioannes, dum in Spiritu sancto constitutus intonuit, *Dedit eis potestatem filios Dei fieri, non qui ex sanguinibus, neque ex voluntate carnis, sed qui ex Deo nati sunt.* Præterea credo esse neminem, qui dum Venerem exerceat, Cœlestia meditetur. ALEX. Imò complures (aiebat ille Atheus) nam hæc modo viget apud Christianos consuetudo, ut variæ Diuorum ad cubile appendantur imagunculæ, quas aspiciendo coniuges, similitudinem in mente reponunt, & fœtui affingunt: refert Marcus Damascenus apud Petram sanctam, oppidum in Pisanis confinibus situm, Carolo Bohemiæ Regi & Imperatori oblata puellam, toto corpore feræ instar hirsutam, & villosam, propterea quod mater dum con-

conciperet, D. Ioannis Baptistæ imaginem, quæ ad lectulum erat, conspexit: si Patriarcha Iacobus pastor ouium, ipsarum tegmina versicolora reddenda curauit hoc artificio, quia cocuntium oculis obijciebat virgulta cortice denudata, quid mirum si coeuntes homines, Sanctorum imagines intuentes, illorum similitudinem in fœtu effingunt? sane cocuntium spiritus ea imagine affecti cum sint, & semen quod informant, consimiliter afficient, semen autem animal quod continet. I. C. Cacodæmonis (vt dicitur) imposturæ hæ sunt, quæ profectò stomachum mihi faceffunt. ALEX. Addebat ille stultus. Non præcipit Apostolus Gentibus, vt excitatis fortitudinis rationibus Veneris certamen ineant, sed vt concubitus debitum persoluant: idcirco mariti ne peccati reatum incurrant, vxoribus exoptulantibus gratificentur licet inuiti, & illubentes: propterea languide, & oscitanter incumbunt, hinc fit imbecillis spirituum ad semen concursio, ex quo stupidos nasci contingit liberos, atque inertes, & per consequens Christianæ Religioni, quæ pauperibus spiritu beatitudinem pollicetur, suscipiendæ satis idoneos. At ego negabam illi, imbecilles esse Christianorum animos, quinimo omnium fortissimos, vt gloriosa Martyrum certamina vbique testantur. Ille verò blasphemus referebat hæc ad validam imaginatiuæ facultatem, & honoris cupedias, nec non ad humorem hippocondriacum. addebat in qua-

Cass.

cunque Religione licet absurdissima, vt Turcarum, Indorum, & nostri sæculi Hæreticorum, adesse infinitum propemodum stultorum numerum, qui pro patriæ Religionis tutela vltro se tormentis obijcerint: & cum plura Indorum exempla ex historicis recitasset, Anglo-Caluinistarum meminit, qui Marianis temporibus pro Caluinismo vitam cum morte commutare non exhorruerunt. Tunc ego Dei zelo inflammatus, appellavi illum Antechristum. I. C. Quid ille? ALEX. Subrisit. cui ego, cur rides? quia fabulosæ sunt (respondit blasphema lingua) quæ de Antechristo narrationes circûferuntur: nam Paulus assererat, iam iam Antechristi aduentum instare, cum tamen mille & sexcenti anni iam præterierint absque vlllo Antechristiani aduentus inditio. Respondebam ego, Diuum Paulum prænu-
tiasse de Ebione, & Cherinto, qui verè Antechristi dici potuerant, nam Christum Iesum diuinitate spoliare nitebantur; sic & omnes hæretici, à Sacrosancta Romana Ecclesia deficientes, Antechristi cognominantur. I. C. Quid ad hoc stultus? ALEX. Obmutuit paululum, deinde hæc verba protulit. ô admirabilem Christi sapientiam; tunc ego hilaris quod resipisceret: sed me fefellit opinio, nam sic obmutmurabat. Christus à Iudæis interrogatus, num lapidibus obruenda esset adultera, non abnegat, quia lex obstabat: neque affirmat, quia crudelis animi præbuisset exemplum, quod complures à sua lege, auocare fa-

cile poterat, sed respondit, *Qui sine peccato est vestrum, primus in illum lapidem mittat*, quare nemo adulteram damnare ausus est: alias petierunt Scribæ, an Cæsari tributo soluendo essent obnoxij. Negare veritus est, ne læsæ Maiestatis reus diiudicaretur: affirmare noluit, quia Moïsis legem euertebat: ipse autem (more nouitij Principis, qui imbecilles cum sint ei vires, omnes veteres immunitates Regno se conseruaturum pollicetur: at cum fortior euadit, promissis stare recusat) in initio dixerat. Non veni soluere, sed adimplere legem, quam tamen funditus postea clarus nomine euertit. Respondit igitur, *cuius est hæc imago?* At illi, Cæsaris. concludit, *Reddite ergo quæ sunt Cæsari Cæsari, & quæ sunt Dei Deo.* Sciscitantibus Phariseis, in qua potestate gentes edoceret, vndique esse angustias aduertit: si dixisset in humana, mendacij redarguebatur, non enim Hebræorum sacris erat initiatus: diuinitus sibi datam authoritatem palam affirmare non audebat ob metum Iudæorum: igitur subtilissimè ipse petijt, in qua potestate Ioannes baptizaret: quare pari in periculo ipse constituit Phariseos: Deo tribuere Ioannis prædicationem Politica vetabat ratio: seipsos enim, qui ei reluctati erant, ilico condemnassent: neque dicere audebant, Ioannis baptismum fuisse hominis inuentiunculam, nam credulæ plebis iram sibi comparassent. Sapientissima hæc sunt Christi acta, sed quod omnium superat admirationem, illud est de Antechristi

aduentu vaticinari, sic enim optimè consultum est Christianæ legis æternitati. Tunc ego iratus dixi, quid fingis? quid somnias? Audi, (inquit ille) vetustæ legis Prophetæ cecinerunt, Messiam futurum virum magnum, omnibus exornatum virtutum dotibus, omni cultu, & veneratione dignissimum; quare occasionem præbebant compluribus fingendi se Messiam, ut illas præexcelsas nominis laudes, quæ omnium titillant animos, consequerentur. At Christus Prophetarum sapientissimus prædixit venturum nouum legislatorem, suæ legi aduersarium, qui erit Deo inuisus, assecta demonum, vitiorum omnium sentina, & orbis desolatio: quare nemo se finget Antechristum, cum nonnisi dedecus, & infamiam inde consequi possit: absente Antechristo, Christi lex perennabit. Quas execrandas blasphemias sic ego perstrinxi. At sacri Vates prædixerunt, Messiam contumeliosæ morti fore damnandum, quare non nisi stultus, vel Deus tanto vitæ discrimini se exposuisset: at Christus se exposuit, ergo vel stultus, vel Deus erat: at per te non fuit stultus, imò sapientissimus: Deus igitur. I. C. Scitissimè, sed quid ille? ALEX. Respondit, sapientis est breuissimos iuxta & incertissimos, ac laboriosissimos nostræ vitæ dies contemnere pro æterni nominis gloria apud posteros comparanda. I. C. Nugas has in libello de contemnenda gloria reieciimus; sed obijce-

re huic Atheo non dicam homini, sed belluæ

Regio mādato cogerentur, quia scabie, & lepra Ægyptios infestabant, Moses illorum exulum Ducem se fecit, multoque eius persuasione auro & argento subfurato lucrifugi abierunt, & post multa itineris pericula superata, ad tutum locum septimo die pervenire: idcirco diem illum Deo consecrandum mandavit Moises, vt suo Imperio supremum Numen fauere ostenderet plebi, quæ sic instructa, in Moisis seruitute facilius continebatur. I. C. Legimus hæc insomnia in Iustino, & ipsissima mendacia esse in nostra Apologia demonstraui. ALEX. Ego quoque Iustini errores patefeci, ita vt Atheus ille amplius non reclamaret: at Moisen laudabat, quia viuus se in abissum deiēcit, vt cum non adinueniretur, in Cælum eleuatum populus crederet: alioquin si Moisis cadauer conspexisset, in Diuorum numero non retulisset. Negauit ego, nam aliorum Patriarcharum cineres erāt apud Hebræos, nec propterea in honore sanctitatis esse desierunt. at ille: maiorem super omnes Patriarchas honorem Moises ambiebat, quare de seipso sic Deum locutum esse dicebat. Constitui te Deū Pharaonis; vt igitur Deus haberetur, morti se nō esse obnoxium suis testatum reliquit. Tunc ego Belgici Cæli accolæ Atheos inclamabam: at ille, inquit, imo Cardanus vester idem de Helia censuit, sic enim scribit, Plinius ad comparandam gloriam in Athna flammæ sponte se coniecit, eo consilio, vt vel latens tanquam Deus in Cælum assum-

*furtum n
fuit, sed v
ego cogn
vultu*

Iust. l. 35.

*Card. l. 2. de
Sap. fol. 56.*

ptus, velut de Helia ferunt, coleretur: vel ut etiam
deprehensus, opinionem, imò admirationem sui
ob fortitudinem hominibus relinqueret. Iul. Cæs.

Quæso mittamus has nugacissimas fabellas. ALEX. Eia de Etrnicorum Religione nunc aliqua. I. C. Empedocles arbitratus est, Deū esse quatuor naturas, Heraclitus, Cælum & terram, Thales, Aquam, Anaximenes, Crotoniates Aëra, Socrates, Zenophon, Xenocrates Solem, Lunam, & Sydera. ALEX. Fabulosa hæc sunt, & miror cur tam docti viri tam indocte de Deo senserint: finita namque cum sint hæc omnia, summum principium independens, quod Deus dicitur, esse nequeunt. Sed diuinus Plato quid censuit? I. C. Ille non est veritas asserere mundum esse Deum. ALEX. Quam ob causam vir tam diuinus adeò fœdè dilapsus est? I. C. Cum nihil agnosceret perfectum nisi Deum, & crederet mundum esse perfectissimum, coactus est eundem facere Deum ac mundum. ALEX. Mundum sane perfectum dixerim, nihil enim ei deest, alioquin primum efficiens esset in opere perpetuo imperfecto, quod nesciuerit aut nequiuerit absoluerē, quod est ridiculum & impium: esset enim imperfectus ipse, neque posset opus efficere sibi dissimile, quod semper intra pensum esset. I. C. Empedocles agnouit in mundo generationem, ut interea seruetur perpetuitas: Si autem perfectus existeret, nihil in eo fieret noui, hoc enim generatio est. ALEX. Aliquid vero simile præferet hæc Empedoclis ratio. I. C.

Ego nullam vnquam audiui absurdiorē. *AL.*
Cur ita? *I. C.* Effet enim ea ratione mundus
perfectus propter imperfectionem. *ALEX.*
Quid concludis? *I. C.* Audi. iuxta Empedoclis
opinionem mundus est imperfectus, quia in
eo perpetuitas per generationem: At perpe-
tuitas est perfectio, constans ratione æternita-
tis, quippe æternitas & continuū vnum idē-
que sunt: Generatio vero est imperfectio,
constat enim ratione motus: Motus autem
tamen si est perfectio mobilis, non tamen sim-
pliciter, sed duntaxat vt mobile est, idē
motus perficitur per quietem, *ALEX.* Imō
quies est priuatio motus. *I. C.* Ea ratione qua
motus est priuatio quietis, & prout alte-
rum alteri succedit. *ALEX.* At quomodo
quies est perfectio motus? *I. C.* Quia ea-
dem vis naturalis, quæ mouet ad locum
suum, continet in loco suo. *AL.* Quid inde in-
fers? *I. C.* Si quies est perfectio motus, & gene-
ratio constat ratione motus, ergo finis gene-
rationis quies est: cum enim natura finem adi-
piscitur, non amplius generat: omnia ante fi-
nē, imperfectio, sunt enim propter aliud: Er-
go Mundus erit Empedocli perfectus propter
imperfectionem, Est enim perpetuus per ge-
nerationem, vt asserit: Perpetuitas autem per-
fectio est, generatio vero imperfectio, vt pro-
bauimus. Insuper si mundus est imperfectus
propter generationem, ergo ea cessante erit
perfectus, quod secus est, nam cessante gene-
ratione cessabit etiam perfectio illa perpetui-

tatis, hæc enim interruptionem tollit. ALEX. At succedet (inquit Empedocles) perfectio complementi. I. C. Imò hæc erit imperfectio, Nam cessante generatione destituetur mundus. Sed ne nostris rationibus intumescant Platonici, nego illis, mundum esse perfectum, nihil enim in eo agnosco, quod aut corruptibile per se non sit, aut corruptionis principiū in se non habeat: fane ipsemet Plato Deos ipsos suapte natura corruptibiles, conditoris autem benignitate sempiternos esse attestatur. Si aliquid in mundo perfectum dici potest, cælum est: quam autem Cælo tribuā perfectionem, ignoro, sanè semper mouetur vt perficiatur. AL. At quomodo Cælum motu perficitur? I. C. Multiplici Dei imitatione. mouetur vt agat omnia quæ agi apta sunt, ita Deus omnium opifex; Cælum non mutat locum ita vt ab eo exeat, sic Deus non mouetur, neque ex se exire potest. vt Cælum in seipsum motu recurrit, eodem modo totus in seipso Deus. Cæli superficies nullo extimo corpore terminatur, atque ita infiniti rationem habet, similiter nec Deus vllis circumscribitur limitibus. ALEX. Profecto hoc postremum fauet Platonici. I. C. Illud igitur euertamus: Ens finitum per imaginationem terminatur à non ente, vera enim est hæc assertio. Extra illud ens finitum non est aliquid ipsius entis, vt extra Cælum primum, determinatur enim per intellectus nostri vim, à non corpore. At Deus neque ab ente, neque à

non ente vlllo modo præscribitur, quia nostra est finita comprehensio, est igitur intra ipsum, qui infinitus est. Si semper intra, nunquam aliquid quod sit extra illum, capere poterit. Ergo vere Deus infinitus, mundus non vere, non simpliciter, non à se, sed quadam quasi adulatione, vt ita loquar. Præterea apud ipsam Platonem, mundus genitus est, non igitur perfectissimus, eguit enim primi principij auxilio, vt esset id quod est. ALEX. Sed valde miror cur mundum à Deo genitum Plato dixerit. Quicquid enim gignitur, eiusdem vel speciei, vel generis, vel essentia est cum eo à quo generatur. I. C. Dicam ego. Cùm ipse Plato perlegeret quæ de Dei filio sacri vates prædixerant, neque tres personas in Vnitate comprehendere valeret, ea transtulit ad rem sensu perceptibilem, mundum scilicet. Est autem Dei filius à Deo genitus, intelligens enim seipsum Deus generat ex sese sibi æqualem filium, propterea quod intellectio æqualis est intelligenti, ergo etiam res intellecta. Præterea eum vnum eundemque sibi Deum Deus congeneret, quia generans est immaterialis, & infinitus, indiuisibilis igitur, vnum igitur, non enim ex se potest exire: Hinc inter intelligentem & rem intellectam nullum cùm sit interuallum, & illi sunt æquales inter se, vna voluntas, vnus spiritus procedit ab vtroque, qui vtriusque est etiam illis vnum. ALEX. Tam acutè ratiocinaris, vt ipsos Philosophos, qui Trinitatis mysterium, tanquam aliquid Chi-

merichum & impossibile irridēbant, ratione
conuincere possis. Nunquam tamen ego tua
subtilissimē ratiocinationi fidem meam alli-
garem, eā namque polles ingenij vi, vt etiam
Poetarum fabulas ad rationis libellam dedu-
cere valeas. Sed in qua nam Religione verē
& piē Deum coli vetusti Philosophi existi-
marūt? I. C. In vnica Naturæ lege, quam ipsa
Natura, quæ Deus est (est enim principium
motus) in omnium Gentium animis inscrip-
sit: ceteras verò leges non nisi figmenta &
illusiones esse asseriebant, non à Cacodemone
aliquo inductas (fabulosum namque illorum
genus dicitur à Philosophis) sed à principibus
ad subditorum pædagogiam excogitatas, & à
sacrificulis, ob honoris & auri aucupium, con-
firmatas non miraculis, sed scriptura, cuius
nec originale vllibi adinuenitur, quæ mi-
racula facta recitet, & bonarum ac mala-
rum actionum repromissiones polliceatur, in
futura tamen vita, ne fraus detegi possit, quis
enim (inquit) inde redux? atque ita
rusticana plebecula in seruitio coercetur,
ob metum supremi numinis, quod omnia
inspiciat, & pænis, & præmijs cuncta com-
penset æternis. quare Epicureus Lucretius ce-
cinit, Primos in orbe Deus fecit timor. Sed
miror cur Romani sapientiæ patres tot fabu-
losis addicti fuerint superstitionibus? I. C. Ni-
hil mirum, sola sane plebecula, quæ facile de-
cipitur, eam agnoscebat Religionem. Magna-
tes vero & Philosophi nequaquam: illi non

pro fine Religionem habebant, sed pro medio ad finem, qui erat Imperij conseruatio & ampliatio, quæ non nisi sub aliquo religionis prætextu haberi potest: pro Republica enim morientibus præmia æterna promittebantur, vt nunc apud Turchas. Homines statuebant adorandos pro Dijs, vt & homines studerent fieri Deos strenuè pro patria belligerando: Heroes namque fortissimos in Diuorum numero referebant: sacrificijs utebantur, vt sanguinis effusio iuuenes ad inimicorum ultionem accenderet: quemadmodum Lacedæmones Deos ponebant armatos, vt iuuentus, nõ genu flexa, & illachrymans (imbecillioris animi argumentum) armata Deos comprecaretur. Hi vero, Philosophos inquam, animaduertebant quidem hæc omnia esse fabellas, at tamen ob metum publicæ potestatis silere cogebantur. Aristoteles cum Socratis mortem ab Atheniensi Inquirente inflictam audiret, discessit Athenis, Causam interrogatus, *ne iterum*, respondit, *Athenienses peccent in Philosophiam*. ALEX. At si falsa erat Ethnicorum religio, cur tot tantisque erat referta miraculis, prodigijs atque portentis? I. C. Lucianum interroga, ipse tibi responsum dabit, hæc omnia nihil aliud quàm sacerdotum imposturas fuisse. Ego vero ne reponendi onus superfugere videar, ad naturales causas illa omnia reducam. ALEX. Tu vero si hæc prestiteris, illis omnibus maius miraculum facies. I. C. Tuus explorare labor, mihi respondere fas est.

DIALOGVS LI.

De Apparitionibus in aëre.

ALEX.



Ur armatos & belligerantes equites in aëre aliquando apparuisse historiarum monumenta testantur? I.C. An potius fabulosas istas irridebimus narratiunculas, à Principibus confictas, vt rusticanæ plebeculæ timorem incuterent. ALEX. At quomodo ista confingi potuere? I.C. An simplici Regum depositione de visu, vt legulei loquuntur, quemadmodum (vt à Nicolao Machiauello relata exempla subdiceam) Numa Pompilius & Romulus, Deos vidisse apud Populum prædabant, à quibus legum sanctiones accepissent: & Maximini exercitus Dux, vt se suosque milites in Aquileiensi pugna ob ignauiam victos atque fugatos excusaret, vociferabatur à se visum D. Apollinem pro Aquileiensibus fortissime dimicantem. An dormientes subditos Principes curarunt fascinandos? Cenechus Scotorum Rex cum non valeret Alpini patris in bello à Pictis interfecti ultionem subiectis timore percussis persuadere, Regni Procures in Aula Regiâ perhumaniter excepit, & hospitio conuiuioque dignatus est:

Sequenti

Sequenti nocte, cum omnia tuta silerent, Aulici quidam Regi fidelissimi ex illius mandato in hospitum cubicula ingrediuntur, baculum ex putrido ligno, quod veluti fax splendebat in tenebris, dextra tenentes, veste ex non disquamato piscino corio, quæ in noctis umbra maxime refulgebat, circumdati, habentes insuper in sinistra bouillum cornu, atque ita vociterantes, Regi parendum est, Picti daturi sunt scelerum pœnas, Scoti victores erunt, Dei nuntij nos sumus; atque ita res feliciter cessit. Namque procures illi summo manè Regem conueniunt, eique testantur vidisse Dei Angelos, qui ipsos ad bellum aduersus Pictos exhortabantur. Rex vero pertimescens ne figmentum hoc detegeretur, idem Angelorum spectaculum sibi apparuisse confitetur, eisque interdixit, ne diuinitus monita promulgarent arcana: qua de re à conficta fabella ad bellum inflāmur, & victoriam ex hostibus reportarunt. De cruce autem Beati Andreæ quæ Hugoni Pictorū Regi pro Scotis aduersus Athelotanū Anglorū Regem prælianti apparuit, & de vexillo D. Cuthberti quod Egdam Scotorū Principi aduersus Donaldum dimicanti accidit, succulentissima oratione à nobis disputatum est in libro nono de Vera Sapientia, vbi etiam & de Iacobæo, & Cōstantinianæ vexillo, poteris legere quæ scripsimus.

An verè aliquando spectra illa apparuerunt, Mathematicis tamen regulis compacta, &

Agrip. de oc-
cul. Phil. l. 1.
c. 6 fol. 11.
Card. l. 4 de
subtil. c. de
luc. & lum.
fol. 228.

Ar. in 1. Me-
teor.

in aerem librata, vel per specula, de quibus dis-
ferit Cornelius Agrippa, & Cardanus. Vel af-
cendentibus è terrâ, vel ex aquâ vaporibus, vel
si quis fumo apponat imaginem rimarum ple-
nam, recētibusque delineatam coloribus: va-
pores enim & fumus dum ascendunt, illius
coloratæ figuræ Ideam in altum deferunt, &
in crassiori aere aliquandiu permanet. Quin-
imo Aquila Aesopica non instruit, ipsiusmet
pedibus rei alicuius leuem anectere imagi-
nem, nam in altum deferre & populares ocu-
los stupefactos ad se pertrahere pollicetur. An
istâ plausibili Lucianistis ratiocinatione negle-
cta, cum Arist. dicemus, spectra hæc nihil aliud
esse quàm accensos in aera vapores? An inge-
nio nostro molestas Aristotelicæ angustiae
metas transgrediētes asseuerabimus, Castrorū
acies in aëre apparuisse, quia aliqua in terræ ma-
risve parte acies illa erat, cuius imago in aëre
velut in speculo reflexa est, quare flâte Austro
id facilius eueniet, tunc enim aër condensatur
in tenues nubes, in quibus velut in speculo in-
feriorum imagines reflectantur; Hinc Apollo-
nium Thianeum, ex eo quod cerneret ea quæ
in remotissimis regionibus peragebātur, Ne-
cromantistam non dixerim: Inferiora enim
hæc species suas in aërem & ad Cælum vsque
diffundunt, vnde, liceat mihi barbarè loqui &
bene sentire, reiterantur ac reuerberantur in
his inferioribus quemadmodum vnum specu-
lum in alterum.

— An dicemus corpora nostra pro sua magni-

rudine emittere vaporem, qui illorum refert effigiem, quæ in denso aëre complicata à ventis in altum eleuari potest, atque ita humanam imaginem oculis nostris subijciet: Quapropter in Ecclesiasticis Cimiterijs mortuorum figuræ visæ sunt à nonnullis (si vera referunt) quia à paucis diebus nec in profundo lectulo cum esset sepultum cadauer, vaporem iuxta sui mensuram emisit: idcirco olim, quia cremabantur cadauera, & scitissimè quidem ad aeris corruptionem prohibendam, nihil tale videbatur. ALEX. At quomodo verum dicemus id, quod legimus, defunctorum animas, flammis circumdatas apparuisse, nec non humanas edidisse voces? I. C. Fides sit penes præscripta Religionis, nam & sacrosanctis Gregorianis apparitionibus debitus à nobis exhibetur honos: non enim Atheis assentior qui hæc figmenta à fraterculis sacrificulis excogitata esse existimant, vt à deuotis mulierculis pecuniolas corradere possint. Sed Cardani Philosophi subtilissimi super hac sententiam in medium adducere decreui. Is igitur hæc verba profert, Refert Misaldus quod à pluribus etiam visum est, quandoque infantis effigiem semouentis ignes hos præbere, qui præter id quod equos terreant, etiam homines perturbant, adeo vt nonnunquam adducant in præcipitia, & fluuios & paludes, eoque præsertim, quod iuxta Cimiteria patibula templaque soleant videri. Quis, qui naturales causas non norit, non admiretur ignem hunc præcedere sequentes stareque cum stantibus,

Car. l. 14. de
ret. var. c.
169. fol. 690.

Et quacunque circumaguntur habere semper hoc ostentum ante oculos quasi equi ductorem atque hominis equo insidentis aurigam? Contingit ut prater id dum crepitant hi ignes, pariant etiam inconditas voces quasdam atque humanis simillimas. Unde credulus quibusdam persuasum est animas defunctorum his ignibus circumdatas expiari, atque purgari, sed non esse propria humanis corporibus haec, indicat quod etiam in coquinis, & cloacis ubi serdes animalium occisorum expurgantur, talia videri soleant, imponunt tamen talia multis, & terrent non immerito pauidos.

An & rectius dicemus, conspici spectra illa in aëre, quia diuersæ rerum species in phantasia nostra cum sint, non mirum ubi tenuis sit cutis, tenuisque spiritus, cerebrum calidum, & imaginatio valida, si aliqua illarum specierum nostris se obijcit oculis, à quibus, si visoria facultate præstent, facile conspici poterit: Quod Cardano sæpenumero contigisse ex ipsius testimonio, constat. Ita enim loquitur, Cum volo video quæ volo, oculis non videntis, velut imagines illas, de quibus dixi cum infans essem, me vidisse, sed nunc credo ob occupationes, nec diu nec perfectas, nec omnino semper cum volo, nec tamen nisi velim: Mouentur autem perpetuo, quæ videntur imagines, itaque video lucos, animalia orbes, ac quacunque cupio. Credo causam esse vim virtutis imaginatricis visusque subtilitatem. Et paulo post, Prima, inquit inuenta, quæ & alias dixi, & cum Tiberio Cesare commune fuit, nuper experrectus in maximis tenebris omnia

Card. l. 8. de
rer. var. c. 43.
fol. 410.

Ibid. fol. 418.

lustrabam, ac si dies clara esset: sed breui tamen dies illa mihi subtrahebatur. Nunc etiam aliquid video, sed tamen non discerno. Causa est cerebri caliditas, spirituum tenuitas ac substantiæ oculi, & vis calida imaginantis virtutis. Et iterum paulò post, Recitat Aristot. 3. Meteor. cap. 4. fuisse hominem qui suam semper imaginem ante se velut in speculo videret, id, si ille non finxit ostentationis causa, & leuitate Græca, certe ob solam visus imbecillitatem accidere non potuit, sed accedente ad hanc etiam summâ anterioris cerebri caliditate, spiritusque visui tenuitate, efflati quoque vaporis crassitie, ut sic tanquam in speculo reflecteretur.

An & subtilius asseremus, à sola imaginatione spectra hæc efformari? Nec mirum, si namque mulier in actu Venerco, & dum prægnans est, conceptam rei alicuius imaginem fœtui imprimere valet, cur nequibimus nos vehementissimo desiderio concupitæ rei effigiem in nobis ipsis obsignare? Quapropter vapores, qui à nobis ita affectis exeunt, figurati erunt imagine illâ, quæ iam nobis infixæ est: Ijdem autem vapores quam ipsi retinent speciem effingere in aere crasso valent: Similitudo verò illa poterit per aliquod temporis spatium subsistere, si aer sit spissior, ut post imbres, nec non moueri de vno loco ad alium, ventorum nimirum agitatione. An cum Pomponatio nostri seculi Philosophorum Principe asseremus, visiones has admirabiles confici à supernis mentibus

*in immaterialibus concedet, ut dicitur,
uogant, Instita est.*

374

Iulij Caesaris Vanini

immaterialibus Cœlorum motricibus, homines quos ipsę fideliter custodiunt, ita instruendo, dirigendoque, ut futuros eis eventus præostendant: sane nunquam hæc apparuisse legimus apud historicos, quin cædes, vel fames, vel pestis, vel Regum, legumque subsecutę fuerint mutationes. Si enim (inquit Diuinus Præceptor in aureo opusculo de incantationibus) in somnijs Intelligentiæ aliquando nos edocent, ut comprobatur Auerr. representantes sensibus nostris imagines, non modo ad extra, sed etiam intrinsecus per spiritus transmissos, cur non valebunt, & in vigilia eadem orbium temperatrices pro mortalium regimine, quod eis à prima causa demandatum est, figuras aliquas atque Idęas, in suis cœlestibus corporib⁹, quę sicut pelles extenduntur, depingere, ut in illis futuros eventus perlegamus? si egroto (ait ille) Æsculapium pro valetudine deprecanti immissa est ab Intelligentijs Æsculapij imago salubrem ei herbam præostendens, quid vetat quo minus idem eger, intelligentiarum fauore adiurus, consimilis herbe & Æsculapij imaginem in aere conspiciere possit? Contemnentur hæ nostrę subtilitates à perditissimis nebulonibus, qui sanctitatem in ore habent, otio supinitate, aut flagitiosa licentia marcentes, scientias curiositatis titulo despiciantur. ALEX. At quam ob causam post Iulij Cæsaris obitum tergemini Soles apparuerunt, quod Quinto Minutio, & Q. Martio. CC. Marco Antonio, L. Plāco,

*Auer. in l.
de diuinat.
somm.*

Et Claud. Princ. CC. etiam contigisse in historijs proditum est. I. C. An quia Solares radij tam crassos in aëra vapores sustulerunt, ut in ipsis tanquam in solidiori materia Solis imago recepta conseruataque fuerit: Propterea sapientissimi vates. Reipublicæ imminentes calamitates scitissime & veridicè prædixerunt, nam subsecutæ illæ sunt, quia Solis lumen densa obfessum caligine, imbecilles caloris suppetias terræ subministrat, quare fructus non maturescunt, hinc sterilitates, & pestilentia; Præterea varia illa, densaque vaporum copia in vastissimos imbres resoluitur, iccirco aluei intumescunt, disrumpuntur aggeres, inuia redduntur itinera, & mæstæ segetes computrescunt: quare famem cædis pestilentiaque auctricem atque altricem sublequi necesse est. A I E X. At quid in causa fuit, ut Carolo magno augustissimo Principe Imperante, meridie Sol defecerit, triduo postquam Lunæ Ecclipsis facta fuisset, ut in illius vita legimus? I. C. An propter attractos à Sole vapores adeo spissos, ut visus interciperetur. A L. At quæso dic sodes, cur maximâ ex parte Solis conspectus adimitur à nubibus? quæ in nocte non sunt impedimento, quominus Lunæ globus appareat. I. C. Quia Sol condensat attractione aerem, à quo donec eum discusserit, tegitur. Luna verò non attrahit, sed laxat, mediocri enim, aut etiam pusillus calor eius est, quapropter diffusus aer Lunæ speciem liberius admittit. A I E X. At

cur videtur aliquando Solis lumen croceum? an lugubres dies in Regum obitu apud superos celebrantur? I.C. Minimè, sed ob deliquium id euenit. ALEX. Cur Solis lumen in deliquio croceum? I.C. Quia (inquit Cardanus) lumen paucum est, & ob id croceum. ALEX. At quomodo paruum esse potest Solis lumen? quid ei ablatum est? I.C. Profecto nihil: non enim ille patitur, sed priuatur oculus noster. Deinde qua ratione paruum lumen transeat in croceum, plane ignoro: non enim fulgoris detractio, sed fusci aut crassi admixtione fieri croceum conspiciamus in Aurora, quæ non à tenui luce, vt Cardanus existimat; est enim tunc prope Sol; sed à vaporum crassitudine, & varietate croceum colorem adipiscitur: exalant tunc enim vapores aurei, lutei, crocci, rutili pro materia quisque ratione: id quod anno elapso certissimo mihi comprobatum est experimento, cum prope Niciam perditissimorum nebulonum sentinam, & indignam sane quæ inuictissimi Sabaudici Principis Imperio subiiciatur Augustissimo, in agresti casula ob latronum metum pernoctarem: quo in loco per totam insomnem noctem siderum lumine vsus sum ad præcauendas insidias: in Aurora tenuis caligo oculis nostris exorta est, non alio sane modo quam vbi repentinæ Soli nubes obducuntur. Eius rei causam existimaui, quod siderum lumen, cuius vi sub eam vsque horam vsus fueram ad videndum, à Solaribus radijs

Card. l. 4 de
subt. c. de
luc. & lum.
fol. 215.

extingueretur. Sed non arridebat mihi hæc ratio-
cinatio, non enim Solis lumen poterat
siderum lumini vim facere sinē maiori pote-
state, atque ita mihi illuxisset : quare in eam
descendi sententiam, vt crederem, non in æ-
re, sed in oculo factam esse mutationem ad
obscuritatem : qui cum sublustri nocturno
lumine ad visionem vteretur, superuentu ma-
ioris lucis hebescere cæpit. Illam tamen cau-
sam veriore existimaui, quod vapores eo in
loco vbi nos eramus, attollebantur, quorum
consistentia propter pelluciditatem non ap-
paruit, propter crassiusculam naturam me-
dium effecit ad visionem inæptius. sed ad que-
stionem propositam. ALEX. Quare in Eccli-
psi Solis lumen croceum videtur? I. C. Ita di-
cendum puto, magnum lumen totum subi-
re ærem, & sese in eum insinuare, atque in
suam naturam fulgidam transformare. Par-
uum lumen vinci à partibus aeris, qui ta-
meti pellucidus est, in longiori tamen tra-
ctu speciem habet densitatis propter longin-
quarum partium subitionem in linea visua-
li: Quodam igitur modo videtur coloratus,
quocirca cum à paruo lumine non mute-
tur, vt ab eo splendoris aliquid recipit, ita
ei adiungit, & quasi admittit densitatis ali-
quid, quo fit vt croceum videatur.

ALEX. Acutissimè, sed cur post Cometis
apparitionem è Principibus aliquis suo fato
fungitur? I. C. An quia Cometes siccitate vt

plurimum concreatur, est enim vapor à calido sydere attractus & illustratus, quare regiones, quas ille peragrat, vehemēter incalescūt: siccis autem temporibus Principes moriuntur vt potè cibus odoratis, vinis præpotentibus, & curis confecti, atque vigilijs. An quia Comeres res exilis cum sit, vbi conspicitur, ærem tenuissimum esse oportet, quare æstiuali tempore quam hyemali frequentius visuntur: Aer autem tenuis vapores, ex quib' fit pluvia, retinere nequit, quare succedit siccitas, & sterilitas, hinc multos emori necessum est, præcipuè principes, qui senes vt plurimum cum sint, & Veneri indulgentes, vel leuissimæ morborum causæ sunt obnoxij: Vel inter complures qui moriuntur, ipsi propter dignitatem magis conspicui sunt, & eorum interitus citius animaduertitur, quàm lucernarij Philophi. An quia ob aeris tenuitatem mutantur humores in bilem, omne enim valde tenue siccum est, quare homines concitantur ad seditiones, & ad bella, quæ vel cruentam Regibus mortem inferunt, vel morbos eis minitantur ob curas & molestias, quibus è subditorum rebellionē afficiuntur. An quia supremæ mētes immateriales cœlorum motrices Regum præcipuè curam gerunt: quare vt ab hostilibus insidijs caueant, per Cometem fidissimum nuntium eos admonent. An cum Lucianistis dicemus falsum assumi in propositione problematis: Sanè multi sunt à nobis Come-

ta visi, quos nulla vnquam subsequuta est in
tota Europa Regum pernities: è contra com-
plures Principes mortui sunt absque vlllo Co-
metes indicio. An Cometes vbi apparet ter-
ret Principes ob commune de ipsorum mor-
te iudicium: ideòq; tristi illa cogitatione sibi-
metipsis mortem accersunt.

DIALOG. LII.

De Oraculis.

ALEX.

T quid de Oraculis cenles? Lapi-
deæ Deorum statuæ responsa da-
bant, futura prædicebant, quæ in
remotissimis terræ partibus age-
bantur, manifestabant, vt histori-

corum monumèta testantur. I. C. A Dæmone
hæc omnia facta esse, pro certo habetur apud
Christianos: Attamen quia nullum extat Ec-
clesiæ decretum, non est veritus Magister
meus Pomponatius id inficiari. ALEX. Quæ il-
lum mouet ratio? I. C. Quia responsa
edebentur circa singulares actiones, quæ nul-
lo modo Dæmoni innotescunt. ALEX. Imò
cognoscit Dæmon, vt inquit aliqui, per
suam essentiam. I. C. Minimè inquit ille, qui
enim ita cognoscit, aut est causa rei co-
gnitæ aut effectus: Sic Auerr. dixit Deum esse

causam omnium, quia per suam essentiam omnia intelligit. Et author de causis, & Albertus affirmant, inferiorem Intelligentiam intelligere superiorem, quoniam effectus est superioris. At neutrum dici potest de Dæmone, non enim est horum inferiorum effectus, ut patet: neque causa, creandi namque potestatem à Dæmone Theologi merito abdicant.

AL. Non desunt qui Dæmonē per alterius essentiam cognoscere asseuerēt. I. C. fictio hæc est & merum somnium. Haud enim res materialis intellectus forma esse potest. ALEX. At essentia rerū sunt immateriales. I. C. Non ego hoc admittam, qui inter esse & existere nullum agnosco discrimen. Quis nisi mētis inops negaret existere id quod est & esse quod existit? ALEX. Communis omnium opinio est, Dæmonem intelligere singularia per species, vel congenitas, vel de nouo receptas. I. C. Neutro modo. Sane non per congenitas: nam vel per speciem vniuersalem, vel per particularem indiuidua cognosceret: vtraque conclusio falsissima est. Si per vniuersalem, vel per speciem hominis distincte cognosceret singulos homines, quod quidem est impossibile, nam si ita esset, Dæmon infinities infinita cognosceret: cognosceret enim vnico intuitu vniuscuiusque speciei indiuidua omnia non solum præsentia, sed & præterita & futura. Vel per speciem vniuersalem aliqua duntaxat singularia cognosceret, quod non est verisimile, vniuersalis namque species æque om-

autitur
reprobatur

Sanctus
vnde vnde
et

nium est representatiua. ALEX. Forsitan species illa representat singularia tātum quæ existunt. I. C. Ad hunc modum neque præterita neque futura Dæmon in statua idoli prædixisset, nisi quis confingat Dæmones ratiocinari. Præterea vt sic cogitatio Dæmonis de Titio non esset quid absolutum, sed respectuum, quare inciperet & desineret esse in illo quemadmodum incipit & desinit esse in me æqualitas & similitudo. Atque ita Dæmonem cognoscere Titium, idem esset, ac si Titius fieret mihi æqualis nulla facta in me mutatione, quæ comparatio non potest procedere, nam per æqualitatem reale nihil additur quantitati: At intelligēti rem aliquam aduenit aliquid; Quare concludo, à Dæmone non cognosci singularia per speciem vniuersalem. ALEX. Quid si per species singulares? per species inquam vniuscuiusque rei quam intelligit. I. C. Nequaquam, Nam vel omnium singularium species habet congenitas, vel aliquorum duntaxat. Primum est absurdum, nam actu infinita distinctè ab vno quoque Dæmone intelligerentur, quod fieri nequit. Præterea in eodē subiecto essent infinita eiusdem speciei specialissimæ & absolutæ. Addam, nullum fere ex antiquis existimasse, speciem singularis materialis esse in nostro intellectu, quanto minus in ipsis Intelligentijs. Secundum est ridiculum, non solum quia (vt dixi) species singularis representata esset in intellectu immaterialium, sed quia nulla verisimilis subest ratio, cur hu-

Nugā

ius potius quam alius species sit in Dæmone.
 ALEX. Esto Dæmonem non cognoscere singularia per species cōgenitas, quid vetat asserere per species de nouo receptas? I. C. Vel istæ species in intellectu Dæmonū producuntur ab ipsis Dæmonibus, aut ab alijs agētibus: non ab ipsis, quoniam generarentur per cognitionem præcedentem, atque ita differendi facultas concedenda esset Dæmonibus: at reclamāt ij qui materiæ expertes Dæmones prædicāt: Materialia autem instrumenta ad rationandum requiruntur. Neque ab alijs, sanè non à materialibus: Nec enim agunt in spiritualia, cui ordini Dæmones adscribuntur: neque à spiritualibus, hi enim nequeunt rei alicuius speciem effingere, & incorporeo subiecto imprimere. ALEX. Quid igitur concludendum est? I. C. Pomponatius concludit, Dæmones non poterant oraculorum responsa edere, nisi singulares res intellexissēt, at hoc præstare nequibant, nec illa igitur. ALEX. Si Dæmones miracula illa non operabātur, quis igitur illorum author? I. C. Intelligentia forsitan, inquit Pomponatius, quæ mouet orbem. ALEX. Quid ais? I. C. Locupletissimè in

Amphitheat. aduersus Athæos probauimus, quod non potest procurare Deum hæc inferiora, & præcipuè hominem, quem omnium finem Philosophus esse asseruit: Verum quia Deus non agit in his sublunaribus nisi mediante Cælorum instrumento, immutaretur enim, si immediate age-

ret. In præteritis fidei & pietatis sed in hæc
 mundi non est, & in rebus mutam falso,
 Nemo enim. In rebus, illi de rebus dei
 in rebus non deus sed in rebus. Nemo enim
 deo cura est & rebus & non in rebus.

ret, vt inquit Philosophus, mutatio namque effectus infert nouitatem causæ à qua dependet; sunt enim correlatiua: iccirco per cælestia corpora, vbi hominibus, maxime Principibus, ad quorum exemplum orbis componitur, pericula imminet, responsa dat & in somnis, & in oraculis, & in brutis, vt illos commonefaciat: cum pulsus esset à Regno Tarquinius, canis humanas edidit voces, serpens adlatrauit. antequam Augustus crearetur Imperator, bos in Romæ suburbijs sic colonum est allocutus. Quid me stimulis vrget, non frumenta, sed homines cito deficiet. C. Volumnio, & Seruio Sulpitio Conss. Bos humanum sermonem protulit. apud Homerum equus, cui nomen erat Xantus, testatus est, Patroclum non ignauia sed fato occubuisse. Marco Lepido, & Q. Catulo Conss. in villa Galeni Romano idiomate Gallus locutus est: ante Cæsaris obitum (vt C. Epidius inquit) etiam arbores locutæ sunt, quæ omnia opera non nisi intelligentiæ adscribi possunt. Intelligentia igitur Cæli motrix, quæ propriè in loco non est, vt inquit Ar. fuit & in Idoli statua, & sicut Tibicen per Tubam edit sonum: ita intelligentia per os Idoli vocem edere potuit, & futura prædicere. Si namque à syderibus vis indita est Sylenitæ & Ar. 6, phys
Quiritiæ Lapidibus, vt futurorum prædictionem conferre possint, vt inquit Albertus, cur ipsamet intelligentia cum suo Cælesti corpore idem in Idoli statua operari nequibit: si po-

ruit id Dæmon efficere secundum aliorū opinionem, cur non & intelligentia? sanè plus virtutis non est in Dæmone, quàm in intelligentia, ad hoc scilicet, vt in oraculo esse possit illudque mouere. ALEX. Subtilia audio, sed quæ meum non expleant animum. Quomodo intelligentiæ curent hæc inferiora percipere nequeo, cum hæc non intelligent. I. C. Hoc pernego, ALEX. At resistunt à te adductæ rationes aduersus Dæmonum cognitionē. I. C. Nequaquam, Intelligent enim in seipsis intelligentiæ hæc inferiora, quoniam ipsorum causæ sunt: Sane Deus medio instrumento cælorum, quorum Duces sunt intelligentiæ, nostratia produxit, non enim licebat purū ab impuro tangi: Quare vt artifex non nisi per cognitionem producit opus, ita intelligentiæ cælorum motrices per cognitionem hæc nostratia architectatæ sunt. ideo diuinus Auerrois immaterialium scientiam à nostra differre asserit, quoniam illorum scientia res operatur, nostra vero à rebus efficitur: Est igitur in intelligentijs nostri cognitio, & cura igitur, quæ eis à prima causa demandata est. ALEX. At mihi nunc maior exoritur dubitatio. Nam si à cælestibus corporibus id factitatum est, cur non vbique & semper? eadem nunc sunt cælestia corpora quæ tunc fuerant, cur non igitur effectus idem, si causa eadem viget? I. C. Plutarchus multis verbis hanc dissoluit quæstionem in libro cur oracula esse desierūt, vaticinandi

*Non in oraculo
est intelligentia
aut I. C.
si per cælorum
motrices est*

vaticinandi enim vim adscribit Sybillæ & oraculo: Sybillæ, quia à seipsa disposita erat ad vaticinationē, idque propter spirituū agitationem in corpore, qui variās rerum imagines repræsentant: Oraculo, quia eo loci exhalabant vapores, qui variis mentem impellebant ad facta canēda, quemadmodum & vini vapores ad cantandum nos excitant: cū igitur desierunt hi vapores, & oracula cessare ceperunt.

ALEX. Hanc opinionem in tuo Amphitheatro optime confutasti. Sed scire aueo quid Aristoteles responderet. I. C. Forsitan ita: omne progenitū in vnaquaque specie, incrementum suscipit, statos habet dies, & tandem abit in corruptionem, quam cū noua generatio consequatur, necesse est præcedere dispositiones, atque illius dispositionibus esse contrarias: nisi enim dispositiones generationis superarent dispositiones corruptionis, non fieret generatio, cum nihil generetur, nisi adæquate adsint in materia dispositiones, quemadmodum nihil corrumpitur, nisi & corrumpantur dispositiones subiecti conseruatrices: Quæ regula non modo vera est in particulis hominibus, sed in Urbibus, Regnis, & Religionibus, vt innuere videtur Aristoteles & probatur non solum ratione hac vulgari & trita: Omnia orta occidunt, & aucta senescunt, sed quotidianis experimentis, vt historicos per legens videbit cuiusque Domini & Religionis principium & finem, qui non sensu tam aperte percipitur, vt in plantis, quia vt nobis

lora sunt indiuidua, ita magis subsistunt; quare sic Plato scripsit. Verum cum omne quod genitum est corruptioni sit obnoxium, talis etiam constitutus semper manere non poterit sed soluetur. Salus vero hæc est non solum circa plantas, sed terræ etiam animalia; fertilitas, & sterilitas animæ corporumque contingit, quando revolutiones singulis circuloꝝ consunxerint ambitus, his quidem quæ breuioribus sunt aui, ambitus breuioribus, contrariis contrarios. Illi verò quos ad Civitatis gubernationem educauistis, quamvis sapientes fuerint, nihilo magis vestri generis, vel fecundam vel sterilem generationem, ratione unâ cum sensu assequantur, sed latebit eos oportunitas generandi, & plerumque in opportunum fuerit gignendis filiis operam dabunt. Est autem ei quod diuinitus generandum est, circuitus, quem numerus continet perfectus. Ex his licebit cōcludere, & oracula incepisse & desisse; quæ admodum omne indiuiduum generabile, & corruptibile: verum quia corruptionem insequitur generatio, quæ ad illam contrarias habet dispositiones, ideo ad vnius legis cessationem alia succedit lex contraria penitus. Quid in Gentili lege Iouis nomine illustrius, & sanctius? Quale nunc nomen vile magis & execrandum? Cùm igitur Ethnicorum Religionis senectus accessit, & corruptio instabat, primò corrumpi debebant illius legis dispositiones: hæc autem erant oracula, quæ propterea desierunt, atque illico in eius locum alia subrogata est legis forma vetustæ è diametro opposita: Verum quia haud facile homi-

nes de vna Religione ad aliam pertranseunt, ideo in nouæ legis aduentu admiranda opera fiunt: Sanè nulla est lex quæ sui ortus miracula non deprædicet; Quare à cœlestibus corporibus vnus è sanctis animalibus homo eligitur, cui confertur potestas admirabilia operandi, & maximè curandi languores: nam quæ in herbis, lapidibus, & animalibus omnibus præcipuæ virtutes conspersæ sunt, quasi in vnum colligunt, & vni tribuunt, vt alter Dens habeatur: idcirco vbi nouæ legis initijs quis resistere audet, statim ab intelligentijs terretur in somnis & in vigilijs tetræ apparitionibus, atque ita cœlestia corpora pro mortalium beneficio Religiones ædificant; Quapropter cū Cœlorū influxus cessabit, lex labefactari tunc incipiet donec in nihilum redigatur, *Nec enim nos latere debet, inquit Albertus, quod sicut virtutes naturales perdurant in quodam tempore, & non ultra; ita est etiam de virtutibus imaginum, non enim influit aliqua virtus de Cælo, nisi in quodam tempore periodi, sicut diximus in fine perigentes, & postea cassa & inutilis remanet imago frigida & mortua. Et hæc est causa quare quædam imagines non operantur hoc tempore quod fecerunt tempore antiquo: ideo distinguuntur in Astronomia diuersi anni imaginum cœli, & Planetarum, & quarundam Stellarum dicuntur esse anni maiores, medij, & minores, in quibus explicant suos effectus, vel fortiores, vel imbecilliores, vel mediocres. Et Cardanus cōplurium legislatorum genituras descripsit, in qui-*

bus persuadere nititur, Religiones opus esse
Stellarum. Addatur & alia ratio secundum
 Philosophos, nam iuxta eorum opinionem
 maximè Platonis & Aristotelis, mundus est
 æternus, neque infinita secundum speciem es-
 se possunt, neq; vnquam fuerunt, nec erunt,
 quoniam ex his corruptibilibus nihil se-
 cundum indiuiduum potest perennari. Ea
 de causa qui nunc sunt in vsu ritus, centies mil-
 lies fuerunt, totiesque renascentur, quoties
 ceciderunt, nihilque est quod simile non fue-
 rit, & cui simile non erit aliquando: denique
 nihil est, aut erit, quod non fuit, nihil fuit quod
 non erit; Quæ de re cùm continua, & æterna
 sit talis vicissitudo, habet causam æternam:
 in nullam autem aliam causam reduci po-
 test, nisi in cælestia corpora, Deum & Intelli-
 gentias, ergo à corporibus cælestibus, qui-
 bus ex Dei mandato intelligentiæ præsunt, le-
 ges originem ducunt, incrementa, & interitū;
 Plutarchus sic scribit. *Non est fortasse mirandum*
per infinitum tempus alibi aliter fortuna influente
res humanas in eundem casum sæpius deferri. Siue
enim quod subiacentium rerum multitudo termina-
ta non est abundantem & facilem habet fortuna
ad similitudines edendas materiam, siue quod ex
quibusdam terminatis numeris series rerum conne-
xa existit: ita enim necessarium est ex earum discursu
& circumuolutione sæpe eadem euenire & emer-
gere in lucem qua euenerant. Ad maiorem huius
rei probationem, si quis & antiquas & recen-
tes historias attentè perlegat, agnoscet cor-

pora cœlestia de Regibus, de Regnis, de Ciuitatibus, & vt vno verbo omnia comprehendā, de magnis rebus nimis esse sollicita: quare vbi illis immutatio imminet, imò vbi remotissima est, in Cœlo, in Elementis, in plantis, in brutis, & in hominibus diuersa nobis signa & prodigia obijciunt. A Capys tempore vsque ad Iulij Cæsaris imperium mille fere anni effluerunt: In Capys tamen sepulchro reperia est tabula ænea, in qua scriptum erat, Iul. Cæs. In Senatu fore interficiendum: huic mirabili quidem exemplo possem multa etiam subtexere admiranda magis, nisi historiam ordiri viderer. Hoc vnum asseram, Reges à Deo constitui, Regibus cœlestia corpora opitulari. Cogitet aliquis, quā hominis industriā Romulus ex pastore ad sceptrum tam citò peruenit? Quò hominum artificio Roma tam breui tempore mundi caput facta fuerit, optimè considerans, manifestò videbit Deorum procuratone accidisse: Quid dicemus de Cyro? de Hyerone? de Habide? postquam Iustinum legerimus? ego sanè obstupesco. Quapropter cum Deus & corpora cœlestia maiorem de legibus & Religionibus, quam de Regibus, & eorum Regnis sollicitudinem habeant, sunt enim diuturniores & nobiliores, non mirum si pro mortalium beneficio (nullum autem Religione præstantius, Hæc enim & si falsa sit, dunmodo vera credatur, animorum ferociam domat, libidines coercet, subditos Principi obsequentes efficit) ab ipsis corpori

bus cœlestibus constituentur legislatores, & diuinæ voluntatis prænuntij, qui Dei filij merito nūcupari possunt. vniuersi ordinem, Cœlestium corporum potentiam, Deique prouidentia contēplati animo, si oculis non potest, ista nec dissona neque naturę ordini repugnātia videbūtur. Rimetur aliquis rerū diuersitatem, in mineris, in plantis, in brutis, & in hominibus aliquid boni, aliquid verò malī adinueniet: Regna quoque ipsa, ex optimis institutis ad pessima declinant, modò vnā, modò aliam legem aliās turpissimā, nunc sacratissimā denenerātur: has enim vicissitudines vniuersi perfectio ex postulat. Quælibet Religio in sui ortu & interitu, non in mediō miracula ostētat, cuius rei ratio illa est: quia in longissimis temporis interuallis potentissimæ intercedunt Planetarum cōiunctiones, quō tempore nouam Religionē institui ac proinde cessare veterē clarissimis experimētis Astronomi comprobant, & ego validissima ratione: Ea est, quia ex magnis siderum coniunctionibus inferiora hæc summam cum nanciscantur potestatem, admiranda opera proferunt. Insuper hominum voluntates tunc immutantur: phantasia, quæ intellectus voluntatis consiliarius vtitur, cœlo subiicitur: Quare vir sapiens sacros æterni nominis honores appetens cum hæc futura præuidet, Prophetam à Deo missum se prædicat: quæque necessaria cœlestium corporum vi miracula fiunt, confictæ sui ipsius omnipotētiae adscribit, atque ita de-


lusa plebecula illum admiratur & adorat: sanè
 ea miracula vocitātur, quæ post lōgissimas cœ-
 lorū cicuitiones accedūt, non quæ naturæ vi-
 res exuperāt. Sic igitur ad quæstionē propositā
 responderi potest: desierunt oracula quia in-
cæperunt. Nam iuxta præcedentes suppo-
 sitiones, quicquid incipit, desinit. Desinere au-
 tem non potest, nisi dispositiones contrariæ
 adueniant, veluti non corrumpitur sanguis
 menstruus, nisi introducantur dispositiones
 hominis formatrices, quæ prioribus aduersan-
 tur: sic post oracula aduenit lex illis opposita;
 apud posterorū oraculorū lex etiā vigebit: ita sã
 guis mēstruus corrūpitur & generatur homo,
 sub cuius forma ille delitescit, & tandem ve-
 getiori spiritu, ac vita imbutus, palam se pro-
 dit. est tempus infinitum ratione motus, quem
 subministrare numquam deerit æternus mo-
 tor: at infinita secūdum speciem esse non pos-
 sunt, igitur quæ interierunt, à cœlorum circū-
 ctionibus postliminio in vitam reuocabuntur
 secundum speciem, non secundum indiui-
 dum, vt Plato somniauit. Subtilissimæ Philo-
 sophiæ nostræ rudimenta pariunt hæc præcla-
 ra facinora: at in Christianæ fidei obsequiū ca-
 libens detestor, imò tacite detestatus sum, an-
 tequā ioci ergo excogitassē ALEX. Quid igi-
 tur de Oraculis censes? I. C. Sacerdotum im-
 posturas fuisse. ALEX. At quomodo fraus non
 detegebatur? I. C. Ob publicæ potestatis for-
 midinē allatrare Philosophi non audebāt. Gra-

tias tamē Luciano debem⁹, qui illorū Nebulō-
nū figmēta posteris patefecit. ALEX. Quāso ali-
qua ex eius libris enarra. I. C. Luciani operain
meo Musæo sunt, ad te deferenda curabo, tu-
que metipse solus pellegere poteris. A. L. Gra-
tias tibi ago ingentes.

DIALOG. LIII.

De Sybillis.

ALEX.

 Inita oraculorum disquisitione,
Videamus, quomodo Sybillæ,
futuros rerū euentus prædice-
bant? I. C. An è corporum cœle-
stium, quibus tanquam instru-
mentis ad mundi regimen Deus vitur, inspe-
ctione, atque contemplatione? Ita quidem
Aruspex Spuria admonuit Caium Cæsarem,
vt caueret periculum, quod non ultra Idus
Martias proferretur. Iulius Marathus ante-
quam nasceretur Augustu Cæsar ita vaticina-
tus est: natura citò pariet Regem popu-
lo Romano. Sic Publius Nigidius accepta
eiusdem Augusti genesi, orbis Dominum na-
tum esse affirmavit. Sic etiam Scribonius Ti-
berio Regna prædixit. Sic idem Mathemati-
cus eidem Tiberio denūtiavit Galbam aliquan-
do imperaturum, cum tamen Galba ex Ænea-
dum familia non esset. Eadem ratione Seleu-
cus Astronomus Othoni Cæsari, super-
stite Nerone, promisit Imperium. Sic Ge-

nethliaci cognitâ Vitellij Natiuitate, infellicissimum eius exitum antenuntiarunt. Iosephus fama magnus apud Hæbreos vespasianū dixit Romæ imperaturum. Sic denique, & non aliunde Ascleterion Mathematicus suam & Domitiani Cæsaris necem auguratus est. Infinitos prope alios ex Plutarcho, Liviō, Iustino, Valerio Maximo, & alijs grauissimis authoribus in medium adducere possem, quos silentio prætereo. An ipsimet vates & sybillæ sub ea natæ erant constellatione, quæ confert facultatem Vaticinandi. ALEX.

Quid fingis? I. C. Experimentis & ratione probabo. ALEX. Quis hæc vnquam expertus est?

I. C. In Saguntinorum excidio per Annibalem factō, puer vix natus futura prædixit. Hali

habérage ex syderibus, veneris scilicet, Iouis

martisque coniunctione, in octauo libræ gradu, vna cum Mercurio, qui solus in tali gradu

fines habebat, nuntiauit natum esse puerū qui

cœlesti circūfultus fauore futura nūciaret. bo-

ues aliquando & alia animalia insequentia antenuntiasse in vita Marcelli Plut. refert. ALEX.

Quomodo Ratione id suades? I. C. cū De^o Cœlorū motricibus intelligētis mūdi gubernacula demandarit, vt alibi probauimus, illarum est

hæc inferiora curare, maxime hominem, ad quem tanquam ad finem omnia adeo ordinata dixit Philosophus. Ex hominibus autem præcipue Reges curant, & Principes, ad ipsorum namque exemplum regitur orbis. Hinc Iacobus faber Stapulensis asserit, in Ægipto

*Insuper
in falsu
et famon
et Cris
et strabili
et datum*

appropinquâte ortu vel interitu Regum, fere
 semper prodigia apparuisse: Quare apud Ca-
 tholicos etiam hæc viget opinio, Principi-
 bus duos datos esse custodes Angelos; ita-
 que eos commonefacere debent de futuris e-
 uentibus: Cumque dicat Philosophus homi-
 nem præ cæteris animalibus plures habere o-
 perationes, atque ideo multis indigere: nam
 ipsemet Aristot. & Plat. in Politicis asserunt,
 diuersas secundum speciem operationes me-
 lius à diuersis artificibus, quam ab vno solo
 perfici, idè operæ precium erat, vt nonnullis
 præclarissimis viris eam conferrent pote-
 statem qua futuros rerum euentus Reipu-
 blicæ denuntiarent: hoc autem cœlestibus
 corporibus factu facillimum est: si enim illa
 herbis, & lapidibus quibusdam futura præsen-
 tiendi facultatem impertiunt, vt ex grauissi-
 morum virorum testimonio & experimento
 Albertus comprobat, quanto facilius homini
 qui cum sit medium inter æterna & cor-
 ruptibilia, aptior est ad similes cœlestes im-
 pressionem excipiendas. Confirmatur: Nam
 Plato in Menone ait, Poëtas nasci, cuius rei si-
 gnum est, quoniam multoties quæ dicunt ig-
 norant. Idem in Phædro asserit, vates, sybillas
 & Augures à furore duci, mente commotos, &
 ecstasi correptos appellans. In Ione, poësim
 dicit rem sacram esse, Dei nuntios Poëtas ap-
 pellat, & nō nisi Deo plenos canere asserit. AL.
 Vera hæc sunt, nam & Ouidius scripsit.

*Est Deus in nobis, agitante calescimus illo
Sedibus Aetherei spiritus ille venit,*

Non tamen digna ut à Platone recitentur, qui à Republica Poëtas expellendos consulit. Sed quæso illud nos contemplemur, quomodo Cœlestia corpora possunt vates instruere? I. C. An vatis phantasmata cōmouendo, futurarū rerū species in eius intellectu effingē? Quid miraris? si Sol dat muris formā in finem, quanto facilius futuri euentus speciem in vatis fantasia? sanè materialis cū sit, æque Cœlo subiicitur ac sterquilinum. Si traditum est apud historicos, in somnis futura reuelata compluribus, quod non nisi ad Cœlorum motrices Dei ministras referri potest: cur in vigilia idem in vate efficere nō valebunt? An vate utetur intelligentia tanquam instrumento, & quemadmodū tubicē per Tubam editū sonū, sic intelligētia per os vatis: quare multa canūt aliquādo, quæ nec ipsi intelligunt, veluti Psittaci: Sanè intelligentia neque est corpus, neque virtus in corpore ut octauo Phisicorum dicitur: Quare propriè neque est in loco, neque in subiecto; quid igitur prohibet ipsam intelligentiam vati assistere? Præterea quid amplius habet Angelus, vel Dæmon in vate mouendo, quàm intelligentia? Certè hi qui aliter de intelligētijs & cœlestibus corporibus loquuntur, videntur eas existimare esse viros vel fœminas, quæ loco determinentur, & multa simul exercere nequeant, cum tamen in vno Solis corpore omnia opera lustret Solis

*hæc Prophe-
cia
apud hōs*

Intelligentia. An vatesijs abundant humoribus qui conferunt ad vaticinandum? Qua de causa Aristot. Philosophorum Deus arbitratu est omnes vates esse melancholicos; At hæc facultas non ab ipso vate ad actum deducitur, sed à cœlesti fidere: quapropter Sybilla non semper responsa dabat, sed cum melancholia se disponebat ad diuinos afflatus recipiendos: Sunt enim actiones in patiente bene disposito, & cum cœlestia corpora benigne aspiciebant vatem, ea tunc plena Deo dicebatur, quare Poëta Princeps de Cumæa sybilla italoquitur.

--Non vultus, non color vnus,

Non compta mansere coma, sed pectus anhelum,
Es rabie fera corda tument, maiorque videri
Nec mortale sonans, afflata est numine quando
Jam propinquiore Dei.

Et paulo post.

At Phæbi nondum patiens immanis in antro
Bacchatur vates, magnum si pectore possit
Excussisse Deum: tanto magis ille fatigat
Os rabidum fera corda Domans, fingitque pre-
mendo.

Alioquin Sybillæ non vaticinabantur, aut non vera proferebāt, id quod ex ipsarum indispositione, & ex diuersitate situs Cœlestium corporum proueniebat, non ex ira Deorum, vt plebecula existimabat. Quod si hæc tibi fortassis non arridet opinio, Cardani adducam sententiam. Is censuit, vnā in omnibus animantibus esse animam, quæ pro materiæ dif-

*Quia anima, ex ipso & in Coniuncti-
one. Anima. Est & Intellectus et sensus.*

positione plus & minus alicui se commu-
nicat, atque exinde varios scientiæ vel
ignorantiæ ordines animalia fortiuntur. Cur
propheta, inquit ille, & qui de futuris apertè
verissima doceant, qualis admirabilis fuit
Esaias? Mens ipsa cum nullo modo corpori im-
miscetur, belluas facit: cum mediocriter, homines: cum
autem copiosus effunditur spiritus, non repugnante
vi corporeâ, propheta euadit. Propterea nemo prophe-
phata eruditus est, quoniam mens illa pura, Doctri-
nâ non indiget, nec in omnibus regionibus Propheta
apparent, Nam iuxta polos impossibile est ut nascan-
tur, corpus enim eorum qui illic habitant, densum est,
ideoque repugnat tantæ mentis sinceritati, ac verò imbel-
le, & tenue corpus factum esse homini ob excellentiam
animæ, declarat Plato in Timæo dicēs. Potuerat Deus
solidum hominis corpus concinnare, ut nocumēto forin-
secus occurrenti nimis foret obnoxium, sed mollius effi-
cere præoptauit, quo esset consēplationi paratius, Ergo
in Palestina tantum florere propheta. Ea enim re-
gio perquam temperata est, atque omnium cæli regio-
num amœnissima. Hi vero tales nec timidi sunt nec
iracundi, affectus enim hi necessario corporis validio-
ris sunt, unde & iracundos longius auium protra-
here videmus. Sed & hi in cibo moderati sunt, nam-
que victus plenior corpus obesum reddit, plures autē
illorum propter id etiam in desertis locis habitant,
ob id etiam expertes sunt veneris, ea enim corpus &
mentem concutit. Declaratum est autem tales ab
omni mentis concussione vacare oportere: progenitores
verò non impios illorum esse necesse est. Talibus enim
prauis humores insunt, unde tam sinceri vasculi ge-

Cardan. de
anim. immor-
tal. fol. 297.

neratio impeditur: Mentem autem illam, qua sic mouet palam est ex vniuersalium cognitione, non singularium procedere, quibus postmodum simul iunctis, efficitur singularis cuiusdam notitia, cui haec omnia insunt, unde accidit, ut non nisi post euentum, oraculum illorum intelligatur, tunc vero ad vnguem omnia expleta cernere fas est. Velut enim in somnijs dictum iam est ex Aueri sententiâ generales apparent futurorum coniectiones, quibus ad singularium coniecturam peruenimus, sic vigilantibus in Prophetis: fortius enim mentem mens communis mouet, quam per somnum caelum imaginationem, praesertim cum corpus ut dixi paratum habeat: plurimos autem imo populos ab his moueri necessarium est, quia mens communis multorum commouet mentem, ob id assentiuntur plebei maxime homines, necesse est enim ut pars toti, & productum producenti pareat, ut lumen Soli, aut lux ipsa. Propterea nec cur illis pareant satis nouerunt, sed naturali impetu ad haec mouentur. Ergo tantum à bellua homo quantum ab homine Prophetâ distat: hic autem quasi medius est inter separatam mentem, & hominem. Mens separata vniuersalis mentis, & propheta, tursus medium est, media etiam mens illa communis, inter ultimâ celestium intelligentiam & singularem. Auicenna vero arbitratur quod talis vis habeat virtutem admirabiles res agendi, ut ob hoc à populari consensu omnium aliquid maius ceteris hominibus obtinere credatur: ostendunt autem dicta prophetarum in Vniuersali mentem illam nostrum originem singularia sub generali modo intelligere, atque hoc idem animus noster habet postquam fuerit separatus. Cur autem

multis contingat ut mortem amicorum aut affinium
absentium sentiant : hoc ideo evenit quia lux illa
veris que coniuncta est. Propterea non nisi in coniun-
ctissimis animis accidit, tum maxime in matre ac fi-
lijs & fratribus si nobis valde chari sint : atque ideo
illis contingit, quod Cristallo si solis radijs expona-
tur, namque dum amouetur Cristallus, motum quen-
dam efficere videtur in radijs etsi non faciat : hora
igitur illa cum lucem corpus relinquit, si proxima
valde sensibilis fuerit, & corporeis vinculis explica-
ta, sentiet mutationem illam, quae cum leuissima sit
faciliter per somnum percipitur : nam & reliqua le-
uia, ut etiam exigui dolores in somno grauissima
esse videntur, quoniam virtus animae omnibus ex-
terroribus explicata negotijs, totam sentit alte-
rationem, non igitur omnibus, sed multis hoc con-
tingit atque etiam ob hoc non nisi ipso temporis mo-
mento, quo obeunt, sic autem commota mens simula-
chrum ex imaginatione suscitatur vel videntis, aut
audiendis vocem, aut in somno etiam speciem eius,
qui moritur videre se existimantis : ob id igitur in
magnis cladibus sic multos affici necesse est, unde
concursum & diuinatio. Cur autem hoc hic magis
quam alibi contingat, in praecedenti dubitatione ostē-
sum est. Palam etiam fit non omnes eiusdem loci acco-
las hoc praesentire, non enim omnes mentem habent
à corpore sic liberam, nec omnes propinquos : quare
non ex caelo haec praestigia fieri possunt, vereque esse,
nam omnes eas sentirent, videtur autem communis
illa mens, ac nobis coniuncta, huic causa non parum
conferre. Ex his non obscurum est, Cur maxime per
somnia diuinemus. Nam ut diximus, mens minus,

à corporis sensibilibus functionibus detinetur. Ergo si mens valida fuerit, corpus autem inane & languidum, animus optimè expolitus, sensus interiores puri: tunc maximè etiam simulachra ipsarum rerum intueri potest, Nam mens quæ nos illuminat, aut singularia agnoscat, id quod *Auricenna* fatetur, aut omnibus vniuersalibus cognitis, hoc ipsum singulare agnoscere, quanquam nequeat ostendere, tamen potest. Ex quo etiam maxime apertum est, Cur morituri magis discessum suum prouideant, quàm ceteri? Nam tunc iam intellectus separari incipit à corpore, atque à residuo animæ, ideoque anima & corpus hanc sentiunt separationem, non ut aliquam rem, sed ut oculus tenebras, ac cecitatem, aut ut querens robur ad quod radices dirigit: ipsa etiam mens principio suo harere incipit, ob idque simulachra futurorum excites, inde morientium animus diuiniior habitus ut ex *Cicerone* retulimus, mandatumque legibus ut suprema voluntates seruentur. ALEX. Acutissimè profecto *Cardanus* ratiocinatur, sed illud me edoceas, quomodo *Peripateticorum* opinio à *Platonicis* differat circa *Sybillarum* vaticinia. I. C. Ambo id attribuunt humori melancolico: sanè *Ar. trac. de diuinat.* inquit, Melancholicos propter humoris vehementiam longè bene coniectare, citoque habitum imaginari, & facillimè Cœlestium impressionem suscipere. in *Problemat.* ait, ex melancolia quosdam diuinos euasisse, & *Sybillas* à naturali melancolica humorum complexione fuisse diuinatrices attestatur. Quemadmodum & *Plato* etiam in *Menone*, in *Phædro*, & in *Io-*

ne afferit, cui veritati complures fabellas Platonici addunt. ALEX. Quæso animi gratia illas repetas. I. C. Inquiunt, tantum esse melancholici humoris imperium, ut suo impetu etiam cœlestes Dæmones in humana corpora nonnunquam rapiantur, quorum præsentia & instinctu homines debacchari, & mirabilia multa effari, omnis testatur antiquitas: idque sub triplici differentia, iuxta triplicem animæ apprehensionem, videlicet imaginatiuam, rationalem & mentalem contingere putant. Dicunt itaque, quando anima melancholico humore impulsæ, nullo cohibente, corporis habenas membrorumque vincula transgressa, tota in imaginationem transfertur, subito effici- tur inferiorum Dæmonum habitaculum, à quibus manualium artium sæpè miras accipit rationes. Sic videmus rudissimum aliquem hominem subito in pictorem egregium aut architectum, vel alterius cuiusque artis eua- dere magistrum. Quando verò eiusmodi dæmones futura nobis portendunt, tunc ostendunt quæ ad elementorum turbationes, temporumque vicissitudines attinent, ut futuram pluuiam, tempestatem, inundationem, terræ motum, mortalitatem, famem, stragem, & eiusmodi: quemadmodum apud Aulum Gellium legimus, Cornelium Sacerdotem, quo tempore Cæsar & Pompeius in Thessalia cōfligebant, Patauij furore correptum, & tempus, & ordinem, & exitum pugnæ prænarrasse. Quando verò anima tota in rationem con-

*habuerat
dignum
frabes
Molans*

*non
dignum
in xij*

uertitur, mediorum dæmonum efficitur domicilium : hinc rerum naturalium humanarumque nanciscitur scientiam atque prudentiam. Sic videmus hominem aliquem subito Philosophum, vel medicum, vel oratorem egregium euadere : ex futuris autem prædicere quæ ad regnorum mutationes & seculorum restitutiones spectant, quemadmodum Sibylla Romanis. Cum verò anima tota in mentem assurrexerit, tunc sublimium dæmonum receptaculum effecta, ab illis diuinorum arcana ediscit, putà Dei legem, ordines Angelorum, & quæ ad æternam rerum cognitionem, animarumque salutem pertinent. De futuris verò præuidet quæ diuinæ prouidentiae adiacent, vt futura prodigia seu miracula, futurum Prophetam, vel legis mutationem. At Quomodo id probant? I. C. Quia de Christo Sibyllæ ante aduentum eius longo tempore vaticinatae sunt. Sic Virgilius nasciturum Christum iam in propinquo intelligens, Cumanae Sibyllæ recordatus, cecinit ad Pollionem:

*Ultima Cumai iam venit temporis ætas,
Magnus ab integro seclorum nascitur ordo,
Iam redit & virgo, redeunt Saturniæ regna,
Iam nova progenies Cælo demittitur alto.*

Et paulò post innuens originalem culpam irritam fore, ait:

*Te duce si qua manent sceleris vestigia nostri
Irrita, perpetuò soluent formidine terras.*
Subditque inde serpentis occasum, & ligni

mortis, siue ligni scientiæ boni & mali venenum sopitum iri, inquiens:

Occidet & serpens, & fallax herba veneni.

Manfurum tamen originalis peccati fomitem innuit, cum dicit:

Pauca tamen suberunt prisca vestigia fraudis.

ALEX. Non desunt authores, qui de Augusto potius hos versus interpretentur. Cæterum mirum non est, si de Messia aliqua Sibyllæ prædixerunt, nam in Prophetiis Hebræorum libris perlegendis versatæ erant. Sed quam aliam ad Sibyllinas Prophetias responsionem excogitarunt? I.C. Animus noster, (inquit Apuleius) simplex cum sit & purus, potest sacrorum quorundam auocamento ac delinimento soporari & exterminari ad præsentium obliuionem, ita vt remota corporis memoria, in naturam suam diuinā redigatur, atque sic diuino lumine illustratus, ac furore diuino afflatus, futura rerum prælagire, tum etiam mirabilium quorūdam effectuum cum hoc suscipere virtutem. ALEX. At si animus simplex est: quomodo ceremoniolis delinquitur, & sopitur? quomodo diuina cogitans, corporis obliuisci potest, si corporeis utitur instrumentis, vt illa meditetur. I.C. At Iamblicus ad Porphyrium sic scripsit: *sibylla Delphis duplici ratione Deum suscipere solita est. aut enim per tenuem spiritum & ignem, qui alicubi ex ore antri prorumpbat: aut ipsa etiam in adytu sedens, super anciam sellam tripodem numini dicatam, & utroque hoc diuino spiritu acta, vaticinia fundebat: tum*

plurimus ignis ex antro volans, vati undique circumfunditur, eamque suo numine repletam agitat, aut sacra sedi adhaerens, per quam Deo afflata, protinus ad vaticinia erumpit. Sed & vates fatidica in Branchis, quæ in axe consedit, aut virgam manu gestat à numine sibi aliquo concessam, vel pedes interdum Lymbumque undis proluit, vel ignis vaporem ex undis haurit. His omnibus diuino splendore repletur, editaque plena rerum pandit oracula. ALEX. Fabellæ hæ sunt, quibus ne delirantes quidem aniculæ adstipulentur: probabilius, (ni fallor) eorum sententia est, qui Sibyllas à Dæmone obsessas dicunt. I.C. Medici hanc irrident opinionem. ALEX. Quid de Dæmoniis Hippocrates & Galenus scripserunt, pellegi. Quid Cardanus ignoro. I.C. Habes præ manibus, perlegas.

DIALOG. LIV.

*sub falsa et impia
hæret philosopho
idigna.*

De Dæmoniis.

ALEX.

Card. de a-
nimis immor-
tal fol. 304.



Æc sunt illius verba. Sed cur Dæmoniis quidam esse videntur? Accidit hoc diuisa luce velut in striatis subtiliter columnis ac fractis speculis: nam in columnis lux diuisa, & in speculis plures repræsentat imagines quæ cum diuersa videantur, accidit eis quod & oculo altero depresso: nam vna res duæ esse videntur,

quoniam oculus eadem rem, & altam & depressam simul esse non posse recte dijudicat, ob id duo existimat, quæ unum sunt nec plura, quia plures esse oculis non possunt. at in anima lux illa cum innumeras patitur diuisiones, ob id mens multiplicata, & spiritus immundi etiam innumeri inesse creduntur, ut non negauerim fucum subesse multis, aliquibus etiam Dæmonem adesse, sed quod frequentius contingit, expono, ob id igitur exorcismis potius quam medicinis sanantur, nam anima, fide ut diximus, & imaginatione regitur ac permutatur. Palam enim est, plurimos ex eis verbis non sacris, sed prophanis liberari. Dum verò sic mouentur & halitus fædo caput tentatur, simile quid patientibus comitiali morbo, ob id in mulieribus frequentes, ob uteri corruptiones. Sed cur Dæmoniaci videntur aliqua cognoscere quæ antea nesciebant? facta diuisione, si non colluceant partes, Dæmoniaci fiunt stupidi, & amentes: si verò quasi animus inflectatur, ut de columna striata diximus, in cæteris sunt prudentes, ob imaginum autem multitudinem Dæmoniacos se esse putant. Ergo in tam multiplici imaginum apparentia illud idem accidit, quod in nebularum varietate, & plumbi colliuatione, cum in aquam postmodum projicitur, namque figura diuersa, atque admirabiles animalium, platarum, hominum, instrumentorumque; emergunt, aliarumque rerum visu quidem delectabiliū, sed incognitarum: unde cum motus, & iam illis quasi in circulo accedat, varietates penè infinitæ exurgunt: ab hac igitur formarum multitudine & mentis communis auxilio futurorum, & aliorum incognitorum accedit notitia, verum si mens

Card. fol. 306

non coadiuuet, ut plerumque fit, multa dicunt sed falsa pleraque: necesse est enim, ut in frequenti talorum iactu, etiam casu diuinare. Esse autem hunc motum, & hanc simulachrorum multitudinem declarat inquietudo illorum, sermonisque abrupta series, & sine sensu ac ratione edita. Porro qui fractam habent illam animi specularem leuitatem, tum lumen, nunquam sanitati restituantur; qui autem inflexam, plenè sanantur. Conquiescunt autem motiones hæ, cum motus spirituum sedatur, nam opinio quidem manet, sed affectus vexatio tollitur. Hæc ille subtilitatis professor. Tu verò quid de Phræneticis, vulgo Dæmoniacis diiudicas? I. C. Sacrosanctæ Romanæ Ecclesiæ me subijcio: cæterum illud scio complures (omnes dicere vetat Religio) qui à Dæmone oppressi creduntur, solis melancholicis humoribus conflictari: nam melancholiam purgantibus medicamentis adhibitis conualescunt, ut subiticeam non nisi melancholicos morbo huic esse obnoxios, puellas nubiles innumeras, quibus suppressi sunt menses, & vi-
duas multas, quarum retentum semen corrumpitur, ac tetros congignit vapores, hinc mæsti spiritus, qui cerebrum exasperant. Præterea non parum ad hæc confert opinio, & credulitas: quare in Hispania, & Italia duntaxat Dæmoniaci esse creduntur. in tota Gallia vix vnus. in Germania, & Britannia nullus. nec ad Cœli temperiem id ego referam, nam quo tempore ijs in partibus Catholicismus vigeat, innumeros penè *επερρηδισ* adfuisse

legi, & à sapientissimis viris accepi, quibus adhibuisse fidem non me redarguent, qui norunt in Hispanico & Italico Cœlo nullum Philosophum, nullum Theologum à Dæmone obsessum esse. ALEX. Ita est, sed quid ad hoc? Pataui cùm essem, vidi mulierem à Dæmone oppressam, quæ peregrinas, sibiq; ignotas proferebat voces: at cùm Sacerdos Aqua benedicta eius caput consperfit, consiluit. I.C. Non ego lustralis aquæ vires inficiabor, quando Alexander Christianorum Doctor & Pontifex & diuinæ voluntatis interpres innumeris eam priuilegijs condecorauit: neque asseram, pauculas duntaxat latinas vocolas ab illa muliercula prolatas, quas consulto didicit, vt sacrilegos tegere possit amores: sed ita Philosophabor. Mens humana omnium rerum scientiam, omnium linguarum notitiam in se complectitur; est enim Cœlestis originis, & diuinitatis particeps: at corporis mole oppressa infitas vires palam non exferit, & veluti ignis cineribus obductus, exsuscitari postulat, ita excitari debent ingenij nostri igniculi, vt densis humoribus discussis elucescant, quare scire nostrum reminisci est apud Platonem. ALEX. Scio, sed quid concludis? I.C. Vbi frequentissima fit humorum ebullitio, vehemens quoque spirituum agitatio subsequitur, quare concitatissimo motu ad cerebrum delati, peregrini idiomatis notitiam, quæ in eo latebat, quodammodo extorquent, non secus quam ex filicis collisione emicantes scintillas elici

videmus. ALEX. Mira narras. I.C. Nonne sub æstiuo sydere quotidianis constat experimentis, æstiuola febre correptos extranei idioma-
tis voces edere? generosum, meracissimum-
que vinum affluenter haustum, homines quā-
libet stupidos, disertos reddit, quod benè no-
uit Horatius, cū scripsit:

Fœcundi calices quem non fecere desertum?

Sic in Traciæ Regione adytus erat Libero fa-
cer, ex quo vaticinia & oracula reddi solebāt:
at eius templi Antistites, nonnisi vino affatim
epoto, res peragebant: acuit sanè mentem vi-
ni calor, sopitosque spiritus expergefagit, qui
in cerebrum delati, quæ in eius latebris voces
delitescunt, in apertum proferunt: quapropter
Apostolos varijs linguis loquētes veteres Phi-
losophi cū exciperent, ebrios temerè dixe-
runt, vt D. Lucas his testatur verbis. *Alij irri-
debant eos, dicentes, quia musto pleni sunt.* Pari ra-
tione vbi melācholici morbis & impetus ce-
rebri sinus implerunt, mentemque ac spiritus
cū vitales, tum animales concitare cape-
rint, eas proferunt voces, quæ in intimo re-
cessu latitabant. ALEX. Quid hæc ad Sacro-
sanctæ aquæ asperfusionem? I.C. Si variarum
linguarum elocutio melācholicis accidit, quia
(vt probauimus) humorum ferocia tanquam
face subdita illorum mens exardescit, atque
spirituum concussione ex insita sibi omniū vo-
cum notitia, peregrinas aliquas voces ex-
trudit, quid mirum, si aqua frigida capiti ad-
mota morbi feruorem, qui sua vi varias inde

voculas extorquebat, discutit? ALEX. Imò accensa magis tunc apparebat. I. C. Hoc idè euenit, quia humorum capiti ingruentium discussa ab aqua fuligine, à morbo, mentisque errore vindicata est, & eorum omnium quæ dixerat & fecerat profunda illam caput obliuio: at cum postea in memoriam nonnulla ei tu reuocasti, ALEX. Ita est. I. C. Suppudescere caput: at omnes in verecundia rubent. ALEX. Non ego Thomæ Morij exemplum imitabor, qui cum Erasmus ignoto habitu acutissimè differentem excepisset, ita dixit, vel Dæmones, vel Erasmus: sed ita de tua sapientia eloquar, vel Deus es, vel Vaninus. I. C. Hic sum,

DIALOGVS LV.

De sacris Ethnicorum Imaginibus.

ALEX.



VR Deorū Simulachra, quæ humana & pulchra forma pingenda curabant Romani, vt scilicet similitudo & species amorem aspicientibus conciliaret, aliquando sudasse legimus? I. C. Theophrastus has assignat causas: internam patientem materiam scilicet, externam alteram agentem, aëris teporem, tertiam addit huius comitem exti-

*Theoph. de
caus. plant.
i. 5. c. 5.*

mam humiditatem, quæ illi internæ foras à teporibus euocatæ occurrit, atque ita vna cū illa fit vt in tumorem coruscat, & in stillas resoluitur, quamobrem sudasse ait imagines, quoties eis adblādiebatur austrina tempestas sua humiditate. Haud tamen omnes, sed quibus modo tenuis succus inerat, vt è Cedris Cupressis & oleis elaboratis, ex qua materia tunc, quòd minus sit corruptioni obnoxia, Diuorum idola cōficiebantur. Theophrasto adstipulatur Card. *Non minore, inquit, admi-*

Cardan. d. 2. ratione dignum est, quod statuae sudent, Nam ratio
subt. l. 8. c. de in pròptu est, quum humidum pingue vi caloris ex-
Plant. f. 447. pressum, sudoris imaginem præstet, ob id maxime su-
dent quæ ligno constāt Cedri, oliuæ, vitis, ac cupres-
si. Contingit autem hoc magis Austris stantibus,
quod humor sit copiosior ac tenuior.. ALEX. Acutè
 quidem. sed & eas ligneas statuas illachrymas-
 se pellegi quæ succum omnem, qui intus fue-
 rat, vetustate amiserunt. I. C. An tepidus
 aer, quem Notus, vel mulierculæ basiolis per-
 spirarunt, imaginibus adhærescens, nactus su-
 perficie frigis aliquod, in guttas, quas plebs
 appellat lachrymas, coactus est? An æstiuu sy-
 deris, seu candelarum calor rubros simulachri
 colores colliquefecerunt, atque ita concolor
 sudor apparuit? An depicti Deunculi cutem
 beluino, vel humano cruore clam tingendam?
 vel sanguineam vndam per canaliculos ad
 Idoli oculos confluendam sacricolæ curarunt?
 mox templi ianuis apertis occurrens plebecu-
 la obstupuit, naturalemque euentus causam

non agnoscens, miraculum dixit. ALEX. Et lapidea etiam symulachra sudasse legimus. I. C. Quid mirum? fluuiales lapides ortus sui appetentes sunt, quemadmodum reliqua omnia naturalia: quamobrem è fluuijs extracti, vbi aerem ex Austrina tempestate humidiores nanciscebantur, furtim hauriebant, quem postea estus deprehendens, bulliendo excoquebat, quare redundans humor ampullis euocabatur, ALEX. Georgij Buchanani lex illa est:

Dignus morte perit qui mortua viuis adorat.

Sed à gentibus lapides putriaque ligna honorificè colebantur, quæ aliud non erant nisi

Vermibus esca, cibus tinea, domus hospita blattis.



Morte igitur digni erant, cur igitur cõceptis in idolũ votis, vitæ discrimen effugiebant? vt innumeræ ferè pictæ tabellæ templũ ingrediētibus testabatur? I. C. Illi nunquã picti erant, qui Dijs inuocatis periculum non euaserunt. cū in aliquo vitæ discrimine quis versabatur, statim ad Diuos supplicationibus votisque accedebat: Si fortè fortuito voti compos erat, Dijs acceptam gratiam referre voto se teneri arbitrabatur, aliàs voti reus à Pontifice declarabatur: si res pro voto non succedebat, & adhuc vouēs superstes erat, sacerdotes inculcabant, propria scelera obstasse quominus eius oratio à Dijs exaudiretur: at viro pio voto tamen deluso persuadebant, vt Deorum misericordiam agnosceret, qui dilectos in hac vita castigant; si qui deuouerat, perierat, nullus erat, qui ignauiam, vel impietatem Dijs obijceret,

atque his futulibus superstitionibus Sacerdotes populum eludebant. ALEX. At Pyrrhus epirotarum Rex cum è Locris Proserpinæ tesauro pecunias substulisset, naufragij-mul-tatus est calamitate. I. C. Dionisius eiusdem Iocrensis Proserpinæ tesaurum compilarat, secundis tamen ventis postmodum nauigauit, atque ita Deos irridendo, socios alloquebatur. *Videte quàm prospera à Dijs immortalibus sacrile-gis nauigatio detur.*

DIALOGVS LVI

De Augurijs.

ALEX.

 Vid de Priscorum Augurijs, & Auspicijs credendum existimas?  I. C. Fabulæ sunt, sacerdotum-que illusiones ad laudis & lucri aucupium, Ethnicorumque Principium figmenta ad Plebem metu superni Numinis in seruitio detinendam. ALEX. Quæ te mouent rationes ad Auguria vetustate robusta peruertenda? I. C. Fulgidissimum Illustrissimæ, sanctissimæque Dominicanæ Religionis sydus Aquinas Angelicus Doctor nuncupatus, imò & Doctorum Angelus, & Angelorum Doctor (multa, inquit Paulus, per Ecclesiam Dei Principibus, & potestatibus inno-

tescunt) in libello quem de Sortibus inscripsit, Auguriorum ineptias subtilissimis rationibus confutauit, quibus, Tullianas omitto declamationes, nostra hæc addatur. Si Auguria futuros euentus prænuntiant, ergo illorum causæ sunt, vel effectus; sic Astronomi è syderibus sublunarium effectricibus dijudicant. Medici ex effectibus: at Auguria nihil eorū sunt, temerè igitur ad futurorum præcognitionem vsurpantur: ALEX. Fateor auguria non esse per se causas rerum, nec effectus, attamen sunt coeffectus, quia & Augurium, & res quam portendit, ab eadem causa, Luna scilicet dependent. I. C. Quid igitur opus erat Auspiciis, qui ex volatu, pastu, & cantu auium futura diuinarent? etiam puerulus ex Asini stercore futurum Reipublicæ statum denuntiare poterat, sanè hæc omnia Lunæ sunt coeffectus. ALEX. Vrinā igneam dices ne causam, an effectum febris cœlericæ? I. C. Neutrum dicam. ALEX. At quia ambo eādē regnoscunt causam nempe cholericum humorem, iccirco febrem colericam præmonstrat vrina ignea: hæc autem ab illa portenditur. I. C. Causæ hæ sunt proximæ quæ immediatè agunt in suos singulares effectus, ideò mutuo se respiciunt, & indicant: at Luna inferiorum causa vniuersalis penè est, & remota. ALEX. Quid sophismata obaudiam, cum firmissimis Historicorum attestationibus aduersentur? Cur non te mouet clarissimis monumentis testata, consignataque antiquitas? An Etruriam, Pamphiliam, Ciliciam,

Phrygiam, Pisidem, Arabiam, Umbriam, Ægyptum, & Babiloniam in extis delirasse putas? Romani ipsi sapientiæ Patres tantam Augurijs fidem præstarunt, ut sine eis nihil publice, nec domi, nec militiæ gererent I. C. Viri illi sapientissimi ad plebis pædagogiam his utebantur superstitionibus. ALEX. Imò nec vrbes condere occipiebant, nisi prius pecudum viscera introspekissent. I. C. Scitissime, nam si sana erant, Cœli clementiam & soli feracitatem arguebant: macilenta verò & marcida testabantur Cœlum insalubre, & tellurem frugibus infelicem. ALEX. At bellicam rem administrare maiores nostri nisi auspicato noluerunt: pullis gallinaceis è cauea de promptis esca porrigebatur: si auidè edebant ita ut cibus ore cadens, terram feriret, tunc auspicanti tripudium solistimum nuntiabatur, & sceleriter cessurum quicquid ille animo concepisset: cōtra, omnia infausta portendebantur, si escam non caperent: Quapropter conflictum à Numantinis in Mancinum illatum prædixerunt pulli, qui escam non ceperunt, sed ex cauea euolarunt. L. Papyrio aduersus Sannites dimicanti infelix fuit exitus, quia pulli ab esca abstinerunt. I. C. Nugæ sunt, quæ Philosophorum animos non irretiunt. Nonio victoriam auguranti ex septem Aquilis quæ in Pompeianis castris captæ fuerant, respondit Cicero, *Rectè moneres si aduersus Picas nobis pugnandum foret.* Messolanus Habreus cum ad bellum progrediretur, sacri vates sistere iusserunt

milites, donec ex aue, quæ proximè aderat, augurium captarent: at ille sagitta auem occidit, vatibusque excandescens dixit: *Quid agere fertis mali Dæmones? quomodo hæc auicula sua inscia salutis nostram prædicere poterat?* ALEX. Quomodo respondes exemplis à me suprà relatis? I. C. Res ita se habuit. Imperatores cum ardentissimo bellici certaminis desiderio flagrabant, milites verò præsentissimo vitæ discrimini tergiuersabantur, ut eos ad viriliter beligerandum impellerent, comprobare nitebantur, non humano, sed diuino consilio iniire certamen: atque ideo inopi victu, longisque ieiunijs pullos domabant, deinde miseros illos famelicos è cauea educebant, qui oblatam offam deuorabant, & præ nimia comedendi celeritate, aliquid ex ore cadere, terramque pauire contingebat. Tunc Aruspices, Pompaticis vestibus circumamicti, Deorum nomine victoriam exercitui pollicebantur, atque ita credulam plebem ad depugnandum inflammabant: nam ut Dijs obsequium præstaret, omnes in hostium perniciem rationes fortitudinis excitabat. è contra, ubi Imperator belli fortunam tentare non audebat, pulis saturis esca offerebatur, cumq; ab illis respueretur, Augures, qui erant à secretis belli consilijs, per Deorum viscera milites obsecrabant, ne hostes congredierentur, nam Dij irati ob exercitus scelera ruinam minabantur, atque ita omnes tanti Pontificis monitis obtemperantes, à pugna vacabant: ne-

Joseph. de
antiq.

que Ducis ignavia, sed Fato id tribuebatur Propterea ubi victi, vel fugati erant, ne excelsi, atque inuicti animi magnitudinem, & robur ipsis defuisse quispiam suspicaretur, Aruspicinis responsis reluctantibus dimicasse fingebant, ut Mancinus, & Papyrius, qui maluerunt haberi Deorum contemptores, quam hostibus inferiores. ALEX. Flamminius non paruit auspicijs, itaque perijt cum exercitu. I. C. At anno post Paulus paruit, cecidit tamen cum exercitu in Cannensi pugna. ALEX. At Aruspices ex victimæ extis futuros euentus prædicebant. I. C. Sordidissimos dicerem Deos, si in iecorum, & viscerum sterquilinio sua occultassent consilia. Diuinabant fortassis aliqua ex aliunde petitis coniecturis, etsi Aruspicinæ scientiæ temerè id adscriberent. Noui virum ingeniosissimum, qui ex manus iniectione vitæ terminum obnixè petentibus sæpenumerò verè prænuntiat, cum tamen ipse Chiromantiam fabulosam existimet, sed ex metrico arteriarum percussu, & ex vultu vaticinatur. Romanorum figmenta illa erant, ut subditos in omnibus haberent obsequentissimos. Nota est omnibus illius Ducis prudentia, qui ut desides milites ad pugnam excitaret, has in manu inscripsit literas. *Aude, victoria tibi Deorum dono decreta est.* Mox ille immolans victimæ iecur de more apprehendens, literarum notas impressit. Mox belli Proceres ad se accersi iubet, qui characteres illos tanquam à Deo depictos perlegentes, victoriæ

storiæ spem conceperunt, eamque, ferro acerrimè decertantes, ab hostium manibus extorserunt. ALEX. Sed quid ad hæc? Marco Marcello, Claudio, Pyrrho Rege, & Cæsare Imperatore immolantibus, summa iecoris pars victimæ defuit, & iuxta Aruspicum responsa, paulo post suo fato functi sunt. I. C. Non ante, sed post ipsorum obitum vates prædicabant huiusmodi Auguria præcessisse. Perit ab Anibale non modo Marcellus, qui immolans iecoris caput in victima non inuenit, sed complures alij belli Duces absque ullo Auspicio inditio. Claudius, & Pyrrhus obiere, quia ex marcidis victimæ extis perniciosam contagem contraxerunt: vel quia ipsis persuasum erat, augurium illud necem portendere, ideo mortis timorè perculsi, sibiipsis tristi illa cogitatione mortem intulerunt. calor enim undique per corpus diffusus, præ timore ad cor tanquam ad arcem se colligit, sui que copia cor suffocat. Quod Augusto verum Aruspex prædixerit, Astronomicæ scientiæ adscribendum est. Immolauit enim Calen. Martij, quo die Cæsarem interficiendum ex illius Genesi Spurina multo antè prædixerat. ALEX. Cæsar cum immolaret illo die, quo primum in sella aurea sedit, & cum purpurea veste processit, in extis bouis opimi cor non fuit. I. C. Nego excordem fuisse bouem: quomodo enim sine corde viuere poterat? sed assero, tum interiisse cor cum immolaretur; vel aliquo morbo contactum, bouis exile, & exi-

In lib. 1. de
Diuina.

guum & vietum cor fuisse arbitror. ALEX. At cur Tauri Diis immolari linguam, & pulmonem per diem palpitasse Cicero refert? I. C. Quia calor non dum solutus erat: quippe boui natura vegeto crassior sanguis, qui esset caloris fundamentum, diu conclusus fuit: idem conspicitur in piscibus, quorum pulmo in frustula dissectus, nihilominus uiuit. Sturionis intestina in frusta secta, sese mouent. Vranoscopus etiam omni viscere vacuatus, & uiuit adhuc & mouetur. Polypus præcisus omnibus suis partibus diu vitam retinet: multorum piscium cor exemptum longo tempore palpitat: id autem mirum non esse suadent vitæ principia quæ in eo sunt: cor quoque bubulum diu uiuit postquam auulsum est, & crus etiam ipsum, & fortasse diutius, quam lacertæ cauda. ALEX. At crus non mouetur, non uiuit igitur. I. C. Consecutio negatur, sanè victæ arteriæ pars inferior non mouetur, quæ tamen neutiquam emortua est. ALEX. At cur auulsum à boue crus non mouetur, lacertæ cauda maximè? I. C. Quia in boue nerui, ac muscoli dependent à cerebello, in lacertæ cauda ubique motus principium ad est, nam (vt ait Philosophus) est quasi multa animalia. ALEX. Fabellam (vt conijcio) ratione tu comprobare. I. C. Quænam illa est? ALEX. Taurus exectus impleuit vaccam. I. C. Quid mirum? potuit semen in vasis vltimis viuificum contineri. ALEX. Cur efficis, vt fabulæ rationis libellæ respondeant, & sapientissimorum vi

rorum de Augurijs sententiam reijcis? Mercurius Trismegistus, Plotinus, Iamblicus, ceterique Platonici Augurijs fidem præstârunt. Aristoteles etiam, Theophrastus, Themistius, Plutarchus, Plinius, Porphyrius, Pythagorici, Varronici, & Ægyptij Astronomi vera prædicant auguria: an illi omnes oberrarunt? tu solus sapias? I.C. Mercurius ille fabulosus author facile à me reijcitur, non modo quia Sacerdos fuit, atque ideo testis in causa propria, sed quia asserit Augurifica moueri à Demone. At quomodo dari Demones ratione ille comprobât? profecto nulla. ALEX. Hoc ipso quod victimæ exta mira edebant portenta. I.C. Fabulosa illa quidem, vt testis est locupletissimus Tullius, quem præ mille Trismegistis literaria Respublica deueneratur. Sed vera sint Auspicia: cur potius ad Demonem, quam ad Intelligentias Cælorum motrices referenda erunt? ALEX. Quid Porphyrij, Plotini, & Iamblici sententiæ respondes? illi asseriebant, duos adesse, cuique hominum custodes. Cacodemon dicebatur vnus, id est malus genius, qui ad pessima scelera hominem extimulat, eique mala omina offert. Calodemon alter, id est bonus genius, qui ad bona nos hortatur, eorumque iam proximam adeptionem felici aliquo augurio præostēdit I.C. Cum bona & mala indies cunctis adueniant, quotidiana etiam auguria singulis accidere debebāt, cum vix centum ipsæque fabulosa ab historicis referātur. Deinde

percipere nequeo, quomodo à bono genio illi custodiebantur, cum tot infortunijs obnoxij iacerent: modò ad lapidem pedes offende-
bant, in foueas & abyssus sæpenumero cade-
bāt: à sagittis miserè percutiebātur: domus rui-
na aliquos infestabat: cōplures à serpentibus
demordebantur: feræ multos deuorabant.
Heccine boni genij custodia? hæc ne Calodæ-
monis inculcata tutela? ALEX. Huic præualere
Cacodæmonem asseriebant. I. C. Consimilem
errorem quidam Atheus Absterodami tueba-

*omnium
ambrosio
elivij
apud
usum
Hafas
falshua*
tur. Has ille, nescio quo misero, funestoque
tato compulsus, delyrans, euomebat blasphemias.
Ex Bibliorū contextu infertur, Dæmonem
Deo præualere, relictante Dei voluntate. Adamum,
& Etiam totumque Genus humanum ad interitū
duxit: cumque malo huic Dei filius occurrere vellet,
& ipse etiam, Damone Iudicium animos sollici-
tante, ut Christus asserit, Hæc est hora vestra,
& potestas tenebrarū, morte turpissima dānatus est.
efficacior est (asseribat ille) iuxta biblicum codicem
diaboli quā Dei voluntas, vult Deus omnes homi-
nēs saluos fieri, per pauci tamen seruantur: vult Dæ-
mon damnari omnes, innumeri damnantur: ex am-
pplissimo terræ gremio soli Christiano - Catholici
qui in Angustissimis Italia, Hispania, non
nullarum Gallia, Germania, & Polonia prouincia-
rum limitibus continentur, seruari possunt: ab his si
auferas Iudeos, occultos hæreticos, atheos, blasphemos
symoniacos, adulteros, masculorum concubitores, qui
Regnum Dei non possidebunt, vix è mille millibus
reprobis vnus electus aderit. Sic & in veteri lege to-

tus mundus Dæmoni inserviebat. Soli Habrei quorum Regni amplitudo Britannia insula minor erat, Deum agnoscebant, sæpiſſimè ab eius cultu defecerunt, cumque Deum colebant, calamitatibus, & miserijs, à Dæmone inflictis opprimebantur. Hæc ille blasphemus. ALEX. Tu vero quid responderes? I. C. Vix æqualem se Deo facere Dæmon excogitavit, & ilico ad tartara demissus, pœnis coercetur æternis: prius ævos parentes elabi Deus permisit, ad dæmonis ignominiam, nam pro hominis, non Dæmonis lapsu medelam paravit, non angelicam, sed humanam naturam Dei filius assumpsit, qui pro homine Deo patri spontè oblatus est; imò ipsemet Dæmon regni sui ruinam à Christi morte infligendam pertimescens, apud Pilati conjugem omnes nervos intēdit, ne mortis reus Christus diiudicaretur, moriēs Christus victor extitit. Dæmō qui in ligno vicerat, in ligno victus est: mundi princeps foras eict⁹ ad inferos miser se trāstulit, at eò Dei filius descendēs non modo eū vt canem ligavit, quare latratu solo nos ledere valet, sed quæ ibi aderant trophea & spolia resurgens ad superos reportavit. Multi sunt vocati, pauci electi, nemo tamen, licet carnis illecebris deceptus, adinuenitur, qui Deum summum Dominum, & bonorum authorem non existimet: Satanam verò sentinam malorum, vilissimumque mancipium detestetur: complures æternis supplicijs à Deo mancipantur, quia ipsi in interitū lapsi sunt voluntarium, non quia Dæmon ad peccandum coegit: quinimo

ex infinito propemodum reproborum numero Dæmonis miseria dignoscitur, nemo enim ad tartara descendit, qui pænarum augmentum Satanæ non annuntiet. ALEX. Tam acutè aduersus Atheos differis, ut illorum Antegonista iurè merito ab omnibus vociteris: errarūt igitur, Platonici, dum Calodæmonem hominis custodem Cacodæmoni aduersario inferiorem constituebant. I. C. Illud scio, nos Christianos ab Angelis custodiri, in quorum venerationem Sanctissimus ouilis Dominici Pastor & (fremant Hugonoti, atque extabescant) Christi vices gerēs in terris Paulus quintus Pontifex Maximus peculiarem lyturgiam à sacerdotibus recitandam instituit. ALEX. At quomodo Aristoteles vir singulari, & diuino penè ingenio auguria vera esse profitetur? I. C. Hoc tibi probandum est. AL. Sic ille loquitur. *Gallina etiam discissa, talia subsepto, quo loco fœminis oua adherent, reperta sunt colore luteo tota magnitudine ouis perfecti, quod pro ostento augures capiunt.* I. C. At non ipse Philosophus. AL. Imò ipse censuit coruos esse Cædis nuntios verissimos. I. C. Quia odoratus sensus illis est præstantissimus, cadauera à longe persentiunt, & audi ad ea decurrunt: quinimo biduo, triduoè ante eò congregantur, vbi futura sunt cadauera, mirum enim in modum corporibus putrefactis delectantur, vnde eos appellare soleo sepulchra animata. AL. At alibi asserit sternutamentum esse augurale signum. I. C. Aliorum refert sententiam, non suam. Neapoli cum es-

Ar. l. 6. de
lois. anim.
c. 2.

Lib. I. de
lois. anim.
cap. II.

sem, à Zacharia Olimpico viro in humanioribus literis apprimè versato Alberti de sternutamētis libellum accepi & curiosulus Albertinas regula obseruavi : sed fabulis cucullatus ille me delusit. Infirmis sternutatio cum accidit, augurium est apud medicos, sic Hippocrates dicebat. *Grauedines, & sternutationes in morbis circa pulmonem & antecessisse, & succedere malum est, reliquis autem sternutatio non incommoda est.* A L. Quid diuinum sternutamētis inesse

innuere videtur Aristoteles. I. C. Quatenus procedūt à capite, quod domiciliū est intelle-

In l. de Prae-
notio.

ctus, quē diuinitatis participē cēsuit. Rectius ego sic dicerem. Sternutationē prodesse capi-

Plin. lib. 28.

ti non modo Plinij confirmat authoritas scri-

c. 8.

bentis, *Probo scidis tactu capitis dolor leuatur, efficacius si & sternutat, Sed ex sui definitione elucescit, sternutatio (inquit Hipp.) fit ex capite, per cales-*

Sect. 6 apho.

cente cerebro, aut vacuo quod est in capite per humes-

ris 51.

cente, aër enim qui intus est, foras erumpit: strepitum verò edit quia transitus est ipsi per angustum. Tunc

sic infero: si caput densis humoribus oppres-

sum, sternutatione recreatur: intellectus igitur qui in capite residet, ingenitas facultates

efficacius tunc explicabit: ingenij insuper igniculis eo strepitu excitantur, ac propterea verisimile est, inceptum negotium, benè felici-

terq; (virtute Duce) ad exitum peruenturum. ALEX. Quid Plinio, Theophrasto, ac Themistio respondes? I. C. Plinius asseruit auguria

Plin. l. 28

nihil significare, sed ex nostra duntaxat imaginatione vires sortiri: quare ad incredulum

illa pertinere abnegat : æquam in partem augurium interpretantibus, prospera aduenient. ijs autem qui in malam partem accipiunt, aduersa instant: sic Aquila multis portendit imperium, quibusdam ruinã, vt Deiotaro Sicilia Regi, qui cum Aquilam ad Regia recta venientem conspiceret, domum ruituram auspicatus est, nec auspicio defuit euentus. AL. At quomodo sola imaginatio hæc efficere potest ? I. C. Theophrastus, & Themistius respondent, cum inconsultè aliquid auguramur, naturali quodam impetu nos moueri, hic autem motus ab intelligentia orbis motrice est, quæ cum sit sapientissima, ad rei veritatem nos deducit. AL. Imò sæpissimè cum ex re aliqua omem sumimus, decipimur. I. C. Ego cum Taurisanum patriã meam nobilissimã & velut in orbis anulo gemmam peterem, mæstum cornicis cantum audiui, atque inde mihi in æstiuis caloribus obequitanti auspicatus sum necem: at vana (Deo gratias) auguria ceciderunt. Iohanni Mariæ Ginochio Theologo præclarissimo Germaniam peragranti, dedi me in socium. cum ab Argentorato discedabamus, vix ascendit nauculam & coruum aspexit, hinc naufragio auspicato, domum redire volebat; at ego respondi. *Nec naufragus ire recuso.* Fiat immutabilis Dei voluntas, quæ ab æterno mensurabiles nostræ vitæ dies constituit, vt propheta loquitur. atque ita audacior factus, terrificas Rhoni minas neglexit, & incolumes ambo ad portum peruenimus. Multæ mihi acciderunt ca-

lamitates, nec tamen intelligentia ad Auguria accipienda me mouit vnquā, neq; intelligentiæ inuisum me dicent Philosophi, cū in Naturæ lege sine crimine vixerim. ALEX. Pythagoricis quomodo responderes? illi crediderunt, non fortuito, nec humano consilio, sed ab ipso Deo Auguria instituta, vt hominibus, quos ille optimus maximus æternis moderatur imperiis, bona & mala denuntiaret, iccirco Auguria Deorum voces nuncupabant. I. C. Valeant sordidissimi Pythagorici Deunculi, qui in putrida iecorum sentina æternitatis consilia abscondunt. Quanto rectius hic:

Thure Deum placa, vitulum sine crescat aratro.

Mutius Schæuola inter primarios omnium seculorum Augures Principem locum obtinens, cū in sacrosanctis vestalibus Ædibus aram amplecteretur, præter opinionem, quam de suis Augurijs conceperat, interfectus est. felicissima erant Neronis Auguria, infelix tamen illi fuit exitus. Audite nūc manes Pythagorici (fortitan catelli huius corpus inhabitatis) si Auguria hæc Deorum voces erant, Deos vestros mendaces dicere cogimini, aliter ego vos mendacij redarguam, nam Auguria omnia diuinas voces dicere consueuistis.

A L. Quid ad Plutarchum? is censuit auguria quæ à sinistro nobis occurrerint, felicitates portendere, quæ à dextris, calamitates. I. C. quo rationis fulcro hanc fabellam decolorauit; A L. Censuit Terrena cœlestibus esse op-

posita, & per consequens, quæ è sinistra parte nobis adueniunt, Deos è destra dimittere: quæ verò à dextris nobis occurrant, omina, è sinistris Deos porrigere: Deorum autem dextra fauores pollicetur, sinistra vindictam minatur. I. C. Vulgi oculos hæc oblectant picturæ, non sapientum, qui cum agnoscant Deum esse summum, simplex, & æternum ens, negant in eo esse dextrum, vel sinistrum, nam hunc admodum esset corporeus, ex diuersis compositus, finitus, & corruptibilis. ALEX. Varronicorum sententiam quomodo eludes? illi asserunt augurifica moueri à Luna. Est enim propinqua nobis, diuinationisque parës ab Astronomis dicitur. I. C. Nugæ. quid luna cum victima extis? ALEX. Forsitan & Lunæ intelligentia homines curat. I. C. ô vtinam, nam ego opibus abudarem: sanè in mei ortu luna erat in medio Cæli: quid immoror in istis ineptijs refellendis, luna (hæ sunt ipsorum ineptæ, & barbaræ voces) tenente Arietem, si fera domum ingreditur, lites, & calumnias denuntiat: at si cantus auditur, gaudium expectandum est. Audite nunc Varronis sectatores, luna existente in eodem Cæli signo eodem tempore erit scilicet, & infelix argurium. AL. Porphyrius has argumentorum tuorum salebras declinare videtur, asserit enim auguria moueri non à Luna, sed à Dæmone mediante corpore lunæ, quo tanquam instrumento utitur ad futuros euentus hominibus aperiendos. I. C. His insomnijs adstupulatur Agrippa, qui lunæ assignat Demonium,

& intelligentiam: illud appellat *Hasmodai*, cuius Princeps est (risum tenete pueri) *Sched barschemot scharacham*. Hanc vocat Gabrielem, cuius dominus est (nugæ nugarum nugacissimarum) *Malcha Betarsjim hed Bernas schebati*. ALEX. conficta hæc sunt nomina; at multa in his inferioribus operari Dæmonē per cœlestia corpora Augustinus Niphus hoc probat exemplo Quod autem Dæmon stellis utatur *Habenragen* nobis est testis, qui narrat cuiusdam Regis filium natum esse eo die, quo quatuor planeta coniuncti erant eo in signo; quo in illius genitura horoscopabat: eo verò die puerum illum locutum esse, iacturamque patri Regi prædixisse: At consonum non est, puerum sic recensere ortum loqui potuisse, nisi vi demonis, qui ea Celi constellatione ad prædicendum utebatur: fortasse enim dæmon Mercurialis erat, nam in v. libra gradu, qui tunc horoscopabat, Mercurius præerat, Venus enim Jupiter, Mercurius, & Mars in illo 8. gradu coniuncti fuerunt, nullus tamen eorum, nisi Mercurius in tali gradu fines habebat, quare Dæmon ille Mercurialis fuit. quod si ita est, Dæmon qui nos custodit, utens solo motu lune per 12. signa, poterit omina, atque augurifica mouere omnia in bonum nostrum illa concitando I. C. Vix in animum meum inducere possum, Niphum tanti nominis Philosophum ita ratiocinari: nulla ratio suadet dari Dæmones nec bonos, nec malos, nec subter, nec supra lunam: excusabilior est Pomponatus qui intelligentijs hæc omnia adscribit, & si nulla ratione probari possit, intelligentias dari. Humanus intellectus eas confingit, & ex

se nomen eis indidit: Ego existimo fabulosum esse pueruli vaticinium, quod Hali Habenzagel pro vero iactitat: quoties in eodem signo ijdem Plan etæ coniuncti fuere, nec pueris recens natis loquelam, & prophetiam contulerunt. ALEX. Imo tu in Amphitheatro æternæ providentiæ physicam causam reddidisti, cur puer ille statim ab ortus sui die locutus est.

I.C. Multa in eo libro scripta sunt, quibus à me nulla præstatur fides. *Così v'è il mondo.* ALEX. Non miror, nam ego crebris vernaculis hoc vsurpo sermonibus. *Questo mondo è una gabbia de matti.* Principes excipio, & Pontifices. Nam de illis scriptum est. *Cor Regis in manu Domini. Per me reges regnant, & legum conditores iusta decerniūt.* Hos vero spiritus sanctus posuit episcopos regere ecclesiam Dei, quam acquisiuit sanguine suo. *Qui vos audit* (inquit Christus Apostolis, & successoribus) *me audit.* I.C. Non dixerim Christianos eos, qui hæreticos appellant Christianos Dei filius hæc verba protulit. *Qui Ecclesiam non audit, sit tibi tanquam Ethnicus, & publicanus.* Sed absoluanus hanc de Augurijs disputationem. ALEX. Ægyptiorum duntaxat Astro-
nomorum sententia reiicienda est. I.C. Quid hi circulatorum, à quibus circuncisionis institutum accepisse Moysen impius & sacrilegus Diodorus siculus attestari non erubescit, blæterant? AL. Diodori mendacia in tua apologia optimè confutasti, nam Moyses ex Dei mandato in octauo à nativitate die puerum circumcidendum mandavit, nulla habita con-

sideratione ad Planetarū influxū, quē proculdubio obseruari iussisset, si Astronomorum opus esset circuncisio: nam Haly Abenragel sui sæculi Astronomorum Princeps mandauit, vt circuncisio & baptis̃mus conferantur luna supra venerem eleuata ! I. C. Legi hanc fabellam in 7. par. suæ summæ cap. 33. sed quid Ægyptij de Augurijs ? ALEX, hi affirmant vera esse auguria, quia mens nostra ad augurādum mouetur non à luna, sed ab vno è quinque Planetis erraticis, nec semper, sed cū erraticum sydus in figurā Cœli tenet tertiam, vel quartam, vel septimam, vel nonam, vel decimā domum I. C. Pudet me in fabularū confutatione bonas horas conterere.

DIALOG. LVII.

*De Valetudinum Curatione quæ sub
Ethnicorum Religione mirabiliter
quibusdam contigit.*

ALEX.



Vetoniū vespasiani Cæsaris vitā describens, in Capite de miraculis per eum gestis ita loquitur. Epleba quidam luminibus orbat, item alius debili crure sedentem pro tribunali

Vespasianum pariter adierunt, orantes opem valetu-

dinis, demonstratam a verapide per quietem restitu-
 turum oculos si conspuisset, confirmaturum crura, si di-
 gnaretur calce contingere. Cum vix fides esset rem
 ullo modo successuram, ideoque neque experiri qui-
 dem auderet, extremo tot hortantibus amicis palam
 pro concione tentavit, nec eventus defuit: aliasque
 curatas infirmitates legimus, ut omittam Pir-
 rhi digitum igne nunquam comburi potuisse:
 Et Marfos seu Psillos homines (Plutarco teste)
 Serpentum moribus verbi duntaxat mederi
 solitos. I. C. Ad dæmones hæc vulgus refert: At
 fieri id nullo modo potuit; nam ex communi
 Theologorum sententiâ, dæmones non ope-
 rantur nisi actiua passivis applicando. Ab om-
 nibus habentur dæmones sapientes, id est dæ-
 mones dæmones: nam dæmon sapiētem signi-
 ficat, quæ enim ignorat vulgus adscribit dæ-
 monibus, id est sapientibus, quemadmodum
 & illud invasit, Canonicus regularis, id est re-
 gularis, regularis. Sanè Canon regula dicitur.
 Sed ad rem. Sunt dæmones (inquiūt nostrates
 homilistæ) sapientissimi, & herbarum virtutes
 cognoscunt, cumque omnia materialia ex Dæi
 permissione illis obtemperent, quæ aduerte-
 rint herbarum medicamina idonea huic infir-
 mo applicant, atque ita ille sanitatem conse-
 quitur. At hoc est quid fictitium, nam illa me-
 dica pharmaca ab aliquo viderētur, sunt enim
 corpora, imo herbæ cum sint, sensu olfactus
 perciperentur. ALEX. Forsitan dæmon fascinat
 ægrum? I. C. Nugæ: fascinatio inducitur, alte-
 rando sensus, hi autem non immutantur nisi à

remateriali: quarevtrumque ægro innotesceret;at secus est. Deinde quomodo illa tā præsto sunt dæmonibus, vt ab oriente fortassis ad occidentē illico transferant. Sunt?ne dæmones Pharmacopæi,an Chirurgi, qui semper pixides varijs emplastris, ac vnguentis repletas secum deferant? ALEX. Tu igitur quid sentis? I. C. Cum in herbis, mineris,ac lapidibus variæ insint virtutes, quæ vel immediatè per manifestas qualitates corpus afficiunt, quæ calida sunt, excalefaciunt, quæ frigida, frigefaciunt;vel mediatè quando in vapores resoluuntur, quæ deinde in nos agunt, vt, radix Pontica, vulgo Rheobarbarum, vbi per natium calorem in vapores conuersa fuerit, melancholiam expurgat: vel per occultas proprietates operantur vt magnes ferum attrahit, Adamas resistit: Saphirus fugat Anthraces, & fouet oculos, aliæque complures sint occultæ mistorum facultates, à Plinio Alberto, & Marsilio Ficino, à doctoribus de simplici medicina scribentibus recitatæ: hinc fit, vt philosophi medicamentorum, quæ tertio modo operantur, cognitionem habentes, insensibili propemodum modo valetudinem ægris cōferant:quare rustici dæmonis familiaris hæc esse opera suspicantur. Quis plebeius, si a pisciculo remora nauim secundis velis incedentem, statim detineri, & remorari conspiceret, dæmonum legionem ibi absconditam esse non assereret? Si obtupescere eum, qui arundinem à Torpedine contractam, digito at-

tigerit, rusticanus aspexerit, non ne statim ob
dæmonum timorem dominico signaculo se
præmuniret? Sane Galenus cum ex medicinæ
scientia multa huiusmodi perficeret, dæmo-
niacus creditus est: Attamen ipse ex philoso-
phorum placitis nullos dari dæmones censuit.
Præterea, quemadmodum in herbis, lapidi-
bus, & animalibus variæ insunt proprietates
ad morbos profugandos, ita & vni ex homini-
bus eadem competere possunt. Homo namq;
inter cœlestia, & terrena medius est, idcirco
de vtriusque participat: hinc philosophus virtu-
tem heroicam attribuit hominibus, qui diui-
nitatis sunt participes, vitia vero iis, qui bel-
luis assimilantur: Sic aliqui dicuntur Iouiales,
Saturnini, aliqui Mercuriales, prout il-
lorum proprietatibus correspondent, aliqui
leonibus, nonnulli vulpibus, aut lupis compa-
rantur. Quare Albertus ex philosophorum
sententia dicit homines gerere naturam illius
animalis cui similia membra retinent. Inde
homo dictus est microcosmos, quoniam tota
natura tam superiorum quam inferiorum in
humana comprehensa est. Qui igitur her-
barum, lapidum, & animalium propieta-
tum aliquarum, particeps erit, morbos disci-
tict, atque ita Deus à plebecula acclamabitur.
sunt apud nos qui Paulina gratia communitos
se gloriantur: nam a serpentibus demorfos
confestim curant: facultas hec à Natura omniū
gentium parente illis indita est, ideoque sub-
eorum linguâ paruulam serpentis effi-
giem

Los
Luadory
Sesspauia

giem ab ipsa natura impressam ego aliquando
adipexi. Varias inesse hominibus proprie-
tates occultas à Cælo inditas certissimum est.
Albertus narrat, in Germania duos natos esse
pueros, qui hoc sydereo dono circūsepti erant,
vt dum hostijs appropinquarent, illico et si
clausa, vltro aperirentur: quod licet Albertus
vt verissimum affirmet, nolle credere mihi re-
ligio est, ne miraculum quod Petro accidisse
credimus, quodammodo imminui videatur.
Sed quid verat asserere, à cælestibus corpori-
bus conferri alicui facultatem ægritudines ali-
quas profugandi? Nonne à Christianissimis,
& inuictissimis Galliarum Regibus, totius or-
bis Dominis meritissimis, sola manuum im-
positione strumosos curari pro confesso om-
nes accipiunt? Si Pyrri Epirotarum Regis digi-
tus igne concremari nequibat, nonne totial-
terius corpori potest hæc inesse potestas, quem
si à flammis intactū vulgus conspiceret, in Di-
uorū albo adscriberet, nec immerito quidem,
cū nonnisi iustissimis viris hæc à Cælo tribui
dona æquitatis ratio persuadeat. ALEX. Acuta
hæc sunt, sed meum non explent animum.
I. C. Aliam igitur responsionem adducam. Sen-
sitiua anima quum sensibilibus omnium spe-
cies in se recipiat, est quodammodo omnia
sensibilia, quemadmodum intellectus omnia
intelligibilia. Quare cum omne ens sit vel sen-
sibile, vel intelligibile, anima nostra vtrumque
comprehendens, erit omnia: nec solum spiri-
tualiter (vt loquuntur) rerum species in intelle-

ctu est, sed species illa realiter, vt ita dicam,
 rem producet in subiecto apprimè disposito;
 amaliae species quæ intus est, penum attolit:
 Gallinæ vbi vicerint, mariū more coitum tē-
 tant, cristam, & caudam erigunt, quānimo ve-
 luti gallis calcaria illis tunc suboriuntur, vt su-
 perius ex Aristotele, & Auicenna retulimus.
 Prægnantis mulieris auiditas tenerum fœtum
 inficit rei exoptatæ notis: imaginatio demor-
 si à cane rabido, canis imaginē in vrinam impri-
 mit. Gulosi vbi ferculum aliquod auidè appe-
 tierint, saluam simili sapore inficiunt. Neque
 solum intrā hos admirabiles effectus ope-
 rabitur species, quæ in anima est, Sed etiā
 extrinsecº, scilicet in alienis corporibus. Fieri
 nāque potest, vt æque hæc disposita sint ad il-
 las affectiones recipiendas: Nam veluti Titius
 est paratus ad aliquem morbum, ita potest
 esse & Caius; cumque à Titij corpore mor-
 bis obnoxio egrediantur vapores interno
 morbo affecti, eosdem in Caio extra, si-
 cut in Titio intra effectus operabuntur
 qui peste laborat, vapores emittit, qui
 alios infestant. Si Regulus spiritus eiacularur
 qui homines occidunt, si ieiuni hominis anhe-
 litus nobis obest, mulieres menstruatae specu-
 culum conspurcant, vetulae per spirituum
 emissionem pueros fascinant, quid vetat quin
 optimæ à natura complexionis homo possit
 vapores diffundere, quialetudinē alicui com-
 municet? Sanè cum ad Alexādrum accedebant
 homines, lætabantur, & vigorem quendam

inbibebant, quia totum eius corpus optime redolebat. Imo & Galenus affirmat pulchri adolescentuli anhelitum medicinam esse optimam. Concludam igitur, vehementem imaginationem, cui spiritus & sanguis obediunt, rem mente conceptam realiter efficere, non solum intra, sed etiam extra. Ergo præpotens animæ de valetudine cogitatio poterit ægroto sanitatis aliquid impertire. quemadmodum & ægritudinis meditatio ægritudinem alijs inuehit, vt patet in fascinantibus.

ALEX. At quomodo id fieri potest? I. C. Imaginatiuæ facultati spiritus & sanguis exancillantur, idcirco læta imaginatio, qualis est sanitatis amico conferendæ, hilarem generat sanguinem hilaresq; spiritus, qui per afflatum è corpore expulsi, & ad infirmum ibi propinquum delati, valetudinem illi adferre poterunt, cum enim sint optimi spiritus, vt qualitas rei ostendit, & præpotentes, vt vehemens imaginationis vis declarat, tetros atque obscuros spiritus expellent, atque ita viuificabunt, & sanitatem inducent. Quid miraris, o Alexander, si illud herbæ efficere possunt, & aliqua brutorum cadauera, quanto magis humana anima, quæ in his inferioribus principem locum obtinet. Si per syropos & cataplasmata potest æger conualescere, quāto facilius pervapores ab anima (cui terrena omnia inseruiūt) sanandi virtute imbutos & ad ægrum transmissos? Spiritus immediata sunt & proximæ nature instrumenta, alia medicamēta, emota

Spiritus sunt per se agentes, syrupi non agunt nisi per calorem ad actum reducantur: illi sunt materiæ magis expertes: isti non item: quæ de causa non ita ut spiritus facile ad partes interiores accedunt. Quinimò medica pharmaca ut materiæ magis participantia, sensum violentius perturbant, ideoque multoties ægro dolorem inferunt: illi vero minimè. Unde qui à pestifero inficiuntur, vix discernere queunt, à quibus cōtagionem attraxerint: quo fit ut celerius & ordinatè magis in spiritibus, quam in syrupis & emplastris Natura procedat. Ideo non est mirum, si Empirici, imò litterarum omnino ignari, plures ægrotos sanant quàm scientissimi medici, nam præpotentis imaginationis effectus ut plurimū sunt in plebeis & infimæ conditionis hominibus, ut pote magis credulis. At ex. Acutissimè quidem ratiocinarius. Sed philosophorum Principi videri mihi aduersari. In problematibus enim sic quærit. *Cur à morbis inficiuntur, qui ægroti appropinquant, a sanis nemo sanari potest. sicq; ipse resoluit. An quia morbus motio est, sanitas vero quies? An quod alterum non voluntariè, alterum vero voluntariè accidit. Res autem voluntaria, à non voluntarijs quamplurimum differunt, Et alibi, Quam ob causam qui cum homine sano moram traxerit, nihilo reddi integriori corpore possit, neque qui cum robustiori aut pulchriori versatur, quicquam huiusmodi proficiat, in isto autem & temperato, & bono, qui se adiunxerit, melior in his ipsis animi bonis euadet? Sic postea resoluit. An quoniam bona corporis*

animo immutare non possumus, bona vero animi possumus; unusquisque autem bonus est animi virtute, sanus vero virtute corporis: exemplo melioris possumus assuescere modò nunc letari, modò contristari: exēplo sanioris non possumus saniores effici. I. C. Aristoteles sibi, cæterisque omnibus medicis contradicit. Sibi ipsi, vt patet ex ijs quæ adducta sunt, & præcipuè de animi affectibus: Medicis vero, quoniam ex omnium concessione animi accidentia sanitati & ægritudini maxime conferunt, vt Galenus cōprobat: quemadmodum ægro immorari cum bene habentibus propitium est, vt ait Conciliator, & vulgi fertur prouerbio, leprosi affectant cum sanis conuersari. Videretur etiam dictum hoc Aristotelis rationi & experimento è diametro repugnare, quoniam ab homine siue sano, siue ægro continuo expirant & exhalant vapores; quid igitur impedit, quin minus à sano homine vapores propitij exeant, quemadmodū ab ægro nocui spiritus procedunt, & euaporant: à pueris præcipuè temperatis flatus aliquos redolentes sentimus, ipsisq; non minus quam suauibus odoribus recreamur, veluti supra de Alexandro retulimus. Et in historijs animalium ipsemet Art. asserit, Pantheræ odore animalia mirum in modū oblectari. ALEX. At quomodo Aristotelis rationi respondes? ea erat, quia morbus est motio, sanitas quies. I. C. Si ægritudo, non aliā de causā inficit alium, nisi quia motus est, quæ igitur ægritudo esset maior motus, magis inficeret, quod est falsum, nam

morbi calidi, vt febres, quæ motu nos molestant, adstantes non inficiunt. AL. Acutissimè, at illud discutiendum remanet, quomodo Vespasianus Imperator sputo cæcum illuminauit?

I. C. An ille cæcus non erat, sed cæcutire sibi videbatur, vt de Damocle refert Hippocrates, & compluribus accidit ex vaporum suffusione ob ventriculi os malè affectum. An cæcitas repente, aut breui tempore intrasit, quia crassus humor è cerebro in opticum neruum repente incidit, vel longiùs in pupillam prolapsus, impediuit, ne crystalloides primum videndi organum externum rerum species, atque simulachra exciperet, neue illa liberè cerneret. An à matris vtero cæcitatem deduxit? sane accidere facile potest, vt ibidem fumi, & vaporis, crassique humoris suffusio infantis oculis adueniat, qui eòvsque crassescant, vt visionem præpediant, pupillam omnem abtegendero: quare nihil vetat asserere, crassam illam vaporum congeriem temporis progressu diffindi, atque resolui: sanè accidens est, idque separabile.

ALEX. At quomodo sanitatem illi Vespasianus impertiit? I. C. An non iste, sed vehemens cæci imaginatio valetudinē operata est? Si è Cræsi filio, quem genitrix mutum ediderat, metus vehemens, auiditasque vocem excussit, cur cæcus constanti fiducia ad Vespasianum accedens, vi imaginatiuæ facultatis tetros ab oculo humores excutere nequibit? Si ex imaginatione gallinæ calcaria veluti Gallo innascuntur, vt ex Arist. & Auic. suprà probauimus, cur

2. 3. de morb.

pop. n. 31. Et

6. 7. 8. 44.

non & cæco videndi instrumenta eadem imaginatiua facultas suppeditabit? facilius ad hoc opus natura concurrir, quia homini necessarium est, quàm ad illud quod est gallinæ superfluum. Cyppus, qui postea electus est Rex Italiae, dum Taurorum pugnam vehementius admirans meditaretur, in illa cura obdormiens, manè corniger repertus est, non aliunde quam virtute vegetatiua vehementi imaginatione stimulata, humores in caput eleuante, ex quibus informatrix virtus imaginatiuæ facultatis ancilla, cornua effinxit. Si potest imago hominem reddere cornutum, cur non & oculatum? Si animæ vis & potestas, quæ in spumoso semine esse dicitur à philosophis, membra nobis omnia elaboratissimè architectatur, cur eadem facultas in nobis existens, vbi omnes inferiores potentias obsequentes habuerit, prout in vehementi imaginatione satis abunde habere supra ostendimus, ocellulos effingere non valebit? Sanè Plinius multis exemplis confirmat, fœminas in mares mutatas fuisse: quod & suo tempore accidisse Pontanus testatur, Caietanam vnam, Emiliam alteram vtrâque nuptam in viros mutatas esse perhibet. ALEX. His authoribus ego fidem non adhibeo. I. C. Nec ego Suetonio. cæterum subtrillissimè iuxta & Catholicissimè hæc sunt à nobis explicata in Apologia pro Christiana Religione aduersus Atheos in expositione illorum verborum, *Non poterat Iesus signa facere propter incredulitatem eorum.* An valida, & præ-

potens Vespasiani imaginatio tam admirabile opus molita est? Si pręgnātis appetitio in naturę dedecus superfluum digitum fętui addit, quanto facilius vehemens Vespasiani imaginatio non reluctante natura leues oculorum membranulas pauculo humore replebit? At, At mulieri materia à semine suppeditatur: Vespasiano à nemine. I. C. Inò à spiritibus imaginatiuę facultatis ministris obsequentiſſimis, his autem sanguis & humores pręsto sunt ad obsequium, quare & sputo eum illinisse legimus; Audi nunc, si irati hominis saliuę contractu sana membra læduntur, cur maximè hylaris, atque in opus animũ intendentis tactione infirma non sanabuntur? Luculentissima oratione hæc pertractaui in Apologia, vbi piissimè differui aduersus Atheos, asserentes quemadmodum è Basilisco exeunt vapores, qui hominem interficiunt, ita à Diuo Petro excandescēte egredi potuit vehemens exhalatio, quę Ananiam exanimauerit; addunt Auicennę dictum: ad validā alicuius imaginationē cadit Camelus: asserunt illi etiā ex Apollonidis, & Philarchi testimonio, fœminas magas fuisse apud Schytas, Illyricos, & Triballos. hæ iratę quem aspexerant, interimebant. Sed hæ argumenta ibi reiecimus. An asseram, Cælorum motrices Intelligentias curare hæc inferiora, maximè Reges, quare vt ab omnibus deuererentur, vel Maiestatem in vultu, vt obseruauit Agrippa, vel mira cooperandi facultatem eis partiūtur. Ranis perstreptibus Augustus Cæ-

far silentium indixit, atque ilico conticuere, ut in illius vita Suetonius scribit. Quid vetera exempla adducam, si noua præsto sunt: totam Galliam hîc appello, voco testem Hispaniam: liberè fatentur, Christianissimis Galliæ Regibus, inter quos omnibus Regum omnium circumfultus virtutibus Ludouicus XIII. veluti Sol emicat, atque splendescit, diuinitus inditam esse potestatem ad strumas è corporibus propellendas. An sidera oculis videndi aciem conferre possint, nemo est, qui abneget: agunt enim ipsa in hæc inferiora, neque oculos tantum, sed membra omnia effingunt, quare dicebat philosophus, à Sole & homine generari hominem? ALEX. Legi apud Cardanum hæc verba. *Philosophi multa dicunt, quibus ipsi fidem non adhibent*: quæso mihi adaperias quid, disputationum ambagibus omissis, de his omnibus sentias? I. C. Cum Theologia operam dabam, celsui, Dæmonem in cœco, & claudio aliquos apposuisse obices quominus ille videret, hic obambulare, ut cū postea corā toto populo ad Vespasianî precès impedire desierit, pro miraculo haberetur, atq; ita plebs in idololatria persistens, in interitum rueret. Nunc aliter censeo. Vespasianus cū Religione dominia conseruari, & augeri intelligeret, Numæ Pōpilij præsertim & Romuli exemplo edoctus, ut maiori in veneratione à subditis haberetur, diuina potestate se communitum fingere usus est, quare duos è subiectis deprecatum esse suspicor, imò & pecu-

nia data coegisse (*Quid non mortalia pectora cogis
Auri sacra famēs?*) Vt vnus cœcum se simularer,
claudum alter, & coram populo ad Imperato-
rem accederent, sanitatem deprecâtes, & post-
modum curatos se prædicarēt. ALEX. Veh illis,
qui animam suam venalem habuerunt. I. C.
Veh illis (inquit Machiauellus) quia procul-
dubio Imperator veneno necandos demanda-
bit, vt omnem prorsus fraudis detegendæ ti-
morem è pectore suo adimat. Sic impius
Mahumetus socio persuasit, vt in foueam
delitesceret, vt cùm ipse magna stipatus catê-
ua eo aduenerit, has ederet voces. *Ego Deus vobis
omnibus testor, Mahumetum super omnes gentes à
me prophetam magnum constitutum*, atque ita ex
animo successit. Sed metuens, ne conficta fa-
bella detegeretur, ad populum iam fascinatum
conuersus, Dei nomine illi dedit in mandatis,
vt quemadmodum Iacobus lapidem erexit in
loco vbi Deus apparuit, sic illi singuli in puteū
illum deuotionis ergo lapidem proijcerent, &
sic miser ille lapidibus obrutus interiit, atque
ita illi lapides Mahumeticæ Sectæ fundamen-
ta extiterunt adeò firma vt per mille annos
in suo robore & augmento fuerit, nec ruinæ
adhuc vllum appareat inditium. ALEX. Procul
abeant hæc Atheorum monstra à te veritatis
Hercule debellata: meque doceas rogo, quo-
modo vnus Pyrri digitus igni non erat obno-
xius? I. C. Forsitan vnguento aliquo eum
obliniebat, cuius vi ab igne illæsus custodie-
batur. An ex occulta nobis proprietate id ei

Abula
Ifo nota
278 epus
Lumb
pulchro

competebat, quemadmodum nec Salaman-
dra prunis iniecta accenditur. An à syde-
ribus Religiosissimo Principi illud concessum
erat beneficium, vt maiori reuerentia cole-
retur à subditis, qui incorruptibilitatis, at-
que diuinitatis figuaculum in illo conspice-
rent. ALEX. At quid censes de Marſis qui tan-
gunt ſerpētes veluti nos paſſerulos. I. C. Quia
(inquit Fracaſtorius) aliqua eſt inter eos ſimi-
litudo. ALEX. Idem cenſuit Pomponatius. I. C.

Decepti ſunt hi Philoſophi: nam ſimile à ſi-
mili non læditur, at ſaliua Marſi torpere fa-
ciunt ſerpentes, vt præfati Doctores aſſerunt.
Præterea Pſylli cæteris nocerent hominibus,

Fracaſt. in l.
de ſymph.
Pompon. in
l. de incant.
c. 4.

quod ſecus eſt, nam à ſerpēte demorſis opitu-
lari ſe apud ſtolidam plebeculam iactitant. AL.
Imò verè aſſerunt, nam & viuos ſerpentes
deuorant. I. C. Etiam Ciconia & muſtella ori-
gani eſumunitæ, ſerpentes in prolobum ille-
iæ demittunt: impoſtores Itali circulatores
nonniſi varijs cibis repleto ſtomacho, illos co-
medūt, mox à circulo domum ſe conferunt &
butyro, vel oleo imbibito, omnia euomunt,
antequā vitales partes veneni viſ attigerit. A L.

At ego per totum diem conſultò obſeruauī eos
ab aſſumpta colubrina carne, & nihil euomu-
runt. I. C. Forſitan vomitione opus non fuit,
quia ſerpentes veneni erant expertes. A L. Imo
venenofas viperas deuorarunt. I. C. In hu-
mido loco per multos dies eas reſeruant, qua-
re multum detrimenti patiantur neceſſe eſt,
vt pote quæ ſiccæ admodum ſunt: inſuper per

multos dies eis cibum denegāt, vt interim natius calor, qui otiosus esse nequit, proprium venenum in cibum assumat; An ab infantia affueti sunt serpentibus deglutiēdis, quare conaturalis factus est eis cibis, & minimè insalubris, vt de Cleopatra, & alijs historici referunt, An Theriacæ, vel Mytridatij paululū antea assumunt, atque ita venenum pellunt. ALEX. At quomodo Theriaca cum sit ex veneno cōposita, venenum expellit? I. C. Non solum ex veneno conficitur, sed ex ijs etiam quæ veneno aduersentur. ALEX. At cur additum est venenum? I. C. Vt peculiari similitudine cognatum venenum appeteret, cumque eo se inuolueret, atque ei afferret id quod ipsum vel expelleret, vel extingueret. ALEX. Profecto opportuna nunc mihi occasio suggeritur, vt quæ diu me torfit, eam nunc dissoluendam proponam quæstionem. I. C. Quænam illa est? ALEX. Cur Phalangij (quod quidem animal à Tarento vrbe Tarentula dicitur) morfu qui læsi sunt, Musica ad saltandum incitantur, adeo vt spectatorum lassent oculos? IVL. CÆS. An quia (de Saullis furore qui Dauidicæ cytaræ dulcedine subsederit, non loquor) sedatur interea dolor. ALEX. cur id euenit I. C. Quia motu venenum à corde reuellitur, atque aliorum diffunditur, & à sensu mali mens amouetur, quare sublata Musica, non continuò, sed pedetentim morbus redintegrascit: Repetitâ, aboletur. ALEX. At cur morbus hic Musica tādē

dem discutitur? I. C. An quia illius animalculi venenum spiritus ad intima contrahit, qui è contrario à Musica incitantur, vt in equis & pueris videre licet. An rectius dicemus Musicâ non curari, sed saltationis, quæ à Musicâ incitatur, labore: quamobrem istud venenum quod quidem frigidissimum est, sudore tum vinci, tum expelli fidenter asseuerabimus: Eâ de causâ, apud Platonem legimus in Phædone, omne saltus genus Socrati prohibitum fuisse, ne cicutæ vis motu & calore obtunderetur. ALEX. At cur à Tarentula morfi, alij sopore occupantur, alij perpetuis vigilijs distrahuntur, flent alij, alij rident, quidam currunt, nonnulli inertes sedent, sunt qui sudent, qui vomant, qui denique insaniant: Quapropter Apuli arbitrantur, quot in hebdomade sunt dies, tot esse noxarum species à bestiolâ illatarum? I. C. An Tarentularum tot sunt species, quot hîc agnoscuntur accidētia? An quemadmodum ebrietas non vnius est modi, sed suâ quisque pro naturâ, & instituto flent, rident, silent, blatterant, dormiunt, discunt, Ita ex hoc morfu euenit? ALEX. At quamobrem complures, qui ab illo veneno conualuisse videntur, cū redit anni dies, in quo morfi fuerunt, iterum ægrotant? I. C. An si hoc verum est, ex syderei influxus similitudine id accidit, quam ob causam herbæ sunt nonnullæ qui simili die semper efflorescūt; vt nuces quasdam in 24. die mensis Iunij frondes emittere Cardanus obseruauit? An ex in-

trinfeca Tarentulæ natura id prouenit: quem
 admodum febris colerica semel in tribus die-
 bus continuâ successione diuexat, febris autē
 ex atra bile semel in quatuor. ALEX. At cur
 quandiu Phalangium superuixerit, agitur
 qui ab eo morsus est: eo verò mortuo, hic con-
 ualescit? I. C. An ad Græcam fidem hæc perti-
 nent, cum multis curentur Antidotis, vnum
 illud nobilissimum duco (Ignoscite Pontificij
 Canones Presbytero medica scribenti.) Ari-
 stolochiæ rotōdæ, Mithridati an. 3. ij. Terræ si-
 gillatæ 3. β. Muscas quæ de Napelli frondibus
 victum capiūt duodeuiginti, succi citri quan-
 tum satis. An, si verum est quod Apuli coloni
 vociferantur, Phalangij proprietatem eam
 esse dicemus, vt ipse eiusque morsus pari vitæ
 periodo terminentur, quoniam ab eadem fo-
 ueantur constellatione. Et quid mirum, cum
 apud Suetonium legamus, in ortu cuiusuis Im-
 peratoris ab Augusto descendens nasci soli-
 tam laurum, quæ semper crescebat donec Im-
 perator in viuis erat: hoc defuncto, illa quo-
 que interibat. Addamus hic nobilissimā histo-
 riam, & difficillimi problematis solutionem.
 Mense Martio Lugduni cum essem, accepi à
 nonnullis amicis, pedissequum in diuersorio-
 lo perblandē à Caupone exceptum, qui cum
 deinde triginta solidos pro cœnula expo-
 sceret, egregium nebulonem illum ad-
 iram commouit, quare statim cauponi va-
 le dixit, ascenditque cubiculum, & clausis ia-
 nuis, nescio quid in fictili vasculo apponere vi-

sus est, & suffumigationibus impleta domo,
 abiit. cōscendit dehinc famulus, vt inspiceret
 an aliquid ille surripuisset, sed statim saltare
 incepit, quinimo cuncti, qui illuc introibant,
 ad idem impellebantur. Huius rei causam dæ-
 monum arti omnes referebant, non modo
 Catholici, sed & etiam Huguenoti. Iulius vero
 Cæsar irridebat huiusmodi aniles fabellas, &
 naturali causæ omnia adscribebat. Creden-
 dum enim est pedissequum illum exsiccati
Phalangij puluerem habuisse: Eamque
 vino infundisse. qui primus ascendit ho-
 spitium, illius vini haustum assumpsit, mox-
 que à sede prosiluit. Si igitur Tarentulæ
 morsus ad saltandum incitat, cur illius exu-
 sti pulvis vino dilutus idem non operabitur?
 ALEX. At tu afferis, omnes illuc intro-
 euntes, præsumptasse, cum tamen omnes vi-
 num illud non prægustauerint. I. C. Nebulo-
 nem illum suffumigia fecisse in cauponiola di-
 cebant, proculdubio ex phalangij pulueribus,
 & fenestras clausit, ne fumus egrederetur: qua-
 re eò accedentes, cum viderent puerum sa-
 lientem, obstupebant, atque ita aperto ore, vt
 mos est attonitis, stabant aliquandiu (quod
 ideo fit, quia vndique attrahit anima spiritus
 ad nouitatis illius causam inuestigandam) at-
 que ita vapores illos attraxerunt, ac propterea
 omnes in illa saltatoria domu ad saliedum ex-
 citabantur. etiā canicula aderat saltatricula. nec
 mirū, cū & minimos pestiferi corpusculi vapo-
 res anhelitu attractos, non modo familiā inte-

hoc Fulg
 non solum
 sed causam
 at non
 causam

gram, sed amplissimas vrbes conflictatas fuisse ad interitum, apud historicos legimus: vt sub-
ticeam venenum illud à nescio quibusdam ve-
nificis circulatoribus fabricatum, quod solo
afflatu homines interimit. In Germania noui
Catholicum virum, qui in maiori hebdomada
publicas non adibat Ecclesias, sed in priuato
facello sacris intererat, quia tunc Christiani
mæsti sunt, & melancolicos edunt afflatus, &
suspiria: his igitur tetrīs vaporibus repletum
Templum ille non ingrediebatur, ne consimi-
les tetros vapores inde attraheret, qui ipsum
ad melancoliam disponderent. Quid miraris?
nonne experimento comprobatum est, in ra-
biem verti illum, qui sub arbore à rabido cane
demorsus iacuerit. quod aliunde prouenire ne-
quit, quàm a vaporibus, qui ex ea arbore exha-
lant, quare ad viatorem præ labore defessum,
atque ideo poros habentem apertos, delati, at-
que interno motu excalefacti, idem efficient
quod rabiei seminaria: pariter de phalangij
pulueribus suffumigatis philosophandum du-
xi. ALEX. Dij tibi ignoscant. I. C. Quod com-
misi crimen? ALEX. Cum rabidi canis mentio-
nem fecisti, subito mihi venit in mentem cu-
iusdam anicularum superstitionis, quæ recita-
tis quibusdam magicis incantationibus, à cane
demorsos curant. I. C. Nugæ sunt, nullam ha-
bent excantationes illæ omnes virtutem aliam
quàm immutandi auditum, & incautos deci-
piendi. ALEX. At quomodo igitur curati sunt?
I. C. Non vere demorsi erant, qui huiusmodi
præcularum

præcularum auxilio conualuisse censentur. Videtur enim (Inquit Cardanus in libro de rerum varietate.) Rabies primum quandoque falsa cum miseri canes in fugam acti pro rabidis habentur : atque ita seruari à rabie , quæ tamen nulla est , frustra creduntur. Ipsi verò canes etiam rabidi quosdam afficiunt , quosdam non. Et hoc multis ex causis , aut quia exigua est , atque ita paratos afficit , ut puta ieiunium , & iratum , aliorum neminem : aut quia cum quadam sit proprietas non satis manifesta , non omnes afficere potest : aut quia in aliquibus hominibus quadam sunt proprietates , huiusmodi veneno minime obnoxia veluti in cæteris animalibus : muli enim à canibus rabidis morfi , facile corripuntur , non ita anseres : Ita hominum natura huic vel illi animanti similis conspicitur , aut huic homines nonnulli contraria natura sunt , velut humidiores non afficiuntur ita : unde rarissimi , imò nulli , quos viderim , infantes rabie corripuntur , neque fortes ut timidi , neque qui purgationes habent consuetas : aut ex vulneris qualitate , ubi enim multus defluerit sanguis , spuma illa cum sanguine simul exit , & si vulnus amplum existat . aut si vni in carnea parte , alteri in nervosa : vel ex syderum varia constitutione : vel quia affectus in cane nondum est plene confirmatus , vel iam minui ob vitæ imbecillitatem incipit : aut ob varietatem auxiliorum : Nimis longum esset , si cuncta referre velim. Itaque multis modis contigit hunc effectum frustrari , cum videamus ab uno cane rabido plures quandoque quàm censum alijs similiter ra-

bidas demorsos interire : ut quasi fatale videatur homini illi , qui rabie correptus interierit. Quod si pro ratione numeri rabidorum canum, homines interirent, non adeo pauci hoc morbo succumberent. Sed cum tam multi euadant, & medicina & superstitioni, & miraculo locus amplissimus datus est. ALEX. At quî fit, ut in Apulia ubi quis à Cane obmordetur, statim postquam Diui Viti templum non longe distans à celeberrima vrbe Bario, adiuit, conualescat? I.C. Non inficior, hæc & maiora à Deo beneficia sanctum illum obtinere posse: mirabilis enim dicitur Deus in sanctis suis: Cum tamen Romana Ecclesia nihil super hoc definierit, vereor ne conficta fabella sit. ALEX. At duos sic curatos esse mihi relatum est. I.C. Ecclesia illa cum sit ad maris littus posita, verisimile est marina aqua lauari vulnus, atque ita virus eluitur, nec non aquæ metus, quo illi miseri percuti solent, prorsus eximitur, & bibendo rectè se habent: infirmitas enim illa in sicco consistit. canis in rabiem agitur à fame, atra bile, inuidencia, & fide, quæ omnia in illo inducunt vehementem spirituum agitationem, ac proinde siccitatem, qua sanguis exustus atque accensus, ad iram eum commouet; hinc fit ut Sole feruido, vel Caniculæ ardoribus rabiei sit obnoxius: Quam ob causam Oceani accolas demorsos à cane rabioso certatim ad mare currere vidi Flessingia cum essem. ALEX. Illud est mirum, si a siccitate

ortum capeſſit, rabies, cur a cane rabido morſi, aquam reformidant, atque tunc incurabilem eſſe morbum cenſuit Card. Iuxta illud Ouid.


Nec formidatis vlla medetur aquis.

I. C. Forſitan Catulorum ſpecies in aquis eorū oculis occurrit? AL. Hac de re à me interrogatus ægrotus, negauit ſe quicquam in aqua conſpicere: eam tamen exhorrebat. I. C. An quemadmodum alij morbi eduliorum quorundam abominationem inducunt propter ſtomachi, ſiue linguæ indiſpoſitionem, ita rabie afflictiſ acciðit. ALEX. Non eſt veriſimile, ſitiunt enim, humida expetunt, & ſi pertimeſcant. I. C. An quemadmodū phantafia aliquarum rerum memoriam exitat, quæ timorem ſolent incutere, ita & in rabie contingit? ſanè vbi canis in rabiem concitatur, præ ſanguinis æſtu extumeſcente lingua ac neruo, qui illi ſubditus eſt, os ſpuma exitiali ac contagioſa ſaliua redundat, quæ contactu inficit dilaceratam cutem: morſus igitur cum reminiſcuntur, extimeſcunt, vt pote quia ab eo conſclicantur, caninæ ergo ſpumæ quoque memoria erit timoris, quippe eā læſi fuere: & quoniam aqua idræ ſpumæ eſt, ideò fit illis reminiſcentiæ obiectum atque timoris.

DIALOGVS LVIII.

De Mortuorum Resurrectione.

ALEX.

 T quomodo eludere poteris tot defunctorum Resurrectiones, quæ sub Ethnicorum Lege acciderunt: Alcestim Peliaæ filiam, & Admeti Phæreorum Regis coniugem è mortuis ad vitam reduxit Hercules. Erichthio Thessalica malefica ad vitam reuocauit militem recentem occisum, qui Pharsalici belli eventum Sexto Pompeio prædixit. Apollonius Thyaneus emortuam puellam vitæ restituit. Zaclægyptius sacrificulus mortuum cadauer resurrexit. nonne Auiolam virum consularem, L. Lamiam, Cælium Tiberonem, Corfidium, Gabienum, & plerosq; alios defunctos resurrexisse Plinius attestatur? similiter Æsopum fabulatorem, Tindorem, Herculem, atque Palicos Iouis, & Taliaæ filios demortuos iterum reuixisse legimus. Quid immoror? in Phygalia Arcadiae vrbe complures erant sacerdotes, animarum quæ vita functæ essent, auocatores. Quid plura? nonne diuinus Plato refert, Phæreum Pamphilium inter eos, qui acie ceciderant, decem diebus iacuisse, biduoque post-

quam sublatus esset, Rogo imposcū superuixisse. I. C. Lucianus responderet, fabulosas esse has narratiunculas à mēdacibus græculis excogitatas, & ab hippocriticis Platoniciis sanctitatis fuco depictas: sanè Plato eò loci Socratem plebem instruētem confingit. AL. At quomodo hos diuinos viros contumelijs, & iurgijs lādere non verecundaris? I. C. Quam in ipsis agnoscis diuinitatem? AL. x. Plato pro animorum immortalitate, aduersus complures philosophos dimicauit. I. C. Etiam auiculæ huius animulam ab interitu vindicabat. AL. At Socrates fuit vir integerrimus. I. C. Ipse posteros docuit, expedire Reipublicæ, vt plebs confictis prodigijs in Religione decipiatur. ALEX. Imo in Deorum detestationem pro veritatis tutela mori non dubitauit. I. C. Ita est: at non pro Religionis Zelo: sed vt contumeliam effugeret, risui namque se exposuisset, si in illo constantiæ, & fortudinis Seculo ob pœnarum formidinem ab incepto, desistere voluisset. & fortassis Athenienses inquisitores eius palinodiam non admiserunt. AL. B. x. Alia tibi excogitanda ratio est. I. C. Superstitiosorum hominum opinioni, qui ad Dæmones hæc referunt, non subscribam, donec adesse Dæmones naturali ratione mihi probauerint. ALEX. Quid si scientia Necromantica hæc operata est? sanè animæ (inquiunt Platonici) post mortem adhuc relicta corpora diligunt, maximè quæ debita sepultura carent, & quæ suum corpus violente morte dereliquerunt & adhuc in turbido illo,

humidoque spiritu circa cadauera oberrant tã-
 quam circa cognatum aliquod eas alliciens:
 quare Philosophi agnoscentes ex defunctimo-
 ribus, illius animæ affectus & proprietates, per
 consimiles vapores, liquores, nidoresque faci-
 le ad vitam euocare poterunt: hinc apud Ho-
 merum Cyrces docet Vlissēm, ouis, lacte, mel-
 le, oléo, vino, aqua, farina &c. animas ad cor-
 pora inuitari: I. C. Hæc si vera essent, perditissi-
 mā nequissimi nebulonis Henrici Syluij animā
 ad subtriste cadauer blantijs eius impudicus a-
 masius attraxisset, dū illotis à ventris exonera-
 tionē manibus, illius mēbra pertractabat. Cur
 Germanorum animas iterum corpori non re-
 stituit? gratissimus illis vini odor, quo tota fune-
 bris domus, imo & ipse locus vbertim affu-
 sus est? ALEX. Tuus Pomponatius quid censuit?
 I. C. Non esse à veritate alienum, vt nouus le-
gifer mortuos viuificet, hæc enim illi à syderi-
bus facultas concedi potest. ALEX. Thyaneus
 mortuos resurrexit: syderibus tamen inuisere-
 rat: quod ex eo abundè colligere licet, nam il-
 lius lex vix exorta, interijt. I. C. Respondent A-
 thei, illud accidisse, propterea quod paupertatem
 (quam ipse mirum in modum excoluit: san-
 nè ingentē auri copiā in mari ptoiecisse fertur,
 inquit, pessundo diuitias, ne pessundarab illis) disci-
 pulis cōmēdauit, at ubi paupertas (inquit Carda-
 n^o) & cōtemptus, nullus ordo perpetuus, sed omnes cō-
 diuturniores, quò potentiore. ALEX. Hæc in Amphithi-
 scitissimè confutasti. Sed quid Arabes Philoso-
 phi de mortuorum Resurrectione senserunt?

*Calp. & dicitur
 ep. in ysa. 61.
 & hinc si
 v. p. 1. ad
 l. 4. in Ptol
 de Astor iud
 4. 46. fol. 687.*

I. C. Posse nonnullos homines eleuare se supra corporis vires, atque ita Cœli, & intelligentiarum perfectione adepta, diuinum vigorem & supra inferiores animas Principatum acquirere: quare defunctorum animæ vt minus perfectæ illis obtemperare cogentur, ac propterea ad illarum mandatum cadaueris domicilium non recusabunt. ALEX. Fabulæ hæc sunt. I. C. Et fabulas adhuc excipies. Ad sunt nonnulli, qui Peripatheticum axioma à Priuatione ad habitum non datur regressus, reiicientes, tribus modis defunctis vitam restitui posse affirmant. AL. Amabò enarra illos. I. C. Primus est, nonnullarum herbarum succis defuncto adhibitis. AL. Pensate vos. I. C. Pliniano testimonio communitos se prædicant: sic enim ille scripsit, *Xantus Historiarum author in prima earum tradidit occisum Draconis catulum, reuocatum ad vitam à parente herba, quam Balim nominat: eademque Tillonem quem Draco occiderat, restitutum saluti, & Iuba in Arabia herba reuocatum ad vitam hominem tradidit* ALEX. At subdit Plinius. *Quæ & si fide careant, admirationem tamen implent* Sed qualis nam erat alius fabulosus resurgendi modus? I. C. Sic inquirunt: omnis anima (vt sacer Hæbreorum codex affirmat) in sanguine est, igitur nonnisi à sanguinis absentia, vel vitio mors accersitur, cui occurrere possumus, venas aperiendo, atque eis, marcido liquore expresso, calidum, & viuificum sanguinem infundendo. AL. O absurdum absurdissimorum. I. C. Viuentium afflatu mortuos reuiuiscere posse, nonnulli existimant

Plin l. 2. c. 10.

ser Meo
Hæc son
palli le

non secus atque mustela interempta, spiritu, & voce parentis in vitam reuocatur : & Leones inanimem partum inhalando viuificant. ALEX. non hæc mihi probantur: Tuam modò, si placeat, sententiam adducas. I. C. E mortuis resurrexisse credo illos duntaxat, quos sacra pagina, & Ecclesiastica historia Pontificijs confirmata decretis comemorant: Cæterum quos tu supra retulisti, non verè mortuos, sed morbo aliquo correptos fuisse arbitror ALEX. At qui morbi e mentitam mortem inferre possunt? I. C. Ecstasis, lethargus, casus ab alto loco, syncope, veteri strangulatio, apoplexia, & epilepsia. AL. Cur ecstasim morbum appellas? cum sanctissimis viris à Deo concedi Platonici affirmant. eius causa est (inquiunt) continua sublimiorum contemplatio, quæ à sensibilibus & à corporis penso animum seuocat, & profundissima mentis intentione incorporeæ sapientiæ coniungit: cumque ad illum gradum peruenerit, qui est contemplatiuæ perfectionis supremus, tunc rapitur ab omnibus creatis speciebus, & intelligit non per species acquisitas, sed per inspectionem ad ideas, in quarum lumine omnia agnoscit: idè ecstatici multa vera prædicunt. Hæc Platonici, I. C. quanto rectius Galenus ecstasim appellauit insaniam, & si non diu perseuerantem. est autem ecstasis priuatio officiorum animæ sentientis, mouentis, & intelligentis. immoti manent ecstatici, ac potius rigent, transfixi non sentiunt. Aurelius Augustinus de quodam Calamésii Sacerdote, qui ecstasi corripiebatur,

ita scribit. *Iacebat simillimus mortuo sine anhelitu,
& cum ureretur, & secaretur, non sentiebat* ALEX.
Vnde id contigit? I. C. Forsitan summa rei a-
liuius admiratione anima capiebatur, ideò ad
eius causam inuestigandam omnes auocauit
spiritus, qui ignaui, & stupidi cùm essent, ad vl-
teriore intellectionem non progrediebantur;
quare insipientes vt plurimum & mulierculæ
ecstasi laborant: Sæpiissimè vero stolidi Tur-
charum monachi, vt historici referunt. ALEX.
De lethargo nunc differas. IVL. CÆS. So-
porosum huuc effectum, qui inexpugnabi-
lis penè somni necessitas dicitur, efficit frigi-
da cerebri intemperies, quæ non simplex est, sed
ex humoris frigidi, pituitosique copia, quam
putredo inuadēs, febrem accersat, & lethargus
excitatur: mortuis non absimiles hi videntur,
sanè mortis imago dicitur somnus. AL. At per
quod tēporis spatium lethargici superstites esse
possunt? I. C. Puerum æstu, & itinere defes-
sum, septem & quinquaginta annos dormiuisse
testatur Plinius. totidem annis (vt ferunt) Epi-
menides Gnosius in spelunca quadam obdor-
miuit; Hinc somnolentis obijcere solemus il-
lud adagium *Plus Epimenide dormis*. Nota est
omnibus de septem dormientibus historia, quæ
annos centum, & nonaginta sex illos in sopore
detentos refert. in Noruegia sub eminenti lito-
re adest antrum, vbi, & Paulus diaconus, &
Methodius Martyr scribunt, septem viros diu-
turno somno oppressos diutissimè iacuisse.
Narrat M. Damascenus, suo tempore in Ger-

Ph. 1. 88 fol.
90.

mania rusticum quendam labore defatigatum sub fœneo tumulo per totum autumnum, & insequentē hyemem continuo dormiuisse, donec æstate, colliculo paulatim à colonis demolito, experrectus, tanquam semimortuus inuentus est: illud autem pro certo accipiūt omnes, vt-
 fos, glyres, crocodilos, & plerosque serpentes per totam hyemem in obdormire adeo profunde, vt Agrippa dixerit, *ego sepe vidi dissectum glyrē, mobilem manere, tanquam mortuum, donec concoqueretur, atque tunc primum in bulienti aqua dissecta membra vitam demonstrasse.* ALEX. Illud ego demiror, quī fieri possit, vt tam longo tēpore sine alimento viuant? I. C. Perpusillus est eis calor, maximè in hyeme, & ingens pinguis humidi copia, quare silens tunc temporis caloris vis, crassum illud & glutinosum humidum, quod propterea resolutioni resistit, lentè carpit, ideò non est opus supplemēto: tenuitate nāte & crassitie oppleri, ac obstructi cum sint meatus, illi crassæ substantiæ denegatur effluxus, nec per insensilem transpirationem in auras abire valet. A. L. Acutè ratiocinaris: sed illud me edoceas, quomodo hæc animalia hiberno sōno pinguescant? profecto in maiori mole plus materiæ inesse videtur, at nulla eis extrinsecus cibi materia suppeditatur. I. C. Pinguescunt, non quia verè nutriantur, sed quia illorum partes, crassiores attenuantur à calore naturali, qui per id tempus est modicus, atque etiam intra modum: ideò non resoluerē, sed potius dissoluere potest, & propterea illarū partium mutatio

contingit in aqueum aëreum, atque illa dilata-
tione turgent. ALEX. Diuinissimè: sed quomo-
do asserebas, illos, qui ex alto loco ceciderint,
quasi mortuos iacere stupidos, & attonitos?
I. C. Reuerendissimus Gregorius Spinola
Theologus Carmelita Genuæ mihi retulit,
ipsum annis elapsis ex alta fenestra cōcidisse, &
per diem integrum omnes sensuum facultates
ab opere vacasse. nec apertis oculis videbat,
nec ferreos medicorum ictus persentiebat.
Causa fuit, quia perculsis spiritibus, ac in inti-
mos cordis sinus receptis, animam à suis fun-
ctionibus absistere necessum erat. Agitatis &
commotis spiritibus (asserbat ille vir inge-
niosissimus) nullam rectè actionem edere po-
teram, idèo perturbatus subsistebam. insuper
concussionis vi, & impetu depressa calua me-
ninges cerebrique ventriculos & meatus pre-
mebat, quare sensus atque sermonis ex-
pers obstupescebam. ALEX. Quid de vteri
strangulatione? I. C. E putrida illa vte-
ri lacuna fatidi vapores exhalantes, ad cere-
brum deferuntur, à quo animales facultates
cūm dependeant, mirum non est, si, ipso à ve-
nenatis vaporibus oppleto, reliquæ facultates
consopitæ maneat. ALEX. At quid syncopes
est? I. C. Præceps virium lapsus. ALEX. Quo-
modo dignoscitur? I. C. In hac arteriarum
pulsus aut nullus est, aut extremè rarus, & ob-
scurus: corporis summa frigent, tempora, cer-
uix, & thorax frigido sudore mandent: facies
pallet: totumque corpus quasi eneruatum ia-

cet, mens, omnisque sensus deficit? A L. Quæ syncopem inferunt? I. C. Sæua animi pathemata, ut timor grauis, voluptas maxima, mæstitia fortis, dolor atrox, labor, inedia, vacuatio immodica, & quæcunque calorem natuum, spiritusque dissoluunt, atque diripiunt, cuiusmodi causi sunt, febres magnæ, & ardentes, & malignæ. Syncopen etiam inducit grauis offensa in os ventriculi, est enim hoc eximij sensus, & cordi vicinum, imprimisque consensuens. Idem præstat inflammatio, erysipelas, & à bile compunctio, & venenatus humor, siue illic inhærescat, siue in crure, vel in bubone vel in quouis viscere conclusus, tetrum de se vaporem in ipsum ventriculi os, in cor eructet, exhaletq;. ALEX. Quid Apoplexia? I. C. Est repentina motus, & sensus, omnisque animalis functionis priuatio. ALEX. Causa morbi huius in quo consistit? I. C. In cerebro omnis motus atq; sensus cõmuni principio. A L. At quæ nam illa causa est? I. C. Crassior, frigidiorque pituita. ALEX. Quomodo hæc apoplexiam infert? I. C. Dum omnes cerebri ventriculos affatim, & vniuersim implet: aut dum minimũ quiddam retis admirabilis arterias, per quas spiritus ex corde in cerebri sinus influit, repente obstruit, aut coarctat. ALEX. Quid inde detrimenti nanciscitur animal? I. C. Sinus influente spiritu destituti, nihil deinceps suppeditare possunt sensuum, motuumque neruis, moxquẽ necesse est animal collabatur. ALEX. De Epilepsia nunc aliqua. I. C. Veteres cùm pro-

ximè adstantes tam subito miseros conuelli, prosternique viderent, in peculiares Diuos morbum comitiale, seu Herculeum, reluctante Hippocrate, referebant. ALEX. Apud Christianissimum etiam populum hæc inoleuit persuasio: tota namque Gallia Diuo Ioanni Christi præconi hunc morbum assignat, quare ex illius Diui nomine nuncupatur, *le mal saint Jean*. I. C. Non illorum simplicitati ego insulto, sed temerariam opinionem illam eorum animis eximendam cuperem. ALEX. Quid ad te? I. C. Si quis epilepticum in terra prostratum, os rabidum ac distortum, genas inflatas, buccas humore, spumaque turgidas habentem conspexerit, exhorrescit, & ab iratis Diis calamitatem hanc inferri existimās, immutabilem illorū voluntatē superstitionis preculis immutare credit, atq; ita spretis Medicorū præscriptis, miser æger affligitur, & sæpè, deuotionis ergo sepulchro destinatur, antequam anima in auras prorsus euauit. At vbi morbū hūc in naturales causas referendum esse intelligent, aliquod lenimen doloris, medelamque afferre curabunt. ALEX. Postquam tanta adiuuandi proximos naturalis in te residet pietas, efficias rogo, vt morbi huius causæ nobis innotescant. I. C. Heus pueri, Hippocratis de morbo sacro libellum huc adducite. TARSIVS. Modò profecto ipse est. I. C. Quomodo hæc tuæ manus tam cito veritatis testes adinuenerunt? Quid rides? Perlegas in sectione septima. TARS. Quo verò modo, & ex qua causa fiat morbus sacer

ego manifeste docebo. Cerebrum hominis duplex est, quemadmodum etiam alijs omnibus animalibus. Medium autem ipsius diuidit membrana tenuis. Qua propter non semper eandem capitis partem dolet, sed particulatim utramuis, aliquando verò totum. Sed & venæ in ipsum tendunt ex vniuerso corpore multæ & tenues: duæ verò crassæ, altera ab hepate, altera de liene. Et quæ quidem ab hepate venit, hoc modo se habet. Altera quidem venæ pars deorsum tendit, per partes ad dextram, iuxta ipsum renem ac lumbum, ad internam femoris partem, & descendit in pedem, & vocatur venæ cava. Altera verò sursum tendit per venas dextræ ac pulmonem. Finditur autem & in cor, & in brachium dextrum. Reliquum verò sursum fertur per clauiculam in dextram cervicis partem, ad ipsam cutem, ut conspicua fiat. Juxta aurem verò occultatur, atque hic finditur. Et crassissima quidem ac maxima & caussima ipsius pars, in cerebrum desinit: alia vero pars in aurem dextram, quæ sanè venula tenuis est: alia autem in oculum dextrum, alia in ipsum nasum. Atque sic quidem venæ ab hepate habent. Tendit autem & à liene venæ in sinistra sursum ac deorsum, velut ab hepate, verum tenuior & imbecillior. Caterum in has venas etiam spiritus copiam inducimur. Hæ enim corporis nostri respirationes sunt, ærem in seipsas trahentes, & in reliquum corpus ac venulas deriuantes, refrigerantque ac rursus dimittunt. Non enim possibile est spiritum stare, sed procedit sursum ac deorsum. Si enim alicubi consteterit ac interceptus fuerit impotens redditur illa pars ubi constiterit. Cuius rei signum hoc est: Quum enim desidenti aut decumbenti

venula compressa fuerint, ut spiritus à vena non discurrat, statim corpus occupat. Et de venis quidem reliquis sic habet. At vero morbus ipse fit in pituitosis, in biliosis vero non. Incipit autem fieri in fœtu adhuc in utero existente: Purgatur enim & florescit cerebrum, velut etiam alia partes prius quàm gignantur. In hac autem purgatione, si quidem probe ac moderate purgatum fuerit, & neque plus neque minus quàm oportet defluxerit, hic fœtus sanissimum caput habebit. Si autem amplius colliquatio à toto cerebro facta fuerit, morbosum caput augescens fœtus habebit, & sonitu plenum, & neque Solem, neque frigus tolerabit. Si vero ab una aliqua parte colliquatio contigerit, aut ab oculo, aut ab ore, aut vena aliqua simul gracilis facta fuerit, ille sic afficitur qualiter sanè colliquatio contigerit. Si vero purgatio non contingat, sed in cerebro spissetur ac cogatur, sic necesse est fœtus pituitosus esse. Et quibuscunque quidem pueris existentibus erumpunt ulcera in caput, & in aures, ac in reliquum corpus, & qui salinosi fiunt ac mucosif, hi ipsi progressu ætatis facillime degunt: hic enim abit ac purgatur pituita, quam in utero purgari oportebat, & qui sic purgati fuerint, comitiali sine sacro morbo ferè non apprehenduntur. Qui vero mundi sunt, & neque vlcus ullum, neque mucus, neque salua vlla prodit, neque in utero purgationem fecerunt, talibus periculum imminet, ut ab hoc morbo corripiantur. Si porro ad eam progressum fecerit defluxus, palpitatio apprehendit & anhelationes, & pettora corrumpuntur, aliqui vero etiam incensui fiunt. Quum enim descendit pituita frigida ad pulmonem aut ad cor, perfrigeratur sanguis. Vena autem vit-

lenter perfrigerata, ad pulmonem & cor affiliunt, & cor palpitat, ut pra hac necessitate anhelationes incendant, & spiratio cervice erecta. Non enim spiritum suscipere potest, donec id quod influxit, à sanguine fuerit superatum, & calefactum in venas fuerit diffusum. Deinde & palpitatio & anhelatio sedatur, sedatur autem prout copia eius fuerit. Si enim amplius influxerit, tardius: sin minus, citius. Et si quidem densiores ac crebriores fuerint defluxus, crebrius comitiali morbo corripitur, sin minus, rarius. Haec utraque perpetitur homo, si ad pulmonem ac cor fluxus processerit. Si vero in ventrem, profluvia alius apprehendunt. Si vero ab his viis exclusus fuerit, & in venas quas dixi defluxum fecerit, mutus fit & suffocatur, & spuma ex ore effluit, & dentes constringuntur, & manus convelluntur, & oculi distorquentur, & nihil sapiunt, aliquibus etiam stercus inferne secedit. Atque haec fiunt aliquando in sinistra, aliquando in dextra, aliquando utrinque. Quomodo vero singula haec perpetiatur, ego narrabo. Mutus quidem est, quum pituita derepente in venas delapsa, aerem excludit, & non admisit, neque in cerebrum, neque in venas canas, neque in ventriculos, sed occupatis respirationem. Quum enim accipit homo per os & nares spiritum, primum quidem ad cerebrum venit, deinde verò in ventriculum magna ex parte, pars etiam ad pulmonem, & pars ad venas. Ex his vero ad reliquas partes in venas dispergitur, & quantum quidem eius ad ventriculum venit, perfrigerat, & nihil aliud confert. Idem praestat & qui ad pulmonem venit. Qui vero ad venas pervenit aer, confert ad ventriculos ingressus & ad cerebrum.

Atque

Atque sic sapientiam & motum membris exhibet.
Quare ubi fueris exclusus à venis aer præ pituita,
tumque non susceperint, mutum ac desipientem ho-
minem reddunt. At vero manus impotentes fiunt ac
conuelluntur, sanguine quiescente, & dum non dis-
funditur velut solebat. Oculi quoque distorquentur
aere à venis excluso, & commouentur. Spuma vero
ex ore prodit ex pulmone. Quum enim spiritus non in-
grediatur in ipsum, spumescit & ebullit velut mo-
riens: Stercus vero subit, dum violenter suffocatur.
Suffocatur autem, hepate & ventre sursum ad se-
ptum transversum irruentibus, & stomacho ventris
concluso. Fruunt autem, quum tantum spiritus in
eis non ingreditur quantum solebat. Calcitrant autem
pedibus, quum aer in membris conclusus fuerit, &
foras penetrare non poterit præ pituita, verum exi-
liens per sanguinem sursum ac deorsum, convulsionem
ac dolorem inducit, & propterea sanè calcitrant. Por-
ro omnia hæc perpetitur, quum pituita frigida deflu-
erit in sanguinem calidum existentem. Perfrigerat
enim & sistit sanguinem. Et si quidem fluxus mul-
tus fuerit ac crassus, statim occidit: (Dominatur enim
sanguini per frigus, ipsumque congelat.) Si vero pau-
cior fuerit, in præsens quidem dominatur, obturans
respirationem: Deinde temporis progressu, quum dis-
persus fuerit per venas, & ammixtus sanguini, mul-
to existenti ac calido, si sic superatus fuerit, venæ ae-
rem suscipiunt, atque ita agri resipsiunt. ALEX.
ALEX. in Galeni sententiam descendendo, librum
hunc Hippocrati immerito adscribi, cum il-
lius ingenij acumen hic non elucescat. I. C.
Galenus tamen fatetur nonnisi à doctissimo




viro sententias illas esse dictatas. ALEX. Non dubito quin hæc à te subtiliori methodo explicentur. I. C. Epilepsia totius corporis distentio crebra est, seu conuulsio non perpetua, qua subito homo concidit, sensuum omnium, atque mentis functionibus interceptis, ut nec audiat, nec videat, nec expeditus præteritorum meminerit. concussione ex ore spumæ mouentur, & solutis musculis interdum vel vrina, vel stercus vel genitura præter voluntatem exit, & obscuravox eliditur. ALEX. Quænam est morbi huius causa? I. C. Humoris pituitosi, aut melancholici ingens copia, quæ repêtè cerebri vètriculos, meatusq; inficiens, efficit ut eger cohibito animali spiritu corruat. ALEX. Obturat ne penitus, & affatim spirituum ductus? I. C. Minimè, sed illius pituitosi humoris nonnihil etiam præterfluit, quo cerebrum concussione adnititur quicquid noxium est excutere. ALEX. credis ne solam noxiæ humoris copiam infligere epilepsiam? I. C. minimè: nam & in sopore eius copia inest, attamen citra conuulsionem: præterea cum subito desinit epilepsia, ei quemadmodum & apoplexiæ, excusso in nervos humore, necessariò succederet paralyfis: id verò nusquam observatum est. ALEX. Quænam igitur Apoplexiæ causa statuenda est? I. C. Duplex, prima est humoris viscosi redundantia, qua oppleto cerebro, oppressoque Diaphragmate, atque occlusis respirandi fistulis, æger obmutescit, nequit enim spiritus inoffensè commearé. Altera est venenata, & cerebri substantiæ

grauiter infensa qualitas, quæ quoties exagitur, ac in cerebrum prorepit, atque ea feriente, cerebro contrapugnante, quasi colluctatione quadam fit epilepsia. ALEX. Huius fomes ubi delitescit? I. C. Modo in cerebro, modo in ore ventriculi, nonnunquam & in alijs distantioribus sedibus, à quibus furtim per cæcos ductus in cerebrum serpit, & progreditur. ALEX. At cur horum symptomata efficiuntur sæuiora, cum vel Luna impleri, vel inchoari incipit? forsitan Lunæ dæmon Hasmoday hanc calamitatem clademque infert? I. C. humida corpora, ciboque & Cælo vtentes humido, huic malo sunt magis opportuni; hinc videmus impuberes & mulieres potissimum infestari, quos derelinquere solet circa annū quintum & vigesimum, quia tunc augescit calor natiuus, qui siccius temperamentum inducit: quare non mirum (ô Alexander) si horum symptomata grauius inualecant, ubi Luna impletur, vel inchoatur, tunc enim humores maximè redundare constat, quapropter Dei filius & Deus ipse, ne perfidi Hæbrei calumniari possent, Lazarum non verè mortuum fuisse, sed Herculeo morbo correptum, illum quatruiduanum in vitam postliminio reuocauit, siquidem expleto septuaginta horarum curriculo, humores fissi contingit, quòd Luna eo temporis spatio unum Zodiaci signū peregerit, cuius vi humo- rū decursus in corporibus perficitur. ALEX. Nihil doctius excipi potest. Sed queso nūc de Fascinationibus pertractemus. I. C. Libentissimè,

DIALOG. LIX.

De Fascinationibus.

ALEX.




 VID ad Theſſalas Magas oppu-
 gnandas noui adinuenies? certum
 eſt eas fascinasse complures, &
 Beneuentanas Lamias idem præ-
 stare quotidianis constat experi-
 mentis. I. C. Non inficior, vt tibi morem ge-
 ram. ALEX. Forsitan Magicis carminibus
 hæc efficiunt? IVI. CÆS. Minimè: iam tibi
 multoties dixi, verba non aliam habere virtu-
 tem quàm immutandi auditum. ALEX. Forsan
 Necromanticis characteribus. IVI. CÆS. Rifu
 ſane dignum & omnibus cachinnis. Sunt ca-
 racteres in prædicamento quantitatis, quare
 nequeunt ex ſeipſis aliquid operari. ALEX.
 Quid verba audiam? cum facta videam. I. C.
 Experimenta illa non nego ſed naturalibus
 cauſis adſcribenda duco. ALEX. Sed quæ nam
 ſunt cauſæ naturales? I. C. Audies. Arpiæ illæ
 peſſimum ſpirant anhelitum. ALEX. Vn-
 de id coniectas? I. C. Vetulæ vt plurimum
 ſunt, quarum odor grauiſ, & pauperculæ
 & crudis, iſque mendicatis, caſtaneis fa-
 bis ac lupinis ſtomachum placare coguntur,

ex ijs autem tetros effici spiritus materiæ qualitas præostendit. Præterea ex superstitione ieiunant, ieiunantium autem anhelitum ingratiſſimum eſſe & Philoſophus dixit, & vnusquisque quotidie in ſe experitur. Insuper ſtrigæ illæ peſſimæ inuiſunt cimiteria & funera, defunctorumque corpora pertractant, ex quibus cum exhauriant putridum odorem, non mirum ſi conſimilem ipſæ ſpirent. Ad hæc, inhabitant in vallibus limoſas caſulas, & ſub nucum arboribus noctu immorantur, illarum autem vmbra cum ſit turbulentiffima (vapores enim attrahi nequeunt à Sole ob frondes ſpiſſas, leis obſt, maxime in nocte ob circumſtantis æris frigiditatem, & cerebri etiam; euocati enim ſunt tunc temporis ab anima ſpiritus ad cibi concoctionem, à cœna enim illæ eo confugiunt, vt & plurimum currentes & quaſi Libero patri Orgia celebrarent, debacchantes, quæ de cauſa pori aperiuntur, in quibus facile poſtea, cum ad Nucum vmbraſ perueniunt, tetri illi vapores penetrant, & putredinem in eis congenerant, hinc crebris obnoxiæ iacent ægrotationibus. Ruſtici verò in peccati pœnam id accidere putant, & ſi adulteros & homicidas conſpiciant robuſtos, atque valentes. ALEX. Eſto. quid inde? I. C. Cum peſſimum ſpirent anhelitum, molliuſculos iuuenes tacite inſicient, quare in puerulos maxime ſuam poteſtatem exercent, non ex dæmonum mandato, nullam enim in peccati expertes, quales ſunt pueri, iuriſdictionem obtinet, ſed

quã in illorum tenerrimam, ob copiam humi-
di, carnes fœtidi anhelitus vapores nullo ne-
gocio sese introducunt, atque ita infantulos læ-
dunt: quemadmodum è contra bono anhe-
litu ægritudinem leuari sæpè numero accidit,
vt aliorum exemplo Galenus, suo Democritus
testatur. Hic enim panis recentis, & calidi, vel
(vt alij volunt) mellis odore per tres dies su-
peruixit. vt nihil dicam de Alexandri Macedo-
num Regis vestibus, quæ, vt Plutarc. in eius
vita refert, eo erant odore non quidem asciti-
tio aliquo externoque suffitu, sed genuino ac
naturalis caloris natiui effluuio perfusa, vt pro-
ximè astantes mirum in modum recrearentur:
Quare argumento ab oppositis desumpto,
quod & pestilentia experimentum compro-
bat, inferre licebit, nostra corpora tetris odo-
ribus conflictari, qui cum sint, vt probauimus,
in Lamijs, non mirum si infantum pulmones
vitient, ita vt sæpe ad extremam maciem deue-
niant. ALEX. At quomodo segetes etiam fasci-
nari poëtæ referunt? I. C. Illis quidem auden-
di quidlibet semper fuit data potestas. Sed fa-
bellam hanc possumus aliquo rationis fulci-
mento munire. Nux myristica siue musca-
ta, si à iuvene boni anhelitus gestetur, non
solum viuidum odorem suum conseruat, sed
etiam turgescit, magisque efficitur succulenta:
Cum enim inter has illa sit præstantior quæ
ponderosior est, succoque pingui madescit,
atq; vel compressu vel aciculæ punctura olea-
ginem refudat non sine eximiâ odoris suauita-
tis.

re, has illi dotes viri calor conseruat ac tuetur, & quod mirari subeat, illam magis speciosam facit aspectuque amabilem, ac succo oleoso magis turgidam, præsertim si iuuenilis adultæque ætatis homines circumferant: Tam suavis enim gratusque halitus emanat ex huiusmodi corporibus, effluxus, ac euaporatio, ob caloris natiui temperiem, tam mitis ac blanda, vt nux illam alliciat, eaque imbuta vegetior fiat atque odoratio: Alitur siquidem afficiturque aereo vapore, auraque tepenti ac subcalida, quam iuuenile corpus expirat, vt re maximè sibi familiari ac cognata. Si bono igitur iuuenis odore vegeti seruantur fructus, quid impedit quominus tetro aniculæ anhelitu, segetes aliquæ fascinari & corrumpi queant: atque hæ fascino corruptæ, contagiosa quadam communicatione sibi proximas deinde inficiant, vt patet in piris, pomis, cerasis putrefactis, quorum contactu confecti reliqui contabescunt: Quare in inualefcente putredine, mœstæ segetes fascinationem experiri se testantur. Sane mulier cum excrementis abundet, atque insuaues tristesque halitus ob menstrui profluij decursum diffundat, omnia deteriora efficit, natuasque vires, atque insitas myristicæ nuci, quam gestat, facultates depopulatur; Quo fit vt eadem nux exsucca illius contactu efficiatur, leuis, cariota, coloreque squallido ac nigricante: qua vi etiam herbis pernitiem talem adfert, fata strangulat, & speculi nitorem obfuscat. ALEX. Scitissimè quidem. At Magis-

saluum blasphemant
 periuntur iuuenes, nullis obnoxij languoribus,
 qui alios fascinare creduntur. I. C. Il credere
testis. vi dæmonum id effici nunquam dixe-
 rim, cum sola Religione mihi persuasum sit
 adesse dæmones: sed naturali potius facultati
 id ascribam. ALEX. Nunquam, vt arbitror, istud
 probare poteris. I. C. Tumesce iudex esto.
 Imaginativæ facultati omnes inferiores no-
 stras potentias ancillari, luculenta oratione
 supra probauimus. ALEX. Memini id quidem,
 nam multa exempla attulisti, vix edulium, aie-
 bas, vehementer percipimus, & statim spiritus
 ad obediendum sese accingunt, quare saliuam
 reddunt exoptati esculenti saporem redolen-
 tem. Vix rei veneræ cogitatio nobis occurrit,
 & illico spiritus adstant omnes ad cogitatio-
 nis manda exequenda: hinc genitales surri-
 gunt partes, atque titillant: cum verò rei ama-
 tæ complexum & vnionem cum ea vehemen-
 ter appetimus, iidem ministri spiritus accur-
 runt, quare & languescimus; si timor nos oc-
 cupat, subito ab imaginatione euocantur spi-
 ritus, atque partibus neglectis externis, ad cor-
 dis arcem tuendam collocantur, quapropter
 ob sanguinis absentiam, cutis impallescit. Cum
 irascimur, & vlcisci desideramus, præsto sunt
 omnes spiritus ad ferendas suppetias, vtque
 celerius inseruiant, in tres diuiduntur ordines,
 ad manus aliqui, quare ob illorum cum san-
 guine aduentum venæ tunc intumescunt: ad
 linguam alij, quare blasphemant irati, eorum-
 que saliuæ pestilens est: alij ad oculos tanquam

sagittæ in arcu sese constituunt, quare rubent in ira oculi. I. C. Gaudeo profecto, mi Alexander, mea hæc effata memoriæ re demandasse, nec oblitus es (vt credo) imaginationem idem efficere, etiam in alieno subiecto, vbi est bene dispositum, vt in muliere prægnante apparet, hæc enim fortum inficit exoptatæ rei notis. A. L. Memini quidem, sed quid inde inferis? I. C. Lamia cum in aliquem ira, odio, vel inuidia accenditur, tristi illa nocendi specie quæ in illius imaginatiuâ residet, commouentur spiritus, imo & mæstum induunt colorem, nam sanguis fit liuidus. Cum igitur imaginatiua spiritibus imperat noxam alicui inferendam, confestim inquirunt, quicquid noxiæ materiæ in corpore est, eaque se tanquam insigni lorica ad bellandum teguntur, cuius rei signum est quod dum irascimur, saliuam amaram in ore præsentimus: mox armati spiritus ab imaginatiua euocantur, & ad linguam: quare ob spirituum copiam aliquando in ira balbutimus, & ad oculos, qui eandem ob causam rubent: ab oculis deinde tanquam sagittæ ab arcu, ab imaginatiuæ facultatis manu iaculantur, & veluti basiliscus veneno repletus, quotiescunque illud per aërem transmittit, hominem interimit, & qui peste laborat, pestem etiâ per transpirationem ad alios vibrat: Ita larvæ tetros spiritus sic ab imaginatione affectos eiāculantur, per oculos efficacius, tum quia phantasæ, quæ spiritibus indidit nocendi species, sunt propinquiores, tum quia vim igneam quandam dif-

fundunt , vt in venustæ Amaliæ meæ oculis experiebar , nam amoris in me igniculos succendebat ; Tum etiam quia nostro corpori dati cum sint à natura custodes , & ad illius tutelam fortiores esse debebant. mēstruatæ mulieris oculi in speculum intuentes, illud squalore obnubilant, & conspurcant : tam perniciosam vim possidet oculus, vt vitij rudimentum in alterum vibret, sicut apparet in lippis ac rubentibus oculis , cum illorum radius vsque ad obuios spectantis oculos emissus, vaporem vnà secum corrupti sanguinis trahit, cuius contagione cogit intuentis oculos morbo simili laborare. Per oculos igitur tristes, noxiosque spiritus lamia eiaculans, ferit quem cupit, atque ita fascinat, puerulos maximè : Tum quia illorum caro tenellà cum sit, fortioribus strigæ spiritibus resistere nequit, quare poëta cecinit,

Nescio quis Teneros oculus mihi fascinat agnos:

Tum quia à valida mente infantuli spiritus non reguntur aduersus fascinationem, Quam pertinentibus suasi aliquando , vt tunc, si faciem auertere verecūdentur, spiritus euocent ad oculos, & ad strigam dirigant. Sic enim lamiæ spiritus ab alterius spiritibus reiecti, in aëre conflabuntur, & debiliores euadent, atque ad nocendum minus accommodati. Hinc bono omnium saltem plurimorum lucro, quorūdam circulatorum qui Necromantistæ appellantur, fraudes detegam. hoc illi tanquam maximum arcanum quibusdam incautis iuuenibus magno pretio vendunt, vt quibusdam verbis reci-

tatis, illico mulierē ad amorem, quin etiam ad
feminis effusionem inducāt, dūmodo proferant
versiculū, cum utriusque amātium oculi mutuo
se se respiciunt: non quod vlla sit in illis barbaris
vocibus virtus, sed si quid sit, ideo accidit, quia
iuuenis cupidineis spiritibus repletus, ad oculo-
los, qui sunt in amore duces, pertrahit, & ad ama-
tiam transmittit, cuius animi organa alterare, &
ad amādum disponere potest, quemadmodū &
suauissimi ferculi odores ad esum nos inuitant.
si Perdices (vt refert Plinius) superuolantium
afflatu concipiunt, quanto magis amans lætos
iuuenculæ afflabit amores? **ALEX.** Mira audio,
sed dic sodes, quo modo Thessalicæ, ac Creten-
ses familiæ complures Laudando, fascinum in-
ferebant. **I.C.** An horum hominum spiritus &
humores adeo ab aliorum natura remoti erant,
vt ipso penē veneno fuerint perniciosiores: Illi
igitur concepto in aliquem odio, intentissimē
intuentes, spiritus quosdam ex oculis totaque ē
facie vibrabant, qui ad alios delati tanquam ve-
nerena sensim eos absumebant; Laudando autem
maximē fascinabant, quia propria laus parit læ-
titiā, quæ vt bonum illud omnibus corporis
partibus communicetur, & cordis & spiritū
& totius faciei, oculorum præcipue dilationem
operatur, vnde veneno, quod à fascinante iacu-
latur, aditus aperitur: hinc illud fortasse habet
exordiū, vt cum aliquem laudare cupimus, bo-
na prius omnia illi à Deo deprecemur, & qui
laudantur faciem auertunt, non modo vt lauda-
tionem sibi molestam esse indicent, sed vt à fas-

cino caueant. ALEX. At cur in Apulia corallo
 puerulis apponunt, ne à Lamijis fascinentur?
 I. C. An remedium non est corallo aduersus
 fascinationem insitum, sed est fascinati pueri si-
 gnum: Siquidem fascinatio infertur ex tetrīs fu-
 liginosisque vaporibus, aut spiritibus à vetula ad
 puerū eiāculatis, iisdē igitur coralliū, quē gestat
 puerulus, affici verisimile duxerim: Est enim
 frigida humentisque naturæ, quare à fuliginō-
 sis, densisque spiritibus elanguescit, & natiuo co-
 re destituitur: eandem ob causam si febricitanti-
 bus alligatur corallius, impallescit: Cum igitur
 ad corallum tanquam ad Lydium lapidem fas-
 cinatio probeatur, lamia cauet à fascinando pue-
 ro corallum gestante, statim enim ex eius liuore
 fascinatio deprehenditur, & per consequens fas-
 cinans: possunt namque domestici aduerrere
 quisnam ibi presens adfuerit, cum tam subita in
 tam breui temporis intercapedine facta sit im-
 mutatio. ALEX. At quo modo Entelidas in am-
 bitioso flumine se conspiciens, seipsum fascina-
 uit? I. C. An quia suæ formæ amore captus, cum
 voti compotem fieri se desperaret, in ægritudi-
 nem lapsus est, atq; ita egri facti sunt spiritus, hi
 autem vibrati in imaginem quæ in aqua erat ad
 auctorem vitæ reuertebantur. An quia, vt
 inquit Hippocrates, corpora ad summum vi-
 gorem progressa, non persistunt, sed velut aquā
 lance librata, in contrarium ruunt. Cum igitur
 corpus suum ad summum pulchritudinis apicē
 iam ascendisse miser ille conspexerit, mutationi
 locum dedit, & in deteriorem noxam grassante

habitu, seipsum fascinauit. Id quod fieri facillime potuit in flumine, in quo sui ipsius faciem videns, respirabat, nam reciproco eiaculatu noxij spiritus in authorem retorquebantur. An dicemus, omnes animi affectiones, si permanentes diutius hæserint, improbos habitus concreare, qui vbi nature robur asciuerint, quauis occasione conciti, etiam in peculiare & assuetas affectiones, etiam inuitos pertrahunt: sic timidi, quæ sunt sibi salutaria reformidant: Iracundi etiam amicissimis sunt molesti, & sibi metipsis. Quare Eutelidas fortasse, pertinacem inuidentiæ notam, aut fascinatorium in se creauerat habitum: quare propria sibi obiecta specie, inuidia sane & fascinatione dignissima, à consueta affectione coactus est in pulcherrimam illam speciem truces figere oculos, & iacula inuidiæ ac fascinationis veneno delibuta vibrare, quæ ab aqua percussa suum lædebant authorem. An & fortasse rectius asseremus, inuitabilem noxam puerum illum contraxisse, quia pulchram speciem in aqua conspiciens, in eam, ut amantium mos est, iaculabatur spiritus, qui in amore feruntur extra, ut alibi diximus, quare & conflagrere cœpit, & demum interire coactus est, ob spiritus vibrando deperditos, nec enim retorqueri integri poterant: aliqui namque in illa mora ab aëre ambiente dispergebantur. Al. At quomodo Necromantistæ fascinare seu ligare solent aliquem, ne cum vxore vel alia fœmina coeat, an Dæmonum opera? I. C. Minime, cum nullus ex eis sit qui credat esse Dæmones, ut a grippo.

Magorum Princeps in lib. de Vanitate scientiarum ingenuè fateri non erubescit. Multi (inquit Pomponatius) *habiti sunt magi, & Necromantici ut Petrus Aponensis, Ciclus Esculanus qui tamen nullum commercium habuerunt cum spiritibus immundis, imò fortassis cum Aristotele crediderunt non esse demones.* Ego quidem complures allocutus sum in inferiori Germania vulgari cognomento Necromantistas, qui ingenuè confessi sunt, se firme satis credere, meras fabulas esse opiones quæ de demonibus vulgo circumferuntur, aliquid tamen ipsos operari, vel vi herbarum commouendo phantasiam, vel vi imaginationis & fidei vehementissimæ, quam ipsorum nugacissimis confictis excantationibus adhibent ignaræ Mulieres, quibus persuadent, recitatis magna cum deuotione aliquibus preculis, statim effici fascinum, quare credulæ ex intimo cordis effundunt excantationes, atque ita non vi verborum, neque caracterum, ut ipsæ existimant, sed spiritibus fascini inferendi percupidis exufflatis proximos effascinant. Hinc fit ut ipsi Necromantici in causa propria, vel aliena si soli sint operarii, nihil vnquã mirabile præstiterint, carent enim fide, quæ cuncta operatur. Quis ignorat Medeam & Circen Strigarum Principes nunquam suis magicis incantationibus potuisse apud se nec Iasonem nec Vlissen retinere? quare sic eam illudit Ouidius Magister amorum.

*Quid tibi profuerint, Circe, Perseides herba
Cum tibi Neritias abstulit auræ rates.
Omnia fecisti, ne Callidus hospes abires.*

*Ille dedit certa Lintea plena fuga.
Omnia fecisti, ne te serui videret ignis.*

*Longus in inuito pectore sedis Amor.
Versere quæ poterat homines in mille figuras,
Non poterat animi vertere iura tui.*

Deinde concludit.

*Ardes & assuetas Circe decurrit ad artes,
Nec tamen est illis attenuatus amor.*

*Ergo quisquis opem nostra tibi poscis ab arte,
Deme veneficijs carminibusque fidem.*

Occalluerunt tamen hæ opiniones de ligandis
atque soluendis amantibus, in hominum ani-
mis adeo tenaciter, vt etiam electi ad sapien-
tiam spiritus in errorem, si fieri posset, collabi
videantur. Nam & Diuus Aristoteles videtur Ar. l. 2. de
nat. anim.
his fabulis quodammodo adstipulari. in lib. 6. 14.
de Natura animalium sic scribit, *Remoram erro-*

*re nonnulli pedes habere prodiderunt, expes enim opo-
nino est, sed quoniam habet pinna pedibus similes-
hinc fit, vt pedibus instare videatur. Pisciculus qui-
dem his est saxi assuetus, nomen à remorandis naui-
bus adeptus, utilis ad iudiciorum causas & amato-
ria veneficia; vindicat tamen opinionem suam
ab huiusmodi ineptijs, hac clausulâ, vt aliqui
volunt: ex vulgi etiam sententiâ loquitur in
sexto libro, cum Hippomenem à veneficis peti
docet, nam in octauo libro cap. 24. videtur in-
nuere huiusmodi excantationes esse muliercu-
larum deliria atque figmenta. Albertus ma-
gnus huiusmodi insomnijs subscribere non est
verecundatus. Si virga, inquit, Lupi in aliquis
viri vel mulieris nomine ligetur, non poterit coire do-*

*Ar. l. de nat.
anim. c. 28.*

*Albert. mag.
l. 22. de anim.
de lupo.*

nec nodus ille solutus fuerit, ô absurdum absurdissimorum, Turcica sanè dementia dignissimum. quemadmodum & illud de candeia funebri, quòd à Cardano iactatur. ALEX. Vnum est quod obijciam, si dæmones nulli sunt, quomodo Magi Pharaonis tot admirabilia perfecerunt? I. C. Philosophi quì negant dæmones, sacras Hebræorum historias contemunt. Cardanus dixit verisimile esse, vt illi impostores vehementissimè ranas appetentes consimilem saporem in saliuā reddiderint, quæ in terra proiecta produxerit ranunculas. Si enim aquæ guttam æstiuāli tempore ranam gignere videmus, cur non & saliuā ab animæ potentijs adiuta? Sed mittamus hæc, & imponatur quæso disputationi finis, nam & oculos meos præ somno caligare conspicias. ALEX. Non dimittam te, nisi prius de insomniis aliquid tuo dignum ingenio adducas.

DIALOGVS LX.

De Insomniis.

IVI. CÆS.

D somnum me lassitudo inuitat.
ALEX. Forsitan incænatus vis ire cubitum? I. C. Ita cuperem. ALEX.
At dormire nequibis. I. C. Nego. sanè cerebrum longa exercitatione impotens, & incontinens sui factum est, quare

quare eo primo agendi instrumento sopito, & sensus etiam, qui tanquam satellites eius affectionibus accumbunt, consopiri necesse est, imò nec sensuum vires durare & sufficere operi possent, ideo vacationem ab opere feriarum vice expetunt: sensuum autem officinis defessis, necessario somnus obrepit. Sed quæ nam te mouet ratio, vt contrarium affirmes? ALEX. Quia vbi cibi nulli assumuntur, caput non occupatur exalatione, ab hac autem fit somnus. I.C. Quid si ioci ergo id negarem? multa exhalatio in ceruo, hic tamen parum obdormit. ALEX. Forsitan ob cerebri siccitatem. I.C. Siccissimum felibus cerebrum, inquit Scaliger, ijs diutius, aut frequentius pauca sopiuntur animalia. Quid siccius, inquit idem, lacertis, & serpentibus? ijs tamen vix satis sunt quaterni menses ad somnum. ALEX. An ceruus parçè somno vtitur præ meatuum angustia quæ multos vapores iursum rapi prohibet. I.C. At vnde conicis meatuum oblessa itinera & angustis effecta incommodiora? sanè si angusti ei essent meatus, careret cornibus, hæc enim à vaporibus fiunt. ALEX. A te igitur sic edoctus dicam, ceruum non multum somni capere, quia vaporum nubes in cerebro non residet, sed vltior sit ad exeundum, vnde cornua conformentur, ita erit eius cerebrum quasi portorium quoddam, quò delatæ merces, per id aliò transferantur, non tanquam apotheca in qua reponi debeant. I.C. Acutè profecto, sed quid inde deducis? ALEX. Multa tibi insomniorum

occurfacula erunt: mihi vero apud nobilissimum, & ingeniosissimum iuuenem Ludovicum Brulardum opiparè cœnaturo, nulla prorsus: oppleto namque vaporibus cerebro spiritus conquiescunt. I. C. Quiescere vnam spiritus pernego. Non vitales profecto, saltem dum viuimus: non animales, nam vnde somnia? non naturales, quippe tunc nihilo secius alimur. Quis ignorat in somno sanguinem gigni, & transmutari, ideoque vrsi, glires per somnum maxime pinguescunt, qui apparatus, ac perfectiones absque motu fieri nequeunt: non quiescunt igitur dormientis spiritus, sed ad concoctionis ministerium intus euocatur ab anima: quâ de causâ & caput tunc inclinatur, & palpebræ occluduntur, non enim ibi adsunt spiritus, qui labētia onera excipiant. Quare nulla cœnato homini sient insomnia, maxime in initio: ut subtriceam, crassos & densos vapores ad caput tunc ascendere, qui ob sui crassitiem nec rerum simulacra menti obijcere, nec ibi residentia excitare valent. ALEX. At illa rerum simulacra vbi residere existimas? I. C. In sensu dixere aliqui: quod mihi non placet, ea namque aliquando somniamus, quæ nec audita nobis, nec visa sunt vnquam. In spiritibus dixit Galenus. Inscitissimè tamen, qui enim fieri posset, ut qui noui quotidie spiritus in nobis generantur, & intereunt, visas à longo tempore rerum imagines in somno representent? At representantur, non igitur in spiritibus rerum simulachra immerantur. A rig

stoteles censuit illas rerum Ideas in anima conseruari. *AL.* Si hoc verum esset, nulla nobis obliuio accideret, anima namque formarum conseruatricem, nulli est corruptioni obnoxia, læsa tamen posteriore cerebri parte, multarum rerum obliuiscimur. *I. C.* Respondebit tibi Aristoteles, corporeis instrumentis egere animam ad suas operationes exercendas. Læso igitur organo nequit formas representare, hinc obliuio aduenit. *AL. EX.* At cur sæpenu-mero obliuiscimur, nulla prius in cerebro læsione recepta, nec reminiscimur nisi postquam posteriorem cerebri partem scalpserimus? *I. C.* Aliis fortasse functionibus demandati sunt ab anima spiritus, illa tamen commotione excitantur, & quasi tuba cientur ad imagines representandas, in quarum permagno numero, aliqua similis occurrit, qua duce ad quæsitæ rei memoriam peruenimus: hinc etiam fit, vt celeri nimis spirituum motu, rei imago pertranseat, cum iam illam apprehendisse putabamus, quare frontem tunc manu constrinamus, vt prætereuntem ideam quasi detineamus. *AL.* Oblita igitur quomodo in memoriam reuocantur? *I. C.* Quando spiritus coram anima, in qua concepta elucescit imago, sistit, eamque ad imaginationem defert, idcirco ob spirituum multitudinem & celeritatem sæpe numero reminiscimur simul & obliuiscimur, quapropter in scholis receptum est, eos qui citò addiscunt, celeriter obliuisci, id quod pueris ob caloris & spirituum copiam accidit: Senes

vero obliuiosi sunt propter frigiditatem, quæ motus tarditatem spiritibus ingerit. quare tutius fortassis dixerim, animam esse formam suscipientem infinitas propemodum rerum ideas quæ ad actum non reducuntur nisi cum lux illius refulserit in spiritibus, qui celeres mihi cum sint; ad reminiscendum satis idoneos inuenio: tardiusculi Tarsio sunt, ideò ei est natura memoria tardior. TARS. Quia promissis aliquando stare recuso, obliuiolum me dicis. ALEX. Perdoctè, sed vnde tot variæ rerum formæ nobis dormientibus obuiæ fiunt? I. C. E ciborum varietate. ALEX. Quid ais? I. C. Audi. in anima seruantur rerum species: has leui motu comprehensas, ad imaginationem spiritus deferunt, vel ibi existentes excitant, atque obvoluunt. Varia igitur & imperfecta simulacra in somnis conspiciamus; ob spirituum varietatem, atque celeritatem, at spiritus è cibus generantur, ergo è ciborū varietate in somniorū varietas accidit: quapropter fabas, phaseolos, lētes, pisas, ciceres, cepullas, allia comedenti complurimæ, ipsæque turbulentæ species apparent: Turbulentæ quidem, nam ista ciborum genera propter siccitatem atram bilem cōgenerant, ideò bustorum formidamina, sepulchrorum terriculamenta, dæmonū spectra in somnis occurrant: plurimæ vero, quia atra bilis flatus ciet, vt inquit Philosophus. Legumina flatu tument, & turgescunt: flatus autem cum animatur, in vitalem spiritum transformatur; hinc illa explodenda fabella est, quæ de

Beneuentanis Strigis Neapoli circumfertur, asportari videlicet eas à Dæmonibus sub celeberrimam Nucem arborem, vbi subito horrifico lapsu de montibus flammigeros dæmones horrifero stridore vociferantes adesse testantur: at in somnijs, & non aliter proculdubio hæc phantasmata conspiciunt. ALEX. Vnde id conijcis? IUL. Cæs. Sunt à naturâ melancholicæ, earumque Melancholiam fouet, & auget sordidissimi humoris cibus, quem è nucibus, & casteneis indies capiunt: confert etiam ad huiusmodi Laruarû insomnia, vehementissima illarum imaginatio in quâ huiusmodi tetrasimulacra firmiter impressa sunt & in nocte, à tetris vaporibus non solum ciborû sed & ignis excitantur. ALEX. Quomodo ignis? I. C. In prima noctis vigila prope luculentum caminum nescio quo vngvine lemures illæ se illinunt, hinc niger vapor ab igne exhalans, illorum capita ferit, & species obtrubat, igneque representat spectacula & nuceas domus, nuceis enim lignis focum alunt. ALEX. At aliæ Lemures testantur Theatra, viridaria, formososque iuuenes intueri. I. C. Prouenit ex vnguento quo se prius totas oblinunt, *Constat enim vnguentum illud* (inquit Cardanus) *ex puerorû pingue line è sepulchris eruta, succis apij, aconiti penthaphili, filiginis, & vnguento quod populeon vocant, &c.* Receptum est autem apud naturæ consultos, apij succum imbibitum, & vnguentum populeon arterijs pedum, manuumque appositum, virides ac lætas

idæas obdormientibus exhibere. Validissime autem id illis laruis contingere potest, nam propè focum se inungunt, quare membra incalescunt & calore aperiantur, hinc vnguinis vires ad intimos recessus penetrant, atque ita magis afficiunt spiritus, qui sic affecti, cōsimiles in somnis efficiunt imagines, vel iam ab Empusarum imaginatione peractas excitabunt. A. L. At referunt etiam illæ fatuæ dæmonum pedissequæ, ibi se cōspicere pulchros iuvenes, ijsq; suauissimis amplexibus perfrui. I. C. Non minor: omnibus sanè per totum orbem diffusis mulieribus, ijsdemque honestissimis sæpenumero hoc offertur insomniū. Quod cum mihi honestissima Galla matrona inficiaretur, ægrā esse ipsam, quæ huiusmodi non pateretur insomnia, Aristotelis & Hyppocratis testimonio comprobavi. ALEX. Esto, nam & ægrotans ego nocturna venere in somnis eludor: At referūt opiparā cœnā à Dæmonibus excipi. I. C. Et hoc etiam insomnium est, quod illis pauperculis ieiunis euenire non mirabitur Hipp. qui sic scripsit, *si quis per somnum edere aut bibere consuetos cibos, ac potus videatur, inopiam alimenti significat, & animæ tristitiam.* ALEX. At quamobrem somniamus nos aliquando à Dæmone opprimi? I. C. An quia per somnum obstructis illis neruis, qui ad pectus eleuandum veniunt, & prohibitā illius dilatatione, memoria subit eorum quæ illud dilatari impediunt, inter quæ occurrit pondus aliquod nos opprimens: hoc autem quum vti ignotum nobis offertur, con-

Hipp. l. de in
somm. l. 8i

remiscimus, atque ita terrificam Ideam rememoramus: at quia in somno ea primo nobis occurrunt, quæ ingēti mole constant, ideo veteres ab Ephialte infestari somniabāt, quo nomine dictus est quidam ex Neptuni filius, qui quum singulis mensibus nouē digitos excresceret, in tantam altitudinem euasisse fertur, ut statura sua fretus, Superis bellū inferret: Nunc verò ubi in somnis veluti ingēti pondere nobis superincumbente præmi videmur, Dæmonem, quem excelssima gigantea statura in templis depingunt, in memoriam redigimus. & somnos timor abruptit. AL. At cur nobis somniantibus ab incubante mole premi, vox intercipitur? forsitan à muto dæmonio infestamur? I. C. Causa est crassior pituita aut melancholia non in cerebro, sed circum præcordia inhærescens, qua per crapulam, & cruditatem turgescente, diaphragma pulmonesque premuntur, crasso autem vapore illinc in fauces, & cerebrum expirato, vox supprimitur. ALEX. Mira tibi narrabo, nudiustertius coniugem meam prope me obdormientem magno in somnijs labore affici aduertere mihi libuit, lapidis beneficio, quæ more nostro lepidissimo accensa erat. Cumque hoc viderem attonitus, venerandum Iesus nomen alta voce inuocaui, & illa expergiscitur, asseruitque se ab incubo Spiritu tunc fuisse oppressam, qui audito Iesu nomine ilico aufugit. I. C. Non miror, nam in nomine Iesu omne genu flectitur etiam inferorum, sed nullum Ecclesiæ Romanæ decretum

verat hoc asserere, si diabolum vel quancumque aliam vocem edidisses, illam labore exempta fuisset. Eius cordi & cerebro fulginosi, denique spiritus incumbabant, quare & in prima noctis Vigilia id proculdubio accidisse suspicor. ALEX. Ita est, sed perge. I. C. Ea de causa non vi nominis (& si illud omnia possit cum vult) sed vocis strepitu ad se restituta est, discussis fumis à verberato per vocem aere, quare in aliud latus statim decubuit? ALEX. Ita fecit. Sed an ipsemet Dæmon tibi hoc retulit? I. C. Si pro dæmone sapientem (hoc enim dæmonis vox significat) intelligis, non inficior. Hippocrates enim sapientum dux me docuit, huiusmodi morbo corripi eos, qui assiduè ventriculi cruditate laborant, quique frequentius in dorsum, ac supini decumbunt, proprii namque corporis ingruente mole, eam percipiunt angustiam, ut suppressa voce suspiria gemitusque edant, cum autem aliquis eis in aurem alta voce proclamiat, in latus se deuoluunt, illasque striges ac lemures quibus se opprimi imaginantur, excutiant. ALEX. Sed cur in somnis tor chimerica, & falsa rerum simulachra nobis occurrunt? I. C. Sic respondet Hippocrates. Opinor autem inter omnia quæ in corpore sunt, nihil magis ad prudentiam conferre quam sanguinem. Hic ergo cum in constanti habitu persistit, consistit & prudentia, sanguine vero permutato concidit simul & prudentia, quod autem hæc ita se habeant, multa sunt testimonia, ac primum quidem, qui omnibus animantibus communis est hæc confirmat somnus, quum enim corpus inuaserit somnus, sanguis frigeat, à natura nā-

que somnus vim habet frigefaciendi, in frigidato autem sanguine, languidiores fiunt eius meatus, id quod hinc palam fit, quod corpora aggravata reclinantur (omnia enim gravia naturâ ad fundum deferuntur) & oculi ardent, & prudentia permutatur, opinionēsque peregrina mentem occupant, & exercent quæ sanè insomnia appellantur. AL. Divinissimè. I. C. Esto. nam & nobilissimo Domino meo Nicolao Brulardo opinio hæc arridet. Ego vero prudentiam in sanguine non constituerem cū sanguineos homines nullos viderim sapientes, nec somno frigefieri sanguinem dicerem, generatio autem & transmutatio à calore fit apud philosophum, nec somno vis data est à natura frigefaciendi omnia, sed externa tantum, interna vero calefacit, spiritus namque intus ab anima congregati sunt, nec ardere oculos dicere audeo, aqueum enim ipsorum subiectum est. Imò in somno oculorum palpebræ inclinantur, atque impallescent, ob spiritum qui eas sustinent & colorât, absentiam. At ego sic dicerem. variarum & à veritate alienarum rerum ideæ in somnis nobis offeruntur, nam quæ simulacrorum vestigia per vigiliis sensibus opere vario detentis, & mente vivis cogitationibus obruta, supprimuntur, in somno, quo tempore sensus functionum suarum vacationem habent, à vaporibus commoventur, & circumaduolant modo tardiusculè, modo celerrimè pro exhalationis crassitie, vel tenuitate, & impossibilia in somno fingimus, nam sensuum officinis defessis, & cerebrum primum sentiendi instrumentum

ex lassitudine confopitur, ideo nequit imagines illas ad rectam rationis, veritatisque normam dirigere. ALEX. At cur aliqui in somnis futuros euentus prævident, egomet aliquando vidi certè: certè inquam. I.C. Auerroes censuit effici hæc insomnia ab intelligentiis. ALEX. Auerrois sententia mihi non arridet, nulla namque ratione mihi persuadetur adesse intelligentias. Præterea negat Auer. intelligentias singularia intelligere, non igitur singulares euentus in somnis nobis ostendent quos ipsæmet ignorant. Insuper, nostra causa intelligentia id faceret, vt providere futura possemus, quotus igitur est quisque qui somnis pareat? qui intelligat? qui meminerit? quàm multi verò qui contemnant, eamque superstitionem imbecillis animi, atque anilis putent? quid est igitur, cur his hominibus consulens intelligentia, somnis moneat eos, qui illa non modo cura, sed ne memoria quidem digna ducant? si hoc ignorat intelligentia, ignorabit etiam futuros euentus, nulla igitur visa somniorum ab illa proficiscuntur. si non ignorat, qua mente quisq; sit, nec frustra aliquid intelligentia agit, quomodo immittit somnia nobis, quos prævidet nulla insomnijs fidem adhibitoros: si intelligentia insomnia nobis providendi causa dat, cur non vigilantibus potius, quàm dormientibus? certiora dicimus quæ vigilantes videmus quàm quæ somniantes. Addam. intelligentia clarè, & directo nobis consuleret. hoc facito, hoc nefeceris; at insomnia obscurissimis circuituionibus, & ambagibus futura pro-

nuntiant, ut sit utrumque interpretibus somniorum, qui soluta mercede nobis dicant, visam montis imaginem significare difficultates, & obices: flumen ostendere iudicium, boues, &c. Rectius fortasse ego dicerem: quemadmodum mens nostra in vigilia ex coniecturis futura prænuntiat, ita & in somnis, & longe facilius, nam ex Aristotele anima quiescendo fit prudens, soluta illa quidem non à corpore, sed à corporis penso, promouet se ad effigiem finis sui, qui cognitio rerum est. I V L. CÆ S. Animam quiescere nunquam ab operatione, iam supra probauimus: imo & in somnis maxime corpus enutrit atque reficit, profecto si diuina mens nostra est, & in nocte sui
domina, diuina semper, vel humana saltem *in morte*
vera cogitaret, cum tamen non nisi foedissimos *cupina d*
plexus, mendacia, deliria, nugas, *negar, C*
impossibiles denique Chimericas fabellas in somnis *tempore*
confingat & contempletur. A L E X. Negare non potes, veram aliquando de futuris euentibus ratiocinationem in somnis à nobis institui. I. C. Quid inter mendaciorum centies centena millia vnica perpusilla veritatis imago, compluribus adhuc falsitatis nebulis obumbrata. Ego, cui somnia ex Astronomorum regulis veriora accidere deberent, Luna enim, quæ nocti præest, diuinationisque parens credita est à Ptolemæo, mei ortus propheta est, vix quinquies tamen futurum euentum in somnis præuidisse memini, qui deinde vix è semisse verus contigit; insomnium quoque præcesserant nonnullæ diurnæ cogitationes

fere confimiles. idcirco ex præcognitione saltem imperfecta ac trāspōitione & visarum rerum intermissione tanquam è materiali causa, & ex vario, pro ciborum & affectuum ratione, spirituum motu, tanquam ab efficiēti, constare omnia insomnia arbitror. Quapropter si infantes primis ab ortu diebus somniare Cardano probasset aliquis, animæ nostræ è beatis sedibus descensum se non negaturum pollicetur; *Est enim (inquit ille) omne insomnium recordatio, infantulis autem recens natis nulla rerum potest esse memoria, hæc enim cognitionem supponit, quā cum illi careant, vel nulla habebunt insomnia; vel si habere quis asserat, quod vix tamen probabit, cœlitus ei advenire cognitionem fatebimur.* Non hæc assero, vt animi nostri interitum comprobem; sed vt patefaciam ab eo vindicari non posse ob rationem ab insomnijs deductam. Nec mihi refragaturos puto nostrates Theologos, qui sacrosancta insomnia, quæ sanctissimis hebræorum vatibus accidisse sacra pagina commemorat, altioribus cœlestibusque principiis adscribentes, nobis interdiciunt, ne fidem præstemus in somnijs, nequaquam hoc facturi, si ex insomnijs petito argumento animæ immortalitatem comprobare posse confiderent. ALEX. Quæso, mi Iulij, tuam mihi de Animæ immortalitate sententiam explices. IUL. Cæs. Excusatum me habeas rogo. ALEX. Cur ita? I. C. Voui Deo meo questionem hanc me non pertractaturum, antequam senex, diues, & Germanus euasero? AL. Dicit tibi Næstoreos pro literariæ Reipu-

blicæ emolumento dies impertiant: Vix trigesimum nunc attigis annum, & tot præclara eruditionis monumenta admirabili cum laude edidisti. I. C. Quid hæc mihi profunt? A. L. Celebrem tibi famam compararunt. I. C. Omnes famæ rumusculos cum uno Amasiæ basiolo cōmutandos plerique Philosophi suadent. A. L. At alter ea perfrui potest. I. C. Quid inde admittit? A. L. E. Sapientum iudicia de tua eruditione tuas duntaxat titillant aures. I. C. Imò & Romæ adest Theologus, cui meum est nomē, prænomen, & cognomen, itaque laus non magis ad me tot studiorum laboribus defessum, quàm ad illum otiosum pertinet. A. L. Illustrissimam matris tuæ familiam *Lopez de Noguer* tuorum librorum inscriptioni iuxta hispanicū ritū addere debueras. I. C. Quid nomina curo A. L. *Melius est bonum nomen, quàm diuitie multe.* I. C. Quomodo id sit intelligendum, mercatores interroga. interim, quæ Torquatus Tassus sui seculi Phœnix cecinit, reminiscere. A. L. Sic ille.

Nome, es en l'asgetto l'Idoli sono

Cio che preggio, eualore il mondo appella,

La fama, ch' inuaghisce à vn duolce suono

Voi superbi morali, e par si bella

E' un'eccho, vn sogno, anzi del sogno vn'ombra,

Ch' ad ogni vento si dilegua, è sgombra.

I. C. Ipsissima veritas A. L. At Tullianam objectionem proponam. si nominis gloriam contemnis, cur in libris iam editis tuum nomen inscripisti? I. C. Vt sacrosancti Tridentini Con-

cilij decretis obtemperarem. ALEX. Vberrimos voluptatis fructus percepisti in Naturæ Arcanis inuestigandis. I. C. Corpus mihi est studijs exhaustum & eneruatum: neque in hac humana caligine perfectam rerum cognitionem assequi possumus. cum ipsummet Aristotelē Philosophorum Deum infinitis propemodum in locis hallucinatum fuisse aduerto, cumque me dicam facultatem præ reliquis certissimam, adhuc incertam & fallacem experior, subscribere cuperem Agrippæ libello quem de scientiarum Vanitate conscripsit. ALEX. Laborum tuorum præmium iam consecutus es; æternitati nomen iam consecrasti. Quid iucundius in extremo tuæ ætatis curriculo accipere potes, quàm hoc canticum *et superest sine te nomen in orbem tuum.* I. C. Si animus meus vna cum corpore, vt Athei fingunt, euanescit, quas ille ex fama post obitum delicias nancisci poterit? forsitan gloriolæ voculis, & fidiculis ad cadaueris domicilium pertrahetur? si animus, vt credimus libenter & speramus, interitui non est obnoxius, & ad superos euolabit, tot ibi perfruetur cupedijs, & voluptatibus, vt illustres, ac splendoras mundi pompas, & iaudationes nec pili faciat. Si ad purgatorias flammascendat, gravior ei erit illius orationis, *Dies ira, dies illa*, mulierculis gratissimæ, recitatio, quàm omnes Tulliani flosculi, dicendique lepores, quàm subtilissimæ & penè diuinæ Aristotelis ratiocinationes. si Tartareo (quod Deus auertat) perpetuo carceri emancipatur,

nullum ibi solatium , nullam redemptionem
inueniet. ALEX. ô vtinam in Adolescentiæ li-
mine has rationes excepissem. I. C. Przete-
rita mala ne cogites, futura ne cures, præsentia
fugias. ALEX. I. C. Liberaliter suspiras ALEX.
Illius versiculi recordor.

Perduto è tutto il tempo

Che in amar non si spende.

I. C. Eia quoniam inclinato iam die ad vespere-
rum perducta est disputatio (cuius singula ver-
ba diuino Romanæ Ecclesiæ oraculo, infallibili
cuius interpres à Spiritu Sancto modo con-
stitutus est Paulus V. Serenissimæ Burghesiæ
familiæ soboles, subiecta esse volumus, ita vt
pro non dictis habeantur, si quæ forsitan sunt,
quod vix crediderim quæ illius placitis ada-
missim non cõsentiant) laxemus paulisper ani-
mos, & à seueritate ad hilaritatem, risumque
traducamus. Heus pueri, lusorias tabellas huc
afferte, sed quid lætus obmurmuras? TARS. Ouid, Eleg. 3.
2. Trist.

Ouidij versus canebam.

Parua sedit ternis instructa tabella lapillis,

In qua vicisse est continuasse suos.

ALEX. ô Faustum , & Felicem hunc diem

TARS. Plaudamus igitur. ALEX. Plaudite.

FINIS.

ERRATA.

Pag. 17. vocabus leg. vocibus. p. 19. accidens l. per accidens. p. 32. affirmata l. affirmat. p. 39. lucidu. l. lucidum. dele. et. l. debet. p. 43. ignescit. l. ignescit. pe. ra l. petræum. petæ. l. petræus. p. 50. firmantur l. formantur p. 53. in victum l. inuictum pag. 56. scilicet. scilicet p. 63. ratiocinatio l. ratiocinatio. p. 89. lin. 9. internam. l. externam. p. 98. fucuis l. fucolis. p. 101. lin. antep. infat in dele. p. 105. velant l. versant. p. 108. faxis l. faxis, arenam l. alienarum. p. 109. obiectio l. obiectio. p. 112. arbitrantur l. arbitrantur p. 128. culnam. l. cumam. p. 138. molliem l. molliie. p. 139. assuecebat l. assuecebat. p. 142. si efficiatur l. suppedietur. p. 150. alia l. aliz. p. 153. series. l. serie. p. 159. solij. l. solis. p. 160. opinione l. opinionem. p. 165. nequeat. l. nequeat. p. 169. dulcorasset. l. edulcasset. p. 177. intinctum fieri. l. intingendum. p. 182. minuatur. l. minuantur. p. 187. maris generationem l. generationem p. 188. canis. l. canis. differt non l. non differt. p. 198. erytinis l. echinis. p. 204. infin. ac l. an. p. 205. imperatori. l. imperati. p. 218. aqueis l. aquis. p. 219. datur l. ad. f. p. 221. instituat. p. 222. Recte. l. ALEX Recte. p. 225. formâ. l. formâ. p. 226. in initio vt infecta l. vt de Perdicibus testatur Plin. l. x. c. 33. & infecta p. 232. erichimis l. erinaceis. p. 236. conceptus est l. conceptus tempore. p. 237. sit l. sit. p. 241. vbi l. vbi in p. 249. redundat. l. redundantis. p. 267. Nouembri l. Nouembris. p. 271. quert. l. queat. p. 272 in aere l. in aure. p. 281. subendi l. subendi. p. 169. dari l. esse. p. 317. scabendi l. scabritici. p. 330. latero l. latere. p. 333. sitatio. l. cilitatio. p. 339. l. corpus. p. 343. vies. l. vires. p. 349. quæ l. quas. p. 351. motu. l. potu. p. 356. vericolora l. vericoloria. p. 357. antechristi. l. antichristus. p. 365. eum l. cum p. 366. subtilissimè. l. æ. Deus. l. Deos. p. 367. armata. l. sed armata respondendi. l. respondendi. p. 370 non instruit l. nos instruit. p. 379. edebentur l. edebantur. p. 391. circumtinnibus. l. circumtinnibus. p. 391. philosophi l. philosophi. p. 393. facultate l. facultatem. p. 395. editum l. edit. p. 409. demones. l. demones. pag. 412. futulibus l. futulibus. p. 413. autem. l. etiam. p. 416. mox l. deinde. p. 418. ad est l. adest. p. 419. dari l. adesse. p. 420. aliquos. l. infestabat. d. p. 422. portifex. l. pontifex. p. 423. igniculis. l. igniculi. p. 454. Deiotars vt. l. vt Deiotaro. discedebamus. p. 426. in tomije. l. in tomijis. p. 427. dari. l. adesse dari. l. adesse. appellat. christianos. dele. p. 429. decinam. l. decimam. p. 431. sunjone. l. sunt ne. p. 732. dari l. adesse. p. 434. attolit. l. attollit. in qui l. Qui. p. 435. eniora l. remota. p. 451. exitat l. exlicitat. p. 457. aaliuius l. alicuius. p. 458. nantel. l. namque.